華八嚴十

唐于闐國三藏沙門實叉難陀譯

佛陀教育基金會 印贈

管 奉 必 佛 自 存 避 勸 誠 見 須 性 可 切 凶 世 親 生 佛 , 0 0 , 得 妄 感 如 出 改 經 生 恩 生 週 面 , 0 , 當 N' 毁 若 佛 死 遷 及 遠 謗 肆 之 善 闡 天 , 罪 作 苦 無 揚 , , 0 求 則 忌 難 佛 如 海 明 益 罪 憚 臨 遭 法 Ξ , 過 , 師 想 生 諸 世 , 離 彌 任 保 書 極 之 0 苦 意 天 淨 樂 因 0 , 得 手 褻 則 之 果 無 , 樂 苦 瀆 蓮 無 潔 不 也 報 邊 案 邦 識 令 0 0 及 利 本 無 人 , 0 盡 固 讀 具 趨 益 主 執 敬 者 之 0 ,

恭

錄

自

印

光大

師

文

鈔三

編

卷

四

:

靈

巖

山

寺

念

誦

儀

規

題

辭

離世間品第三十八之五

化衆生習氣見佛習氣於淸淨世界受生習氣行習氣願習氣波羅蜜習 佛子菩薩摩訶薩有十種習氣何等爲十所謂菩提心習氣善根習氣敎

唐于闐國三藏沙門實叉難陀譯

種取以此不斷諸菩薩行何等爲十所謂取一切衆生界究竟敎化故取 永離一切煩惱習氣得如來大智習氣非習氣智佛子菩薩摩訶薩有十 氣思惟平等法習氣種種境界差別習氣是爲十若諸菩薩安住此法則

波羅蜜積集菩薩諸莊嚴故取善巧方便於一切處皆示現故取菩提得 好功德故取大悲滅一切衆生苦故取大慈與一切衆生一切智樂故取 切世界究竟嚴淨故取如來修菩薩行爲供養故取善根積集諸佛相

有十種 就佛 佛法。 等爲 菩薩 安住 修出 諸菩薩安住此取則能不斷諸菩薩行得一切如來無上 知 無 十若諸 礙 職修示 一十所謂 其中則得無上修修一 法。 以無量無盡善根迴向成就佛法信解如來境界無邊際成就佛法 摩 智故略說菩薩取 切世界境界成就佛法不捨法界境界成就佛法遠離諸魔境 正念 退失佛法應當遠離何等爲十所謂輕慢善知識 訶 菩薩安住此法則得成就 薩 現修勤行匪懈修成等正覺修轉正法輪是爲十若諸菩 有十種修何等爲十所謂修諸波羅蜜修學修慧修義修法 不離善知識成就佛法深信佛語成就佛法不謗正法成就 一切諸佛境界成就佛法樂求如來十力境界成就佛法是 切法於 切法佛子菩薩摩訶薩有十種成就佛法何 如來無上大智慧佛子 切處悉以明智而現了故是爲十若 退失佛 無所取法佛 菩薩 摩 界 訶

平 嚴 經 卷五十七

佛子是為菩薩摩訶薩十種離生道出離世間不與世共而亦不雜一 般若波羅 則入菩薩離生道佛子菩薩 退失佛法執取善根退失佛法誹謗正法退失佛法斷菩薩行退失佛法 切 七離世間生而死此生彼起菩薩行是爲八不染一切世間法而不斷一 生是爲二不念一切相而不捨一切著相衆生是爲三超過三界而常 一切世界是爲四永離煩惱而與一切衆生共居是爲五得離欲法而常 世 大悲哀愍一切著欲衆生是爲六常樂寂靜而恆示現一 苦退失佛法厭修菩薩行退失佛法不樂住世間退失佛法耽著三昧 |乘道退失佛法嫌恨諸菩薩退失佛法是爲十若諸菩薩遠離此法 間所作是爲九諸佛菩提已現其前而不捨菩薩一 蜜而恆觀察一切衆生是爲一遠離諸見而度脫一切見縛衆 一摩訶薩有十種離生道何等爲十所謂出生 切願行是爲十 切眷屬是爲

(一大大九)

M

定與一 生佛 際故。 勝 道。 了 定法何等爲十所謂決定於如來種族中生決定於諸佛境界中住決定 來種性決定安住如來力決定深入佛菩提決定與一切如來同一身決 佛法 何等爲 知菩薩所作事決定安住諸波羅蜜決定得預如來衆會決定能 行是出生佛法道本所修行無失壞故如來種是出生佛法道令 出 阿 生 若諸菩薩安住此法則得菩薩決定法佛子菩薩摩訶薩有 法道增長大悲故無量 佛 道· 僧祇世界皆示現是出生佛法道成熟衆生故不斷菩薩行是出 切 法道· 知佛自在故發大誓願是出生佛法道其心寬廣故 一分謂隨順善友是出生佛法道同種善根故深心信解是 如來所住無有二是爲十佛子菩薩摩訶薩有十種出生佛 知業不失故一 心是出生佛法道一念徧一 切劫修行 無厭足是出生佛法道盡未來 切虚空 忍自善根 字 故 殊 十種 顯 切 出

淨信堅固不動起大精進所作究竟一

所謂 菩提 便故三道是菩薩道行空無相無願不著三界故四行是菩薩道懺除罪 諸菩薩得此名號則成就菩薩道佛子菩薩摩訶薩有十種道何等爲 故名爲無等薩埵世間無比故名爲不思議薩埵一念成佛故是爲十岩。 薩 第 衆 障隨喜福德恭敬尊重勸請 睡起上 丈夫名號佛子菩薩摩訶薩有十種大丈夫名號何等爲十所謂名爲 法故名爲勝薩埵覺悟勝法故名爲最勝薩埵智慧最勝故名爲 |樂發菩提心以一切善法資持故是爲十若諸菩薩安住此法則得 薩 埵菩提智所生故名為摩 道是菩薩道不捨獨一 一精進故名爲無上薩埵開示無上法故名爲力薩 如來善巧迴向無休息故五根是菩薩道安 菩提心故二道是菩薩道 ·訶薩埵安住大乘故名爲第 出生智慧 连 睡 廣知· 薤 及方 埵 證

(一大七一)

向正念無異攀緣巧知三昧

息於 生隨 所有衆 提八 念戒不捨菩提··以一切善根迴向衆生故念天常憶念兜率陀天宮 承 量 現證實際起菩薩行不斷絕故七念是菩薩道所謂念佛於一毛孔見無 數增長善根故神足通隨所應化一切衆生種種爲現令樂法故漏盡智 出 生補處菩薩故念衆生智慧方便敎化調伏普及一 佛開! 妙法隨諸衆生根性欲樂而爲演說令悟入故念僧恆相續見無有休 方便善能分別智慧境界故六通是菩薩道所謂天眼悉見一 。聖道是菩薩道所謂行正見道遠離 根 色知 切世間見菩薩故念捨了知一 悟 演暢故他心智能 切衆生心故念法不離 諸衆生死此生彼故天耳悉聞諸佛說法受持憶念廣爲衆 知他心自在無礙故宿命念憶知過去 切菩薩捨行增長廣大布施心故 如來衆會於一 切諸邪見故起正思惟捨妄 切無間斷故隨順菩 切如來衆會中親 切世 切劫

衆生 **薩行故學佛十力是菩薩道所謂善知是處非處智善知一切衆生去來** 分别· 現在業報因果智善知一切衆生上中下根不同隨宜說法智善知一切 此 離 議解脫門於一三昧中出生一切諸三昧故入九次第定是菩薩道所謂 過失皆永離故起正精進勤修一切菩薩苦行入佛十力無罣礙故心常 衆生令調伏故安住正命頭陀知足威儀審正隨順菩提行四聖種· 正念悉能憶持一切言音除滅世間散動心故心常正定善入菩薩不思 |拾離喜愛而見一切佛心大歡喜離世間樂能隨順出世菩薩道樂從 不動入無色定而亦不捨欲色受生雖住滅一 欲恚害而以一切語業說法無礙滅除覺觀而以一切智覺觀敎化衆 一種種無量性智善知 心常隨順一 切智故常行正語離語四過順聖言故恆修正業敎化 切衆生輭中上解差別令入法方便智徧 切想受定而亦不息菩 切

大七三

十種 量故菩薩道亦無量 如 摩 世 薩 劫數不可盡故菩薩道亦無量一切衆生語言法無量故菩薩道亦無量 薩道亦無量衆生界無盡故菩薩道亦無量世界無際故菩薩道亦無量 行是爲十岩諸菩薩安住此法則得一 切 行智善知一切諸禪解脫及諸三昧若垢若淨時與非時方便出生諸菩 來身無量故菩薩道亦無量佛音聲 訶薩有 解 世 一切劫數智善知一切衆生樂欲諸使惑習滅盡智而不捨離諸菩薩 [無量道] 脫門智知一 間 切刹· 無量道無量助道無量修道無量莊嚴道佛子菩薩摩訶薩 何等爲十所謂虛空無量故菩薩道亦無量法界無邊故菩 切三世一 切衆生於諸趣中死此生彼差別智於一念中悉知三 切智智無量故菩薩道亦無量是爲十佛子菩薩 切劫普現如來形相威儀而亦不捨菩薩 切如來無上巧方便道佛子菩薩 無量故菩薩道 亦無量。 如來力

藝 了有十種無量助道所謂如虛空界無量菩薩集助道亦無量如法

亦無量。 佛音聲 不能 界無 菩薩積集助道亦如是無有量是爲十若諸菩薩安住此法則 如 無 來身無量菩薩集助道編一切衆生一 際菩薩集助道亦無際如劫數說 盡。 邊菩薩集助道亦無邊如衆生界無盡菩薩集助道亦無盡如世界 |如佛力無量菩薩承如來力積集助道亦無量如一 無量菩薩出一言音周徧法界一 如衆生語言法無量菩薩集助道出生智慧知語言法 不可盡菩薩集助道亦一 切利· 切衆生無不聞知故所集助 切世一切劫亦無量。 切智智無量 切世 亦無 得 如 來 間 如 如

身語意業無動作故不增不減修如本性故非有非無修無自性故 量 如夢如影 一智慧佛子菩薩摩 如響 如 鏡 訶薩有十種無量修道何等爲十所謂不來不去修 中像如熱時燄如水中月修離 切執著 故空無路 如

(一大七五)

等為 解 取 無所畏 未曾於一 爲第二莊嚴道雖有人天眷屬圍繞百千婇女歌舞侍從未曾暫捨禪 亦不因此而受彼生是爲第一莊嚴道智慧現前入聲聞道不以此道 此 入眞如實際虛空際故廣大智慧修諸有所作力無盡故住如來十力四 離施設安立法故不壞法界修智慧現知一切法故不壞眞如實際修普 無願無作修明見二界而集福德不休息故不可說無言說離言說修遠 出 法則得如來一切智無上善巧修佛子菩薩摩訶薩有十種莊嚴道何 .離是爲第二莊嚴道智慧現前入辟支佛道而起大悲無有休息是 及諸三昧是爲第四莊嚴道。 十佛子菩薩摩訶薩不離欲界入色界無色界禪定解脫及諸三昧 念間捨離菩薩平等三昧是爲第五莊嚴道已到 切智智平等修現見一切法無疑惑故是爲十若諸菩薩安住 與一 切衆生受諸欲樂共相娛樂乃至 切世間彼

菩薩道隨其所應皆爲示現是爲第九莊嚴道善根具足諸行究竟一

佛法爲一 照見一 生彼 岸於諸世法悉無所著而亦不捨度衆生行是爲第六莊嚴道安住正道 是爲第七莊嚴道常善護持如來淨戒身語意業無諸過失爲欲敎化犯 正智正見而能示入一切邪道不取爲實不執爲淨令彼衆生遠離邪法 衆生作無上師而示行尊敬闍黎和尙何以故菩薩摩訶薩善巧方便住 明淨密法安住一 切地獄畜生餓鬼及諸險難貧窮等處令彼衆生皆得解脫而實菩薩不 戒衆生示行一切凡愚之行雖已具足清淨漏德住菩薩趣而示生於 趣是爲第八莊嚴道不由他教得無礙辯智慧光明普能照了一切 切諸衆生界能爲衆生作知法師而示求正法未曾休息雖實與 切如來神力所持與一切諸佛同一法身成就一 切平等諸乘諸佛境界皆現其前具足一 切世智光明 切堅固大人

切

通足 浆 所 來 佛同 菩薩 智門修菩薩行無休息故是爲第十莊嚴道若諸菩薩安住此法則得如 用不止菩薩住持力何以故菩薩欲疾證阿耨多羅三藐三菩提觀 菩薩儀不斷菩薩取不息菩薩巧方便不絕菩薩所作事不厭菩薩 世界普現如來無礙之身於法自在最上究竟轉於無礙淸淨法輪一 如 謂 無上大莊嚴道亦不捨菩薩道佛子菩薩摩訶薩有十種足何等爲 來所共灌頂到 切殊勝法故堅誓足一切所作咸究竟故隨順足不違一 隨 持戒足殊勝大願悉成滿故精進足集一切菩提分法不退轉故神 自 衆 境界而不廢菩薩行不捨菩薩法不懈菩薩業不離菩薩道不弛 在之法皆已成就而爲衆生故於一切國土示現受生與三世諸 生欲令歡喜故神力足不離一 一切法自在彼岸無礙法繪以冠其首其身偏至 佛刹往一切佛刹故深心足願 切尊者教 生成 切 切 切

平 嚴 經 卷五十七

勝足若一 以開 行足· 幻 世 煩 出 **德無疲厭故多聞善巧手悉斷** 所 十所謂深信手於佛所說 偽腹性質直故不虚假腹無險詖故無欺奪腹於 界佛子菩薩摩訶薩有十種腹何等爲十所謂離諂曲腹心淸淨故離 惱闇故是爲十若諸菩薩安住此法則得如來無上手普覆十方一 欲皆令充滿故先意問訊手舒展右掌相迎引故供養諸佛手集衆福 欲泥故置於彼岸手四暴流中救溺衆生故不恪正法手所有妙法 樂法足聞持 示故善用衆論手以智慧藥滅身心病故恆持智寶 切諸惡悉遠離故是爲十若諸菩薩安住此法則得如來無上 舉步悉能偏至 切佛所說法不疲懈故法雨足爲衆演說無怯弱故 向忍可究竟受持故布施手有來求者隨其 切世界佛子菩薩摩訶薩有十種手何等為 切衆生疑故令超三 切 |界手授與衆生拔 物無所貪故。 手開法光明破 切 悉 最

M

相續 師 故滿佛十力不可壞因是菩薩藏具降伏魔軍無對善根故最勝無畏大 腹· 慧廣大光明故住持僧種是菩薩藏令其得入不退法輪故覺悟正定衆 廣 生是菩薩藏善隨其時不踰一念故究竟成熟不定衆生是菩薩藏令因 作腹覺悟緣起故覺悟一切出離道腹善成熟深心故遠離一切邊見垢 不斷佛種是菩薩藏開示佛法無量威德故增長法種是菩薩藏出生智 煩惱腹具智慧故淸淨心腹離諸惡故觀察飲食腹念如實法故觀察無 大腹悉能容受一切衆生佛子菩薩摩訶薩有十種藏何等爲十所謂 吼是菩薩藏令一 無有間斷故爲邪定衆生發起大悲是菩薩藏令未來因悉得成就 切衆生得入佛腹故是爲十若諸菩薩安住此法則得如 切處故普了知一切衆生一切刹一切法一切佛是菩薩藏於 切衆生皆歡喜故得佛十八不共法是菩薩藏智 來無上

被大悲 子菩薩 動 知諸 作 知 如 壞大智慧藏佛子菩薩摩訶薩有十種心何等爲十所謂精勤心一 切 取著故卍字相金剛堅固勝藏莊嚴心一切衆生數等魔來乃至不能 心不動無所著故知衆生心隨其解欲令出離故令入佛法大梵住心 悉究竟故不懈心積集相好福德行故大勇健心摧破 理行心除滅 念中悉明見故是爲十若諸菩薩安住此法則得如來無上善根不 佛莊 毛故是爲十若諸菩薩安住此法則得如來無上大智光明藏心佛 衆 甲堪忍 摩 生種種解欲不以別乘而救護故空無相無願無作心見三界相 嚴故被福德甲饒益 訶薩有十種被甲何等爲十所謂被大慈甲救護 切諸苦故被大願甲一切所作究竟故被迴 切諸煩惱故不退轉心乃至菩提終不息故性淸淨心 切諸衆生故被波羅蜜 甲度脫 切諸魔軍故。 切衆 向 钾。 切所 切 建立 生故。 미

(一大人一)

一大二大人ご

夜所集煩惱結使佛子菩薩摩訶薩有十種首何等爲十所謂涅槃首無 切 被 軍佛子菩薩摩訶薩有十種器仗何等爲十所謂布施是菩薩器仗摧破 惑故是爲十若諸菩薩安住此法則被如來無上甲胄悉能摧伏 含識故被智慧甲 切邪命故善巧方便是菩薩器仗於一切處示現故略說貪瞋癡等 切分別故智慧是菩薩器仗消滅一 不捨菩薩 化衆生故說如實法是菩薩器仗能破一 煩惱是菩薩器仗以煩惱門度衆生故生死是菩薩器仗不斷菩薩行 切慳恪故持戒是菩薩器仗棄捨 切智心堅固不散鼠甲不樂餘乘故被一 行門故是爲十若諸菩薩安住此法則能除滅 滅 切衆生煩惱闇故被善巧方便甲生 切煩惱故正命是菩薩器仗遠離 切毀犯故平等是菩薩器仗斷除 切執著故一 心決定甲於一切法離 切智是菩薩 一普門善根故。 切衆 生長 切魔

華 嚴 經 卷五十七

ーせ

(一大八三

諸菩薩安住此法則得如來無上大智慧眼佛子菩薩摩訶薩有十種耳 實 何等爲十所謂聞讚歎聲斷除貪愛聞毀些聲斷除瞋恚聞說一乘不著 死眼見涅槃故無礙眼所見無障故一 如 護諸佛法眼首能令三寳種不斷絕故是爲十岩諸菩薩安住此法則得 第一 相應首普現一 賤他首於一切處常尊勝故般若波羅蜜首長養 能 來無 相 眼見一切衆生心故慧眼見一 見頂故尊敬首一 故佛眼見如來十力故智眼知見諸法故光明眼見佛光明故。 善根首二界衆生咸供養故荷戴衆生首成就頂上肉髻相故不 上大智慧首佛子菩薩摩訶薩有十種眼所謂肉眼見一 切同類身故敎化一切衆生首以一 一切人天所敬禮故廣大勝解首三千界中最爲勝故。 切衆生諸根境界故法眼見一切法 切智眼見普門法界故是爲十若 一切衆生爲弟子故守 切功德法故方便智 切色故。 出 如

衆生之香皆知彼過去所行之行若聞諸聲聞布施持戒多聞慧香住 切智心不令散動若聞 諸伏藏草木等香皆如對目前分明辨了若聞下至阿鼻地獄上至有頂 衆 爲臭聞諸香氣不以爲香香臭俱聞其心平等非香非臭安住於捨若聞 未曾暫息而恆不捨化衆生事是爲十若諸菩薩成就此法則得如來無 圓 知 生 一大智慧耳佛子菩薩摩訶薩有十種鼻何等爲十所謂聞諸臭物不 如響入不可說甚深妙義菩薩摩訶薩從初發心乃至道場常聞正法 滿聞說六度四攝等法發心修行願到彼岸聞十方世界一切音聲悉 天勝妙之事知彼皆是無常之法聞有讚歎諸佛功德勤加精進令速 求聞菩薩道歡喜踊躍聞地獄等諸苦難處起大悲心發弘誓願聞 衣服 臥具及其支體所有香臭則能知彼貪恚愚癡等分之行若聞 切菩薩行香以平等慧入如來地聞 切佛智

以無功用示現一

切衆生身故是爲十岩諸菩薩成就此法則得如

如來身智水灌頂故意生身善巧出生故無漏

法身·

薩

現學

身合成就大乘故

無邊淸淨鼻佛子菩薩摩訶薩有十種舌何等爲十所謂開示演說 境界香亦不廢捨諸菩薩行是爲十若諸菩薩成就此法則得如來無 生行舌開示演說無盡法門舌讚歎諸佛無盡功德舌演暢詞辯無盡 無盡

子菩薩摩 身 舌是爲十若諸菩薩成就此法則得如來偏覆 舌開闡大乘助道舌偏覆十方虛空舌普照一 爲教 悉令諸佛歡喜舌降伏一 地故無學身示現阿羅漢地故獨覺身教化令入辟支佛地故菩 化 地獄畜: 訶薩有十種身何等爲十所謂人身爲敎化一 生餓鬼故天身爲教化欲 切諸魔外道除滅 界色界無色界衆生 切佛刹舌普使衆生悟解 切諸佛國土無 切生死煩惱令 切諸人故非 立故學身· 至涅槃 上舌佛

(一大入五)

智慧故一 菩薩安住此法則得如來無來無去行佛子菩薩摩訶薩有十種住何等 槃行不斷 生 界行教化欲界衆生故色無色界三昧行令速轉還故趣向法義行速得 法行愛樂於法故說法行利益衆生故離貪恚癡怖畏行調伏自心故欲 此 令馳散故善入三昧意深入佛三昧無**我我所故是爲**十若諸菩薩安住 意· 生 根 上之身佛子菩薩摩訶薩有十種意何等爲十所謂上首意發起一切善 法。 無有一念失時故善擇所作意未曾一處生過故密護諸根意調伏 心樂故無亂意一切煩惱不雜故明淨意客塵不能染著故善觀衆生 故安住意深信堅固不動故深入意隨順佛法而解故內了意知諸衆 則得 切生處行自在 切佛無上意佛子菩薩摩訶薩有十種行何等爲十所謂聞 死相續故成滿一切佛法行不捨菩薩法行故是爲十若諸 教化衆生故一 切佛刹行禮拜供養諸佛故涅

種

臥。

十岩諸菩薩安住此法則得

如

來無上正

一覺坐佛子菩薩摩

訶

薩

有

故。 十所謂菩提心住曾不忘失故波羅蜜住不厭助道故說法住增長 阿蘭若住證大禪定故隨順一 切智頭陀知足四聖種住少欲少事 智

所謂 薩 故。 故。 安住 得忍住滿足授記故道場住具足力無畏 深信住荷負正法故 轉輪 此法則得 王坐與十善道故四 切智 親近 無上住佛子菩薩摩 如來住學佛威儀故出生神通住· 天王 一坐於 切世間自在安立 一切佛法故是爲十若諸 訶薩有十種坐何等爲 佛法故 圓滿 帝

釋坐與 故。 正 · 歡喜故大悲坐忍一 法 坐 以總持辯才力而開示故堅固 切衆生爲勝主故梵天坐於自他心得自在故師子坐能說法 切苦不疲厭故金剛坐降伏衆魔及外道故是 坐誓願究竟故大慈坐令 惡

何等爲十所謂 寂靜臥身 心憺怕故禪定臥如理修行故 三昧 臥身

功用趴· 行 以 大喜為所住處離一切憂惱故以大捨為所住處於有為無爲平等故以 大慈爲所住處於一 悉能開悟 正 心 薩安住 處何等爲十所謂以正念爲所行處滿足念處故以諸趣爲所行處。 住處忍法成滿故以一切法平等爲所住處得授記莂故是爲十若 切波羅蜜爲所住處菩提心爲首故以一切空爲所住處善巧觀察故 l道臥善友開覺故妙願臥善巧迴向故一切事畢臥所作成辦故捨諸 無 相 輕故梵天臥不惱自他故善業臥於後不悔故正信臥不可傾 為所住處不出正位故以無願為所住處觀察受生故以念 此 切慣習故是爲十若諸菩薩安住此法則得如來無上大法 一切衆生佛子菩薩摩訶薩有十種所住處何等爲十所謂 法則得如來無 切衆生心平等故以大悲爲所住處不輕未學故以 上無礙所住處佛子菩薩摩訶薩有 十種 慧為 動故。

(一大人九)

如 謂 得 無 場 與 智智故以四攝爲所行處敎化衆生故以生死爲所行處積集善根故以 覺 切十方施作佛事 理 爲所行處成一 切 根 如 知諸業觀察微細悉見故知諸 法 一乘地故灌西 切衆 故。 說 來 衆 趣 法故無生 知諸 生諸 無上大智慧所行處佛子菩薩摩 故以智慧爲所行處得佛歡喜故以波羅蜜爲所行處滿 、生雜談戲爲所行處隨應敎化令永離故以神通爲所行處· 法觀察不壞法界故見佛法觀察勤修佛眼故得智慧觀察· 根境界故以善巧方便爲所行處般若波羅蜜相應故。 頂 一忍觀察決了佛法故不退地觀察滅一 地觀察於 切智而不斷菩薩行故是爲十若諸菩薩安住此法 故是爲十若諸菩薩安住此法則得如來 切佛法自在不動故善覺智 趣觀察不取衆生故知諸根觀察了達 ,訶薩有十種觀察何等爲十 切煩惱超出 三昧觀察於 無 足 則 知 切

四

故普觀 何等為· 安住此法則得如來無上大智慧普觀察佛子菩薩摩訶薩有十種奮迅 震如實義雷降諸根力覺分禪定解脫三昧甘露雨故大金翅鳥王奮迅 切惡慧衆生令除疑惑破有見故普觀一切平等善友順其教命住佛法 負大乘擔故普觀一切亂心衆生令住如來一切智地無散動故普觀 切 者以無違心滿其意故普觀一切犯戒衆生安置如來淨戒中故普觀 察智佛子菩薩摩 迅 害 大悲力故普觀一切諸佛之法速得成就一 心善調柔荷負一切諸衆生故龍王奮迅興大法密雲耀解脫電光 心衆生安置如來忍力中故普觀一切懈怠衆生勸令精勤不捨 十所謂牛王奮迅暎蔽一切天龍夜义乾闥婆等諸大衆故象王 切所聞之法疾得證見最上義故普觀一 訶薩有十種普觀察何等爲十所謂普觀 切智故是爲十若諸菩薩 切無邊衆生常不捨 切諸來求

華 嚴 經 卷五十七

開示 大師子吼我當令佛法僧種無有斷絕是報如來恩大師子吼我當嚴淨 令一切衆生未度者度未脫者脫未安者安未涅槃者令得涅槃是大悲 住此法則得諸佛於一切法無上自在奮迅佛子菩薩摩訶薩有十種師 悟坐師子座降魔寃敵成阿耨多羅三藐三菩提故是爲十若諸菩薩安 道之法皆悉成滿以一念相應慧所應得者一 才奮迅無礙迅疾分別一切咸令受益心歡喜故如來奮迅一切智智助 子吼何等爲十所謂唱言我當必定成正等覺是菩提心大師子吼我當 奮迅安住無畏平等大智以爲器仗摧伏衆魔及外道故勇健奮迅能於 竭貪愛水破愚癡觳搏樶煩惱諸惡毒龍令出生死大苦海故大師子王 |死大戰陣中摧滅一切煩惱寃故大智奮迅知蘊界處及諸緣起自在 切法故陀羅尼奮迅以念慧力持法不忘隨衆生根爲宣說故辯 切皆得所應悟者一切皆

(一大九一)

勝第 切 淨 子 師 衆 吼。 切 戒 切 我· 子吼我當成滿 佛刹。 最後 無衆 衆 請唯願菩薩以無生法 大師子吼我當滿足一切諸佛身語及意相好莊嚴是求 我當 無 魔 生菩薩 如我者卽於王宮示現誕生自行七步大師子吼我於 、 生無壽命無補伽羅空無相無願淨如虛空是無生法忍大師 是究竟堅誓大師子吼我當除滅 及諸魔業是修正行斷諸煩惱大師子吼我當了知 如來無上大師子吼 永 盡 生死邊際是如說而作大師子吼是爲十若諸菩薩安 震動 一切諸佛所有智慧是求智 切諸佛國 而現受生菩薩 土 |悉令嚴淨是時 則以無礙慧眼普觀世 切惡道 無厭大師子吼我當 及諸難處是自持 切釋 梵四 福 世間 無厭大 切諸 間 除 最 咸 滅

大方廣

佛

華嚴經

卷第五

此

法

則得

南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

沒瓦山矴鉢囉帝烏怛摩怛摩怛塔葛塔喃末瓦吽婺莎訶

普光三會萬行圓修普賢瓶瀉二千酬苦海泛慈舟一句全收法義

齊

周 前 對

阿〇 **侠鞍翁烏爊哀醫因安音諳謳阿唱阿字時普願法界衆生入般若**

波羅蜜門

多○當登東都刀鑒低顚單○耽兜多唱多字時普願法界衆生入般若

波羅蜜門

波○幫崩○逋褒碩卑賓般○○○波唱波字時普願法界衆生入般者

波羅蜜門生九有同前

音釋

校異同

第二十二頁第五行藏本未學

實作 故竟 也音 也 弛 交行 名斷 動糞 胄 也音 諦起 智伏 也舒 也音 解始 故勝 氣煩 穀 介宙 也釋 日行 惱 驗音 胄兜 在中 離 也却 也鏊 也音 嚴以 生 鳥 荷 告信 道 搏 荷音 也問 道權 轉 澀離 聲音 也賀 暴 還 故有 也博 負 去音 遠轉 謂行 手 憺 聲厄 無有 彼得 撮 靜音 溺 漏漏 清無 手倉 也淡 沒寧 放定 淨生 取括 恬 也入 對敵 也切 怕 治顯 菩 怕音 險 因行 提 也薄 也音 故純 心 憺 難顯 習 名熟 莂 也高 氣 爲離 新音 詖 道生 熏疏 也別 詖音 成云 記 也閉 莊 嚴氣於擔 譣 道 分諸 也音 奪 中表 方行 荷担 聲音 樂七 能積 也負 强團 無地 究智 取入

唐于闐國三藏沙門實叉難陀譯

離世間品第三十八之六

處淸淨戒於一切人天中作尊主故守護菩提心淸淨戒不樂小乘故守 廣大施佛子菩薩摩訶薩有十種清淨戒何等爲十所謂身淸淨戒護身 物正念觀察如虛空故是爲十若諸菩薩安住此法則得如來無上淸淨 果報故開捨施心不戀著故一切施究竟淸淨故迴向菩提施遠離有爲 意施滿其所願故不亂施令得利益故隨宜施知上中下故不住施不求 無爲故敎化衆生施乃至道場不捨故三輪清淨施於施者受者及以施 佛子菩薩摩訶薩有十種淸淨施何等爲十所謂平等施不揀衆生故隨 三惡故語清淨戒離語四過故心清淨戒永離貪瞋邪見故不破一切學

故。 薩摩訶薩有十種淸淨精進何等爲十所謂身淸淨精進承事供養諸佛 觀察 **蚁清淨忍捨自身命故遠離我慢清淨忍不輕未學故殘毀不瞋淸淨忍** 等爲十所謂安受呰辱淸淨忍護諸衆生故安受刀杖淸淨忍善護自他 是爲十若諸菩薩安住其中則得一切諸佛不由他悟無上法忍佛子菩 故隨順菩薩眞實智知一切法無生淸淨忍不由他敎入一 於 戒 護 此法則得如來無上無過失清淨戒佛子菩薩摩訶薩有十種淸淨忍何 不生患害清淨忍其心不動故不責卑賤清淨忍爲上能寬故有歸 戒無著故守護一切衆生清淨戒發起大悲故是爲十若諸菩薩 衆生故不作一切惡淸淨戒誓修一 如來所制清淨戒乃至微細罪生大怖畏故隱密護持清淨戒善拔犯 如 幻故有犯無報淸淨忍不見自他故不隨煩惱淸淨忍離諸境界 切善法故遠離一 切有見淸淨戒 切智境界故 安住 咸

家成道說法滅度具足如是普賢事故是爲十若諸菩薩安住此法則得 淨精進有所施爲悉善觀察咸使究竟不令後悔得一切佛不共法故無 精進悉能除滅貪欲瞋恚愚癡邪見一切煩惱諸纏蓋故成滿智慧光淸 如來無上大淸淨精進佛子菩薩摩訶薩有十種淸淨禪何等爲十所謂 所著故成就法光清淨精進超過諸地得佛灌頂以無漏身而示歿生出 來無去清淨精進得如實智入法界門身語及心皆悉平等了相非 進攝取布施戒忍多聞及不放逸乃至菩提無中息故摧伏一切魔清淨 勝 無休息故正直心淸淨精進無誑無諂無曲無偽一切勤修無退轉故增 佛功德無疲倦故意淸淨精進善能入出慈悲喜捨禪定解脫及諸二昧 菩薩及諸師長尊重福田不退轉故語淸淨精進隨所聞法廣爲他說讚 心清淨精進志常趣求上上智慧願具一切白淨法故不唐捐清淨精 相無

(一大九七)

M

能 廣 我 切見淸淨慧於衆 切 故。 訶 /綠清 大辯才 起通 覺道 樂出家 知 薩有十種淸淨慧何等爲十所謂知一 故。 柔清淨禪守護諸根 忍風雨 是爲 凊 淨 淨慧深入一 方便清淨禪觀察 明 慧不違和。 清淨慧。 十岩諸 清淨禪: 清 等清淨禪離 淨禪知一切衆 菩薩安住其中則得 分別諸法問答無礙故 生相無取捨故觀 捨 切如如 合故知不斷 故心智寂滅清 我我所故離憒鬧衆生清淨禪常樂寂靜故心業 切所有故得眞善友淸淨禪示教 來智故見 生根 切皆現證故離於味著淸淨禪不捨欲界故 性故自在游 不常清淨慧了達緣起皆如實故 切佛微 淨禪· 切衆生心行淸淨慧了知 如來無上大淸淨禪佛 切因清淨慧不壞果報 切諸魔外道聲聞 遊戲清 妙法身見一 切音聲諸禪定 淨禪入佛三昧 江道故 切衆 獨 刺不能 覺 苦薩 生 如 故。 住 本 拔 所 幻 知 知 30

清淨見一 切總持辯才方便波羅蜜淸淨慧令得一切最勝智故一念相應金 切法皆悉寂滅見一 切刹同於虛空淸淨慧知一 切相皆無礙

實法故無緣淸淨慈入於菩薩離生性故是爲十若諸菩薩安住此法則 清淨慈普使衆生發求一切智心故世間無礙淸淨慈放大光明平等普 歡喜故攝物同己清淨慈究竟皆令出生死故不捨世間清淨慈心常緣 十所謂等心淸淨慈普攝衆生無所揀擇故饒益淸淨慈隨有所作皆令 照故充满虚空清淨慈救護衆生無處不至故法緣清淨慈證於如 其中則得如來無障礙大智慧佛子菩薩摩訶薩有十種淸淨慈何等爲 剛智了一切法平等淸淨慧得一切法最尊智故是爲十若諸菩薩安住 念集善根故能至解脫淸淨慈普使衆生除滅一 如 來無上廣大淸淨慈佛子菩薩摩訶薩有十種淸淨悲何等爲十所 切諸煩惱故出生菩提 如眞

(一大九九)

於諸衆 淸 定衆生清淨悲歷劫不捨弘誓故不著已樂淸淨悲普與衆生快樂故 勞故難處受生淸淨悲爲度衆生故善趣受生淸淨悲示現無常故爲邪 謂 知 知 求恩報清淨悲修潔其心故能除顚倒清淨悲說如實法故菩薩 悉捨所有淸淨喜不嫌棄破戒衆生而敎化成就淸淨喜能忍受造惡 淨 爲 無儔伴清淨悲獨發其心故無疲厭淸淨悲代一 一切法本性清淨無染著無熱惱以客塵煩惱故而受衆苦如是知 悲佛子 誓 其開 切 願救度淸淨喜捨身求法不生悔心淸淨喜自捨欲樂常樂法 法如空中鳥跡衆生癡翳不能照了觀察於彼起大悲心名眞實 生而起大悲名本性清淨爲說無垢清淨光明法故菩薩摩訶 示 菩薩 涅槃法故是爲十若諸菩薩安住此法則得如來無上廣 摩訶薩有十種淸淨喜何等爲十所謂發菩提 切衆生受苦不以爲 心清淨 摩 訶

成熟發生念慧而未能知最上之法待時方化淸淨捨或有衆生菩薩往 聞獨覺語略說乃至一切障菩薩道語皆悉遠離淸淨捨或有衆生根 死清淨捨遠離一切世間語非涅槃語非離欲語不順理語惱亂他語聲 無學 清淨捨於法器衆生待時而化於無法器亦不生嫌清淨捨不求二乘學 捨。 喜是爲十若諸菩薩安住此法則得如來無上廣大淸淨喜佛子菩薩摩 淨喜心樂具行順菩薩道一切苦行證得牟尼寂靜不動無上定慧淸淨 訶薩有十種淸淨捨何等爲十所謂一切衆生恭敬供養不生愛著淸淨 有厭足法界平等清淨喜令一切衆生愛樂禪定解脫三昧遊戲入出清 清淨喜令一切衆生捨資生樂常樂法樂淸淨喜見一切佛恭敬供養無 一切衆 法清 淨捨心常遠離一 生輕慢毀辱不生瞋恚淸淨捨常行世間不爲世間八法所染 切欲樂順煩惱法淸淨捨不歎二乘厭離

t

こせのこ

來順 苔藓 斷故無分別法攀緣分別永息故無生法猶如虛空不動故無爲法離 有 行故是爲十岩諸菩薩安住此法則得一切智無上義佛子菩薩摩 言故如實義了達三世平等故法界義 擇故空義第一義空故寂靜義離諸衆生諠憒故不可說義不著 昔已曾敎化至於佛地方可調伏彼亦待時清淨捨菩薩摩訶薩於彼二 忍清淨捨是爲十岩諸菩薩安住其中則得如來無上廣大淸淨捨佛日 人無高無下無取無捨遠離一切種種分別恆住正定入如實法心得 十種 諍法無有一切惑諍故寂滅法滅除一 摩 入故實際義了知究竟如實故大般涅槃義滅一切苦而修菩薩諸 法何等爲十所謂眞實法如說修行故離取法能取所取悉離故 訶薩有十種義何等爲十所謂多聞義堅固修行故法義善巧 一切諸法一味故眞如義 切熱惱故離欲法一切貪欲皆 切如 訶 切

斷 佛子菩薩摩訶薩有十種福德助道具何等爲十所謂勸衆生起菩提心 菩薩行修習不斷故是爲十若諸菩薩安住其中則得如來無上廣大法 是菩薩福德助道具不斷三寶種故隨順十種迴向是菩薩福德助道具 不善衆生皆生大悲不懷輕賤是菩薩福德助道具常起大人弘誓心故 無上菩提心無所輕是菩薩福德助道具善巧方便相應故於邪定下劣 退是菩薩福德助道具開門大施無所限故上中下三品善根悉以迴向· 福德故心無疲倦是菩薩福德助道具究竟度脫一切衆生故悉捨內外 住滅諸相故本性法自性無染清淨故捨一切烏波提涅槃法能生一 切所有是菩薩福德助道具於一切物無所著故爲滿足相好精進不 切不善法集一切善法故智慧誘誨是菩薩福德助道具超過三界 切如來於一切菩薩起如來想令一切衆生皆生歡喜是菩 切

(1 to =)

0

慧隨覺未曾散亂慚愧柔和心安不動常憶六念常行六敬常隨順住六 其 厭足捨離世論及世言說專心聽受出世間語遠離小乘入大乘慧是爲 堅固法是爲三與十種智爲方便故樂法樂義以法爲樂常樂聽聞無有 身語意業無有蟲獷柔和善順不僞不曲是爲二其身堪作佛法器故念 拜種種隨順不違其教是爲一一切正直無虛矯故永離憍慢常行謙敬。 自 十種智慧助道具何等爲十所謂親近多聞眞善知識恭敬供養尊 薩福德助道具守本志願極堅牢故菩薩摩訶薩於阿僧祇劫積集善根 諸 心廣大等虛空界此是菩薩福德助道具起大智慧證大法故是爲十 欲取證無上菩提如在掌中然悉捨與一切衆生心無憂惱亦無悔恨。 心憶念無散動故六波羅蜜心專荷負四種梵住行已成熟隨順明 菩薩安住其中則具足如來無上廣大福德聚佛子菩薩摩訶薩 重禮

華 嚴 經 考五十八

二七〇五

令自他 解故菩薩摩訶薩善調諸根如理修行恆住止觀心意寂靜一 生 悉不生無我無人無作無行無計我想無計我業無有瘡疣無有 無壽者無補伽羅無心無境無貪瞋癡無身無物無主 幻如燄如水中月如夢如影如響如像如空中畫如旋火輪如虹輗色如 日月光無相無形非常非斷不來不去亦無所住如是觀察 察調伏己情守護他意是爲五堅固修行眞實行故常樂出離不著三有 恆覺自心曾無惡念三覺已絕三業皆善決定了知心之自性 悉善修行聰敏智人皆勤請問遠離惡趣歸向善道心常愛樂正念觀 切皆無所有悉歸寂滅聞已深信不疑不謗是爲八以能成就 滅是爲七知一切法性空寂故菩薩摩訶薩聞一切法無我無衆生 心清淨故觀察五蘊皆如幻事界如毒蛇處如空聚一切諸法 無待無著無行 知 切動念皆 是爲六能 瘢 切法 痕。 圓 如 如

成就 盡 明足何等爲十所謂善分別諸法明足不取著諸法明足離顚倒見明足 見虛空淸淨故見法界淸淨見法界淸淨故見智慧淸淨是爲十修行積 起法故見法淸淨見法淸淨故見國土淸淨見國土淸淨故見虛空淸淨 無於此所得之忍身語意業無來無去無有精進亦無勇猛觀一切衆 慧光照諸根明足巧發起正精進明足能深入眞諦智明足滅煩惱業 則得 一去常以智慧如是思惟是爲九到分別相彼岸處故菩薩摩訶薩見緣 切諸法心皆平等而無所住非此岸非彼岸此彼性離無所從來無所 盡智無生智明足天眼智普觀察明足宿住念知前際淸淨明足漏 切智故佛子是爲菩薩摩訶薩十種智慧助道具若諸菩薩安住此 智斷衆生諸漏明足是爲十若諸菩薩安住此法則得如來於一 如來一切法無障礙淸淨微妙智慧聚佛子菩薩摩訶薩有十種

神通

華 嚴 經 卷五十入

(一七0七)

切衆 求法無有諂誑故精進求法遠離懈慢故一向求法不惜身命故爲除 來是斯陀含人明了法不樂三界求盡有漏於受生法乃至一 法除滅衆結斷生死漏見眞實諦是須陀洹人明了法觀味是患知 慧佛子菩薩摩訶薩有十種明了法何等為十所謂隨順世俗生長善根。 求法發菩提心故爲斷一切衆生疑求法令無猶豫故爲滿足佛法求法 利故爲入智慧求法不樂文字故爲出生死求法不貪世樂故爲度衆 切佛法無上大光明佛子菩薩摩訶薩有十種求法何等爲十所謂直心 習法隨順法住是隨法行人明了法遠離八邪向八正道是第八人明了 是童蒙凡夫明了法得無礙不壞信覺法自性是隨信行人明了法勤修 不樂餘乘故是爲十若諸菩薩安住此法則得不由他敎一 生煩惱求法不爲名利恭敬故爲饒益自他一切衆生求法不但自 切佛法大智 念不生愛 無往

脫 漢 著是阿那含人明了法獲六神通得八解脫九定四辯悉皆成就是阿羅・ 廣 惱 T 滿是菩薩人明了法是爲十若諸菩薩安住此法則得如來無上大智明。 他成就種種神通智慧是辟支佛人明了法智慧廣大諸根明利常樂度。 識修行法常爲諸天之所覺悟修行法於諸佛所常懷慚愧修行法哀 大法 菩薩 業修行法知諸衆生根性勝劣而爲說法令住佛地修行法安住無邊 法佛子菩薩摩訶薩有十種修行法何等爲十所謂恭敬尊重諸善知。 人明了法性樂觀察一味緣起心常寂靜知足少事解因自得悟不由 切衆生勤修福智助道之法如來所有十力無畏一 界除滅煩惱令身淸淨修行法是爲十若諸菩薩安住其中則得 衆精勤修學修行法遠離邪見勤求正道修行法摧破衆魔及煩 捨生死修行法事必究竟心無變動修行法專念隨逐發 切功德具足圓 大乘 心 愍

華 嚴 經 卷五十八

薩摩 而强為 起 惡 取故煩惱魔恆雜染故業魔能障礙故心魔起高慢故死魔捨生處故天 如 於甚深法心生慳恪有堪化者而不爲說若得財利恭敬供養雖非法 提 魔自僑縱故善根魔恆執取故三昧魔久耽味故善知識魔起著心故菩· 近惡知識樂求二乘不樂受生志尙涅槃離欲寂靜是爲魔業於菩薩所 順悲 來無上修行法佛子菩薩摩訶薩有十種魔何等爲十所謂蘊魔生諸 心布施瞋心持戒捨惡性人遠懈怠者輕慢亂意譏嫌惡慧是爲魔業 法智魔不願捨離故是爲十菩薩摩訶薩應作方便速求遠離佛子菩 |懈怠以懈怠故志意狹劣不求無上大菩提法是爲魔業遠善知識 ,訶薩有十種魔業何等爲十所謂忘失菩提心修諸善根是爲魔業 說是爲魔業不樂聽聞諸波羅蜜假使聞說而不修行雖亦修行 心惡眼視之求其罪釁說其過惡斷彼所有財利供養是爲魔業

(一七〇九)

大

捨離 無有恭 信受憶念一 十種捨離魔業何等爲十所謂近善知識恭敬供養捨離魔業不自尊舉 是爲魔業是爲十菩薩摩訶薩應速遠離勤求佛業佛子菩薩摩 不自讚歎捨離魔業於佛深法信解不謗捨離魔業未曾忘失一 授非其人遠離菩提住於邪道是爲魔業已得解脫已安隱者常樂親 餘 而 供養之未得解脫未安隱者不肯親近亦不教化是爲魔業增長我慢 說 魔業勤修妙行恆不放逸捨離魔業常求一 悉 正 敬於諸衆生多行惱害不求正法眞質智慧其心弊惡難可開 法 非是爲魔業樂學世論巧述文詞開闡二乘隱覆深法或以妙義 一法不樂聽聞假使得聞便生毀呰見人說法不生尊重言自說是 心無疲倦捨離魔業歸依十方一切諸佛起救護想捨離魔業 切諸佛神力加持捨離魔業與一 切菩薩同種善根平等無 切菩薩藏法捨離魔業 切智 河薩 心 有

一七

ニャー

是佛 生是佛業勝解淸淨故若有魔事起能以方便現虛空界等聲說不損惱 惑心散動心憍慢心爲現如來衆相莊嚴身是佛業生長過去善根故於 故爲他演說所未聞經是佛業令生智斷疑故爲悔纒所纒者說出離 等爲十所謂隨時開導是佛業令正修行故夢中令見是佛業覺昔善根 諸菩薩安住此法則常得見無上如來佛子菩薩摩訶薩有十種佛業何 佛安住見三昧佛無量無依見本性佛明了見隨樂佛普受見是爲十若 出 摩訶薩有十種見佛何等爲十所謂於安住世間成正覺佛無著見願佛 法難遇時廣爲說法令其聞已得陀羅尼智神通智普能利益無量衆 生見業報佛深信見住持佛隨順見涅槃佛深入見法界佛普至見 一捨離魔業是爲十岩諸菩薩安住此法則能出離一 業令離疑心故若有衆生起慳悋心乃至惡慧心二乘心損害心疑 切魔道佛子菩薩

衆 心 菩 知 而常樂瞻奉諸佛色身雖知不由他悟入於法而種種方便求一 厭 斷。 說 故。 他 足雖知 喜雖能示現諸佛神力而不厭捨菩薩之身雖現入於大般涅槃而 切智 諸 薩 生 其心無間常自守護不令證入二 法以爲對治令其開悟衆魔聞已威光歇滅是佛業志樂殊勝威德 以大悲心攝取衆生令其起行究竟解脫是佛業不斷修行菩薩行故 解 無 國 摩訶薩了達自身 脱境界是佛業本願所作故生死結漏一 土皆 智。 有 疲厭雖於法界本來不動而以神通智力現衆變化雖已成 而修菩薩行 如虚 切法無有造作而亦不捨諸法自相雖於諸境界永離貪欲 **空而常** 無有休息雖知諸法不可言說而轉 及以衆生本來寂滅不驚不怖而勤修福 樂莊嚴 |乘正位若有衆生根性未熟終不爲 切佛刹雖恆觀察無人 切皆離修菩薩行相續 (無我而) 淨 法 切智雖 輪令衆 智 無有 教 化

供給不應執事見有耆舊久修行人不起逢迎不肯承事是慢業見有德 嫌其人亦嫌其法自起誹謗亦令他謗是慢業自求高座自稱法師應受 物不見已失不知自短是慢業好起過過慢見有德人應讚不讚見他讚 歎不生歡喜是慢業見有法師爲人說法知是法是律是眞實是佛語爲 慢業於衆會中聞說妙法不肯歎美令人信受是慢業好起過慢自高陵 人顰蹙不喜言辭蟲獷伺其過失是慢業見有聰慧知法之人不肯親近 契經廣大之法無有休息而於其所起高慢心及於所說法不生恭敬是 爲十所謂於師僧父母沙門婆羅門住於正道向正道者尊重福田所 中則得不由他教無上無師廣大業佛子菩薩摩訶薩有十種慢業何等。 不恭敬是慢業或有法師獲最勝法乘於大乘知出要道得陀羅尼演說 切處示現受生能作如是權實雙行法是佛業是爲十岩諸菩薩安住其

こせー言

ō

行者 我慢於諸菩薩起如來想愛重正法如惜己身尊奉如來如護己命於修 離 不壞緣起離諸邪見破暗得明照一切法是智業十種迴向隨順修行於 捨菩提心常念諸佛是智業近善知識恭敬供養其心尊重終無厭怠是 **值佛何況聞法但以曾發菩提心故終自醒悟是慢業是爲十若諸菩薩 舊善消滅不應說而說不應諍而諍未來必墮險難深坑於百千劫尙不** 道是慢業復有衆生慢心所覆諸佛出世不能親近恭敬供養新善不起 業於長夜中而得種種利益安樂愚癡頑很我慢所吞終不能見出要之 ·業樂法樂義無有厭足遠離邪念勤修正念是智業於一 此 敬供養不肯諮問何等爲善何等不善何等應作何等不應作作何等 生諸 慢業則得十種智業何等爲十所謂信解業報不壞因果是智業不 佛想是智業身語意業無諸不善讚美賢聖隨順菩提是智業 切衆 生離於

有一業爲佛所讚能破衆魔煩惱鬭諍能離一 施戒多聞止觀福慧如是一切助道之法常勤積集無有厭倦是智業岩 諸波羅蜜起慈母想於善巧方便起慈父想以深淨心入菩提舍是智業 切障蓋纏縛能敎化調伏

諸菩薩能棄捨此魔所攝持則得十種佛所攝持何等爲十所謂 捨菩薩行魔所攝持不化衆生魔所攝持疑謗正法魔所攝持是爲十若 不發大願魔所攝持樂處寂滅斷除煩惱魔所攝持永斷生死魔所攝持。 所攝持志樂狹劣魔所攝持於少行生足魔所攝持受一非餘魔所攝持 有懈退是智業是爲十若諸菩薩安住其中則得如來一 一大智業佛子菩薩摩訶薩有十種魔所攝持何等爲十所謂懈怠心魔 切衆生能隨順智慧攝取正法能嚴淨佛刹能發起通明皆勤修習無 切善巧方便無 初始能

發菩提之心佛所攝持於生生中持菩提心不令忘失佛所攝持覺諸魔

所攝持 知 涅 力。佛 證 厭惡佛所攝持觀甚深法得無量果佛所攝持爲諸衆生說二乘法 [滅法所] 槃 無明無明起故乃至老死起 知六波羅蜜 斷菩薩種佛所攝持是爲十岩諸菩薩安住其中則得諸佛無上攝 悉能遠離佛所攝持聞諸波羅蜜如說修行佛所攝持 取 佛所攝持。 子菩薩摩訶 法 彼乘解脫佛所攝持樂觀無爲法而不住其中於有爲無爲不生一 所攝持。 播持知三解脫門出生聲聞乘證無諍法 切行苦法所攝持知一切行無我法所攝持知一 至無生處而現受生佛所攝持雖證得一 知諸 四攝法出生大 訶薩有十種法所攝持何等爲十所謂知一 法從緣起無緣則不起法所攝持 乘法所攝持。 不正思惟滅故無明滅無明滅故 知 切 刹。 出 生獨 知不正 切智而起菩薩行 切 法。 知生死苦而 覺 切行無常 乘法所 切法寂 思惟 切衆 为 故 至 而不 滅

華 嚴 經 卷五十人

(一七一七)

終生於兜率天中勸其令發菩提之心是爲第三所作業菩薩摩訶薩在 照三千大千世界隨衆生心以種種音而爲說法衆生聞已信心淸淨命 非色法起顛倒想以爲淸淨爲說不淨皆是無常勸其令發菩提之心是 提心是爲第一所作業爲色界諸天說入出諸禪解脫三昧若於其中而 兜率天以無障礙眼普見十方兜率天中一切菩薩彼諸菩薩皆亦見此 爲第二 佛 生愛著因愛復起身見邪見無明等者則爲其說如實智慧若於一切色 槃法所攝持是爲十岩諸菩薩安住其中則得一 子說厭離法言一切自在皆是無常一切快樂悉當衰謝勸彼諸天發菩 子菩薩摩訶薩住兜率天有十種所作業何等爲十所謂爲欲界諸天 切世是佛智境界法所攝持知斷一切念捨一 |所作業菩薩摩訶薩住兜率天入||二昧名光明莊嚴身放光明徧 切諸佛無上法所攝持。 切取離前後際隨順涅

菩薩自在威力皆發阿耨多羅三藐三菩提心是爲第六所作業菩薩摩 圍 便善巧智慧門以柔輭蟲獷二種語而爲說法令魔波旬不得其便魔見 業菩薩摩訶薩住兜率天時欲界主天魔波旬爲欲壞亂菩薩業故眷屬 菩薩聞說法已皆大歡喜得未曾有各還本土所住宮殿是爲第五所作 其願生歡喜故隨彼菩薩所應住地所行所斷所修所證演說法門彼諸 訶薩住兜率天知欲界諸天子不樂聞法爾時菩薩出大音聲徧告之言 宮諸菩薩衆皆悉來集恭敬圍繞爾時菩薩摩訶薩欲令彼諸菩薩皆滿 現如是等事是爲第四所作業菩薩摩訶薩住兜率天十方一切兜率天 現往昔已來所行之行以彼行故成此大智所有功德不離本處而能示 互 |繞詣菩薩所爾時菩薩爲摧伏魔軍故住金剛道所攝般若波羅蜜方 相見已論說妙法謂降神母胎初生出家往詣道場具大莊嚴而復示 力與起種種諸供養具名殊勝可樂徧法界虛空界一切世界供養諸佛 位是爲第八所作業菩薩摩訶薩住兜率宮爲欲供養諸如來故以大神 說菩薩地名一切神通以一念相應慧具足一切最勝功德入一切智智 諸如來親近禮拜恭敬聽法爾時諸佛欲令菩薩獲得最上灌頂法故爲 作業菩薩摩訶薩住兜率宮不捨本處悉能往詣十方無量一切佛所見 諸天子聞此法音憂歎咨嗟而生厭離靡不皆發菩提之心是爲第七所 出聲告言諸仁者一切諸行皆悉無常一切諸行皆悉是苦一 悉無我涅槃寂滅又復告言汝等皆應修菩薩行皆當圓滿一切智智彼 諸希有事彼諸天子曾未見聞既得見已皆大歡喜其心醉沒又於樂中 今日菩薩當於宮中現希有事若欲見者宜速往詣時諸天子聞是語已 無量百千億那由他皆來集會爾時菩薩見諸天衆皆來集已爲現宮中 切諸法皆

摩訶 率天下生之時從於眉間白毫相中放大光明名曰覺悟普照三千大千 世界照彼宿世 知將有奇特大人出與於世是爲第一所示現事佛子菩薩摩訶薩於兜 千世界一 訶 佛子菩薩摩訶薩於兜率天將下生時現十種事何等爲十佛子菩薩摩 種 彼世界中無量衆生見此供養皆發阿耨多羅三藐三菩提心是爲第九 切世界示現種種色種種相種種形體種種威儀種種事業種種方便種 所作業菩薩摩訶薩住兜率天出無量無邊如幻如影法門周徧十方 薩於兜率天下生之時從於足下放大光明名安樂莊嚴普照三千大 層喻種種言說隨衆生心皆令歡喜是爲第十所作業佛子是爲菩薩 薩住兜率天十種所作業者諸菩薩成就此法則能於後下生人間 切惡趣諸難衆生觸斯光者莫不皆得離苦安樂得安樂已悉 切同行諸菩薩身彼諸菩薩蒙光照已咸知菩薩將欲

壽命若不覺者光明力故徙置他方餘世界中一切諸魔及諸外道有見 嚴淨一切三千大千世界其中若有已得無漏諸辟支佛覺斯光者卽捨 菩薩摩訶薩於兜率天將下生時於右掌中放大光明名淸淨境界悉能 下生各各出興無量供具詣菩薩所而爲供養是爲第二所示現事佛子

莊嚴普照一切諸天宮殿下從護世上至淨居靡不周徧彼諸天等咸知 現事佛子菩薩摩訶薩於兜率天將下生時從其兩膝放大光明名淸淨 衆生皆亦徙置他方世界唯除諸佛神力所持應化衆生是爲第三所示

末香旛蓋妓樂詣菩薩所恭敬供養隨逐下生乃至涅槃是爲第四所示 菩薩於兜率天將欲下生俱懷戀慕悲歎憂惱各持種種華鬘衣服塗香

大光明名無能勝幢普照十方一切世界金剛力士時有百億金剛力士 現事佛子菩薩摩訶薩在兜率天將下生時於卍字金剛莊嚴心藏中放

普照一 母安隱快樂具足成就一切功德其母腹中自然而有廣大樓閣大摩尼 莊嚴中放大光明名一切宮殿清淨莊嚴照所生母腹光明照已令菩薩 若於其家若其聚落若其城邑而現受生爲欲敎化諸衆生故是爲第七 所示現事佛子菩薩摩訶薩於兜率天臨下生時從天宮殿及大樓閣 照 咸作是念我應住此供養如來教化衆生是爲第六所示現事佛子菩薩 摩訶薩於兜率天將下生時從其身上一切毛孔放大光明名分別衆生 皆悉來集隨逐侍衞始於下生乃至涅槃是爲第五所示現事佛子菩薩 而爲莊嚴爲欲安處菩薩身故是爲第八所示現事佛子菩薩摩訶薩 此菩薩當生之處所託王宮其光照已諸餘菩薩皆共隨逐下閻浮提 訶薩於兜率天將下生時從大摩尼寶藏殿中放大光明名善住觀察 切大千世界偏觸一 切諸菩薩身復觸一切諸天世人諸菩薩等

其命將終蒙光照觸皆得住壽供養菩薩從初下生乃至涅槃是爲第九 於兜率天臨下生時從兩足下放大光明名爲善住若諸天子及諸梵天

日眼莊嚴示現菩薩種種諸業時諸人天或見菩薩住兜率天或見入胎 所示現事佛子菩薩摩訶薩於兜率天臨下生時從隨好中放大光明名

百萬阿僧祇光明悉現種種諸菩薩業現是業已具足一切功德法故從 第十所示現事佛子菩薩摩訶薩於身於座於宮殿於樓閣中放如是等 或見初生或見出家或見成道或見降魔或見轉法輪或見入涅槃是為

兜率天下生人間

大方廣佛華嚴經卷第五十八

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

普光三會萬行圓修普賢瓶瀉二千酬苦海泛慈舟一句全收法義:

周

華嚴字母衆藝親宣善財童子得眞傳秘密義幽玄功德無邊唱誦利

波羅蜜門

左○臧增宗租遭災賷津籛浸簪陬左唱左字時普願法界衆生入般者

那○囊能濃奴猱듦泥年難誑南袋那唱那字時普願法界衆生入般若

波羅蜜門

邏〇郎楞籠盧勞來黎嶙闌林藍婁邏唱邏字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

四 南無華嚴海 生九有同登華藏玄門八難三塗共入毘盧性 會佛菩薩 Ξ 稱

依迦 闡佛 也憑 狠 也欣 虹 揀 釋 於佛 提前 難 戾下 瑕去 而音 擇音 佛出 故懶 虎 也懇 隙聲 陽紅 也簡 法世 世墮 受 切 也罪 氣陰 揀 而時 智故 生 坑 歇 不無 呰 ₩ 得處 辯生 鬼謂 虛音 息音 應起 毀音 善王 聰在 趣八 也防 也竭 躬 說子 利名 難佛 愚難 塑 契 虹音 也口 不也 處後 廢中 醒 也音 也倪 憒 念亦 雖謗 故生 悟星 約氣 兒 心古 報名 多法 墮也 也上 也合 疣 亂外 恩惡 此故 畜八 聲 蹙 病音 也切 反中八官 生難 醉 慶音 也由 鬧 欲惡 爲聾 趣者 嗜音 愁促 結 不錢 加三 最瘠 頑以 也最 貌響 液 靜去 毀惡 啞 囂嗔 躭 伺 獅音 也聲 故中 天 故患 膝 伺思 瘢斑 矯 名此 魔 生故 腕音 候去 也瘡 也交 極惡 波 北鹭 也悉 也聲 痕 詐上 旬 俱地 膝 諮 瘢恨 也聲 也甚 卷天 盧獄 徒 也音 痕平 强 烏 波魔 洲越 也音 謀咨 也聲 擴 波 旬見 憍贪 迁洗 也問 躭 拱音 提 此前 慢欲 也移 頑 樂音 敏 苦此 云五 故故 託 鈍五 也丹 也音 即云 惡十 生墮 寄音 也環 就 聰閔 二有 釋五 在餓 也托 切 也達

惟定 流一 第 北本 通行 三 職元 本藏 本至 作本 流第 名正 魔魔 通七 日本 等事 本行 殿唐音 論本 一十五頁第二 一十五頁第二 二十五百第二 名本 衆行 頁 日名 字他 流第 月日 藏下 通二 莊眼 本流 本行 嚴莊 無通 作藏 第二十九頁 宋嘉鈞

本疏 十第

地乘 惑涅 二槃 無非 漏眞 業無 三餘 變尚 易有 苦三 故餘 應一 拾無 之明 住

離世間品第三十八之七

唐于闐國三藏沙門實叉難陀譯

佛子菩薩摩訶薩示現處胎有十種事何等爲十佛子菩薩摩訶薩爲欲

善根不從修得是故菩薩示現處胎是爲第一事菩薩摩訶薩爲成熟父 成就小心劣解諸衆生故不欲令彼起如是念今此菩薩自然化生智慧

成熟所有諸善根故是爲第二事菩薩摩訶薩入母胎時正念正知無有 母及諸眷屬宿世同行衆生善根示現處胎何以故彼皆應以見於處胎 迷惑住母胎已心恆正念亦無錯亂是爲第三事菩薩摩訶薩在母胎中

無邊智慧菩薩處胎成就如是辯才勝用是爲第四事菩薩摩訶薩在母 卷五十九

常演說法十方世界諸大菩薩釋梵四王皆來集會悉令獲得無量神力

菩薩 詣菩薩恭敬供養是爲第七事菩薩摩訶薩在母胎中他方世界一切最 界藏是爲第十事佛子是爲菩薩摩訶薩示現處胎十種事若諸菩薩了 方一切世界供養一 菩薩摩訶薩在母胎時入離垢藏三昧以三昧力於母胎中現大宮殿種 種嚴飾悉皆妙好兜率天宮不可爲比而令母身安隱無患是爲第九事 後生菩薩在母胎者皆來共會說大集法門名廣大智慧藏是爲第八事 時 於 胎 大心天龍夜叉乾闥婆阿脩羅迦樓羅緊那羅摩睺羅伽人非人等皆 訶 中集大衆會以本願力教化一切諸菩薩衆是爲第五事菩薩摩 人中成佛應具人間最勝受生以此示現處於母胎是爲第六事菩薩 **|薩在母胎中||三千大千世界衆生悉見菩薩如明鏡中見其面像爾** 摩訶薩住母胎時以大威力與供養具名開大福德離垢藏普偏十 切諸佛如來彼諸如來咸爲演說無邊菩薩住處法

於十方世界普現身生證一切智智身生放一切佛光明普覺悟一 微 生身生入大智觀察三昧身生佛子菩薩生時震動 現轉法輪在母胎中示現般涅槃在母胎中示現大微細謂一切菩薩行 母 訶薩有十種生何等爲十所謂遠離愚癡正念正知生放大光明網普照 天在母胎中示現初生在母胎中示現童子地在母胎中示現處王宮在 十所謂在母胎中示現初發菩提心乃至灌頂地在母胎中示現住兜率 三千大千世界生住最後有更不受後身生不生不起生知三界如幻生 切如來自在神力無量差別門佛子是爲菩薩摩訶薩在母胎中十種 細趣若諸菩薩安住此法則得如來無上大智慧微細趣佛子菩薩摩 胎 此法則能示現甚微細趣佛子菩薩摩訶薩有十種甚微細趣何等爲 中示現出家在母胎中示現苦行往詣道揚成等正覺在母胎中示 一切佛刹解脫 切衆 切

こせ一九

N

蒙佛所教必得利益如是知已熙怡微笑心自誓菩薩觀見過去世中同 等衆生皆自謂爲有大智力如是知已熙怡微笑心自誓菩薩爾時觀諸 我一 子所種雖少獲果甚多如是知已熙怡微笑心自誓菩薩觀見一切衆 衆生久種善根今皆退沒如是知已熙怡微笑心自誓菩薩觀見世間種 爾 名身故當得如來充滿三世無上法身如是知已熙怡微笑心自誓菩薩 盲唯我今者具足智慧如是知已熙怡微笑心自誓又念言我今因此假 現微笑心自誓何等爲十所謂菩薩摩訶薩念言一切世間沒在欲泥除 衆生除滅一 時以無障礙眼徧觀十方所有梵天乃至一切大自在天作是念言此 訶薩十種生爲調伏衆生故如是示現佛子菩薩摩訶薩以十事故示 人無能勉濟如是知已熙怡微笑心自誓復念言一切世間煩惱所 切惡道暎蔽一切諸魔無量菩薩皆來集會佛子是爲菩薩

觀見過去世中共同集會諸天人等至今猶在凡夫之地不能捨離亦不 行菩薩染著餘事不得佛法廣大功德如是知已熙怡微笑心自誓菩薩

子地何等為十所謂為現通達一切世間文字算計圖書印璽種種業故 所得法不由他教故示行七步現於世間最勝無比故示行七步是爲十 現菩薩最勝行超過象王牛王師子王行故示行七步現金剛地相故示 現施七財故示行七步滿地神願故示行七步現超三界相故示行七步 菩薩摩訶薩以十事故示行七步何等爲十所謂現菩薩力故示行七步 欣慰熙怡微笑心自督是爲十佛子菩薩爲調伏衆生故如是示現佛子 **佛子菩薩為調伏衆生故如是示現佛子菩薩摩訶薩以十事故現處童** 行七步現欲與衆生勇猛力故示行七步現修行七覺實故示行七步現 疲厭如是知已熙怡微笑心自誓菩薩爾時爲一切如來光明所觸倍加

大

顯示菩薩善根力故現處王宮爲諸人天耽著樂具示現菩薩大威德樂 蒙法光明故處童子地是爲十佛子菩薩摩訶薩現童子地已以十事故 具故現處王宮順五濁世衆生心故現處王宮爲現菩薩大威德力能於 現處王宮何等爲十所謂爲令宿世同行衆生善根成熟故現處王宮爲 爲尊重正法勤供養佛周徧十方一切世界故處童子地爲現得佛加被 故處童子地爲現其力超過一切天龍夜叉乾闥婆阿脩羅迦樓羅緊那 身語意業諸過失故處童子地爲現入定住涅槃門周徧十方無量世界 爲現通達一切世間文筆談論博奕嬉戲種種事故處童子地爲現遠離 處童子地爲現通達一切世間象馬車乘弧矢劒戟種種業故處童子地 切釋梵護世故處童子地爲令耽著欲樂衆生歡喜樂法故處童子地 摩睺羅伽釋梵護世人非人等故處童子地爲現菩薩色相威光超過

謂爲厭居家故示現出家爲著家衆生令捨離故示現出家爲隨順信樂 見故示現出家爲令衆生離欲樂我樂故示現出家爲先現出三界相故 聖人道故示現出家爲宣揚讚歎出家功德故示現出家爲顯永離二邊 處王宮已然後出家佛子菩薩摩訶薩以十事故示現出家何等爲十所 示現出家最後菩薩法應爾故示現出家是爲十菩薩以此調伏衆生佛 處王宮爲隨順守護諸佛法故現處王宮是爲十最後身菩薩如是示現 父母親戚眷屬滿所願故現處王宮欲以妓樂出妙法晉供養一切諸如 子菩薩摩訶薩爲十種事故示行苦行何等爲十所謂爲成就劣解衆 示現出家爲現自在不屬他故示現出家爲顯當得如來十力無畏法故 來故現處王宮欲於宮內住微妙三昧始從成佛乃至涅槃皆示現故現 深宮入三昧故現處王宮爲令宿世同願衆生滿其意故現處王宮欲令

(1 t===

心之所欲而爲現身種種威儀及菩提樹一 道場有十種事何等爲十所謂詣道場時照耀一切世界詣道場時震動 行爲顯菩薩起行殊勝乃至最後生猶不捨勤精進故示行苦行爲令衆 示行苦行是爲十菩薩以此方便調伏一 示行苦行爲令衆生樂求法故示行苦行爲著欲樂我樂衆生故示行苦 示行苦行為隨順雜染世界法應爾故示行苦行示能忍劬勞勤修道故 故示行苦行爲拔邪見衆生故示行苦行爲不信業報衆生令見業報故· 切宿 切如來詣道場時舉足下足常入三昧念念成佛無有超隔詣道場時 切世界詣道場時於一切世界普現其身詣道場時覺悟一 樂寂靜法增長善根故示行苦行爲諸天世人諸根未熟待時成熟故 世同行衆生詣道場時示現道場一 切衆生佛子菩薩摩訶薩往詣 切莊嚴詣道場時隨諸衆 切莊嚴詣道場時現見十方 切菩薩及

切世 如來於一 菩薩 切如來皆現其前咸舉右手而稱讚言善哉善哉無上導師是爲第 時自善根力悉能加被一切衆生是爲十佛子菩薩摩訶薩坐道場時有 隨順安住金剛三昧坐道揚時受 坐道場時心如虛空無所分別坐道場時隨其所應現身威儀坐道場時 道 諸 場 種奇特未曾有事何等爲十佛子菩薩摩訶薩坐道揚時十方世界 王各不相知而興種種上妙供養詣道場時以無礙智普觀一切諸佛 切天龍夜叉乾闥婆阿脩羅迦樓羅緊那羅摩睺羅伽釋梵護世 時令一 界坐道場時平等照耀一 摩訶薩坐道場時有十種事何等爲十所謂坐道場時種種震動 切世界修菩薩行而成正覺是爲十菩薩以此敎化衆生佛子 切世界金剛所成坐道場時普觀一 切世界坐道場時除滅一 一切如來神力所持清淨妙處坐道 切諸佛如來師子之座 切諸惡趣苦坐 切

(一七三五)

令其身充滿三世盡虛空界一切世界是爲第九未曾有事菩薩摩訶薩 是爲第八未曾有事菩薩摩訶薩坐道場時入三昧名善覺此三昧力能 曾有事菩薩摩訶薩坐道場時住最勝智悉現了知一切衆生諸根意行 薩 訶薩 妙光海藏能受一切諸佛如來大雲法雨是爲第六未曾有事菩薩摩 圓滿是爲第五未曾有事菩薩摩訶薩坐道場時得陀羅尼名最上離垢 草木叢林諸無情物皆曲身低影歸向道場是爲第四未曾有事菩薩摩 莊嚴具恭敬供養是爲第二未曾有事菩薩摩訶薩坐道場時一 未曾有事菩薩摩訶薩坐道場時宿世同行諸菩薩衆悉來圍繞以種種 曾有事菩薩摩訶薩坐道場時一切如來皆悉護念與其威力是爲第一 坐道 一坐道場時入三昧名觀察法界此三昧力能令菩薩一切諸行悉得 場時以威德力興上妙供具徧一切世界供養諸佛是爲第七未 切世界

華 巖 經 卷五十九

惡世界所行法故示現降魔是爲十佛子菩薩摩訶薩有十種成如來力。 降魔為顯煩惱業用羸劣大慈善根勢力强盛故示現降魔爲欲隨順濁 魔爲欲顯示乃至道揚猶有魔軍而來觸惱此後乃得超魔境界故示現 爲欲發起一切衆生勇猛力故示現降魔爲哀愍末世諸衆生故示現降 何等爲十所謂超過一 聚觀心調伏故示現降魔爲顯示菩薩所有威力世無能敵故示現降魔 降魔為教化調伏諸魔軍故示現降魔為欲令諸天世人樂軍陣者咸來 戰欲顯菩薩威德力故示現降魔爲諸天世人有懷疑者斷彼疑故示現 菿 事佛子是爲菩薩摩訶薩坐道場時十種奇特未曾有事佛子菩薩摩訶 坐道場時得離垢光明無礙大智令其身業普入三世是爲第十未曾有 坐道場時觀十種義故示現降魔何等爲十所謂爲濁世衆生樂於鬭 切衆魔煩惱業故成如來力具足一 切菩薩行遊

音聲普徧十方一切世界九者於阿僧祇劫說法不斷十者隨所說法皆 四眞諦相四者隨順諸佛無礙解脫五者能令衆生心皆淨信六者所有 爲十一者具足淸淨四無畏智二者出生四辯隨順音聲三者善能開闡 十力則名如來應正等覺佛子如來應正等覺轉大法輪有十種事何等 所謂是處非處智力乃至漏盡智力故成如來力是爲十若諸菩薩具此 等無有異於一念中了三世法故成如來力得善覺智三昧具如來十力 等故成如來力能以神力加持一切故成如來力與三世諸佛身語意業 言說皆不唐捐能拔衆生諸苦毒箭七者大悲願力之所加持八者隨出 成如來力其身周偏一切世界故成如來力所出言音悉與一切衆生心 圓滿一切白淨助道法故成如來力得一切法智慧光明善思惟分別故 戲一切菩薩三昧門故成如來力具足一切菩薩廣大禪定故成如來力

順住淨法身故示無常力不可轉故示一切有爲不隨心住不自在故示 般涅槃何等爲十所謂示一切行實無常故示一切有爲非安隱故示大 涅槃是安隱處無怖畏故以諸人天樂著色身爲現色身是無常法令其 所發言悉開悟故是爲十佛子如來應正等覺作佛事已觀十種義故示 無生無起而有聚集散壞相故佛子諸佛世尊作佛事已所願滿已轉法 慧自在隨其所樂爲說法故必應其時未曾失故隨其所宜無妄說故知 淨法無空過者何等爲十所謂過去願力故大悲所持故不捨衆生故智 等無量種事佛子如來應正等覺轉法輪時以十事故於衆生心中種白 三世智善了知故其身最勝無與等故言辭自在無能測故智慧自在隨 能生起根力覺道禪定解脫三昧等法佛子諸佛如來轉於法輪有如是 一切三有皆如幻化不堅牢故示涅槃性究竟堅牢不可壞故示一切法

喜令一 根。 間。 佛子此一切菩薩功德行處決定義華普入一 若諸菩薩不如說行當知是人於佛菩提則爲永離是故菩薩應如說行 解已修行必得疾成阿耨多羅三藐三菩提何以故以如說修行故佛子 門名菩薩廣大淸淨行無量諸佛所共宣說能令智者了無量義皆生歡 輪已應化度者皆化度已有諸菩薩應受尊號成記莂已法應如是入於 不變大般涅槃佛子是爲如來應正等覺觀十義故示般涅槃佛子此法 離世間 離二 如是故十方無量無邊阿僧祇世界皆大震動大光普照爾時十方諸 知是人疾得阿耨多羅三藐三菩提說此品時佛神力故及此法門 一乘道不與一切諸衆生共悉能照了一切法門增長衆 切菩薩大願大行皆得相續佛子若有衆生得聞此法聞已信解 法門品應尊重應聽受應誦持應思惟應願樂應修行若能 切法普生一 切智超諸世 生 出世善 如

學 一张 经一卷五十九

薩衆未曾聞者皆當得聞爾時普賢菩薩摩訶薩 承佛神力觀察十方 切諸佛悉亦如是佛子我等諸佛悉共同心護持此經令現在未來諸菩 此法汝以威力護持此法我等諸佛悉皆隨喜如我等諸佛隨喜於汝一 行處決定義華普入一切佛法出世間法門品佛子汝已善學此法善說 佛皆現普賢菩薩前讚言善哉善哉佛子乃能說此諸菩薩摩訶薩功德

切大衆洎於法界而說頌言

求佛功德心無依 於無量劫修苦行 **具聖功德最勝行** 彼無等行聽我說 永離世間諸誑幻 滅諸癡惑心寂然 彼勝妙行我今說 從無量佛正法生 種種變化示衆生 供無量佛而捨著 我今說彼所行道 離三界魔煩惱業 廣度羣生不作想 **令無量衆住菩提** 心生住滅現衆事

菩薩如蓮華 其心不高下 智慧普饒益 功德無比不可喻 彼慈愍行我今說 千萬億劫求菩提 方便慈悲喜捨等 欲令解脫教發心 說彼所能令衆喜 慈根安隱莖 求道無厭倦 如樹如河泉 以佛威神今略說 所有身命皆無恡 無量億劫演其德 彼功德行應聽受 百千萬劫常修行 見諸衆生生老死 智慧爲衆薬 普使諸衆生 亦如於大地 戒品為香潔 住善增淨法 願益羣生不爲己 如海一滴未爲少 彼人功德仁應聽 施戒忍進禪智慧 煩惱憂橫所纏迫 切所依處

佛放法光明

令彼得開敷

不著有爲水

見者皆欣樂

菩薩妙法樹

生於直心地

信種慈悲根

智慧以爲身

戒轂二昧輞 廣施衆聖財 種種諸苦惱 **令遠惡修善** 勝義空谷中 八萬四千種 在生死曠野 最上力為蔦 示其正直路 四諦爲其足 方便為枝幹 專求佛功德 智莊慧爲劔 菩提分珍寶 滅除衆苦患 長夜所煎迫 令入無畏城 吼法怖衆魔 正念以為頸 煩惱險惡處 垂陰覆三界 五度爲繁密 既破煩惱賊 菩薩轉法輪 菩薩爲法王 爲發大悲心 菩薩見衆生 魔賊之所攝 菩薩爲商主 慈眼智慧首 定葉神通華 菩薩師子王 切諸佛所 亦殄衆魔怨 如佛之所轉 灌頂受拿記 正道化衆生 廣說對治門 普見諸羣生 頂繫解脫繪 白淨法爲身 擬盲失正道 二毒煩惱病 切智爲果

潤治於一切 衆魔與煩惱 神通二昧峯 衆生莫能測 慚愧爲深壍 信心及苦行 正法味盈洽 迎絕衆境界 四諦坦王道 二明發電光 切諸外道 智慧爲却敵 堅固不可動 覺分寶充滿 見之無不散 六通集兵仗 **令除煩惱熱** 神足震雷音 大心安不動 說之不可盡 切悉摧滅 切無不覩 廣開解脫門 菩薩正法城 復建大法幢 普以四辯才 其心無所畏 菩薩大慈悲 菩薩如金剛 若有親近者 大心無邊岸 菩薩智慧海 菩薩須彌 山 周迴徧其下 般若以爲牆 饒盆諸羣生 正念恆防守 雨八功徳水 譬如重密雲 志求一切智 同其智慧色 深廣無涯際 超出於世間 切智爲潮

業惑悉皆斷 於法得自在 於彼三界中 相好皆具足 遊於畢竟空 戒品圓滿輪 滅除煩惱闇 方便勇猛翅 二乘星宿中 搏撮天人龍 二有諸魔衆 **拔諸邪見根** 慈捨靡不具 以道化羣生 消竭愛欲海 神足速疾行 人天悉瞻仰 世間無不見 安置涅槃岸 慈悲明淨眼 切無傷匹 切無能入 菩薩自在天 處處示現身 菩薩大法王 菩薩大梵王 菩薩智光月 照以智慧光 方便淸淨目 菩薩正法日 三界識心內 住一切智樹 菩薩迦樓羅 開悟以法音 超過生死地 自在超三有 功徳莊嚴身 隨時有增減 智慧金剛杵 法界以爲輪 長諸根力藥 出現於世間 觀三有大海 如意爲堅足

(一七四五)

_ 0

菩薩願如鬘 菩薩智如幢 菩薩智塗香 菩薩如摩尼 菩薩無住風 菩薩如金剛 菩薩慈悲水 功德智慧具 自具清淨行 無性無依處 境界常清淨 能摧我慢敵 普熏於三界 恆繁衆生首 增長一切行 能摧顛倒見 遊行三有空 令衆生亦然 名稱靡不聞 浣滌諸煩惱 智慧無退轉 切不可得 菩薩淨戒香 妙行爲繒綵 菩薩德如華 菩薩力如帳 菩薩如瓔珞 菩薩如珍寶 菩薩智慧火 菩薩方便地 有大自在力 菩薩智慧心 絕彼下乘道 堅持無缺犯 莊嚴於智慧 能遮煩惱塵 常發菩提分 莊嚴三有身 能濟貧窮厄 **烧諸惑習薪** 饒益諸衆生 能成世間事 清淨如虛空 受諸灌頂法 亦如 佛心豈有他 菩薩如雪山 菩薩解脫華 菩薩精進橋 引接諸衆生 菩薩燈破闇 菩薩大勇將 菩薩說法龍 菩薩大力象 慚愧作衣服 一切智 以智入普門 出生智慧藥 莊嚴智宮殿 正覺覺世間 安置菩提岸 廣度諸羣品 衆生見正道 衆魔悉降伏 普雨衆生心 其心善調伏 普覆諸羣生 菩薩善開導 如佛之所來 菩薩等於佛 菩薩如妙藥 菩薩遊戲園 大智與弘誓 菩薩轉法輪 菩薩功德河 菩薩優曇華 菩薩無礙乘 菩薩神足馬 覺悟諸羣生 滅除煩惱病 菩薩如是來 眞實樂衆生 共作堅牢船 恆順正道流 世間難值遇 如佛之所轉 騰步超諸有 巾之出三界 切諸羣生

(一七四七)

衆 無 如是諸功德 我今當演說 而以悲願心 了性皆無性 知 音聲及名字 菩薩無畏智 菩薩自然覺 切諸衆 法不可說 生語言法 心無境界 生 普應 悉能 隨 **令衆生歡喜** 有無無所著 莫能測其道 而 汝等應聽受 及佛威神 知衆生及法 作種種說 類皆能作 切智境界 分別 切衆 力 知 永離 如是一 其心常寂滅 雖知諸法相 如是等功德 現神通變化 雌離於名色 菩薩無量 音中具演 身能示現 切諸世間 煩惱身 切智 力 凊 而 種種無量事 菩薩悉成就 世間莫能壞 無量差別身 如幻悉空寂 無盡無所 而現種種相 色相各差列 淨 現自在身 切諸言音 如虚空 依

(一七四九)

或現久修行 四梵四攝等 起定亦復然 於彼大衆中 恆以深淨心 常恭敬供養 而能現世間 知身如虚空 而普莊嚴刹 切世間 諸想網中 中 問難聽受法 示現一 廣大無邊際 供養於諸佛 最勝兩足尊 種種隨心現 隨應而受生 而恆無所著 無邊諸幻法 示現無窮盡 切最勝法 切衆 不離一 或現行成滿 雕生一切處 聞法入三昧 施戒忍精進 或現初發心 智慧巧方便 香華衆妓樂 菩薩身無邊 於身無所著 示現種種色 佛會 普現一 亦不住受生 禪定及智慧 普在諸佛所 得忍無分別 幢幡及寶蓋 而能示現身 利益於世間 亦現心及語 了世皆如幻 無量門 一切處

或修不退道 或現自在王 或現轉法輪 或入或住胎 若有思議者 或現受五欲 或天女圍繞 或在婇女中 處處般涅槃 或現一生繁 無量劫一念 積集菩提具 或現始求道 或離俗修禪 成佛轉法輪 或現入諸禪 統理世間法 或時獨宴默 諸佛與灌頂 心疑發狂亂 不捨菩提行 念無量劫 或現為佛身 或生或涅槃 或現初始生 或現巧術女 深入無數劫 或坐菩提樹 或現在天宮 或現爲比丘 或現爲帝釋 或現聲聞相 切劫非劫 或現入學堂 皆悉到彼岸 宴坐無量剤 或少或老死 自然成正覺 或復現緣覺 爲世示現劫 或現始降神 或現修苦行 寂靜調其心 或現爲梵王

彼一 既知其行已 微細各差別 亦知去來今 亦知根轉移 隨其所通達 經無量劫數 十方一切處 無來無積集 念悉能知 念得菩提 一衆生身 成就一 爲說無上法 次第無錯亂 應化不應化 教諸未學者 所有諸心行 無量因緣起 究竟不可盡 無處而不有 成就諸劫事 切衆生行 切智 如知 菩薩神通智 住佛不思議 雜染清淨行 又知其欲解 國土衆生法 於 了達一切行 悉知衆生 菩薩知衆 根 微塵中 一切根 無量 根 生 功力已自在 究竟智慧心 普見一 種種悉了知 展轉因緣力 廣大無有邊 次第悉皆見 無來亦無去 上中下不同 切煩惱習 切悉亦然 切佛

二七五一

廣出隨類音 能於 馳逐不得飮 種種皆響應 雖經億千歲 影現於衆 無量劫可極 現世間心水 種種皆示現 於彼幻中求 無處而不周 念 水 中 亦復無分別 不 展轉更增渴 而實無分別 不爲世所 充滿於世間 莫動毫端分 無色無非色 往詣無邊刹 念智無盡 夜未終盡 爲水所雜 雜 衆 菩薩住法性 譬如山谷中 菩薩住法性 如有見陽燄 菩薩淨法輪 譬如淨日月 菩薩亦如是 如人睡夢中 譬如工幻 如是速疾往 生煩惱 心 師 應 能以自在 示現一 想之以爲水 及以宮殿間 造作種種事 當知亦如是 以方便智幻 皎鏡在虛空 盡於無數劫 示現種種色 知 亦如 切事 智

-E

二七五三

界解與禪定 建立三乘道 欲色無色界 如是入中道 煩惱業苦因 種種廣宣暢 諸界性永離 如是知諸蘊 知佛十種力 想如熱時燄 菩薩起慈愍 成就一 說之無所著 妄現於世間 諸行如芭蕉 救之令出離 智者無所著 而未能成就 而心無所依 二種恆流轉 切至處道 切種種事 切智 宿命念天眼 能於一念中 隨順三律儀 緣起非有無 諸處悉空寂 了達諸法空 菩薩住眞實 了達處非處 無來亦無去 心識猶如幻 觀色如聚沫 滅除一 諸業及諸根 普現三世心 演說三解脫 非實亦非虛 寂滅第一義 受如水上泡 亦復無有住 而常求妙法 如機關動轉 示現種種事 切惑

慈悲因緣力 思惟說無比 安住淨戒中 修行最勝行 劫世悉亦知 我今說少分 我說其少分 精進欲三昧 於此得無畏 大慈愍衆生 不與煩惱合 趣道意清淨 寂靜等正覺 具諸授記行 具足大慈悲 無有疲厭想 如大地一 功徳莊嚴義 觀慧無損減 不捨修諸行 而亦不盡漏 切無障礙 塵 修行波羅蜜 差別智總持 能入佛功德 發於普賢心 精勤自安隱 窮於無數劫 依於佛智住 由入此法門 廣知出離道 無謬無違道 三聚皆清淨 究竟隨覺智 衆生行及刹 及修其行願 通達眞實義 教化諸含識 起於奇特想 說彼行無盡 得成如是行 亦不失正念 而以度衆生 三世悉明達

發起於大事 秘藏無窮盡 立志如大山 清淨菩提印 現無量莊嚴 善入諸三昧 深入及依止 出生於智慧 能持具妙辯 纏縛悉永離 證知力自在 覺悟一 究竟無能壞 種德若深海 於世心無動 智光照一 園林恣遊處 普見智境界 變化得菩提 速得法王處 成無上菩提 無畏無疑惑 切法 切 得授菩提記 深心善觀察 世智皆自在 遠離於諸著 白法爲宮殿 成就平等智 如實安住法 所住無等比 究竟諸解脫 了達不思議 住持一切劫 安住廣大心 被甲誓願心 諸行可欣樂 演說心平等 妙用無障礙 其心不下劣 妙辯能開演 遊戲諸通明 巧密善分別 智者大欣慰 演說最勝法

(一七五五)

衆生一 清淨戒爲鼻 被以慈哀甲 次第善安住 出生佛法道 巧修使圓滿 種種決定解 諸根無散動 以得守護故 力無畏不共 示現於世間 切刹 成就功德號 滅闇無障礙 悉皆無所著 普入於世間 具足衆器仗 逮成一切智 獲得最勝根 成辦十種事 無量百千億 及以種種法 切業莊嚴 辯才以爲舌 離退入正位 智首明達眼 手足及腹藏 道及無量道 諸身及身業 拾彼煩惱習 深心增勝心 菩薩心發心 遊戲及境界 身願與境界 取茲最勝道 菩提行爲耳 乃至莊嚴道 決定證寂滅 遠離於諂誑 無處不至身 金剛以爲心 語及淨修語 自在無能制 及以心周徧 智慧神通等

於諸境界中 端坐放光明 爲佛所攝持 見佛與佛業 普照樂多聞 禪定得自在 離貪行淨施 所行及觀察 示修衆技術 最勝智爲心 示現住母胎 普照如來境 發心皆攝取 覺悟諸羣生 亦示處深宮 亦現微細趣 明了趣向法 行住修諸業 亦爲法所持 知義亦知法 智慧無所行 捨慢持淨戒 出家修苦行 道場師子座 降魔成正覺 現生及微笑 現住兜率天 離慢修智慧 福德悉成滿 慈濟悲無倦 **偏觀衆生行** 知魔及魔道 不瞋常忍辱 亦現行七步 喜法捨煩惱 往詣於道場 叉現彼命終 不爲魔力持 誓願咸捨離 智慧如利劍 奮迅及哮吼 轉無上法輪 不懈恆精進 梵臥空爲住

滅諸惡道苦 衆生及法中 日月星宿光 如是塵可知 置於一毛孔 還來置本處 廣大無有邊 大海無增減 毛端置衆刹 所現悉已終 塵下一刹 爲說無上法 摩尼珠火光 衆生不知覺 我今說少分 衆生不嬈害 畢竟無所取 菩薩智難量 盡此諸塵數 眞實悉令見 入於大涅槃 經於億千劫 於一毛孔中 以此諸塵刹 復以一毛孔 菩薩以一切 雖令無量衆 無量鐵圍山 掌持無量刹 **具足如是行 被諸菩薩行** 及以諸天光 切諸世間 普納 種種差別音 放無量光明 復更末爲塵 手執碎為塵 種種莊嚴刹 **偏往身無倦** 遊戲諸神通 安住佛功德 無量劫修習 切皆暎蔽 一切海

或現菩薩身 如是諸境界 釋梵護世身 示修菩薩行 示現成菩提 靡不於身中 示現種種身 未來現在劫 普使諸羣生 菩薩以一音 切諸世間 諸天人衆身 及以諸佛刹 修行一切智 舉世莫能知 分明而顯現 悉在一毛孔 而皆無所著 迴置過去世 聞之大歡喜 切方便事 切皆能演 雖現無所現 了知諸想網 善入輭中上 聲聞緣覺身 或現於六趣 深知變化法 過去一切劫 示現如是等 去來及現在 決定分別說 示現無量剤 廣大諸神變 究竟轉增上 於想得自在 衆生諸想網 諸佛如來身 善應衆生心 安置未來今 烧然及成住 切十方佛 切衆生身 切諸佛法

解脫味為漿 忍力不動搖 淨戒爲塗香 神力自莊嚴 神足以為馬 隨順衆生心 淨智為涌泉 慈甲智慧劍 方便爲主兵 功德靡不周 無量劫修行 其心不厭足 念弓明利箭 衆行爲衣服 遊戲於三乘 直破魔王軍 菩薩轉輪王 智慧爲明珠 灌頂升王位 令得眞實道 妙慧作樹林 三昧常娛樂 供養一切佛 此諸菩薩行 思惟爲婇女 總持爲平地 高張神力蓋 法繪嚴淨警 身語及與心 空爲澄淨池 妙行爲婇女 波羅蜜爲輪 三昧爲城郭 嚴淨 微妙轉增上 甘露爲美食 覺分菡萏華 衆行爲河水 逈建智慧幢 平等如虛空 空寂爲宫殿 諸通以爲象 四攝主藏神 切智摩尼 切刹

普令一切衆 安住一切智 切刹微塵 念念可數知 悉可知其數

佛子諸功德 切虚空界 說之不可盡 一沙可度量 欲具此功德 切衆生心 及諸上妙法

應發金剛心 欲使諸衆生 學此功德行 離苦常安樂 欲令身語意 悉與諸佛等

大方廣佛華嚴經卷第五十九

普光三會萬行圓修普賢瓶瀉二千酬苦海泛慈舟一句全收法義

周

華嚴字母衆藝親宣善財童子得眞傳秘密義幽玄功德無邊唱誦利人

|唐騰同徒陶臺啼田檀〇覃頭柂唱柂字時普願法界衆生入般若

波羅蜜門

婆●傍朋蓬蒲袍牌毘頻槃○蹇哀婆唱婆字時普願法界衆生入般若

波羅蜜門

茶●長澄重除왰媷池陳獅沉怴儔茶唱茶字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海

南無華嚴海會佛菩薩 三 稱

音釋

聖侯音 之洗 印天 也子 緒 弧号音 也胡 木 矢箭 也始 戟 刃音 戟吉 奕博 奕亦 也美 也 躭樂音 也丹 犹

隔

通行 者作 摩六 五鈔 普嚴 乘以 七 息燕 城千 盛 薩薩 薩薩 慧萬 行苦 心初 心摩 問曆 行 藏本 本心 何菩 北四

刻作 云云 行景 作北 七各 蕉 數音 也雷 善善 善素 善藏 是行 焦音 也谷 幹 光行 焦音 也谷 幹 寶七 哮 車 枝干 故步 聲音 杵 幹上 顯 也蒿 剛音 也聲

書持感應

信受大經


者何謂 中之一門也有僧作數格供經華嚴經供于最上一日取誦訖納之中 瀚何不居華嚴之先法師謂華嚴具無量門般若雖多乃華嚴無量門 受持華嚴報 卷何不為大而六十卷華嚴經獨得大乎邈答云華嚴法界具一切門 說齊魏間事有如目覩書寫此經七百五十部其時太宗欲讀佛經問 貞觀年中孫思邈服流珠丹雲母粉年一百五十歲顏如處子至長安 於一門中可演出大千經卷般若經乃是華嚴中一門耳太宗方悟乃 邈何經爲大邈曰華嚴經佛所尊大帝曰近玄奘三藏譯大般若六百 也曰昔玄奘法師譯般若六百卷成以進御帝云般若如是浩 思盡 邈居 寫士 華護 嚴法 經論 事中 亦 竹窗二筆云或問經無與華嚴等


且三藏聖教獨華嚴如天王專制宇內諸侯公卿大夫百執事以至兆 格明晨經忽在上僧大驚異蓋經之威神所致亦持經之精誠所感也

民皆其所統馭也夫孰與之等也

山神聴經

服者坐聽數持異華鮮菓以獻師怪而問之答曰某山神也蒙師法力 從法順和尙披剃嘗誦華嚴於李牛谷草木爲食每誦經時有五七儒 曹城慧靈丘李氏子其親禱於五臺山而生旣長辭親詣五臺眞容院 無以爲報願充執侍師不樂遂捨其處





可

佛

刹

十方世界海形狀安立說

如 萬 微塵數世界至世界之種^即 世 金 研窮法界高廣無極展演心光恢鎣覺體自內之外從近之遠廓徹洞 融。 剛輪 東方次南方次右旋九方亦如是周極輪圍是爲華藏世界海之邊 億 界圍遶向上經七佛刹微塵數世界至浮幢之頂向下度十二佛 偏 兆京乃至不可說佛刹微塵數世界種方至極東大金剛輪圍山。 周空界初從我等現居國土名曰娑婆八方有十三佛刹微塵數 国山里 明明 三二輪圍十百千輪圍乃至不可說佛刹微塵數輪圍又一大 十華 方藏 微塵數世界海皆豎高十九佛刹微塵數世界上齊諸寶雲 世東 界界 海。復從此世界海東行度一大金剛輪圍 也金 燈 如東方南西北方及四隅亦如是共八不 界寶 種光 也明 如是東行度一種十種百種千種 山大

(一七大九)

M

浮幢: 彼華藏 過二 數彌 持山 海 此。 不可說佛刹微塵數世界海最下方至于一切如來圓滿 | 空無礙相智幢王佛所至 最 至廣 |空至第二||刹 爾則彼華 齊諸實地最下極于風輪統八極爲法界安立海之邊際也研究 利 上方至於說佛種性無有盡世界普智輪光明音佛所極盡。又復 。医大海如 二實十光 莊嚴世界海最下風輪名平等住其風輪下空曠莫 海十刹海百千萬億超諸世數乃至不可說佛刹微塵數世 至大無量無邊斯似乎極然猶未也等而上之尙有上下方故 **屠等。華王**如 藏莊嚴世界海浮幢之上空曠無窮復有風輪 海。世下 海。<u>華</u>幢如 海也。又度第三第四十百千萬乃至非世所. **幢。香海 懂。利海如** 極。總法界十方而觀之則華藏周而得八方。總法界十方而觀之則華藏周而得八 海。風輪等。須 界下 海華 。藏 如是上行過 彌殊 山勝 微威 光普照世 塵光 数。其下度 一刹海 測復有諸 輪平 有等 復

乃有多刹塵數之伴則上下諸佛刹海豈獨無伴乎是知經文含隱詳 如關。及傘蓋形如是揆之亦未可爲盡何也今會華藏爲主而十方公上下得一數下明刹海形狀。如豎軸水車輪狀歷齒。上下孤豎如軸。上下很豐數上明諸安立海。如豎軸水車輪狀双如倒立浮屠。仰安

此廣 譬如百千大蓮華池徧立空界嗚呼孰能縱金剛翮豁天眼光而遊觀 如是則八方齊等上下相當風輪香海重重相間華王刹海行行相當 大上下方之刹海一一各有衆多塵數刹海圍遠一 無容 大法界者哉又復諦審諦觀十方刹海亦非止此而已矣佛境 **凡邊**。 想。 **放** 下大 本解 經脫。 文。 路 大 言言 **毫昧**。 末莫 而館 已見 如華藏八方之 數。 界諸。

(1 せせこ)

入法界品第三十九之一

唐于闐國二藏沙門實叉難陀譯

威力菩薩離塵垢威力菩薩正法日威力菩薩功德山威力菩薩智光影 離塵幢菩薩普光幢菩薩地威力菩薩寶威力菩薩大威力菩薩金剛智 **菩薩寶幢菩薩無礙幢菩薩華幢菩薩離垢幢菩薩日幢菩薩妙幢菩薩** 威力菩薩普吉祥威力菩薩地藏菩薩虛空藏菩薩蓮華藏菩薩寶藏菩 百人俱普賢菩薩文殊師利菩薩而爲上首其名曰光燄幢菩薩須彌幢 爾時世尊在室羅筏國逝多林給孤獨園大莊嚴重閣與菩薩摩訶薩五

菩薩善眼菩薩淨眼菩薩離垢眼菩薩無礙眼菩薩普見眼菩薩善觀眼

薩日藏菩薩淨德藏菩薩法印藏菩薩光明藏菩薩齊藏菩薩蓮華德藏

菩薩天冠菩薩普照法界智慧冠菩薩道揚冠菩薩普照十方冠菩薩 菩薩青蓮華眼菩薩金剛眼菩薩實眼菩薩盧空眼菩薩喜眼菩薩普眼

明摩尼髻菩薩示現一切虛空平等相摩尼王莊嚴髻菩薩示現一 切如來師子座冠菩薩普照法界虛空冠菩薩梵王髻菩薩龍王髻菩薩 切佛藏冠菩薩超出一切世間冠菩薩普照冠菩薩不可壞冠菩薩持 一切化佛光明髻菩薩道揚髻菩薩一切願海晉寶王髻菩薩一切佛光 切如

切名字晉髻菩薩大光菩薩離垢光菩薩寶光菩薩離塵光菩薩燄光菩 來神變摩尼王幢網垂覆髻菩薩出一切佛轉法輪音髻菩薩說三世, 法光菩薩寂靜光菩薩日光菩薩自在光菩薩天光菩薩福德幢菩薩

提幢菩薩梵幢菩薩普光幢菩薩梵音菩薩海音菩薩大地音菩薩世主 智慧幢菩薩法幢菩薩神通幢菩薩光幢菩薩華幢菩薩摩尼幢菩薩菩

動自在王菩薩勢力自在王菩薩最勝自在王菩薩寂靜音菩薩無礙音 菩薩普明勝菩薩法勝菩薩月勝菩薩虛空勝菩薩實勝菩薩幢勝菩薩 音菩薩大悲方便雲雷音菩薩息一切世間苦安慰音菩薩法上菩薩勝 音菩薩山相擊音菩薩偏一切法界音菩薩震一切法海雷音菩薩降魔 切衆生善根音菩薩示一切大願音菩薩道場音菩薩須彌光覺菩薩虛 菩薩地震音菩薩海震音菩薩雲音菩薩法光音菩薩虛空音菩薩說 薩山自在王菩薩衆自在王菩薩速疾自在王菩薩寂靜自在王菩薩不 智勝菩薩娑羅自在王菩薩法自在王菩薩象自在王菩薩梵自在王菩 上菩薩智上菩薩福德須彌上菩薩功德珊瑚上菩薩名稱上菩薩普光 上菩薩大慈上菩薩智海上菩薩佛種上菩薩光勝菩薩德勝菩薩上勝

(一七七五)

空覺菩薩離**樂覺菩薩無礙覺菩薩善覺菩薩普照**二世覺菩薩廣大覺

こっ七十大

衆生爲不請友恆勤守護誓願不捨入於世間殊勝智門從佛敎生護佛 智海深信趣入及與無量諸世主俱悉曾供養無量諸佛常能利益一切 功德離結使縛住無礙處其心寂靜猶如虛空於諸佛所永斷疑惑於佛 界故及與五百聲聞衆俱悉覺眞諦皆證實際深入法性永出有海依佛 辯才無邊際劫無窮盡故等虛空界智慧所行悉淸淨故無所依止隨衆 覺所恆普詣故光明無際以智慧光普照一切實法海故說法無盡清淨 菩薩皆悉成就普賢行願境界無礙普偏一切諸佛刹故現身無量親近 菩薩普明覺菩薩法界光明覺菩薩如是等菩薩摩訶薩五百人俱此諸 生心現色身故除滅癡翳了衆生界無衆生故等虛空智以大光網照法 切諸 一法起於大願不斷佛種生如來家求一切智時諸菩薩大德聲聞世間 如來故淨眼無障見一切佛神變事故至處無限一切如來成正

所得出離

法往昔所作神通事往昔所有本事因緣及成等正覺轉妙法

畏如來 種種意 明解 威德 能通 所入菩薩諸地往昔圓滿諸菩薩行往昔成就方便往昔修行諸道 諸 能開示無能宣明無有能令衆生解了唯除諸佛加被之力佛 如來往昔趣求一 n衆 生種種 種 達無能 力趣向菩提淸淨心力求一切智廣大願力唯願世傳隨順我等及 力佛本願力及其宿世善根之力諸善知識攝受之力深淨信力大 | 幷其眷屬咸作是念如來境界如來智行 方便種種心境界種種依止如來功德種種聽受諸所說法顯示 一昧如來所住如來自在如來身如來智 趣入 一欲種種解種種智種種語種種自在種種住地種種根清 **/無能信解無能了知無能忍受無能觀察無能** 切智心往昔所起菩薩大願往昔所淨諸波羅蜜往昔 如來加持如來力如來 切世間諸天及 神通 揀擇。 往昔 力 無 佛

(一七七七)

大

建幢 受一 道傍出棟宇相承牕闥交暎階墀軒檻種種備足一切皆以妙寶莊嚴 不咸以摩尼所成爾時復以佛神力故其逝多林忽然廣博與不可說佛 光摩尼之所莊嚴閻浮檀金如意寶王周置其上以爲嚴飾危樓迥帶閣 切世間普皆嚴淨于時此大莊嚴樓閣忽然廣博無有邊際金剛爲地寶 悲爲首以大悲法而爲方便充徧虛空入師子頻申三昧入此三昧已 是等法願皆爲說爾時世尊知諸菩薩心之所念大悲爲身大悲爲門大 輪淨佛國土調伏衆生開一 悉作人天形像堅固妙好世中第一摩尼寶網彌覆其上於諸門側 **覆上無量寶華及諸摩尼普散其中處處盈滿瑠璃爲柱衆寶合成** 旛咸放光明普周法界道場之外階隥欄楯其數無量不可稱說 切衆生所施爲一切衆生說布施功德爲一切衆生現諸佛影像 切智法城示一 切衆生道入一切衆生所住

華 嚴 經 為大十

來本事 逝多林上虛空之中有不思議天宮殿雲無數香樹雲不可說須彌 照 焼衆 不可說妓樂雲出美妙音歌讚如來不可說寶蓮華雲不可說寶座 次第行列摩尼寶網之所彌覆阿僧祇寶放大光明阿僧祇寶莊嚴其地 繒幢寶華幢寶瓔珞幢寶鬘幢寶鈴幢摩尼寶蓋幢大摩尼寶幢光明偏 菡萏芬敷彌布水上衆寶華樹列植其岸種種臺榭不可思議皆於岸上 湍 阿僧祇寶以爲垣牆寶多羅樹莊嚴道側其間復有無量香河香水盈滿 刹 摩 激 微塵數諸佛國土其量正等一 ~ 洄澓一 庀 妙香香氣氛氲復建無量種種寶幢所謂寶香幢寶衣幢寶 · 寶幢出一 海摩尼王幢現一切法界影像摩尼王幢周徧十方行列莊嚴時 切寶華隨流右轉自然演出佛法音聲不思議寶芬陀利華 切如來名號音聲摩尼王幢師子摩尼王幢說一 切妙寶間錯莊嚴不可說寶偏布其地 雲敷 山 切如

(一七七九)

λ

普現 來能 威 林 不 以 如是見所謂見如來身住逝多林菩薩衆會皆悉徧滿見普雨 以天衣菩薩坐上 珠雲不可 币 給 思議 ·神力令一切佛及佛國莊嚴皆入其身不思議故如來能於一 力不思議故。 徧 孤 於 滿 獨 故如來隨放一一光明悉能偏照一切世界不思議故如來能 切法界影像不思議故如來能於一 以爲嚴飾何以故如來善根不思議故如來白法不思議故如來 毛孔 園 出 說赤珠樓閣莊嚴具雲不可說 見佛國 一切佛刹微塵數變化 中普現一切十方世界成住壞劫不思議故如於此逝 如來能以一 |歎佛功德不可說諸天王形像摩尼寶 土清淨莊嚴十方一 身自在變化偏 雲充滿 切盡法界虛空界一 雨金剛堅固珠雲皆住虛 毛 切諸佛國土不思議故 孔中示現過去一 切世界不思議故如來能 雲不 切世 可說白眞 微塵內 切莊 切諸 界亦 空周 於 佛 如

瓔珞而爲莊嚴雲爾時東方過不可說佛刹微塵數世界海外有世界名 樹 與不可說佛刹微塵數菩薩俱來向佛所悉以神力與種種雲所謂天華 金燈雲幢佛號毗盧遮那勝德王彼佛衆中有菩薩名毗盧遮那願光明• 切衆寶蓮華於華葉間自然而出種種樂音雲見普兩一 天寶幢旛雲天一 雲天香雲天末香雲天鬘雲天寶雲天莊嚴具雲天寶蓋雲天微妙衣雲 嚴具雲見普兩一切如衆生形種種香雲見普兩一切微妙寶華網相續 不斷雲見普兩一 雲見普兩 |彌覆佛刹雲見普兩一切天身雲見普兩一 **雲見普兩一切寶鬘瓔珞相續不絕周偏一** 蘆 切實光明照曜雲見普雨 播 切妙寶諸莊嚴雲充滿虛空至佛所已頂禮佛足卽於 切諸天女持寶幢旛於虛空中周旋來去雲見普雨 卷大十 切摩尼寶雲見普兩一 切華樹雲見普兩一 切大地雲見普兩一 九 切師子座寶網 こ七人こ 切莊 切衣 切莊

0 二七人二

外。 勝 瓔珞悉以神力充徧一切諸世界海到佛所已頂禮佛足卽於南方化作 偏 寶 名金 其身與其眷屬結跏趺坐南方過不可說佛剎微塵數世界海外有世界 不可說佛刹微塵數菩薩俱來向佛所持一切寶香網持一切寶瓔珞持 東 衣帶持 切寶 有世界名摩尼寶燈須彌山幢佛號法界智燈彼佛衆中有菩薩名普 照世間摩尼寶莊嚴樓閣及普照十方寶蓮華藏師子之座以一切寶 方 羅覆其身與其眷屬結跏趺坐西方過不可說佛剎微塵數世界海 上威德王 剛藏佛號普光明無勝藏王彼佛衆中有菩薩名不可壞精進王與 化作寶莊嚴樓閣及普照十方寶蓮華藏師子之座如意寶網羅覆 華帶持一切寶鬘帶持一切金剛瓔珞持一 切寶瓔珞帶持一切最勝光明摩尼帶持一 」與世界海微塵數菩薩俱來向佛所悉以神力與不可 切摩尼寶網持一 切師子摩尼 切

華 晟 摇 卷六十

二七人三

網 世界閻浮檀摩尼寶幢須彌山雲不可說佛刹微塵數現一切法界摩尼 佛 其身心王寶冠以嚴其首與其眷屬結跏趺坐北方過不可說佛刹微塵 寶須彌山雲不可說佛刹微塵數現一切諸佛相好摩尼寶王須彌山雲 數種種色金剛藏摩尼王莊嚴須彌山雲不可說佛刹微塵數普照一切 雲充滿法界至佛所已頂禮佛足卽於西方化作一切香王樓閣眞珠寶 不可說佛刹微塵數現一切如來本事因緣說諸菩薩所行之行摩尼寶 **雲不可說佛刹微塵數種種光燄輪莊嚴幢須彌山雲不可說佛刹微塵 刹微塵數種種塗香燒香須彌山雲不可說佛刹微塵數種種色香水** 彌覆其上及化作帝釋影幢寶蓮華藏師子之座以妙色摩尼網羅覆 彌山雲不可說佛刹微塵數一切大地微塵等光明摩尼寶王須彌山 彌山雲不可說佛刹微塵數現一切佛坐菩提場摩尼寶王須彌山

微塵數世界海外有世界名 光摩尼衣雲光明徧照殊勝赫奕摩尼衣雲光明徧照威勢熾盛摩尼衣 有菩薩名無礙勝藏王與世界海微塵數菩薩俱來向佛所悉以神力與 神力與寶樓閣雲香樓閣雲燒香樓閣雲華樓閣雲栴檀樓閣 覆 數世界海外有世界名寶衣光明幢佛號照虛空法界大光明彼佛衆 雲莊嚴海摩尼衣雲充徧虛空至佛所已頂 金色熾然摩尼衣雲一切寶光燄衣雲一 切寶 有 海 其身淸淨寶王爲髻明珠與其眷屬結跏趺坐東北方過不可說 莊嚴樓閣及毗瑠璃寶蓮華藏師子之座以師子威德摩尼王 菩薩名 衣雲所謂黃色寶光明衣雲種種香所熏衣雲日幢摩尼 化現法界願月王與世界海微塵數菩薩俱來向佛 一切歡喜淸淨光明網佛號無礙眼彼佛 切星辰像上妙摩尼衣 禮佛足卽於北方化作摩 雲 所悉以 雲白 金剛 網 佛 中

華 嚴 經 考六十

_ =

二七人五)

屬結 香王蓮華藏師子之座摩尼華網羅覆其身著妙寶藏摩尼王冠與其眷 閣 圓滿 樹 嚴幢佛號龍自在王彼佛衆中有菩薩名法慧光燄王與世界海微塵數 至佛所已頂禮佛足卽於東北方化作一 菩薩倶來向佛所悉以神力與金色圓滿光明雲無量寶色圓滿光明雲 南 如 光燄摩尼王 :雲摩尼樓閣雲金樓閣雲衣樓閣雲蓮華樓閣雲彌覆十方一 枝 方化作毗盧遮那最上寶光明樓閣金剛摩尼蓮華藏師子之座衆寶 來毫相圓滿光明雲種種寶色圓滿光明雲蓮華藏圓滿光明雲衆寶 圓滿 跏趺坐東南方過不可說佛刹微塵數世界海外有世界名香雲莊 光明雲星月色圓滿光明雲悉徧虛空到佛所已頂禮佛足即於東 光明雲如來頂髻圓滿光明雲閻浮檀金色圓滿光明雲 |網羅覆其身與其眷屬結跏趺坐西南方過不可說佛刹微 切法界門大摩尼樓閣及無等 一切世界。 日色

囚

薩名願 光燄 嚴飾 藏師子之座以離垢藏摩尼網羅覆其身著出一切衆生發趣音摩尼王 世 於 世如來海光燄雲一一皆從毛孔中出徧虛空界到佛所已頂禮佛足即 有菩薩名摧破一 塵數世界海外有世界名日光摩尼藏佛號普照諸法智月王彼佛衆 界名毗盧遮那願摩尼王藏佛號普光明最勝須彌王彼佛衆 切 西南方化作普現十方法界光明網大摩尼寶樓閣及香燈燄寶蓮華 一切毛孔一 雲毗盧遮那摩尼寶燄雲一切金光燄雲勝藏摩尼王光燄雲等三 冠與其眷屬結跏趺坐西北方過不可說佛刹微塵數世界海外有 毛 智光明幢與世界海微塵數菩薩俱來向佛所於念念中一 孔中出等虛空界華燄雲香燄雲實燄雲金剛燄雲燒香燄雲電 切身分皆出三世一切如來形像雲一 切魔軍智幢王與世界海微塵數菩薩俱來向佛所於 切菩薩形像雲 中有菩 切相

華 嚴 經 卷六十

聲雲出說 菩薩所起願方便海音聲雲出說一切菩薩成滿淸淨波羅蜜方便海晉 衆生語言海音聲雲出說一切三世菩薩修行方便海音聲雲出說一 來圓滿光普照佛號虛空無礙相智幢王彼佛衆中有菩薩名破一切障 藏師子之座以無能勝光明眞珠網羅覆其身著普光明摩尼寶冠與其 勇猛智王與世界海微塵數菩薩倶來向佛所於一切毛孔中出說 眷屬結跏趺坐下方過不可說佛刹微塵數世界海外有世界名 佛 切如來衆會形像雲一切如來變化身形像雲一 足即於西北方化作普照十方摩尼寶莊嚴樓閣及普照世間寶蓮華 切聲聞辟支佛形像雲一切如來菩提場形像雲一切如來神變形像 切世間主形像雲一切淸淨國土形像雲充滿虛空至佛所已頂禮 切菩薩圓滿行偏 一切刹音聲雲出說一 切如來本生身形像雲 切菩薩成就自在 切如如 切 切

(一七八七)

與世 盧 說 冠。 出說 形像衆寶莊嚴樓閣及一切寶蓮華藏師子之座著普現道場影摩尼寶 衆 用音聲雲出說 遮那等過去一切諸佛未來一 切國土一切諸佛幷其衆會亦現過去行檀那波羅蜜及其 切相好一切毛孔一切身分一 佛種性無有盡佛號普智輪光明音彼佛衆中有菩薩名法界差別 與其眷屬結 生法方便海晉聲雲出說一切隨時隨善根隨願力普令衆生證得智 方便海音聲雲到佛所已頂禮佛足卽於下方化作現一 界海微塵數菩薩俱發彼道場來向此娑婆世界釋迦牟尼佛所於 切如來轉法輪契經門名號海音聲雲出說一 跏趺坐上方過不可說佛刹微塵數世界海外有世界名 切如來往詣道場破魔軍衆成等正覺自在用音聲 切諸佛已得授記未授記者現在十方 切支節一切莊嚴具一 切隨應教化調伏 切衣服中 切如來宮殿 切受布 現毗

化作一 海如是一切本事海悉皆徧滿廣大法界至佛所已頂禮佛足卽於 光明摩尼王網羅覆其身以演說三世如來名摩尼寶王爲髻明珠與其 蜜勇猛清淨諸本事海亦現過去一切菩薩所修圓滿智波羅蜜諸本事 去所發一 過去樂見一切佛樂行一切菩薩道樂化一切衆生界諸本事海亦現過 過去求一切佛所轉法輪所成就法發勇猛心一切皆捨諸本事海亦現 諸本事海亦現過去求一 羅蜜割截支體心無動鼠諸本事海亦現過去行精進波羅蜜勇猛不退 施者諸本事海亦現過去行尸羅波羅蜜諸本事海亦現過去行羼提波 屬結跏趺坐如是十方一 切金剛藏莊嚴樓閣及帝靑金剛王蓮華藏師子之座以一切寶 切菩薩大願淸淨莊嚴諸本事海亦現過去菩薩所成力波羅 切如來禪波羅蜜海而得成就諸本事海亦現 切菩薩幷其眷屬皆從普賢菩薩行願中生 上方

(一七人九)

違 清 中像。 如 以淨智眼見三世佛普聞 淨。 畏勇猛力 於 切世 幻。知 切 切菩薩自在彼岸於念念中現大神變親近一 亦無 可得以方便智入一 勇猛精進摧伏魔軍恆以智慧了達三世知一切法猶如虛 虚空法界所行無 知 衆 生未 界一切如來衆會道場 取 自 切諸有生起 切佛悉皆如影知一切諸趣受生悉皆如夢知 著雖勤精進而知一切智終無所來雖觀境界而知一 在能師子吼深入無盡辯才大海得一切衆生言辭海諸 曾失時一毛 礙。 如 切法界以平等智入一 然時燄知 孔中出 知 一切諸佛如來所轉法輪修多羅海 切法無有障礙 於 切如來說法音聲知 塵 切世 中普現一 界皆如變化成就 切國土以自在力令 切世 切菩薩神通境界悉已 切諸佛如來一 間境界教化成就 切衆 切 業 如來十力 已得至於 容無 身充滿 生悉皆 報 切有 如鏡 有

境現廣· 切世界展轉相入於一切世界處處受生見一 大刹於廣大境現微細刹於一佛所一念之頃得一 切世界種種形相於微 切佛威神所 細

婆多須菩提阿烡樓駃難陀劫賓那迦旃延富樓那等諸大聲聞在逝多 加普見十方無所迷惑於刹那頃悉能往詣如是等一 皆是如來威神之力于時上首諸大聲聞舍利弗大目犍連摩訶迦葉離 切菩薩滿逝多林·

界菩薩大會菩薩普入菩薩普至菩薩普詣菩薩神變菩薩遊戲菩薩眷 勝如來妙行如來威德如來住持如來淨刹亦復不見不可思議菩薩境 林皆悉不見如來神力如來嚴好如來境界如來遊戲如來神變如來拿

菩薩觀察菩薩頻申菩薩勇猛菩薩供養菩薩受記菩薩成熟菩薩勇健 屬菩薩方所菩薩莊嚴師子座菩薩宮殿菩薩住處菩薩所入二昧自在

菩薩法身淸淨菩薩智身圓滿菩薩願身示現菩薩色身成就菩薩諸相

一九 (二七九二)

本不 清 善根不同故本不修習見佛自在善根故本不讚說十方世界一 不得諸大菩薩廣大歡喜故如是皆是普賢菩薩智眼境界不與一 鄞 流轉之時不勸衆生求於最勝大智眼故本不修習生一切智諸善根故。 不斷絕故本不攝受諸衆生故本不勸他修習菩薩波羅蜜故本在生 阿耨多羅 十方菩薩諸行圓滿如是等事一切聲聞諸大弟子皆悉不見何以故以 具足清淨菩薩常光衆色莊嚴菩薩放大光網菩薩起變化雲菩薩身門 ,眼所知境故本不求超出世間不共菩提諸善根故本不發一切菩薩 淨 大願故本不從如來加被之所生故本不知諸法如幻菩薩如夢故本 成 功德故本不稱歎諸佛世尊種種神變故本不於生死流轉之中發 就 如 三藐三菩提心故本不令他住菩提心故本不能令如來種 來出世諸善根故本不得嚴淨佛刹神通智故本不得諸菩 切佛

切二

於

生住於自事。

成

說不能淸淨不能趣入不能通達不能知見不能證得是故雖在

於彼智慧不能積集不能修行不能安住不能願求

所共以是因緣諸 不能觀察不能籌量不能思惟不能分別是故雖在逝多林中不見如 大聲聞不能見不能知不能聞不能入不能得不能

故無 聞 能廣爲他人開闡解說稱揚示 自 來 住令其證入何以故諸大弟子依聲聞 不能證不能住不能解不能觀察不能忍受不能趣向不能遊履又亦不 行安住 諸 在故無如是住處故無如是境界故是故於此不能 如是解脫故無如是神通故無如是威德故無如是勢力故無如是 大神變復次諸大聲聞無如是善根故無如是智眼故 一聲聞果於無有諦得決定智常住實際究竟寂靜遠離大悲捨 現引導勸進令其趣向令其修習令其安 乘而 出離故成就聲聞道滿 知不能見不能入 無如是三 足聲 味

二七九三

久積集善根力故發一 諸音樂樹奏天音樂天諸婇女歌詠美音無量諸天於中戲樂其人自見 覆其眼故不曾種植薩婆若地諸善根故譬如有人於大會中昏睡安寢. 邊 何以故夢中所見非彼大衆所能見故一 忽然夢見須 亦復如是雖復住在逝多林中不見如來廣大神力捨一 鬼裸形飢渴舉體焦然烏鷲豺狼競來搏撮爲渴所逼欲求水飮雖住J 千萬億普散天華偏滿其地種種衣樹出妙衣服種種華樹開敷妙華 而 林 、衣服普於其處住止周旋其大會中一切諸人雖同一 不見河設有見者見其枯竭何以故深厚業障之所覆故彼大聲聞 中 對於如來不見如是廣大神變佛子如恆河岸有百千億無量 彌 山頂帝釋所住善見大城宮殿園林種種嚴好天子天女 切智廣大願故學習 切菩薩 切佛功德故修行菩薩莊 世間諸王亦復如是以 切智無明瞖瞙 處不知不見

N

諸大弟子悉不能見譬如比丘在大衆中入徧處定所謂地徧處定水徧 清淨無礙悉能明見一切世間其所示現神通變化大菩薩衆所共圍繞 莫不具見其明眼者威儀進退彼諸人衆悉不能覩佛亦如是成就智眼 淸 處定火偏處定風偏處定靑偏處定黃偏處定赤徧處定白偏處定天 有 雖 供養諸佛能以正法開悟衆生能以四攝攝受衆生諸大聲聞不能得見 不能得見一切衆寶以不見故不能採取不得受用此亦如是諸大弟子 如 菩薩 千萬億人衆之內或行或住或坐或臥彼諸人衆形相威儀此明眼 淨眼名離垢光明一切闇色不能為障爾時彼人於夜闇中處在無量 在 來神力亦不能見諸菩薩衆譬如盲人至大寶洲若行若住若坐若臥 林 中親近世尊不見如來自在神力亦不得見菩薩大會何以故無 無礙淨眼不能次第悟入法界見於如來自在力故譬如有人得

六根而不知不見不解不入如來自在菩薩衆會諸所作事何以故如來 見天應知如來亦復如是在諸菩薩大集會中現大神通諸大聲聞悉不 菩薩如人生已則有二天恆相隨逐一日同生二日同名天常見人人人不 其眼在於衆會去來坐立無能見者而能悉覩衆會中事應知如來亦復 定者見其所緣其餘大衆悉不能見唯除有住此三昧者如來所現不可 境界甚深廣大難見難知難測難量超諸世間不可思議無能壞者非是 不覺定力持故不般涅槃一 能見譬如比丘得心自在入滅盡定六根作業皆悉不行一 如是超過於世普見世間非諸聲聞所能得見唯除趣向一切智境諸大 思議諸佛境界亦復如是菩薩具見聲聞莫覩譬如有人以翳形藥自塗 處定種種衆生身徧處定一切語言音聲徧處定一切所緣徧處定入此 切聲聞亦復如是雖復住在逝多林中具足 切語言不知

世 界如是等事諸大聲聞悉不知見非其器故爾時毗盧遮那願光明菩 切二乘境界是故如來自在神力菩薩衆會及逝多林普偏 切清淨

薩承佛神力觀察十方而說頌言 所願皆具足 善逝威神力 **今於此林內** 以了法無相 法王深妙法 汝觀大威德 汝等應觀察 切諸綠覺 是故名爲佛 所行無障礙 及彼大聲聞 無量菩薩衆 示現大神力 所現無央數 佛道不思議 無量難思議 皆悉不能知 所現諸神通 十方諸國土 甚深無有邊 而具相莊嚴 於此逝多林 切諸世間 切諸世間 菩薩行境界 無能 而來見世尊 言辭莫能辯 稱揚不可盡 舉世莫能測 迷惑不能了 示現神通力 测量者

建立智慧幢

堅固不動搖

知無變化法

而現變化事

十方無量刹

切諸佛所

同時悉往詣

而亦不分身

汝觀釋師子

自在神通力

能令菩薩衆

切倶來集

爾時不可壞精進王菩薩承佛神力觀察十方而說頌言 諸大名稱士 菩薩大智慧 無量三昧力 諸地悉究竟 所現諸神變 高建勇猛幢 難摧難可動 法界悉充滿

其心本明達 無來亦無住 汝觀無所著 **今此逝多林** 汝觀諸佛子 善入諸三昧 智慧功德藏 無量大衆海 種種皆嚴節 無依無戲論 究竟菩提行 智慧無邊際 離垢心無礙 十方來詣此 菩薩衆雲集 究竟於法界 坐寶蓮華座 安隱諸世間 親近如來住 境界不可量

爾時普勝無上威德王菩薩承佛神力觀察十方而說頌言 譬如十方刹 如日在虚空 推伏衆外道 諸佛常安住 譬如世間地 譬如空中日 譬如十五夜 正覺非有量 汝觀無上士 切諸佛法 照臨一 運行無暫已 月輪無減缺 法界平等際 **羣生之所依** 於空無所礙 廣大智圓滿 法界悉平等 亦復非無量 切諸異論 切處 若量若無量 照世燈法輪 世燈現變化 如來亦復然 普隨衆生心 善達時非時 如來亦如是 佛智亦如是 演說差別法 言說故不同 於世亦復然 神變恆相續 牟尼悉超越 爲依亦如是 白法悉圓滿 爲現神通力 爲衆演說法 言辭無有盡 此衆咸通達 了達三世法

譬如明淨寶

普照

切物

譬如如意

寶

能滿

切欲

譬如工幻師

示現種種事

譬如大水輪 譬如猛疾風 世界所依住 所 行無障礙 智慧輪亦爾 佛法亦如是 速編於世間 三世佛所依

爾時無礙勝藏王菩薩承佛神力觀察十方而說頌言

譬如大海水 譬如須彌山 譬如大寶山 出於大海中 澄淨無垢濁 饒益諸含識 佛山亦如是 世間燈亦爾 見佛亦如是 能除諸渴愛 從於法海出 普益於世間

如來甚深智 如海具衆寶 求者皆滿足 無量無有數 是故神通力 無師智亦然 見者悉開悟 示現難思議

最勝亦復然 佛智亦如是 滿諸淸淨願 現諸自在力

佛智亦如是 普照羣生心

三〇

爾時化現法界願月王菩薩承佛神力觀察十方而說頌言· 譬如水清珠 譬如八面寶 能清諸濁水 等鑒於諸方 見佛亦如是 無礙燈亦然 諸根悉清淨 普照於法界

釋迦無上算 難思佛國土 如來所現身 甚深微妙力 譬如帝青寶 微塵內 於法悉自在 於中成正覺 清淨相莊嚴 能靑一切色 佛現神通力 無邊不可知 普入於法界 示現神通力 令無量無邊 菩薩之境界 見佛者亦然 切諸菩薩 世主皆充滿 成就諸菩薩 無邊不可量 世間莫能測 菩薩皆清淨 悉發菩提行

佛子善修學

甚深諸法界

成就無礙智

明了一切法

菩薩種種行

無量無有盡

如來自在力

爲之悉示現

若有於此法

而興廣大願

思惟一切智

不可思議法

善逝威神力 如來智圓滿 境界亦清淨 爲衆轉法輪 譬如大龍王 神變普充滿 普濟諸羣生 令世皆清淨

爾時法慧光燄王菩薩承佛神力觀察十方而說頌言

況復諸凡夫 去來現在世 三世諸如來 聲聞大弟子 結使所纏縛 切諸綠覺 亦不知如來 悉不能知佛 無明覆心識 舉足下足事 而能知導師 舉足下足事

譬如明月光 正覺無礙智 一諸方便 念念所變化 無能測邊際 超過語言道 佛神通亦爾 盡於無量劫 其量不可測 莫見其終盡 孰有能知見 思惟不能了

彼於此境界 知見不為難一一一方便門 邊際不可得

1111

爾時破一切魔軍智幢王菩薩承佛神力觀察十方而說頌言 普淨三有處 光明照 譬如世間 從不思議業 智身非是身 心意已調伏 勇猛勤修習 一切 日 永 普放慧光明 法界悉清淨 起此清淨身 無礙難思議 志願亦寬廣 難思大法海 絕生死流 成就菩薩道 遠離諸塵垢 設有思議者 當獲大菩提 開佛菩提門 殊特妙莊嚴 其 八心無障 礙 出生無上覺 滅除一切障 出生衆智慧 不著於三界 最勝之境界 入此方便門 切無能 及

菩提一念頃

能覺一

切法

云何欲測量

如來智邊際

念悉明達

切三世法

故說佛智慧

無盡無能壞

示現無邊色

此色無依處

所現雖無量

切不思議

凡夫嬰妄惑

於世常流轉

菩薩心無礙

救之令解脫

爾時願智光明幢王菩薩承佛神力觀察十方而說頌言。 菩提不可說 智者應如是 超過語言路 專思佛菩提 諸佛從此生 此思難思議 是法難思議 思之不可得

世間之所有 雖在於生死 無量億千劫 信智已成就 其心不疲倦 若得決定心 若能善觀察 蘊界等諸法 而心無染著 所修功德行 念念令增長 亦復無懈怠 菩提無盡海 則能修妙行 安住諸佛法 常樂常觀察 則得離癡念 展轉增進修 禪寂自思慮 切皆捨離 切悉迴向 決定受持法 專求佛功德 常樂如來行 諸佛所求道 究竟諸佛法 無得無依法 永斷諸疑惑

二人〇大

爾時破一切障勇猛智王菩薩承佛神力觀察十方而說頌言 若有供養佛 如來出世間 如來妙色身 曉悟諸衆生 若有諸佛子 如來妙色身 如來世間燈 無量億千劫 已獲菩提智 菩薩行難稱 為世大福田 永除惡道畏 恆演廣大音 無量不思議 觀佛妙色身 通達一切法 佛名難可聞 復愍諸羣生 舉世莫能思 切所欽歎 消滅 普導諸含職 令入智慧門 辯才無障礙 必捨諸有著 億劫常瞻仰 普生三世福 光明照世間 偏除一 況復得親近 切苦 切苦 成就智慧身 令其集福行 開佛菩提門 授以菩提記 其心無厭足 迴向菩提道 **令衆悉清淨** 永斷諸疑惑 度脫一切衆 普與羣生樂 寧生諸地獄

無數劫

終不遠離佛

而求出惡趣

何故願久住

切諸惡道

以得見如來

增長智慧故

爾時法界差別願智神通王菩薩承佛神力觀察十方而說頌言 如來大慈悲 釋迦無上拿 若見人中勝 若見兩足尊 出現於世間 具一切功徳 能發廣大心 決意向菩提 普爲諸羣生 見者心清淨 是人能自知 是人恆值佛 轉無上法輪 必當成正覺 迴向大智慧 增長智慧力

寧在諸惡趣 寧於無量劫 寧代諸衆生 如來無數劫 備受一切苦 受諸惡道苦 勤苦爲衆生 恆得聞佛名 終不捨於佛 終不捨如來 不願生善道 云何諸世間 暫時不聞佛 能報大師恩 而求得安樂 而求於出離

若得見於佛 除滅一 切苦 能入諸如來 大智之境界

若得見於佛 **拾離一切障** 長養無盡福 成就菩提道

如來能永斷 切衆生疑 隨其心所樂 普皆令滿足

一大方廣佛華嚴經卷第六十

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

天

沙◎霜生春疎稍嗯詩申山深衫搜沙唱沙字時普願法界衆生入般若

博Disco!

囀◐忘○犛無○○微文構○踒雺嚩唱嚩字時普願法界衆生入般若

波 羅蜜門) 鐺燈多都

音

波羅蜜門 生四 啁 堤顚殫○擔侸哆唱哆字時普願法界衆生入般者

也之子祇 非舍 炙燒 赫 也瞪 筏 釋 因 名陀 是衞 也也 赤音 湍 渡音 瞙 也黑 急他 水伐 師 奉此 國國 子 施翻 號具 不音 奕 瀨官 也乘 頻 樹戰 以稱 明莫 行音 也切 桴 中 林勝 其室 也目 一 故即 城羅 獵 激离九十 也亦 獵 盛大 波音 臍音 有二 太 多筏 獵音 也也 也吉 也齊 同字 昧 契 疾 揀 前四 鈔北 文 出悉 也列 殊人底 敗 也音 洄 擇音 云藏 頻本 師 物此 賑 約氣 流音 也簡 申師 利 好翻 也音 也合 也囘 揀 奢子 從或 行為 贈鎮 🎅 逆墀 迅頻 善云 道好 也濟 羼音 冷復 堤音 俱申 住曼 德道 血 提產 流音 也池 是三 樓殊 五或 脈音 截 也伏 丹 渡 軒 展昧 閣室 天日 也悉 絕香 舒晉 至利 共聞 分 籌 樹 末音 四譯 娑此 聞物 迥 算音 臺音 日掀 體本 羅云 故此 遠兄 也紬 樹謝 軒簷 通師 林妙 名乃 也上 氛 檻 锡子 發德 聞城 聲 裸 氣音 檻音 之奮 起亦 物名 室 赤羅 也分 也遺 狀迅 善云 逝 羅 欄 體上 氲 長三 財神 多 筏 也聲 氣音 隥 者昧 南吉 林 國 焦 氣愠 聲登 决疏 行辭 云或 云舊 焦音 也氤 梯去

入〇九)

校異同

第二頁 音第 南十 藏一 作行 海北 智藏 海 第 流二 通行 作藏 亂本 動動

顯多 族黄 联 蔽有 仙此 舒疑 也羅 種頭 返此 日光 人云 適論 即尼 故仙 天云 月明 也采 悦云 尊子 人 上無 故飲 尊菽 之頻 者富 迦 人滅 離 者氏 義申 母樓 旃 間一 婆 之上 名那 延 不食 多 母古 從此 胤迦 沒之 故此 是仙 利 母云 也游 惡施 或云 彼人 弗 立滿 言者 極九 翻室 種山 彼疏 號也 尊天 故十 為星 姓居 鳥云 故彌 者竺 一 所配 從食 故舍 云多 是婆 姓 供之 母菽 弗利 滿羅 彼羅 陀 養而 氏卽 云此 願尼 種門 音此 生 立菉 子云 子云 族之 擊云 須 名豆 也驚 之姓 絕數 菩摩 從鷺 後延 倫喜 提訶呣其 胤者 故性 室此 迦 立母 也此 名極 空云 葉稱目 云 之聰 現善 仙此 故睛 也敏 善現 人云 標明 富 樓 劫 相生 及大 子利 那 賓 故而 尊飲 樓具 那 阿 者光 目 那云 黄此 笼 身本 犍 彌富 頭云

唐于闐國三藏沙門實叉難陀譯

入法界品第三十九之二

句演說能示現等虛空界 演說能示現等法界一切佛刹微塵中諸佛出與次第諸刹成壞次第法 句演說能示現等虛空界一 句演說能示現等虛空界一切佛刹中盡未來劫讚歎如來功德音聲法 菩薩以十種法句開發顯示照明演說此師子頻申三昧何等爲十所謂 切衆生解等一切衆生根等一 便等衆生界方便等三世等一 爾 時普賢菩薩摩訶薩普觀 切佛刹中佛坐道場菩薩衆會法句演說於 切佛刹中如來出世無量無邊成正覺門法 切衆生成熟時等一 切劫等一切衆生業等一切衆生欲等一 切菩薩衆會以等法界方便等虛空界方 切法光影方便爲諸

觀察不可思議三世諸佛悉皆平等觀察一切無量無邊諸言辭法而 觀察諸佛無邊三昧觀察不可思議諸世界海觀察不可思議如幻 賢菩薩欲 佛子此十爲首有不可說佛刹微塵數法句皆是如來智慧境界爾時普 法 數佛種種 世 身充滿十方一切刹海平等顯現法句演說能令一切諸境界中普現三 界菩薩衆會道場莊嚴等無差別盡未來劫轉於種種微妙法輪法 願海音盡未來劫開發化導一切菩薩法句演說能令佛師子座量 切毛孔念念出現等三世一切佛變化身充滿法界法句演說能令一 佛 神變法句演說能令一切佛剎微塵中普現三世一 重宣此義承佛神力觀察如來觀察衆會觀察諸佛難思境界 |神變經無量劫法句演說能令一切毛孔出生||世 切佛刹微塵 一切諸 法 同 佛

頌 言。

安坐一 佛坐 身雲等塵數 菩薩所修行 悉住普賢行 億刹微塵數 Ţ 達普賢行 毛孔 一國土 切刹 中 中 中 充偏一 聽聞 普明法海 皆遊法界海 出生諸佛法 菩薩功德海 充滿十方界 無量諸刹 微塵數刹 切刹塵佛 切刹 切法 行 海 海 普現一 普兩甘露法 具佛功德海 入於大願海 **俱從會中起** 無量菩薩 菩薩衆圍繞 佛處菩提座 悉有如來 國土中 切刹 雲 坐 令衆住佛道 廣現神通事 億劫修諸行 等入諸佛會 住佛境界地 咸來集其所 **徧滿十方界** 爲說普賢行 皆具菩薩衆 如是徧法界

二 入一 三

爾時世尊欲令諸菩薩安住如來師子頻申廣大三昧故從眉間白毫相

四

種言音或令種種諸菩薩等在於種種大衆會中種種言辭說種種法如 身種種相種種光明住種種威儀入種種三昧現種種神變或時自以種 非人等諸 在天宮殿龍宮殿夜叉宮殿乾闥婆阿脩羅迦樓羅緊那羅摩睺羅伽 薩 名種種色種種清淨種種住處種種形相如是一切諸國土中皆有大菩 界虛空界一切佛刹一一微塵中各有一切佛刹微塵數諸佛國土種種 屬普照十方一切世界海諸佛國土時逝多林菩薩大衆悉見一切盡法 放大光明其光名普照三世法界門以不可說佛刹微塵數光明而爲眷 或見於不可說佛刹量大衆會中出妙音聲充滿法界轉正法輪或見 坐於道場師子座上成等正覺菩薩大衆前後圍繞諸世間主而爲供 语宫殿中⁵ 或在人間村邑聚落王都大處現種種姓種種名種

此會中菩薩大衆見於如是諸佛如來甚深三昧大神通力如是盡法

昔於諸佛所同種善根或是過去以一切智善巧方便教化成熟是故皆 是毗盧遮那如來於往昔時善根攝受或昔曾以四攝所攝或是見聞憶 得入於如來不可思議甚深三昧盡法界虛空界大神通力或入法身或 其所應開示佛法教化調伏一 樂出妙言音普入一切衆會中普現一切衆生前色相有別智慧無異隨 念親近之所成熟或是往昔敎其令發阿耨多羅三藐三菩提心或是往 佛神力不壞三世不壞世間於一切衆生心中現其影像隨一切衆生心 至今現在一切國土身一切衆生身一切虛空道其中一一毛端量處一 虚 各有微塵數刹種種業起次第而住悉有道場菩薩衆會皆亦如是見 一空界東西南北四維上下一切方海中依於衆生心想而住始從前 切衆生未曾休息其有見此佛神力者皆

入色身或入往昔所成就行或入圓滿諸波羅蜜或入莊嚴淸淨行輪或

大

雖 來境界不動轉三昧普照無邊虛空三昧入如來力三昧佛無畏勇猛奮 切世間轉大悲藏三昧知一切法無有跡三昧知一切法究竟寂滅三昧 諸佛海三昧於一切世間悉現身三昧入如來無差別身境界三昧隨一 演 迅莊嚴三昧一切法界旋轉藏三昧如月普現一切法界以無礙音大開 **法界三昧普照一切三世無礙境界三昧法界無差別智光明三昧入如** 等十不可說佛刹微塵數佛神變海方便門云何種種三昧所謂普莊嚴 力無畏智或入佛無礙辯才海彼諸菩薩以種種解種種道種種門種種 入菩薩諸地或入成正覺力或入佛所住三昧無差別大神變或入如來 入種種理趣種種隨順種種智慧種種助道種種方便種種三昧入如是 無所得而能變化普現世間三昧普入一切刹三昧莊嚴一 三昧普清淨法光明三昧無礙繒法王幢三昧一一境界中悉見一 切佛刹成 切

t

二人一七

別身三昧普入一切佛智慧三昧知一切法性相三昧一念普知三世法 大國 能 刹三昧出一切佛變化身三昧以金剛王智知一 出 如來同一身三昧知一切法界所安立悉住心念際三昧於一 三昧念念中普現法界身三昧以師子勇猛智知一 中普照一 如來種性三昧以決定解力令現在十方一切佛刹海皆淸淨三昧一 正覺三昧觀 出生一切如來母三昧能修行入一切佛海功德道三昧一一境界中 現神變盡未來際三昧入一切如來本事海三昧盡未來際護持一 土中示現涅槃三昧令住最上處三昧於一切佛刹現種種衆生差 切法界境界慧眼圓滿三昧勇猛趣向十力三昧放一 切佛所住三昧入一切境界無礙際三昧令一切世界爲 切世間主色相差別三昧觀 切衆生境界無障礙三昧 切諸根海三昧知一 切如來出與次第三 切法界廣 切功德圓 念 切 佛 切

佛日常出現三昧一日中悉知三世所有法三昧普音演說一切法性寂 佛境界三昧堅住一 滅三昧見一切佛自在力三昧法界開敷蓮華三昧觀諸法如虛空無住 受三昧出一切莊嚴具莊嚴虛空界三昧念念中出等衆生數變化身雲 行不斷絕三昧十方普現身三昧於法界自在成正覺三昧生一切安隱 嚴三昧照明一切法義燈三昧照十力境界三昧三世一切佛幢相三昧 知一切劫無差別三昧入十力微細方便三昧於一切劫成就一切菩薩 滿光明普照世間三昧不動藏三昧說一法普入一切法三昧於一法以 三昧如來淨空月光明三昧常見一切如來住虛空三昧開示一切佛莊 一切佛一 切言音差別訓釋三昧演說一切佛無二法三昧知三世無礙際三昧 密藏三昧念念中所作皆究竟三昧無盡福德藏三昧見無邊 切法三昧現一切如來變化悉令知見三昧念念中

如來解脫處師子頻申三昧菩薩以如是等不可說佛刹微塵數三昧入 身恆現一切衆生前三昧知一切衆生差別音聲言辭海三昧知一切衆 門三昧乘蓮華自在遊步三昧知一切衆生種種差別神通智三昧令其 毗盧遮那如來念念充滿一切法界三昧神變海其諸菩薩皆悉具足大 生差別智神通三昧大悲平等藏三昧一切佛入如來際三昧觀察一 莊嚴一法門三昧以因陀羅網願行攝一切衆生界三昧分別 切衆生廣大殊勝神通智三昧一念中其身徧法界三昧現一乘淨法界 處成正覺三昧以一莊嚴入一切法界三昧普現一切諸佛身三昧知, 以寂靜身放一切光明三昧一念中現一切神通大願三昧一切時一切 三昧入普門法界示現大莊嚴|二昧住持一切佛法輪|三昧以一切法門 處三昧十方海普入一方三昧入一切法界無源底三昧一切法海三昧 切世界 切

(一人一九)

0

佛國土 猛 勝行願智慧圓滿淸淨善巧心極寂靜善入一切總持境界具三昧力勇 切 智波羅蜜究竟彼岸爲般若波羅蜜之所攝持以神通波羅蜜普入世間 以智身住離貪際超諸有海示眞實際智光圓滿普見諸法住於三昧堅 固不動於諸衆生恆起大悲知諸法門悉皆如幻一切衆生悉皆如夢 無所來教化調伏一切世間普爲衆生現安隱處智慧解脫爲其所行恆 切智智常現在前得離癡翳淸淨智眼爲諸衆生作調御師住佛平等於 智神通明利自在住於諸地以廣大智普觀一 一無怯獲明智眼住法界際到一切法無所得處修習無涯智慧大海到 如 切法無有分別了達境界知諸世間性皆寂滅無有依處普詣 來悉皆如影一切言音悉皆如響一切諸法悉皆如化善能積集殊 |而無所著悉能觀察一切諸法而無所住偏入一 切從諸智慧種性而生 切妙法宮殿而 切諸

華 嚴 經 卷大十二

徧 若見若聞所願皆滿福德高大超諸世間勇猛無畏摧諸外道演微妙音 諸菩薩行以無二智知諸境界普見一 善能悟解盡無盡際住於普際入眞實際無相觀智常現在前善巧成就 摧 智燈圓滿於一 **福德智慧如金剛山一切譬喻所不能及善觀諸法慧根增長勇猛精進** 以現了智訓釋文辭以大願力說法無盡以無所畏大師子吼常樂觀察 依三昧波羅蜜得心自在以不顚倒智知一切義以巧分別智開示法藏。 無依處法以淨法眼普觀一 身充滿 伏衆 切刹普見諸佛心無厭足於佛法身已得自在隨所應化 魔無量智慧威光熾盛其身超出一 切佛刹已得自在淸淨神通乘大智舟所往無礙智慧圓滿 切法無諸闇障放淨法光照十方界爲諸世間眞實 切以淨智月照世成壞以智慧光照眞實諦。 切世間諸趣徧往一 切世間得一 切法無礙智慧 切諸佛國土 而爲現身 福

令 諮· 普入一方其諸菩薩具如是等無邊福智功德之藏常爲諸佛之所稱歎。 種種言辭說其功德不能令盡靡不咸在逝多林中深入如來功德大海 隨其方所靡不咸至一一塵中現成正覺於無色性現一切色以一切方 無 諸衆生智恆以一切陀羅尼門演說無邊諸佛法海常轉不退清淨法輪 。 陀羅尼身凡所受持永無忘失一念能憶無量劫事一念悉知三世一 入一切法無諍境界知諸法性無生無起能令小大自在相入決了佛地 周徧法界譬如日出普照世間隨衆生心現其色像知諸衆生根性欲樂 障礙際於一切法勝智自在一切境界淸淨莊嚴普入十方一切法界 衆生皆生智慧得佛境界智慧光明入於善見甚深三昧入一切法 之趣以無盡句說甚深義於一句中演說一切修多羅海獲大智慧 切

悉見於佛光明所照爾時諸菩薩得不思議正法光明心大歡喜各於其

得不思議法光明故法應如是出與此等不可說佛刹微塵數大神變莊 滿十方雨一切諸香出一切世主身雲充滿十方演說普賢菩薩之行出 來道場雲充滿十方現一 薩 切如來自在變化雲充滿十方演出一切諸佛如來語言音聲出 果報出一切菩薩種種願行色相雲充滿十方說諸菩薩所有大願出一 悉能開悟 種大莊嚴雲充滿一切十方法界所謂於念念中放大光明雲充滿十方。 身及以樓閣諸莊嚴具幷其所坐師子之座徧逝多林一 三世諸佛一切功德出一切音樂雲充滿十方音中演說一切衆生諸業 切寶莊嚴淸淨佛刹雲充滿十方現一切如來轉正法輪是諸菩薩以 相好莊嚴身雲充滿十方說諸如來於一切國土出興次第出三世如 切衆生出一 切如來成等正覺功德莊嚴出一切龍王雲充 切摩尼寶鈴雲充滿十方出微妙音稱揚讚歎 切物中化現種 切菩

¥

挳

卷六十一

1 =

嚴雲爾時文殊師利菩薩承佛神力欲重宣此逝多林中諸神變事觀察

十方而說頌言。

汝應觀此逝多林 以佛威神廣無際

種種莊嚴寶燄雲 於其座等境界中 十方法界悉充滿 色像分明皆顯現 十方一切諸國

寶樹華中現妙身 其身色相等梵王 及發如來微妙音

種種諸相為嚴好 如來一一毛孔內

進止威儀恆寂靜

如普賢大菩薩

普說二世諸菩薩 亦出無量妙音聲

逝

多林中諸寶樹

所有莊嚴發妙音

切莊嚴皆示現

無邊品類大莊嚴

從諸佛子毛孔 出

徧滿十方一切刹

常現難思變化身 從禪定起而遊步

逝多林上虛空中

演說 成就 切功德海 切諸羣生

說佛刹微塵數大悲門利益安樂一切衆生於其身上一 爾時彼諸菩薩以佛三昧光明照故即時得入如是三昧一一 莫不於此林中見 靡不廣大等虚空 所有莊嚴妙道場 種種隨宜化羣品 所有莊嚴皆現佛 種種業海各差別 切普賢諸佛子 切刹海微塵數 一皆起大神通 於此園林境界中 百千劫海莊嚴刹 香燄衆華及寶藏 數等衆生徧世間 **偏滿十方諸國土** 悉入如來毛孔中 十方刹海微塵數 林中所有衆境界 其數無量等衆生 十方三世一切佛 悉現三世諸如來 次第莊嚴皆現覩 十方所有諸國土 一一色像皆明現 切莊嚴殊妙雲 一咸放大光明 一毛孔皆出不 皆得不可

二人三五

大

門或現不可 塵 昧禪定解脫門或現不可說佛剎微塵數佛道圓滿智光明門或現不可 或現不可說佛刹微塵數割截支體羼提波羅蜜門或現不可說佛刹微 形相 現不可說佛刹微塵數現生世界門或現不可說佛刹微塵數檀波羅蜜 可 數 調伏或現不可說佛刹微塵數諸天宮殿無常門或現不可說佛刹微塵 可說佛刹微塵數夢境門或現不可說佛刹微塵數菩薩大願門或現不 可說佛刹微塵數光明一一光明皆化現不可說佛刹微塵數菩薩其身 數 說 動修毗棃耶波羅蜜門或現不可說佛刹微塵數 佛 切衆生受生門或現不可說佛刹微塵數一切菩薩修行門或現不 如世諸主普現一切衆生之前周帀徧滿十方法界種種方便敎化 利微塵數震動世界門或現不可說佛利微塵數分別世界門或 可說佛刹微塵數一 切如來修諸功德種種苦行尸波羅蜜門 切菩薩修諸二

說佛刹微塵數知一切工巧明智門或現不可說佛刹微塵數知一 數隨諸衆生時節欲樂往詣其所方便成熟令住一切智海光明門或現 生差别明智門或現不可說佛刹微塵數知一 不可說佛刹微塵數降伏衆魔制諸外道顯現菩薩福智力門或現不可 刹微塵數親近一切佛諮問一 說佛利微塵數勤求佛法爲一 文一句故捨無數身命門或現不可說佛 切法心無疲厭門或現不可說佛刹微塵 切法差别明智門或現不 切衆

等不可說佛刹微塵數方便門往詣一切衆生住處而成熟之所謂或往 數· 知 衆生種種業明智門或現不可說佛刹微塵數開悟一切衆生門以如是 天宮或往龍宮或往夜叉乾闥婆阿脩羅迦樓羅緊那羅摩睺羅伽宮或 可 說佛刹微塵數知一切衆生心樂差別明智門或現不可說佛刹微塵 切衆生根行煩惱習氣明智門或現不可說佛剎微塵數知一 切

皆詣 聚落諸衆生所隨其所應以種種形相種種威儀種種音聲種種言論種 現妓樂身或現奉事諸天身或現工巧技術身往詣一 門身或現苦行身或現充盛身或現醫王身或現商主身或現淨命身或 或 圍 現 或有聞巳而調伏者或有憶念而調伏者或聞音聲而調伏者或聞 平等大悲平等大願平等智慧平等方便攝諸衆生或有見已而調伏者 而 處種 時 繞周徧十方皆令得見然亦不離此逝多林如來之所佛子此諸菩薩 調 一梵王宮或往人王宮或往閻羅王宮或往畜生餓鬼地獄之所住處以 ·伏者或見圓光而調伏者或見光網而調伏者隨諸衆生心之所樂 其所令其獲益佛子此逝多林一 現無量化身雲或現其身獨 種嚴飾諸宮殿中或時示現住自樓閣寶師子座道場衆會所共 無侶所謂或現沙門身或現婆羅 切菩薩爲欲成熟諸衆生故或時 切村營城邑王 名號

足行神樂聞妙法主地神常修大悲主水神智光照耀主火神摩尼爲冠 隨侍衞諸金剛神普爲衆生供養諸佛諸身衆神久發堅誓願常隨從諸 林如來之所爾時文殊師利童子從善住樓閣出與無量同行菩薩及常 乘位或說智燈所照一切法境界敎化成就一切衆生而亦不離此逝多 種住處於 切智慧照世明燈或說一切衆生業力所莊嚴或說十方國土建立諸 切世間猶如帝網行菩薩行或說一 切世間工巧事業或說

解闡 海神常勤積集趣一切智助道善根高大如山主山神常勤守護一切衆 主風神明練十方一切儀式主方神專勤除滅無明黑闇主夜神一心匪 明佛日主晝神莊嚴法界一切虛空主空神普度衆生超諸有海主

生菩提心城主城神常勤守護一切智智無上法城諸大龍王常勤守護

切衆生諸夜叉王常令衆生增長歡喜乾闥婆王常勤除滅諸餓鬼趣

ō

生 殊 養。 住 利 嚴諸菩薩 佛 **今當與文** 高 鳩 (供養 師 處 菩 此 槃茶 勝 諸 出 梁指佛 比 利 薩 世 福 與諸 所此六千比丘是含 畢 間 炭製悪比 光比丘。 已辭 一恆願拔河 殊 衆。 阿 脩 師 | 奪重於佛讚歎供養諸大梵王文殊師 所。 菩薩衆會莊嚴出 出自住處來詣 湿南行: 頂 利 羅 大童 禮佛 丘如是等其數六千 王見佛歡喜 俱往南方 時尊者 濟 **字比丘** 足 往 切衆生出諸 具白 於 利 人 佛所右繞世尊經 弗自所 電 世 間 逝 一曲躬恭敬摩 生 尊。 多 爾 含利 林往 世 此 時 有 尊 **| 丘淨行比丘天德比丘** 尊者舍 悉曾供養無量諸佛深植善 同 海 住 聽 弗與六千比丘 於 迦樓羅 出家未久所 睺 許。 南 1利弗承 右 無量 方 羅伽王常厭生死 、遊行人間: 一 繞 \pm \circ 利 願得成就諸 而。 以諸 币辭 佛 與 謂 前後圍 神力見文殊 如是等功德 退而 海 作 供具種種 :如是念 君 覺 恆樂 慧 比 去。 繞。 如 丘。 根。 此 往 出 來 自 師 供 莊 身

華 嚴 經 卷六十一

場隨逐而轉汝可觀察文殊師利所行之路具足無量福德莊嚴左右 路左右八步平坦莊嚴汝可觀察文殊師利所住之處周迴十方常有道。 觀諸 敬以爲供養汝可觀察文殊師利十方一切諸佛如來將說法時悉放, 邊有大伏藏種種珍寶自然而出汝可觀察文殊師利曾供養佛善根所 利衆會具足皆是菩薩往昔善根之所攝受汝可觀察文殊師利所行之 佛 力廣 心。 汝可觀察文殊師利光網莊嚴除滅衆生無量苦惱汝可觀察文殊師 切天人莫能思議汝可觀察文殊師利圓光暎徹令無量衆生發歡喜 功德皆是文殊師利說法敎化之所成就爾時尊者舍利弗在行道中 切樹 比丘告海覺言海覺汝可觀察文殊師利菩薩淸淨之身相好莊嚴 大信眼明徹其心寬博觀佛境界了法本性饒益衆生常樂勤求諸 間 出莊嚴藏汝可觀察文殊師利諸世間主兩供具雲頂禮 眉 兩

俱 行。 自 尊 出 開 師 悉 說已心意淸淨信解堅固喜不自持舉身踴躍形體柔輭諸根悅豫 間 如是相好。 敬 者舍利弗言唯願大師將 在 生入於諸度甚深境界十方佛海常現在前於一切智深生信樂卽白 . 白毫相光來照其身從頂上入爾時尊者舍利弗爲諸比丘稱揚讚 除 和 作 菩 至其所已白言仁者此諸比丘願得奉覲爾時文殊師利童子無量 演說文殊師利童子有如是等無量功德具足莊嚴彼諸比丘聞是 垢 倘 薩圍繞幷其大衆如象王迴觀諸比丘時諸比丘 障咸盡常見諸佛深求正法具菩薩根得菩薩力大悲大願皆自 如是言我今奉見恭敬禮拜及餘所有一切善根唯願仁者文殊 ?舍利弗世尊釋迦牟尼皆悉證知如仁所有如是色身如是音 如是自在願我 引我等往詣於彼勝人之所時 切悉當具得爾時文殊師利菩薩告諸 頂 **公禮其足** 含利 弗 合掌 憂苦 卽

菩薩 丘言比丘若善男子善女人成就十種趣大乘法則能速入如來之地況 地何者爲十所謂積集一切善根心無疲厭見一切佛承事供養心

無疲厭求一切佛法心無疲厭行一 切波羅蜜心無疲厭成就一切菩薩

教化調伏 厭爲成就 三昧 心無疲厭次第入一切三世心無疲厭普嚴淨十方佛刹 衆生故修行一 切衆生心無疲厭於一切刹一切劫中成就菩薩行心無 切佛刹微塵數波羅蜜成就如來十力如是 心 無 疲厭。 疲

次第爲成熟一切衆生界成就如來一切力心無疲厭比丘若善男子善 女人成就深信發此十種無疲厭心則能長養一 切善根捨離一 切諸

死趣超過 切世間種性不墮聲聞辟支佛地生一 切如來家具一 切菩

庭願學習 道亦能除滅 切如來功德修行 切煩惱入菩薩地近如來地時諸比丘聞此法已 一切菩薩諸行得如來力摧伏衆魔及諸 」則得

薩

M

輪· 妙。 中過 來種種言音演說諸法文辭訓釋悉皆解了亦能觀察彼世界中一 三昧十千波羅蜜悉皆淸淨得大智慧圓滿光明得菩薩十神通 生 彼諸世界中一切衆生所住宮殿以種種寶而爲莊嚴及亦聞彼諸佛 生亦悉見彼 界諸佛如來及其所有道場衆會亦悉見彼十方世界一 三昧名無礙眼見一切佛境界得此三昧故悉見十方無量無邊 住 十種 諸 去未來各十劫事亦能憶念彼諸如來十本生事十成正覺十轉法 根 薩 神通十種說法十種教誡十種辯才又即成就十千菩提心十千 心欲亦能憶念彼世界中一 心堅固 切世界種種差別亦悉見彼一 不動爾時文殊師利菩 切衆生前後十生亦能憶念彼世 薩勸諸比丘住普賢行住普賢 切世界所有微塵亦悉見 切諸趣所有衆 柔輕微 切衆 切世 如

已入大願海入大願海已成就大願海以成就大願海故心淸淨心淸

神通故不離文殊師利足下普於十方一切佛所悉現其身具足成就一 淨故身清淨身清淨故身輕利身清淨輕利故得大神通無有退轉得 此

切佛法。

大方廣佛華嚴經卷第六十一

南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

末瓦山矴鉢囉帝烏怛摩怛摩怛塔葛塔喃末瓦吽癹莎 福城東際童子南詢百城烟水渺無垠知識異常倫五十三人一曲和陽 訶

春

華嚴字母衆藝親宣善財童子得眞傳秘密義幽玄功德無邊唱誦利人

也)陽蠅容余遙○移寅延淫鹽由也唱也字時普願法界衆生入般若

波羅蜜門

若 波羅 蜜門

吒瑟 迦 **吞**© ○岡搄公孤高該雞斤千金甘鈎 張尸 徵尸 中書 朱書 朝尸 梩師 知尸 珍尸 彼師 砧尸 點師 迦唱迦字時普願法界衆生入般若 輈師 吒瑟 唱 ^{吒瑟} 字時普願法界衆生入

波有四 同生 前九

四十二字

妙陀羅字字包含義理多阿根梵韻滿娑婆功德大法界沐

恩

波羅蜜門

音釋

奮 也音 因 陀 動糞 截 斷音 也舒 羅 網 也絕 讯 此因 截 疾音 云陀 耀 也信 帝羅 耀音 迅 也曜 光 繒情 君 慧比 練帛會 精連 也二 練去 音 也聲 比因 也音 屋 丘陀 羼音 障意 智羅 提產 也隱 慧者 鳩 怯 比此 餘云 鳩九 也音 盤平 弱愜 茶聲 也懼 丘也 暎 諮 最末 明音 也音 尊底 也映 謀咨 如慧 也問 坦 君也 故言 平音 割 日此 也祖 葛音

校異同 也君

慧

第一回頁第二 通第 流二 本九 通行 俱行 作藏 虚唐 能本 空宋 分能 中元 一令 惟本 切一 北疏 第 演 三 本本 作南 第第 虛臟 八七 空本 行行 界諸 藏藏 流 本本 普安 明坐 流流 通通 本本 作作 普安 編住

入法界品第三十九之三 唐于闐國三藏沙門實叉難陀譯

經歷人間至福城東住莊嚴幢娑羅林中往昔諸佛曾所止住敎化衆生 爾時文殊師利菩薩勸諸比丘發阿耨多羅三藐三菩提心已漸次南行

摩睺羅伽人與非人之所供養時文殊師利與其眷屬到此處已卽於其 名稱普聞無量佛刹此處常為天龍夜叉乾闥婆阿脩羅迦樓羅緊那羅 大塔廟處亦是世尊於往昔時修菩薩行能捨無量難捨之處是故此林

海中有無量百千億諸龍而來其所聞此法已深厭龍趣正求佛道咸捨 處說普照法界修多羅百萬億那由他修多羅以爲眷屬說此經時於大

龍 身生天人中一 萬諸龍於阿耨多羅三藐三菩提得不退轉復有無量

(一人三九)

一人四〇)

光優婆夷妙身優婆夷可樂身優婆夷賢優婆夷賢德優婆夷賢光優婆 所頂禮其足右繞二市退坐一面復有五百優婆夷所謂大慧優婆夷善 婆塞有名稱優婆塞施名稱優婆塞月德優婆塞善慧優婆塞大慧優婆 羅林中大塔廟處無量大衆從其城出來詣其所時有優婆塞名日大智 師利童子所頂禮其足右繞三市退坐一面復有五百童子所謂善財童 夷幢光優婆夷德光優婆夷善目優婆夷如是等五百優婆夷來詣文殊 塞賢護優婆塞賢勝優婆塞如是等五百優婆塞俱來詣文殊師利童子 與五百優婆塞眷屬俱所謂須達多優婆塞婆須達多優婆塞福德光優 無數衆生於三乘中各得調伏時福城人聞文殊師利童子在莊嚴幢娑 覺童子善眼童子善턣童子善光童子如是等五百童子來詣文殊師利 子善行童子善戒童子善威儀童子善勇猛童子善思童子善慧童子善

童女德光童女善光童女如是等五百童女來詣文殊師利童子所頂禮 童子所頂禮其足右繞三 市退坐一面復有五百童女所謂善賢童女大 心樂現自在身威光赫奕蔽諸大衆以自在大慈令彼淸涼以自在大悲 其足右繞三市退坐一面爾時文殊師利童子知福城人悉已來集隨其 智居士女童女賢稱童女美顏童女堅慧童女賢德童女有德童女梵授 其七大藏縱廣高下各滿七肘從地涌出光明照耀復於宅中自然而有 樓閣其樓閣下有七伏藏於其藏上地自開裂生七寶芽所謂金銀瑠璃 善財以何因緣而有其名知此童子初入胎時於其宅內自然而出七寶 起說法心以自在智慧知其心樂以廣大辯才將爲說法復於是時觀察 玻瓈真珠硨磔碼碯善財童子處胎十月然後誕生形體支分端正具足 |百寶器種種諸物自然盈滿所謂金剛器中盛一切香於香器中盛種 菙 嚴 經 卷六十二 Ξ (一人四一)

M

相續 清 童子已安慰開喻而爲演說 親近諸善知識身語意業皆無過失淨菩薩道求一切智成佛法器其心 兒名日善財叉知此童子已曾供養過去諸佛深種善根信解廣大常 器 寶及諸 滿 盛銀銀器盛金金銀器中盛滿瑠璃及摩尼寶玻瓈器中盛滿硨磲硨磲 種 淨猶 中盛滿 一衣美玉器中盛滿種種上味飲食摩尼器中盛滿種種殊異珍寶金器 水摩尼水摩尼器中盛滿火摩尼如是等五百寶器自然出現又雨 法說一 切佛色身相好法說 財物一切庫藏悉令充滿以此事故父母親屬及善相師共呼此 如虛空迴向菩提無所障礙爾時文殊師利菩薩 玻瓈碼碯器中盛滿眞 切佛次第法說一 切佛法身成就法說 切佛衆會清淨法說一 切佛法所謂說 珠真珠器中盛滿碼碯火摩尼器 一切佛積集法說一 切佛言辭辯才法說 切佛法輪 如是觀察善 化導法。 切佛 中盛 財

童子及諸大衆說此法已殷勤勸喻增長勢力令其歡喜發阿耨多羅三 切佛光明照耀法說一切佛平等無二法爾時文殊師利童子爲善財

法然後而去爾時善財童子從文殊師利所聞佛如是種種功德一心勤 藐三菩提心又令憶念過去善根作是事已卽於其處復爲衆生隨宜說

二有爲城郭 憍慢爲垣牆 諸趣爲門戶 愛水爲池壍 求阿耨多羅三藐三菩提隨文殊師利而說頌日

貪愛爲徽纆 愚癡闇所覆 **諂誑為轡勒 貪恚火熾然** 魔王作君主 疑惑蔽其眼 童蒙依止住 趣入諸邪道

慳嫉憍盈故 入於三惡處 或墮諸趣中 生老病死苦

妙智淸淨日 妙智淸淨月 大悲圓滿輪 大慈無垢輪 能竭煩惱海 願賜少觀察

切悉施安 願垂照察我 (一人四三)

住法須彌頂 身被忍辱甲 福智大商 惑業地趣因 定女常恭侍 手提智慧劍 滅惑阿脩 自在降魔軍 伏 羅 帝釋願觀我 願垂拔濟我

世 捨離諸惡 三有凡愚宅 間顚倒執 趣 常樂我淨 **清淨諸善道** 想 智眼悉能 超諸世間 仁者悉調 離 者 開我解脫門 示我解脫門 如燈示我道

住佛正見地 道 分別 長佛功德 心無 樹 怯 雨佛妙法華 切決了人 示我菩提道 示我菩提路

善

知邪正

如日出 智慧決定人 世 間 爲我說其道 示我摩訶衍

善知

切業

深達諸乘行

去來現在佛

處處悉周

偏

廣大極清淨 禪定三昧箱 常轉布施輪 淨諸業惑輪 堅固如金剛 普行爲周校 大願淸淨輪 總持廣大箱 四攝無盡藏 梵行爲茵褥 願輪大悲轂 普與衆生樂 善巧如幻 總持堅固力 功德莊嚴寶 斷諸流轉苦 悲心作徐 智慧方便軛 恆塗淨戒香 慈愍莊嚴蓋 信軸堅忍轄 三昧爲采女 化 轉 摧魔及外道 虚空法界等 智慧所成就 調伏不退轉 忍辱牢莊 功德寶莊校 所向皆無怯 慚愧爲羈鞅 法鼓震妙音 辯才鈴震響 切無障礙 嚴 令我載此乘 令我載此乘 使我載此乘 **令我載此乘** 令我載此乘 **令我載此乘** 令我載此乘 願與我此 **令我載此乘** 願與我此乘 令我載此乘 乘

(一人四五)

爾時文殊師利菩薩如象王迴觀善財童子作如是言善哉善哉善男子 汝已發阿耨多羅三藐三菩提心復欲親近諸善知識問菩薩行修菩薩 已入法王位 四攝圓滿輪 願力速疾行 如地不傾動 清淨如虛空 智慧滿十方 已著智王冠 總持清淨光 如水普饒盆 定心安隱住 愛見悉除滅 莊嚴徧法界 已繫妙法繪 如是智慧日 如是運衆生 普運諸含織 普洽衆生願 利益一切衆 願能慈顧我 願示我令見 令我載此乘 令我載此乘 **令我載此乘** 令我載此乘

道善男子親近供養諸善知識是具一切智最初因緣是故於此勿生疲 厭善財白言唯願聖者廣爲我說菩薩應云何學菩薩行應云何修菩薩 行應云何趣菩薩行應云何行菩薩行應云何淨菩薩行應云何入菩薩

增廣菩薩行應云何令普賢行速得圓滿爾時文殊師利菩薩爲善財童 行應云何成就菩薩行應云何隨順菩薩行應云何憶念菩薩行應云何

子而說頌言

汝偏 岩入方便海 汝見無邊際 若有諸菩薩 善哉功徳藏 汝於十方界 福光福威力 已發廣大願 一切刹 微塵等諸劫 安住佛菩提 普見無量佛 十方一切佛 福處福淨海 不厭生死苦 除滅衆生苦 能來至我所 能隨導師學 成就諸願海 皆悉聽聞法 修行普賢行 普爲諸世間 汝爲諸衆生 發起大悲心 賏具普賢道 當成一 成就菩提道 具足菩薩行 願修普賢行 修行菩薩行 受持不忘失 勤求無上覺 切無能壊 切智

男子於此南方有一國土名爲勝樂其國有山名曰妙峯於彼山中有 藐二菩提·是事爲難能發·已求菩薩行倍更爲難善男子若欲成就 語已歡喜踴躍頭頂禮足繞無數币殷勤瞻仰悲泣流淚辭退南行向勝 菩薩云何於普賢行疾得圓滿德雲比丘當爲汝說爾時善財童子聞是 爾時文殊師利菩薩說此頌已告善財童子言善哉善哉善男子汝已發 比丘名日德雲汝可往問菩薩云何學菩薩行菩薩云何修菩薩行乃至 阿耨多羅三藐三菩提心求菩薩行善男子若有衆生能發阿耨多羅三 一厭足於善知識所有教誨皆應隨順於善知識善巧方便勿見過失善 切智智應決定求眞善知識善男子求善知識勿生疲懈見善知識 此無量衆生 汝於無量刹 聞汝願歡喜 無邊諸劫海 皆發菩提意 修行普賢行 願學普賢乘 成滿諸大願

華嚴經卷六十二

(一人四九)

薩成就 我聞聖者善能誘誨唯願垂慈爲我宣說云何菩薩而得成就阿耨多羅 比丘經於七日見彼比丘在別山上徐步經行見已往詣頂禮其足右繞 行求菩薩境界求菩薩出離道求菩薩淸淨道求菩薩淸淨廣大心求菩 羅三藐三菩提心復能請問諸菩薩行如是之事難中之難所謂求菩薩 樂國登妙峯山於其山上東西南北四維上下觀察求覓渴仰欲見德雲 得自在決定解力信眼淸淨智光照耀普觀境界離一 知菩薩云何學菩薩行云何修菩薩行乃至應云何於普賢行疾得圓滿 三藐三菩提時德雲比丘告善財言善哉善哉善男子汝已能發阿耨 三市於前而住作如是言聖者我已先發阿耨多羅三藐三菩提心而未 心求菩薩生死涅槃門求菩薩觀察有爲無爲心無所著善男子我 神通求菩薩示現解脫門求菩薩示現世間所作業求菩薩隨順 切障善巧觀察普

千世 提微 那 種 佛 眼 師子吼善男子我唯得此憶念一切諸佛境界智慧光明普見法門豈能 種形貌種種神通種種遊戲種種衆會莊嚴道場種種光明無邊照耀種 如 等不可數不可稱不可思不可量不可說不可說不可說佛乃至見閻 佛。 十佛 國 東 曲 如來總持一 明徹具淸淨行往詣十方一切國土恭敬供養 方南 界微塵數佛十佛刹微塵數佛乃至不 塵數佛四天下微塵數佛千世界微塵數佛二千世界微塵數佛三 他億佛千那由他億佛百千那由他億佛乃至見無數無量無邊 種種壽命隨諸衆生種種心樂示現種種成正 百佛千佛百千佛億佛百億佛千億佛百千億佛那由他億 西北方四維上下亦復如是一一方中所有諸佛種種色相 切諸佛正法常見一切十方諸佛所謂見於東方一 可說不可說佛刹微塵數佛 切諸佛常念 覺門於大衆 佛 佛 切諸 中 無 而

1 =

二人五二

佛門於一 念佛門於 普見二世諸如來故住一切境念佛門普於一 住 佛 第現故住寂滅念佛門於一念中見一 令見佛得淸淨故令安住力念佛門令入如來十力中故令安住法**念佛** 了 一成見佛身超過一 於 佛海故入不可見處念佛門悉見一 見無量佛聽聞法故照耀諸方念佛門悉見一切諸世界中等無差別 國土種種宮殿悉嚴淨故令一切衆生念佛門隨諸衆生心之所樂皆 知諸大菩薩無邊智慧淸淨行門所謂智光普照念佛門常見一 諸劫念佛門一 切時常見如來親近同住不捨離故住一 念中見一 切劫中常見如來諸所施爲無暫捨故住一 切無與等故住一 切佛從其所住而出去故住廣大念佛門心常 切刹 切微細境中諸佛自在神通事故 切世念佛門隨於自心之所欲樂· 切諸佛示涅槃故住遠 切諸境界中見諸如來次 切刹念佛門一 切時 切國 切諸 念

業念佛門 佛 法 助 所 來出現悉至其所而 雲比丘能 嚴法界虛空界故而我云何能知能說彼功德行善男子南方有國 、坐廣 明當令 輪故住自在心念佛門知隨自心所有欲樂一 成等正覺現神變故住能事念佛門見一 位當令 門彼 大蓮 佛身充偏 分别說發起廣大善根因緣善男子海雲比丘當令汝入廣 汝修廣大波羅蜜當令汝入廣大諸行海當令 有比丘名爲海雲汝往彼問菩薩云 知隨衆生所積集業現其影像令覺悟故住神變念佛門見佛 華 汝生廣 周編 法界而開敷故住虛空念佛門 承事故住莊嚴念佛門於一念中見一 切諸法界故住微細念佛門於 大善根力當 爲 汝說發菩提 切佛出現世間放智慧光轉 何學菩薩行修菩薩 心因當今 切諸佛現其像故住 觀察如來 毛端有不 汝滿廣大誓 汝 切刹皆有諸 生廣 所有身雲 可說如 道。 願 自

海長 切無 畢於前合掌作如是言聖者我已先發阿耨多羅三藐三菩提心欲入 軌 輪。 何 薩 智慧光明門正念觀察菩薩解脫門正念觀察菩薩三昧門正念觀察菩 丘足右繞觀察辭退而去爾時善財童子一心思惟善知識敎正念觀察 **、佛智海云何能離凡夫地入如來地云何能斷生死流入菩薩行流云** 諸佛所入方便門漸次南行至海門國向海雲比丘所頂禮其足右繞 則門正念觀察諸佛等虛空界門正念觀察諸佛出現次第門正念觀 一大海門正念觀察諸佛現前門正念觀察諸佛方所門正念觀察諸佛 當令汝淨廣大莊嚴門當令汝生廣大慈悲力時善財童子禮德雲比 大悲海云何能閉衆難惡趣門開諸大涅槃門云何能出三界城入 破 一智海而未知菩薩云何能捨世俗家生如來家云何能度生死海 生 死 一輪成菩薩願輪云何能滅魔境界顯佛境界云何能竭愛欲

二人五三

空界無不往故發寬博心悉見一切諸如來故發清淨心於三世法智無 礙 故發饒益··
令一切衆生離惡法故發哀愍·
有怖畏者咸守護故發無 樂觀察如來境界如是乃能發菩提心發菩提心者所謂發大悲心普敦 所藏積等心如地無有高下性常慈愍一切衆生於諸有趣專念不捨恆 生種種廣大福海長白淨法無有懈息事善知識不生疲厭不顧身命無 發阿耨多羅三藐三菩提心要得普門善根光明具眞實道三昧智光出 發阿耨多羅三藐三菩提心海雲言善男子若諸衆生不種善根則不能 告善財言善男子汝已發阿耨多羅三藐三菩提心耶善財言唯我已先 切衆 心捨離一切諸障礙故發廣大心一切法界咸徧滿故發無邊心等虛 切智城云何能棄捨一切玩好之物悉以饒益一切衆生時海雲比丘 生故發大慈心等祐一 切世間故發安樂心令一切衆生滅諸苦

ーセ

(二) 入五五

唧諸瓔珞及寶繪帶周帀垂下百萬羅刹王慈心觀察百萬夜叉王恭敬 其莖百萬摩尼寶莊嚴網彌覆其上百萬龍王雨以香水百萬迦樓羅 我思惟時復作是念世間之中頗有廣博過此海不頗有無量過此海不 檀金為葉沈水爲臺碼碯爲鬚芬敷布濩彌覆大海百萬阿脩羅王執持 有大蓮華忽然出現以無能勝因陀羅尼羅寶爲莖吠瑠璃寶爲藏閻浮 頗有甚深過此海不頗有殊特過此海不善男子我作是念時此海之下 種大身衆生思惟大海能受大雲所雨之雨思惟大海無增無減善男子 海水色不同不可思議思惟大海無量衆生之所住處思惟大海容受種 海漸次深廣思惟大海無量衆寶奇妙莊嚴思惟大海積無量水思惟大 以大海爲其境界所謂思惟大海廣大無量思惟大海甚深難測思惟大 違故發智慧心普入一切智慧海故善男子我住此海門國十有二年常

淨莊嚴百 意摩 無 光摩尼寶爲淸淨藏百萬殊勝摩尼寶其光赫奕百萬妙藏摩尼寶光 敬頂禮百萬味光摩尼寶光明普照百萬淨福摩尼寶以爲莊嚴百萬普 居天合掌作禮百萬轉輪王各以七寶莊嚴供養百萬海 禮 界於無數百千劫歎其功德不可得盡我時見彼蓮華之上有一 天燒香天塗香天末香天妙衣服天幢旛蓋百萬梵王頭頂禮敬百萬淨 之所莊嚴, 生信樂十方世界無不現前從如幻法生如夢法生淸淨業生無諍法 邊。 拜。 尼寶莊嚴無盡光明照耀此大蓮華如 百 百 萬 萬 萬日藏摩尼寶廣大淸淨百萬可樂摩尼寶具種種色百萬 閻浮幢摩尼寶次第行列百萬金剛師子摩尼寶不可破壞淸 乾闥婆王種種音樂讚歎供養百萬天王雨諸天華天鬘天香 入無爲印住無礙門充滿十方一切國土隨順諸佛甚 來出世善根所起 神俱時 如來結 切菩 出現恭 深 薩 如 照

魔軍 眼 切法輪悉入其中能淨一切諸佛國土能摧一切異道邪論能滅一切諸 切利益皆令圓滿不可思議時此如來卽伸右手而摩我頂爲我演說普 滿音聲不可思議無邊際力不可思議清淨無畏不可思議廣大辯才不 可思議普門示現種種莊嚴不可思議隨其左右見各差別不可思議 可思議又念彼佛往修諸行不可思議自在成道不可思議妙音演法不 可思議無見頂相不可思議廣長舌相不可思議善巧言說不可思議圓 相成就不可思議隨好圓滿不可思議神通變化不可思議色相淸淨不 法門開示一切如來境界顯發一切菩薩諸行闡明一切諸佛妙法 衆能令衆生皆生歡喜能照一切衆生心行能了一切衆生諸根隨 心悉令開悟我從於彼如來之所聞此法門受持讀誦憶念觀察假 華 一九

加

趺坐其身從此上至有頂寶蓮華座不可思議道場衆會不可思議諸

_ 0

數品。 品以隨地 羅 若 羅 品品 無數品以虛空藏陀羅尼光明顯示無數品以光聚陀羅尼光明增廣無 千二百歲受持如是普眼法門於日日 使 龍 以蓮 伽 法一法中一義一義中一句不得少分何況能盡善男子我於彼佛所 以寂靜門陀羅尼光明趣 有人以大海量墨須 若 若龍王若夜叉若夜叉王若乾闥婆若乾闥婆王若阿脩羅若阿脩 以海藏陀羅尼光明辯析無數品若有衆生從 迦 i華莊嚴陀羅尼光明引發無數品以清淨言音陀羅尼光明開 複羅若 人若 |觀察陀羅尼光明分別無數品以威力陀羅尼光明普攝無數 王若梵若梵 迦樓羅王若緊那羅若緊那羅王若摩睺羅伽若 彌聚筆書寫於此普眼法門· 入無數品以無邊旋陀羅尼光明普入無數 江如是 中以聞持陀羅尼光明領受無數 切來至我所我悉爲其開示 十方來若天若天王· 品中一 門一 門 摩 演 中

修行故入大願海於無量劫住世間故入一切衆生海隨其心樂廣利益 釋稱揚讚歎咸令愛樂趣入安住此諸佛菩薩行光明普眼法門善男子 唯知 此普眼法門如諸菩薩摩訶薩深入一切菩薩行海隨其願力而

彼 悉令調伏故入 諸 足故入一 功德行善男子從此南行六十由旬楞伽道邊有一聚落名爲海岸彼 如來故入一切法海能以智慧咸悟入故入一 切衆 切衆生言辭海於一 生心海出生十力無礙智光故入一切衆生根海應時教化 切刹海成滿本願嚴淨佛刹故入一切佛海願常供養 切刹轉正法輪故而我云何能知能說 切功德海 修行令

佛 有比丘名曰善住汝詣彼問菩薩云何淨菩薩行時善財童子禮海雲 神力專持法句雲專入 瞻仰辭退而 去爾時善財童子專念善知識敎專念普眼法門專念 、法海門專思法差別深入法漩澓普入法虛空

以爲供養 以爲供養 於 覓善住見此比丘於虛空中來往經行無數諸天恭敬圍繞散諸天華作 淨 中曲 爲供養摩睺羅伽王以不思議極微細衣於虛空中周迴布 天妓樂旛幢繪綺悉各無數徧滿虛空以爲供養諸大龍王於虛空中 思議 虚 各各悉有自衆圍繞四 可怖畏見善住比丘慈心自在曲躬合掌瞻仰供養不思議數諸夜 法翳障觀察法寶處漸次南行至楞伽道邊海岸聚落觀察十方 空 躬合掌以人間法稱揚讚歎不思議數諸淨居天於虛空中與宮殿 沈水香雲震雷激電以爲供養緊那羅王奏衆樂音如法讚美以 中合掌供養不思議數諸羅刹王無量羅刹之所圍繞其形長大 迎樓羅王作童子形無量采女之所圍繞究竟成就無殺害心 阿脩羅王興不思議摩尼寶雲無量光明種種莊嚴徧滿虛空 面 周 币恭敬守護不思議數諸梵天王於虚**空** 設心生歡喜 求 興

華 嚴 經 卷六十二

二人大二

聞 是言聖者我已先發阿耨多羅三藐三菩提心而未知菩薩云何修行佛 於一切諸有趣中猶如變化示受生死修菩薩行菩薩云何不捨聞法悉 薩云何不捨佛力悉能知見如來自在菩薩云何不捨有爲亦復不住**普** 捨衆行住一切劫心無疲厭菩薩云何不捨佛刹普能嚴淨一切世界菩 以智慧而得明證菩薩云何不捨大願能普利益一切衆生菩薩云何不 勤修習菩薩云何不捨菩薩與諸菩薩同一善根菩薩云何不捨佛法悉 攝佛法云何究竟佛法云何淨治佛法云何深淨佛法云何通達佛法我 法云何積集佛法云何備具佛法云何熏習佛法云何增長佛法云何總 俱· .聖者善能誘誨唯願慈哀爲我宣說菩薩云何不捨見佛常於其所精 領受諸佛正教菩薩云何不捨智光普入二世智所行處時善住比 恭敬合掌發弘誓願時善財童子見是事已心生歡喜合掌敬禮作 如

四四

來若 應 衆生現在世事無所障礙知 所 所 礙。 心 告善財言善哉善哉善男子汝已能發阿耨多羅 空中或行或住或坐或臥或隱或顯或現一身或現多身穿度牆壁猶 **愛化時** 障礙。 切衆 知一 障 此智慧光明故知一切衆生心行無所障礙知一 求問佛法一切智法自然者法善男子我已成就菩薩無礙解脫門 礙。 去若行若止隨順思惟修習觀察卽時獲得智慧光明名究竟無礙 何以故得無住無作神 切衆生宿命無所障礙知一 知三世海流轉次第無所障礙能以其身偏往十方一 生所有疑問無所障礙知 悉能往赴無所障礙知 通力故善男子我以得此神通力故於虚 切衆生言語音聲種種差別 切衆生未來劫事無所障礙知 切衆生諸根無所障礙隨一切衆 切刹那羅婆牟呼栗多日夜時 三藐三 切 衆生殁 一菩提心今復 無所障礙決 切佛 生 無所 分 刹 無 無 障 切

華 晟 經 券大十二

數供養雲所謂一切華雲一切香雲一切鬘雲 聞說法一 或過不可說不可說佛刹微塵數世界於彼一 廣大彌覆十方或一念中過於東方一世界二世界百世界千世界百千 其身高至梵宮或現燒香雲或現實燄雲或現變化雲或現光網雲皆悉 虚空於虛空中結加趺坐往來自在猶如飛鳥入地如水履水如地徧身 上下普出煙燄如大火聚或時震動一切大地或時以手摩觸日月或現 西北方四維上下亦復如是如是一 切蓋雲一切衣雲一切幢雲一切旛雲一切帳雲以一 界乃至無量世界乃至不可說不可說世界或過閻浮提微塵數世界 如來所有宣說我皆受持一一 佛所現無量佛刹微塵數差別身一一身雨無量佛刹微塵 切諸世界中所有衆生若見我形 國土所有莊嚴我皆憶念如東方 切諸佛國土佛世尊前聽 切末香雲· 切身雲而為供 切塗香雲

五

城 垢 所 持 小 心戒常 勝 名 戒。 依 大悲戒波羅蜜戒大乘戒菩薩道相應戒無障礙戒不退墮戒不捨菩 .善男子我唯知此普速疾供養諸佛成就衆 決定得 自在。 如是 劣苦樂示同其形敎化成就若有衆生親近我者悉令安住如是法 戒無失戒無損戒無缺戒無雜 其中有· 功德而我云何能 以佛法爲所緣戒於一切智常作 阿耨多羅三藐三菩提彼諸世界一 人名 日 彌伽汝詣彼問菩薩云何學菩薩行修菩薩道 知能說善男子從此南方有國名達 飛無獨· 意 戒無悔戒清淨戒離塵 切衆生我皆 戒如虚空戒一 生無礙解脫門。 明見隨其 如諸 切世 足鼻茶 間 戒· 菩

時 善 財童子 頂禮其足右繞瞻仰辭退而行

方廣 城東際童子南 佛華嚴經卷第六十二 詢百城烟 水渺 無垠知識異常倫五十三人一

一曲和

天

華嚴字母衆藝親宣善財童子得眞傳秘密義幽玄功德無邊唱誦利人

娑◎桑僧捴甦騷腮西新珊心三涑娑唱娑字時普願法界衆生入般若 波羅蜜門

波羅蜜門

伽

强殑窮渠喬

)奇勤虔琴鉗求伽唱伽字時普願法界衆生入般若

波羅蜜門 生四 九十 有二 同字 前四

音釋

莲

嚴

極

卷大十二

墻 脇音 也觧 垣 壍城番 水塹 也遼 徽輝 也灰 継索者 也墨 轡 轡音 也譬 馬 衍詞音 行演 摩 軸 車音 軸逐 轄

モ (一人大五)

入閑

中

校異同

應宋 云佛 第 時元 十下 三 藏本 佛脫 頁 磁本 佛脱 頁本流 刹十 流第 坚慧 觋 第 糕 第九頁 流第 战第 通八 南四 本行 藏行 作北 作北 為藏 財藏 華爲第 藏第二 第二十一頁世界微 行第 塵三 唐四 數千

鼻 婆那 善亦 為者 朴 鍵聲 太 三百 施曰 福所 分音 也事 鄰此 十二 行有 德居 也昔 箱 國云 羅十 楞 故皆 澓 籠音 作通 微字 通二 侵消 婆刹 伽 娑 流音 也箱 随本 塵依 本行 迫融 為那 中此 雜 也伏 茵 時均 數疏 作繳 但此 一名 非云 林 澓 祷音 作 佛鈔 賢本 咒國 年一 有難 森娑 綺 也因 而人 呼但 神往 聳羅 繒音 羈 **介生 栗刹 通此 故此 也起 絡音** 滅無 多那 莫山 表云 栗 頭饑 如妄 此六 能在 萬高 呼音 也馬 火語 卽十 往大 行遠 栗立 鞅 消出 須怛 故海 莊謂 多牟 腹央 故成 也那 那 木 頹音 日聲 咒三名 羅 須 也列 鞅馬 婆牟 栗 獨給 以論 木車 爲臘 一瓣 多 婆 城云 畫即 極俱 須 名約 一瞬多婆城云也前 銜 夜是 少舍 達 故人 含音 羅 名云 多 亦多 物咸 達 一時 財此 表修 也口

刹分 施云 聖福

唐于闐國三藏沙門實叉難陀譯

入法界品第三十九之四

共圍繞說輪字莊嚴法門時善財童子頂禮其足繞無量·
而於前合掌而 自在城求覓彌伽乃見其人於市肆中坐於說法師子之座十千人衆所 法自性悉能嚴淨一切世界於一切佛衆會道場心無所著漸次南行至 離欲性念善知識普照三世憶諸大願普救衆生不著有爲究竟思惟諸 菩薩行云何修菩薩道云何流轉於諸有趣常不忘失菩提之心云何得 作是言聖者我已先發阿耨多羅三藐三菩提心而我未知菩薩云何學 平等意堅固不動云何獲淸淨心無能沮壞云何生大悲力恆不勞疲云 爾時善財童子一心正念法光明法門深信趣入專念於佛不斷三寶歎

(一人大七)

發阿耨多羅三藐三菩提心則爲不斷一切佛種則爲嚴淨一切佛刹則 歎言善哉善哉善男子乃能發阿耨多羅二藐二菩提心善男子若有能 種衣以覆其上復散無量種種香華種種供具以爲供養然後起立而稱 菩提心耶善財言唯我已先發阿耨多羅三藐三菩提心彌伽遽卽下師 能決定分別其義爾時彌伽告善財言善男子汝已發阿耨多羅三藐三 別法輪云何得淨趣力於一切趣普演諸法云何得智慧力於一切法悉 何具無礙解辯才之力決了一切甚深義藏云何得正念力憶持一切差 切諸行則爲不斷一切大願則如實解離貪種性則能明見三世差別則 爲成熟一切衆生則爲了達一切法性則爲悟解一切業種則爲圓滿 子座於善財所五體投地散金銀華無價寶珠及以上妙碎末栴檀無量 何入陀羅尼普得淸淨云何發生智慧廣大光明於一切法離諸闇障云 華 嚴 經 卷六十三

那羅王 菩薩道故入菩薩智故住菩薩地故善男子應知菩薩所作甚難難出難 快樂故遇善知識親近故聞廣大法受持故生菩提心故淨菩提心故照 得安隱所謂令捨惡趣故令出難處故斷一切貧窮根本故生一切天人 爲 薩平等則爲一 令 怖畏故菩薩如風輪持諸世間不令墮落惡趣故如大地增長衆生善根 拯濟拔諸苦難故爲一切衆生依處守護世間故爲一切衆生救護令免 値見菩薩者倍更難有菩薩爲一切衆生恃怙生長成就故爲一切衆 信解 一切夜叉守護則爲 如大海 一歌詠讚歎則爲一切諸世間主稱揚慶悅則令一切諸衆生界悉 永得堅固則為 福德充滿無盡故如淨日智慧光明普照故如須彌善根高 切賢聖讚喜則爲 切如來所持則爲一 切羅刹侍衞則爲一 一切梵王禮覲則爲一 切龍王迎接則爲 切諸佛憶念則與 切天主供養則 切緊 切

Ξ

M

亦如是善男子我唯知此菩薩妙音陀羅尼光明法門如諸菩薩摩訶薩 此法已皆於阿耨多羅三藐三菩提得不退轉彌伽於是還升本座告善 天所有語言如此三千大千世界十方無數乃至不可說不可說世界悉 言諸龍夜叉乾闥婆阿脩羅迦樓羅緊那羅摩睺羅伽人與非人及諸梵 財言善男子我已獲得妙音陀羅尼能分別知二千大千世界中諸天語 伽 千世界其中衆生遇斯光已諸龍神等乃至梵天悉皆來至彌伽之所彌 伽 切信根芽故如船師示導法海津濟處故如橋梁令其得度生死海故彌 如猛火燒盡衆生我愛心故如大雲降霆無量妙法雨故如時雨增長 故如明月智光出現故如猛將摧伏魔軍故如君主佛法城中得自在 大士卽以方便爲開示演說分別解釋輪字品莊嚴法門彼諸衆 如是讚歎善財令諸菩薩皆歡喜已從其面門出種種光普照三千大 生 聞

淨心門成就諸菩薩善根光明門淨治諸菩薩教化衆生門明利諸菩薩 諸菩薩語言海門憶念諸菩薩知一切衆生微細方便門觀察諸菩薩清 辭退而行爾時善財童子思惟諸菩薩無礙解陀羅尼光明莊嚴門深入 深生尊重深植淨信深自增益禮彌伽足涕泗悲泣繞無量而戀慕瞻仰 集菩薩行菩薩云何思菩薩行爾時善財童子以善知識故於一切智法 名曰解脫汝詣彼問菩薩云何修菩薩行菩薩云何成菩薩行菩薩云何 德我今云何能知能說善男子從此南行有一聚落名日住林彼有長者 海能普入一切世間呪術海一切音聲莊嚴輪一切差別字輪際如是功 緣法句海說上法句海說上上法句海說差別法句海說一切差別法句 能普入一切衆生種種想海種種施設海種種名號海種種語言海能普 切深密法句海說一 切究竟法句海說一所緣中有一切三世所

二人七こ

滿其心普智三昧明照其心心恆普入平等境界如來智慧之所照觸 著知十方差別法智無障礙往十方差別處身不疲懈於十方差別業皆 住 切智流相續不斷若身若心不離佛法 得明了於十方差別佛無不現見於十方差別時悉得深入淸淨妙法充 礙智光圓滿普照一切具足諸地總持光明了知法界種種差別無依無 胄而自莊嚴精進深心不可退轉具不壞信其心堅固猶如金剛及那. 菩薩種種信解門思惟諸菩薩無量善心門誓願堅固心無疲厭以諸甲 攝衆上智門堅固諸菩薩廣大志樂門任持諸菩薩殊勝志樂門淨治諸 延無能壞者守持一切善知識敎於諸境界得不壞智普門淸淨所行無 平等無二自性淸淨而普莊嚴於諸所行皆得究竟智慧淸淨離諸執 切諸佛神力所加一 切 如來光

明所照成就大願願身周編一

切刹網·

切法界普入其身漸次遊行十

故爲欲聞 得見難可 行故。 與 欲 有二 大願故爲欲滿一切佛大願故爲欲具一 共居難令喜悅難得隨逐我今會遇爲得善利聖者我已先發阿 言聖者我今得與善知識會是我獲得廣大善利何以故善知識者難 三藐三 切佛法故爲欲護 觀 為欲得 一年至住林城周徧推求解脫長者旣得見已五體投地起立合掌 切菩薩善根等無異故爲欲圓滿 切佛故公 一菩提心爲欲事 可得聞難可出 一切佛法故爲欲受一切佛法故爲欲持一 為欲知 切佛神通 切佛法故爲欲與 現難得奉事難得親近難得承接難 故爲欲具一 切佛故爲欲證 切佛故爲欲值一 切佛諸力故爲欲獲 切 切菩薩波羅蜜故爲欲成 切佛 切諸菩薩衆同 佛智光故爲欲成一 切佛故爲欲見一 平等故爲欲發 切佛法故爲欲 可逢 値 難 體故爲欲 切佛故。 切佛 切佛衆 耨 就 多羅 切佛 無 畏

t

衆能 重。 教 威神藏故爲欲得一切菩薩法藏無盡智慧大光明故爲欲得 切菩薩所修行故爲欲出生一切菩薩淸淨願故爲欲得一 箭截疑惑 一者我今以如是心如是意如是樂如是欲如是希求如是思惟 化調 一昧廣 如是方便如是究竟如是謙下至聖者所我聞聖者善能誘誨諸菩薩 在藏中悉以自心得自在故為欲入於淸淨藏中以一切相 以方便闡明所得 止 心 切智境使其疾到無上法城令住大悲令住大慈令入菩薩行令 伏 大藏故爲欲成就一切菩薩無量無數神通藏故爲欲以大悲 不善解 切衆 網照心稠林浣心垢濁令心潔白使心淸淨 心執著於執著處令心解脫於染愛處使 生皆令究竟到邊際故爲欲顯現神變藏故爲於 示其道路與其津梁授其法門令除迷倒 正心諂曲絕心 心動轉 切諸佛菩薩 而莊嚴故。 一切菩薩 障拔猶 如是尊 令其 切

宮而作佛事如是或有住胎或復誕生或處宮中或復出家或詣道場或 身中悉皆顯現無所障礙種種形相種種次第如本而住不相雜亂所謂 離行清淨莊嚴亦現諸佛成等正覺轉妙法輪敎化衆生如是一切於其 乘道示種種願門或於一世界處兜率宮而作佛事或於一 種種國土種種衆會種種道場種種嚴飾其中諸佛現種種神力立種種 光明諸莊嚴事亦現彼佛往昔所行神通變化一切大願助道之法諸出 淨身於其身中顯現十方各十佛刹微塵數佛及佛國土衆會道場種種 故卽入菩薩三昧門名普攝一切佛刹無邊旋陀羅尼入此三昧已得清· 唯願聖者爲我宣說菩薩云何學菩薩行修菩薩道隨所修習疾得淸淨 修三昧門令入證位令觀法性令增長力令修習行普於一切其心平等 疾得明了時解脫長者以過去善根力佛威神力文殊師利童子憶念力 世界殁兜率

二人七五

世 無 或處不可說不可說佛刹微塵數由旬量道場以種種神通種種言辭種 昧 師 種 或處微細道場或處廣大道場或處一 種種欲樂種種業行種種語言種種根性種種煩惱隨眠習氣諸衆 破 分舍利或起塔廟彼諸如來於種種衆會種種世間種種趣生種種家族 界龍自在 礙 喜 神變爾時解脫長者從三昧起告善財童子言善男子我已入出如來 如 子吼說諸衆生種種善根種種憶念授種種菩薩記說種種諸佛法彼 魔 莊嚴解脫門善男子我入出此解脫門時卽見東方閻浮檀 |聲種種法門種種總持門種種辯才門以種種聖諦海種種 來 軍。 一或諸 所有言說善財童子悉能聽受亦見諸佛及諸菩薩 天龍恭敬圍繞或諸世主勸請說法或轉法輪或般涅槃或 |如來應正等覺道場衆會之所圍繞毗盧 由旬量道場或處十由旬量道 遮那藏菩薩而 不 可思議三 金光明 無畏大 生中。

智慧日普光明世界法界輪幢如來應正等覺道場衆會之所圍繞現一 來應正等覺道場衆會之所圍繞金剛燄慧菩薩而爲上首又見西南方 剛 衆會之所圍繞無礙心菩薩而爲上首又見北方袈裟幢世界不可壞金 第出現無盡世界無邊智慧光圓滿幢如來應正等覺道場衆會之所圍 切變化幢菩薩而爲上首又見西北方普淸淨世界一切佛寶高勝幢如 圍繞無所得善變化菩薩而爲上首又見東南方香燄光音世界香燈如 來應正等覺道場衆會之所圍繞法幢王菩薩而爲上首又見上方佛次 東北方一切上妙寶世界無所得境界眼如來應正等覺道場衆會之所 心王菩薩而爲上首叉見西方香光世界須彌燈王如來應正等覺道場 爲上首又見南方速疾力世界普香如來應正等覺道場衆會之所圍繞 如來應正等覺道場衆會之所圍繞金剛步勇猛菩薩而爲上首又見

(一人七七)

像。 自 此· 修諸佛法淨諸佛刹積集妙行調伏衆生發大誓願入一 心 如 見如是等十方各十佛刹微塵數如來彼諸如來不來至此我不往彼我 正等覺道場衆會之所圍繞一切世間剎幢王菩薩而爲上首善男子我 繞法界門幢王菩薩而爲上首又見下方佛光明世界無礙智幢如來・ 悉皆 我身亦 師子莊嚴世界毗盧遮那如來如是一切悉皆卽見然彼如來不來至 如來妙喜世界不動如來善住世界師子如來鏡光明世 來妙香世界寶光明如來蓮華世界寶蓮華光明如來妙金世界寂靜 欲見安樂世界阿彌陀如來隨意卽見我若欲見栴檀世界金剛光明 心如水知一 如響我如是知如是憶念所見諸佛皆由自心善男子當知菩薩 不往詣於彼知一 切佛所有色相及以自心悉皆如幻知一 切佛及與我心悉皆如夢知 切智自在遊戲 切佛及以己 切佛猶如影 界月覺如來 應

是

妙行而我云何能知能說善男子從此南行至閻浮提畔有一國土名

,伽羅彼有比丘名日海幢汝詣彼問菩薩云何學菩薩行修菩薩道

普入諸劫如是一切悉由自心是故善男子應以善法扶助自心應以法 不可思議解脫之門得佛菩提現大神通徧往一切十方法界以微細 智

嚴解脫門而得入出如諸菩薩摩訶薩得無礙智住無礙行得常見一 佛 水 心應以智證潔白自心應以智慧明利自心應以佛自在開發自心應以 平等廣大自心應以佛十力照察自心善男子我唯於此如來無礙莊 潤澤自心應於境界淨治自心應以精進堅固自心應以忍辱坦蕩自 切

善分身偏一切刹住於諸佛平等境界十方境界皆悉現前智慧觀察無 佛三昧得不住涅槃際三昧了達三昧普門境界於三世法悉皆平等能 不明了於其身中悉現一切世界成壞而於己身及諸世界不生二想如

一三 (一人七九)

M

捨離 議菩薩普入門明見彼不思議如來神變解了彼不思議普入佛刹分別 思議差別世界究竟無礙修行彼不思議菩薩堅固深心發起彼不思議 彼不思議佛力莊嚴思惟彼不思議菩薩三昧解脫境界分位了達彼不 解 爾 時善財童子頂禮解脫長者足右繞觀察稱揚讚歎思惟戀仰悲泣流淚 不生違逆於善知識心無諂誑於善知識心常隨順於善知識起慈母想 心憶念依善知識事善知識敬善知識由善知識見一切智於善知識 脱門思惟彼不思議菩薩智光明深入彼不思議法界門趣向彼不思 時善財童子一心正念彼長者敦觀察彼長者敦憶念彼不思議菩薩 切無益法故於善知識起慈父想出生一切諸善法故辭退而去

見其在經行地側結加趺坐入于三昧離出入息無別思覺身安不動從

大願淨業漸次南行至閻浮提畔摩利聚落周徧求覓海幢比丘乃

服一 者 修習調伏諸根或說諸法皆無自性使其觀察發生智慧或說世間言論 世界於虛空中以佛妙音稱讚如來演說諸法或說淸淨梵行之道令其 生數無量僊人或服草衣或樹皮衣皆執澡瓶威儀寂靜周旋往返十方 語同事攝諸衆生所謂貧者令足病者令愈危者令安怖者令止有憂苦 清淨成就無上菩提之道從其兩膝出無數百千億刹帝利婆羅門衆皆 之具於一切處救攝一切貧窮衆生安慰一切苦惱衆生皆令歡喜心意 身悉著寶冠頂繫明珠普往十方一切世界雨一 其足下出無數百千億長者居士婆羅門衆皆以種種諸莊嚴具莊嚴 悉聰慧種種色相種種形貌種種衣服上妙莊嚴普徧十方一切世界愛 成使快樂復以方便而勸導之皆令捨惡安住善法從其腰間出等衆 切飲食如法上味一切華一切鬘一切香一切塗香一切欲樂資生 切寶一切瓔珞一切衣

入入二

殿無不動搖諸魔光明無不隱蔽諸魔兵衆無不摧伏普令衆生捨憍慢 喜從胷前卍字中出無數百千億阿脩羅王皆悉示現不可思議自在幻 力令百世界皆大震動一切海水自然涌沸一切山王互相衝擊諸天宮 華雲不思議鬘雲不思議寳蓋雲不思議寳旛雲不思議妙寶莊嚴具雲 軌 心除怒害心破煩惱山息衆惡法長無關諍永共和善復以幻力開悟衆 思議龍不思議龍女示現不思議諸龍神變所謂雨不思議香雲不思議 生令滅罪惡令怖生死令出諸趣令離染著令住無上菩提之心令修一 空而爲莊嚴充滿一 不思議寶蓮華雲不思議寶冠雲不思議天身雲不思議采女雲悉偏虛 不思議大摩尼寶雲不思議寶瓔珞雲不思議寶座雲不思議寶宮殿雲 則或復開示一切智智出要方便令隨次第各修其業從其兩脅出不 切十方世界諸佛道場而爲供養令諸衆生皆生歡

間有怖畏者令得安隱有疾病者令得除瘥有苦惱者令得免離有過惡 爲等分行者說與智慧相應境界法爲樂著境界者說無所有法爲樂著 皆悉無常爲貪行者說不淨觀爲瞋行者說慈心觀爲癡行者說緣起觀 門令知一切諸佛方便如是所作周徧法界從其背上爲應以二乘而得 者令其厭悔有灾横者令其息滅如是利益 住及正住者或時現作執金剛神守護諸佛及佛住處或徧守護一切世 畏無量眷屬而自圍繞守護一切行善衆生幷諸賢聖菩薩衆會若向正 寂靜處者說發大誓願普饒盆 度者出無數百千億聲聞獨覺為著我者說無有我為執常者說一切行 肩出無數百千億諸夜叉羅刹王種種形貌種種色相或長或短皆可怖 切諸菩薩行令住一切諸波羅蜜令入一 一切衆生法如是所作周徧法界從其兩 切諸菩薩地令觀一 一切衆生皆悉令其捨生死 切微妙法

數百千天樂歌詠讚歎諸法實性歌詠讚歎一切諸佛歌詠讚歎發菩提 諸貧乏者悉使充足令其永斷不與取行端正采女無數百千 演 佛 圍繞又出無數百千億乾闥婆王各有無數乾闥婆女前後圍繞各奏無 輪· 心無所著令其永斷邪婬之行令生慈心不斷生命令其究竟常眞實語 面 切諸 開示 歌詠讚歎修菩薩行歌詠讚歎 說嚴淨一切諸佛刹門開示演說顯示一切微妙法門開示演說捨離 轉法輪門歌詠讚歎一切諸佛現神變門開示演說一切諸佛般涅 出無數百 障礙門。 一法輪從其腹出無數百千億緊那羅王各有無數緊那羅 演 說守護一 開 千億轉輪聖王七寶具足四兵圍繞放大捨光雨無量 示演說發生一切諸善根門 切諸佛教門開示演說令一 一切諸佛成正覺門歌詠讚歎 如是周徧十方法界從 切衆生皆歡喜門開 悉以捨施 女前 切諸 後

叉照一 璃國 從其兩目出無數百千億日輪普照一 善明諦理拔邪見刺破疑惑山一切障礙悉皆除滅如是所作充滿法界 爲說大悲令除忿怒意得淸淨爲說實義令其觀察一切諸法深入因緣 青色光赤眞珠國土放月光網藏摩尼王色光月光網藏摩尼王國土放 國 於垢濁國土放淸淨光白銀國土放黃金色光黃金國土放白銀色光瑠 赤眞珠色光一寶所成國土放種種寶色光種種寶所成國土放一 甚深決定明了之義不作無義綺飾言辭爲說少欲令除貪愛心無瑕垢 不作虛誑無益談說令攝他語不行離間令柔輕語無有麤惡令常演說 土放硨磲色光帝青國土放日藏摩尼王色光日藏摩尼王國土放帝 土放玻瓈色光玻瓈國土放瑠璃色光硨磲國土放碼碯色光碼碯 切世界中間令除黑闇又照一 切十方衆生皆令捨離愚癡翳障 切諸大地獄及諸惡趣皆令離苦 寶色

ō

界從其頭· 願與立正: 殿震 光說種種行所謂讚歎布施令捨慳貪得衆妙寶莊嚴世界稱揚讚 法 力持其志力淨其念力堅其所發菩提心力讚樂見佛令除世欲讚樂聞 光。 法 百 生 歎佛功德令諸菩薩悉皆歡喜能辦衆 令厭世 出無數 心得淸凉生大歡喜如是所作充滿法界從其眉間白毫相 照諸衆生心之稠 千億帝釋皆於境界而得自在摩尼寶珠繫其頂上光照 動 法須彌山王成辦衆生一切事業如是所作周徧法界從其 「境讚樂觀智令絕世染止脩羅戰斷煩惱諍滅怖死心發降魔 Ŀ 百 切須彌山王覺悟 出無量佛刹微塵數諸菩薩衆悉以相好莊 千億梵天色相端 林辦諸衆生無量事業嚴飾 嚴世間無比威儀寂 切諸天大衆歎福德力說智慧力生其 生無量事業普偏 靜言音美 切世間境界令諸 嚴其身放無 切 妙。 切諸天宮 中 十方世 動佛 出無數 繁持 邊

威光赫奕如真金山無量光明普照十方出妙音聲充滿法界示現無量 根智普知一切心行智普知如來十力智普知諸佛自在智如是所作周 大願力淨治三昧力自在受生力又爲演說種種諸智所謂普知衆生諸 神通變化說壽命自在令諸衆生發大誓願又爲演說成就總持力出生 隨順世間種種所作令諸衆生雖離生死而於諸趣自在受生又爲示現 為演說般若波羅蜜開示正見令諸衆生樂自在智拔諸見毒又為演說 金色身令諸衆生離瞋恚垢起對治行絕畜生道歎精進行令其遠離世 偏 間放逸皆悉勤修無量妙法又爲讚歎禪波羅蜜令其一切心得自在又 諸欲樂無有滋味令諸衆生離煩惱縛說忍辱力令於諸法心得自在讚 戒功德令諸衆生永斷諸惡住於菩薩大慈悲戒說 。 法界從其頂上出無數百千億如來身其身無等諸相隨好淸淨莊嚴 一切有悉皆如夢說

二人入七

諸菩薩 等法雨爲灌頂位諸菩薩兩入普門法兩爲法王子位諸菩薩兩普莊嚴 天雨淨 雨普藏 爲新學諸菩薩雨積集藏法雨爲初發心諸菩薩雨攝衆生法雨爲信解 法雨爲童子位諸菩薩兩堅固山法雨爲不退位諸菩薩雨海藏法雨爲 雨金 啊。 成就正心位諸菩薩兩普境界法兩爲方便具足位諸菩薩兩自性門法 大神通力為一 忉 利天雨疾莊嚴虛空界法雨爲諸夜叉王雨歡喜法雨爲諸乾闥 爲生貴位諸菩薩雨隨順世間法雨爲修行位諸菩薩兩普悲愍法雨 剛輪 念法雨爲諸兜率天雨生意法雨爲諸夜摩天雨歡喜法雨爲諸 法雨爲諸自在天雨生力法雨爲諸魔衆雨心幢法雨爲諸化樂 兩無盡境界普現前法兩爲色界諸衆生兩普門法兩爲諸梵天 法雨爲諸阿脩羅王雨大境界法雨爲諸迦樓羅王雨無邊光 切世間普雨法雨所謂爲坐菩提道揚諸菩薩雨普知平 嚴 極 卷六十三

光明網。 佛加持 衆生雨 念彼 充滿 廣菩薩諸行力如是住立思惟觀察經一日一夜乃至經於七日七夜半 業充滿十方一切法界爾時善財童子一心觀察海幢比丘深生渴仰憶。 海思惟彼不思議無作用普莊嚴門思惟彼莊嚴法界清淨智思惟彼受 畏法兩爲諸厄難處衆生雨普安慰法兩悉令得入賢聖衆會如是所作 明 雨爲諸龍王雨歡喜幢法雨爲諸摩睺羅伽王雨大休息法雨爲諸地獄 法兩爲諸緊那羅王兩一 法界海幢比丘叉於其身一切毛孔一一皆出阿僧祇佛刹]昧解脫思惟彼不思議菩薩三昧思惟彼不思議利益衆生方便 智思惟彼出生菩薩自在力思惟彼堅固菩薩大願力思惟彼 :正念莊嚴法兩爲諸畜生兩智慧藏法兩爲閻羅王界衆生兩無 光明網具阿僧祇色相阿僧祇莊嚴阿僧祇境界阿僧祇事 切世間殊勝智法雨爲諸人王雨無樂著法 微塵數

故能使增品 故能令證得諸菩薩地智光明故能令成就一 益無限以能除滅一切衆生無量苦故所謂能令一切衆生離貧苦故出 住 樂禪境界故能令增長有爲樂故能爲顯示出有樂故能爲引發菩提心 此三昧威力難制如此三昧境界平等如此三昧普照十方如此三昧利 界無量如此三昧神力難思如此三昧光明無等如此三昧莊嚴無數如 地獄故免畜生故閉諸難門故開人天道故令人天衆生喜樂故令其愛 了菩薩道故能使莊嚴究竟智故能令趣入大乘境故能令照了普賢行 言聖者希有奇特如此三昧最爲甚深如此三昧最爲廣大如此三昧境 一月乃至六月復經六日過此已後海幢比丘從三昧出善財童子讚 切智智境界中故聖者此三昧者名爲何等海幢比丘言善男子此 長福智行故能令增長大悲心故能令生起大願力故能令明 切菩薩諸願行故能令安

大慈充滿

善男子我以修習般若波羅蜜故得此普莊嚴淸淨三昧等百萬阿僧祇 三昧善財童子言聖者此三昧境界究竟唯如是耶海幢言善男子入此 三昧時了知一切世界無所障礙往詣一切世界無所障礙超過 二昧名普眼捨得又名般若波羅蜜境界淸淨光明又名普莊嚴淸淨門 切世

切世界無所障礙見一切佛無所障礙觀一切佛廣大威德無所障礙 界無所障礙莊嚴一切世界無所障礙修治一切世界無所障礙嚴淨 切佛自在神力無所障礙證一切佛諸廣大力無所障礙入一切佛諸 知

功德海無所障礙受一切佛無量妙法無所障礙入一 行無所障礙證一 切佛轉法輪平等智無所障礙入一切諸佛衆會道場 切佛法中修習妙

海無所障礙觀十方佛法無所障礙大悲攝受十方衆生無所障礙常起 十方無所障礙見十方佛心無厭足無所障礙入一 切衆生海

童子於海幢比丘所得堅固身獲妙法財入深境界智慧明徹二 昧照 踴 住淸淨解見甚深法其心安住諸淸淨門智慧光明充滿十方心生歡喜 智慧善男子從此南行有一住處名日海潮彼有園林名普莊嚴於其園 願力入其要門達其所證說其道分住其三昧見其心境得其所有平等 中有優婆夷名日休捨汝往彼問菩薩云何學菩薩行修菩薩道時善財 界境達一 礙善男子我唯知此一般若波羅蜜三昧光明如諸菩薩入智慧海淨法 無 所障 礙知 ,其名號想其容止念其音聲思其三昧及彼大願所行境界受其智慧 躍無量五體投地頂禮其足繞無量 地爲衆生依而我何能知其妙行辨其功德了其所行明其境界究其 切趣偏無量刹總持自在三昧清淨神通廣大辯才無盡善說 切衆生根海無所障礙知 市恭敬瞻仰思惟觀察咨嗟戀慕· 一切衆生諸根差別智無所 障

清淨光明辭退而行

大方廣佛華嚴經卷第六十三

福城東際童子南詢百城烟水渺無垠知識異常倫五十三人一曲和陽

春 同字 前母 贙

他◎湯鼟通玲叨胎梯天灘舚貪偷他唱他字時普願法界衆生入般若

常成慵蜍韶〇時辰禪諶蟾酬祉唱祉字時普願法界衆生入般若

波羅蜜門

社

波羅蜜門

鎖◎顙僧敝蘇掃諰洗鹵傘罧糂摉鏁唱鏁字時普願法界衆生入般若 波羅蜜門 生四 九十 有二 同字 前四

音釋

干

(一入九三)

校異同

第五 貢申第 惟二 藏行 本疏 一鈔 切本 所一 綠所 中綠 第 九 頁俱第 亦六 現行 惟唐 藏合 本論 作本 亦流 見通 本

五 脇淚乞也音 而者 體右音也無遏咀 於稱 投聯 善獪 聲 也止 品豫 地 也身 不今 頂二 左 胄音 急音 能按 至肘 沸 也宙 也巨 進論 地二 出音 修云 也膝 之肺 謙 賴音 及 也泉 遜音 也是 此即 須疑 拔 涌 也慳 依 猶 拔煩 衝 豫 突音 豫音 估音 也慍 箭 摩 也冲 也裕 也戶 翳 獪 恃 聞猶 利 有豫 蔽音 稠 伽 捓 羅 聲獸 也意 密音 救音 莊晉 則名 額 也紬 也枕 嚴經 豫其 類音 浣 涕 國譯 上性 也合 濯音 淚音 為 樹多 額 也緩 也替 上疑 善 澡 涕 財洗音泗 下常 言 也早 四音 非居 唯 澡也四 一山 故中 反以 軌 涕 泣 不忽 諾水 癸音

攝決 也 也法 出音 沮

唐于闐國三藏沙門實叉難陀譯

入法界品第三十九之五

其所應周市敷布一切音樂樹風動成音其音美妙過於天樂一切莊嚴 散其地一切寶香樹香氣氛氲普熏十方一切寶鬘樹雨大寶鬘處處垂 下一切摩尼寶王樹雨大摩尼寶偏布充滿一 嚴園衆寶垣牆周市圍繞一切寶樹行列莊嚴一切寶華樹雨衆妙華布 者是我津濟令我得入諸佛如來蓮華池故漸漸南行至海潮處見普莊 傅示導於我諸佛法故善知識者是我眼目令我見佛如虛空故善知識 樂作是念言因善知識令我見佛因善知識令我聞法善知識者是我師 爾時善財童子蒙善知識力依善知識敎念善知識語於善知識深心愛 切寶衣樹雨種種色衣隨

(一人九大)

樹 有廣大宮殿名莊嚴幢海藏妙寶以爲其地毗瑠璃寶以爲其柱閻浮檀 泥凝積其底一切妙寶以爲蓮華敷布水上大摩尼華光色照耀園 繞建立無數摩尼寶幢光明普照百千由旬其中復有百萬陂池黑栴檀 金以覆其上光藏摩尼以爲莊嚴無數寶王光燄熾然重樓挾閣種種莊 底。 宮殿毗盧遮那摩尼寶間錯莊嚴一萬浴池衆寶合成七寶欄楯 具有百萬殿堂大摩尼寶之所合成百萬樓閣閻浮檀金以覆其上百萬 具樹各雨珍玩奇妙之物處處分布以爲嚴飾其地淸淨無有高下於 阿盧那香王覺悟香王皆出妙香普熏一切其宮殿中復有無量寶蓮 水清寶珠周偏間錯鳧鴈孔雀俱枳羅鳥遊戲其中出和雅音寶多羅 七寶階道四面分布八功德水湛然盈滿其水香氣如天栴檀金沙布 周市行列覆以寶網垂諸金鈴微風徐搖恆出美音施大寶帳寶樹 周 中復 क्त 中

華座周 照耀世間摩尼寶蓮華座妙藏摩尼寶蓮華座師子藏摩尼寶蓮華座 **、迴布列所謂照耀十方摩尼寶蓮華座毗盧遮那摩尼寶蓮華座**

所謂 藏淸淨摩尼王寶蓮華座金剛師子摩尼寶蓮華座園中復有百萬種帳 垢藏摩尼寶蓮華座·普門摩尼寶蓮華座光嚴摩尼寶蓮華座安住大海 衣帳鬘帳香帳華帳枝帳摩尼帳眞金帳莊嚴具帳音樂帳象王 神

彌 變帳馬王神變帳帝釋所著摩尼寶帳如是等其數百萬有百萬大寶網 子摩尼網月光摩尼網種種形像衆香網寶冠網寶瓔珞網如是等其數 覆其上所謂實鈴網寶蓋網寶身網海藏眞珠網紺瑠璃摩尼寶網·

明燄幢摩尼寶光明大燈摩尼寶光明普照十方摩尼寶光明香光摩尼 月幢摩尼寶光明香燄摩尼寶光明勝藏摩尼寶光明蓮華藏摩尼寶光 百萬有百萬大光明之所照耀所謂燄光摩尼寶光明日藏摩尼寶光明

囚

此優婆夷者一切病苦悉得除滅離煩惱垢拔諸見刺摧障礙山入於無 衆 輔天自在天乃至一切人及非人南西北方四維上下皆亦如是其有見 以爲耳璫如意摩尼寶王以爲瓔珞一切寶網垂覆其身百千億那由他 百萬菩薩恭敬親近常樂聞法時休捨優婆夷坐眞金座戴海藏眞珠網 妙光普照百萬天子欣樂瞻仰頭面作禮百萬采女於虛空中投身而下。 過諸天妙寶鬘帶處處垂下百萬出過諸天衆色妙衣百萬雜色摩尼 冠挂出過諸天眞金寶釧垂紺靑髮大摩尼網莊嚴其首師子口摩尼寶 寶光明如是等其數百萬常兩百萬莊嚴具百萬熙栴檀香出妙音聲**百** 生曲躬恭敬東方有無量衆生來詣其所所謂梵天梵衆天大梵天梵 出過諸天曼陀羅華而以散之百萬出過諸天瓔珞以爲莊嚴百萬出

礙淸淨境界增明一切所有善根長養諸根入一切智慧門入一切總**持**

佛悉來至此處於寶座爲我說法善男子我常不離見佛聞法與諸菩薩 而共同住善男子我此大衆有八萬四千億那由他皆在此園與我同行· 子東方諸佛常來至此處於寶座爲我說法南西北方四維上下一切諸 善男子其有衆生得見我者皆於阿耨多羅二藐三菩提獲不退轉善男 門若有見聞憶念於我與我同住供給我者悉不唐捐善男子若有衆生 道我聞聖者善能誘誨願爲我說休捨告言善男子我唯得菩薩一解脫 見休捨優婆夷坐於妙座往詣其所頂禮其足繞無數市白言聖者我已 門一切三昧門一切大願門一切妙行門一切功德門皆得現前其心廣 不種善根不爲善友之所攝受不爲諸佛之所護念是人終不得見於我 先發阿耨多羅三藐三菩提心而未知菩薩云何學菩薩行云何修菩薩 大具足神通身無障礙至一切處爾時善財童子入普莊嚴園周徧觀察。

(一八九九)

退轉位善財白言聖者發阿耨多羅三藐三菩提心爲久近耶答言善男 悉於阿耨多羅三藐三菩提得不退轉其餘衆生住此園者亦皆普入不

次前 淨修梵行於此已往佛智所知非我能測善男子菩薩 華 無量生中如是次第三十六恆河沙佛所皆悉承事恭敬供養聞法受持 子我憶過去於然燈佛所修行梵行恭敬供養聞法受持次前於離垢 所出家學道受持正法次前於妙幢佛所次前於勝須彌佛所次前於蓮· 德藏佛所次前於毗盧遮那佛所次前於普眼佛所次前於梵壽佛所 於 金剛癆佛所次前於婆樓那天佛所善男子我憶過去於無量劫 初發心無有量充

滿

無有量於一切刹一

切劫中修習故菩薩三昧力無有量令菩薩道不退

切衆生故菩薩所修行

究竟十方法界故菩薩大慈門無有量普覆

一切法界故菩薩大悲門無有量普入一切世間故菩薩大願門無有

六

一九00)

微塵數世界衆生故發菩提心不爲教化三千大千世界微塵數世界衆 故發菩提心不爲教化調伏百衆生故發菩提心乃至不爲教化調伏不· 如當得阿耨多羅三藐三菩提答言善男子菩薩不爲教化調伏一衆生 故菩薩總持力無有量能持 世界衆生故發菩提心不爲供養一如來故發菩提心乃至不爲供養不 生故發菩提心乃至不爲教化不可說不可說轉三千大千世界微塵數 可說不可說轉衆生故發菩提心不爲敎化一世界衆生故發菩提心乃 可說不可說轉如來故發菩提心不爲供養一世界中次第與世諸如來 至不爲教化不可說不可說轉世界衆生故發菩提心不爲教化閻浮提 二世故菩薩神通力無有量普現一切刹網故菩薩辯才力無有量一音 切悉解故菩薩淸淨身無有量悉徧一切佛刹故善財童子言聖者久 切世間故菩薩智光力無有量普能證入

t

故發菩提心乃至不爲住持不可說不可說轉世界如來遺法故發菩提· 持不可說不可說轉如來遺法故發菩提心不爲住持一世界如來遺法 持不可說不可說轉佛刹微塵數世界如來遺法故發菩提心如是略說 塵數世界故發菩提心不爲住持一如來遺法故發菩提心乃至不爲住 數世界故發菩提心乃至不爲嚴淨不可說不可說轉三千大千世界微 淨不可說不可說轉世界故發菩提心不爲嚴淨一三千大千世界微塵 第與世諸如來故發菩提心不爲嚴淨一世界故發菩提心乃至不爲嚴 來故發菩提心乃至不爲供養不可說不可說轉佛刹微塵數世界中次 故發菩提心不爲供養一三千大千世界微塵數世界中次第興世諸如 故發菩提心乃至不爲供養不可說不可說轉世界中次第與世諸如來 不爲住持一 閻浮提微塵數世界如來遺法故發菩提心乃至不爲住

調 海 教 衆生 不爲滿 提 菩提心欲嚴淨一 爲知不可說 生行海故不爲知一衆生煩惱海故不爲知 佛法眼故不爲轉一 心欲 切諸佛國土悉無餘故發菩提心欲入一切諸佛衆會悉無餘故發菩 悉無餘故發菩提心欲成滿 伏 悉無餘故發菩提心欲知 心海故不爲知一衆生根海故不爲知 切衆生悉無餘故發菩提心欲承事供養 知 佛誓願故不爲往 切世 不可說轉佛刹微塵數衆生煩惱習海故發菩提心欲敎化 切諸佛國土悉無餘故發菩提心欲護持一 界中諸劫次第悉無餘故發菩提心欲知一 一佛法輪故不爲知一世界中諸劫次第故不爲知 切衆生根海悉無餘故發菩提心欲知 佛國土故不爲入 切如來誓願悉無餘故發菩提 衆 衆生業海故不爲知 生煩惱習海故乃至不 切諸佛悉無餘故發 佛衆會故不爲持 切衆 切諸佛 心欲往 生心 衆

(一九〇三)

心欲滅一 能容受 如 離憂安隱幢善男子我唯知此一解脫門如諸菩薩摩訶薩其心如海悉 嚴淨故是故善男子嚴淨一 便行故發菩提心善男子菩薩行普入一切法皆證得故普入一 海 切 好 重 |我願乃滿善財童子言聖者此解脫名爲何等答言善男子此解| 悉 病。 風· 無餘故發菩提心善男子取要言之菩薩以如是等百 生業海悉無餘故發菩提心欲知 能 |雨寂滅法猶如淨月能爲衆生放福德光猶如帝釋悉能守護 如明淨日能破衆生無明闇障猶如大地能作一 作一 切佛法如須 切衆生諸煩惱海悉無餘故發菩提心欲拔一 切衆生義利猶如明燈能爲衆 彌 山志意堅固 切世界盡我願乃盡拔一 不 可動搖 切衆生行海悉無餘故發菩提 生生智慧光猶 如善見藥能除衆 切衆生 切衆生依處猶 切衆生煩惱習 萬阿僧祇 煩惱習氣 如 大雲能 切刹 脱名 生

心。 菩薩道。 祇樹以爲 行善知識難。 得菩提難近善知識難遇善知識難得菩薩諸根難淨菩薩諸根難值 國 切 切衆 切諸佛心生增長一切大願心生普見十方諸法心生明照諸法實性 隨順思惟菩薩淨行生增長菩薩福力心生明見一 切智法光明難作是念已辭退而行爾時善財童子隨順思惟菩薩 生普散一 名 生而我云何能知能說彼功德行善男子於此南方海潮之處有 魔心漸漸遊行至那羅素國周徧推求 時善財童子頂禮其足繞無數而殷勤瞻仰悲泣流淚作是思惟 那羅素中有僊人名毗目瞿沙汝詣彼問菩薩云何學菩薩行修 注嚴所謂種種葉樹扶踈布濩種種華樹開敷鮮榮種種果 切障礙心生觀察法界無闇心生淸淨意寶莊嚴心 如理觀察難依敎修行難值遇出生善心方便難值遇 毗目瞿沙見一大林阿僧 切諸佛心生出 生 摧 增長 伏 同

識 得 常 處故善知識者則是趣向 智燈令我得見夷險道故善知識者則是趣向一 趣 知 垂鬢前後圍繞善財見已往詣其所五體投地作如是言我今得遇眞善 樹下敷草而坐領徒一 悅意香樹妙香莊嚴波咤羅樹四面圍繞尼枸律樹其身聳耀閻浮檀樹 相續成熟種種寶樹兩摩尼果大栴檀樹處處行列諸沈水樹常出好香 向一 識善知識者則是趣向一 者則是趣向一 雨甘果優鉢羅華波頭摩華以嚴池沼時善財童子見彼僊人在栴 |智寶洲故善知識者則是趣向| 切智乘令我得至如來地故善知識者則是趣向一 切智道令我得入涅槃城故善知識者則是趣向 一萬或著鹿皮或著樹皮或復編草以爲衣服髻環 切智門令我得入眞實道故善知識 切智蓋令我得生大慈涼故善知識者則是 切智炬令我得生十力光故善知 切智橋令我得度險惡 切智船令我 者則是 切

作如是言今此童子必當救護一切衆生必當除滅諸地獄苦必當永斷 時諸僊衆聞是語已各以種種上妙香華散善財上投身作禮圍繞恭敬 智月普照世間此童子欲滅世間煩惱毒熱此童子欲長含識一切善根 中此童子欲普發起廣大悲雲此童子欲普雨於廣大法雨此童子欲以 飲一切甘露法雨此童子欲測一切廣大法海此童子欲令衆生住智海 無畏此童子普與一切衆生利益此童子常觀一切諸佛智海此童子欲 子此童子已發阿耨多羅三藐三菩提心善男子此童子普施一切衆生 道我聞聖者善能誘誨願爲我說時毗目瞿沙顧其徒衆而作是言善男 先發阿耨多羅三藐三菩提心而未知菩薩云何學菩薩行云何修菩薩 滿足大悲水故作是語已從地而起繞無量而合掌前住白言聖者我已 趣向一切智眼令我得見法性門故善知識者則是趣向一切智潮令我

(一九0七)

佛 大輪圍 悉通達各別受持無有雜亂亦知彼佛以種種解淨治諸願亦知彼佛以 時 言善男子我得菩薩無勝幢解脫善財白言聖者無勝幢解脫境界云何 阿 若有能發阿耨多羅三藐三菩提心必當成就一切智道此善男子已發 必當開示善根法藏必使世間明識險易時毗目瞿沙告羣僊言善男子 必令衆生永滅苦蘊必當永破無明黑暗必當永斷貪愛緊縛必以福德 諸 佛 耨 相 毗 畜生道必當轉 多羅 目 他人即伸右手摩善財頂執善財手即時善財自見其身往十方 好種種莊嚴亦聞彼佛隨諸衆生心之所樂而演說法一文一句皆 刹 微塵數世界中到十佛刹微塵數諸佛所見彼佛刹及其衆會諸 山圍繞世間必以智慧大寶須彌顯示世間必當出現淸淨智日 三藐三菩提心當淨一切佛功德地時毗目瞿沙告善財童子 去閻羅王界必當關閉諸難處門必當乾竭諸愛欲海

普門 法輪 **童子卽自見身還在本處時彼僊人告善財言善男子汝憶念耶善財言** 唯此是聖者善知識力僊人 羅 得 種諸色清淨圓滿亦知彼佛無礙智慧大光明力又自見身於諸佛所經 淸 | 毗盧 尼 可說佛刹微塵數劫爾時善財童子為菩薩無勝幢解脫智光明照故 或那由他億年或經半劫或經一劫百劫干劫或百千億乃至不可說 日夜或七日夜半月一月一年十年百年千年或經億年或阿庚 淨願成就諸力亦見彼佛隨衆生心所現色相亦見彼佛大光明網 莊嚴藏般若波羅蜜光明照故得佛虛空藏輪 光明爲金剛輪陀羅尼門光明照故得極淸淨智慧心三昧光明爲 三昧光明照故得三世無盡智三昧光明時彼僊人放善財手善財 遮那藏三昧光明爲無盡智解脫三昧光明照故得普攝諸方陀 言善男子我唯知此菩薩無勝幢解脫如諸 三昧光明爲 ②多億 切佛

(一九〇九)

脫所照 禮 勝熱汝詣彼問菩薩云何學菩薩行修菩薩道時善財童子歡喜踴躍頂 淸 **盒放淨光明甚可愛樂而我云何能知能說彼功德行彼殊勝願彼莊嚴** 往十方國土智身普入一切法界隨衆生心普現其前觀其根行而爲利 佛無量智慧以佛智燈而爲莊嚴普照世間一念普入三世境界分形徧 :淨彼智慧光明善男子於此南方有一 被智境界彼三昧所行彼神通變化彼解脫遊戲彼身相差別彼音聲 其足繞無數而殷勤瞻仰辭退南行爾時善財童子爲菩薩無勝幢 故住諸佛不思議神力證菩薩不思議解脫神通智得菩薩 訶薩成就 切殊勝三昧於一 切時而得自在於一 聚落名伊沙那有婆羅門名日 念頃出生諸 不 思

議三昧智光明得一

切時熏修三昧智光明得了知一切境界皆依想所

二昧智光明得

切世間殊勝智光明於一

切處悉現其身以究竟智

衆 善財童子頂禮其足合掌而立作如是言聖者我已先發阿耨多羅三藐 莊嚴入無邊世界微細境界知無邊世界種種名號知無邊世界種種言 說知無邊衆生種種解見無邊衆生種種行見無邊衆生成熟行見無邊 衆生海了無邊菩薩諸行境界見無邊世界種種差別見無邊世界種種 嚴無邊大願悉已淸淨以無窮盡智知無邊世界網以無怯弱心度無量 說 力智慧光明勤求妙法常無厭足以正修行入佛境界出生菩薩無量莊 解於法自性決定明了心恆不捨菩薩妙行求一切智永無退轉獲得十 二菩提心而未知菩薩云何學菩薩行云何修菩薩道我聞聖者善能誘 切智四面火聚猶如大山中有刀山高峻無極登彼山上投身入火時 生差別想念善知識漸次遊行至伊沙那聚落見彼勝熱修諸苦行求 一無分別平等法以明淨智普照境界凡所聞法皆能忍受淸淨信

惱薪欲照 是言善男子莫作是念莫作是念今此聖者得金剛燄三昧光明發大精 薩善知識相而欲爲我作善根難作壽命難障我修行一切智道牽我令 難。 進度諸衆生心無退轉欲竭 入諸惡道中 難得正命難隨法行難此將非魔魔所使耶將非是魔險惡徒黨詐現菩 悉得清淨時善財童子作如是念得人身難離諸難難得無難難得淨法 中我是最勝見婆羅門五熱炙身於自宮殿心不樂著於諸禪定不得滋 侧善男子我諸梵天多著邪見皆悉自謂是自在者是能作者於世間 願爲我說婆羅門言善男子汝今若能上此刀山投身火聚諸菩薩 得值佛難具諸根難聞佛法難遇善人難逢眞善知識難受如理正 一切惑稠林欲斷一切老死怖欲壞一 ·欲障我法門障我佛法作是念時十千梵天在虛空 切貪愛海欲截 切三世障欲放一 切邪見網欲燒 中作 切法 切 煩 如

令我於 善男子此婆羅門五熱炙身時其火光明暎奪我等所有宮殿諸莊嚴 皆如聚墨令我於中不生愛著卽與眷屬來詣其所此婆羅門爲我說法 藐三菩提得不退轉復有十千自在天王於虛空中各散天華作如是言。 所此婆羅門為我說法令我及餘無量天子諸天女等皆於阿耨多羅三 散婆羅門上告善財言善男子此婆羅門五熱炙身時其火光明暎奪於 佛恆聞妙法於一切處心無所礙復有十千諸魔在虛空中以天摩尼寶 等滅一切見除一切慢住於大慈行於大悲起廣大心發菩提意常見諸 我所有宮殿諸莊嚴具皆如聚墨令我於中不生樂著我與眷屬來詣其 而得自在於諸三昧而得自在於莊嚴具而得自在於壽命中而得自在 味皆共來詣婆羅門所時婆羅門以神通力示大苦行爲我說法能令我 心而得自在於煩惱中而得自在於受生中而得自在於諸業障

(二九) 三)

心乃至圓滿一切佛法復有十千三十三天幷其眷屬天子天女前後圍 法能令我等不貪境界少欲知足心生歡喜心得充滿生諸善根發菩提 佛身佛語佛聲佛心具足成就一切智智復有十千兜率天王天子天女 諸莊嚴具及諸采女能令我等不受欲樂不求欲樂身心柔輭卽與衆 恭敬供養作如是言善男子此婆羅門五熱炙身時其火光明照我宮殿 乃至能於一切佛法而得自在復有十千化樂天王於虛空中作天音樂 繞於虛空中雨天曼陀羅華恭敬供養作如是言善男子此婆羅門五熱 無量眷屬於虛空中雨衆妙香恭敬頂禮作如是言善男子此婆羅門五 心得柔輭心生歡喜乃至令得淸淨十力淸淨之身生無量身乃至令得 來詣其所時婆羅門爲我說法能令我等心得淸淨心得明潔心得純善 炙身時令我等諸天及其眷屬於自宮殿無有樂著共詣其所聞其說

門及以善財作如是言善男子此婆羅門五熱炙身時我及眷屬悉於衆 意住一切智復有十千夜叉王於虛空中以種種供具恭敬供養此婆羅。 生發慈愍心一切羅刹鳩槃茶等亦生慈心以慈心故於諸衆生無所惱 聞法信解厭惡龍趣以至誠心悔除業障乃至發阿耨多羅三藐三菩提 諸龍宮殿令諸龍衆離熱沙怖金翅鳥怖滅除瞋恚身得淸涼心無垢濁 恭敬供養作如是言善男子此婆羅門五熱炙身時其火光明普照一切 陀龍王等於虛空中雨黑栴檀無量龍女奏天音樂雨天妙華及天香水 皆發菩提心堅固不動復有十千龍王所謂伊那跋羅龍王難陀優波難 無上菩提又善男子我當見此婆羅門時須彌山頂六種震動我等恐怖 炙身時令我等諸天於天音樂不**生樂著共詣其所時婆羅門爲我等說** 一切諸法無常敗壞令我捨離一切欲樂令我斷除憍慢放逸令我愛樂

爲上首化作外道童子之形於虛空中唱如是言善男子此婆羅門五 海大地悉皆震動令我等捨憍慢放逸是故我等來詣其所從其聞法捨 掌前禮作如是言善男子此婆羅門五熱炙身時我阿脩羅所有宮殿大 樂是故我等來詣其所此婆羅門爲我說法能令我等於阿耨多羅三藐 此婆羅門五熱炙身時其火光明照我宮殿悉令我等受不思議無量快 等發於無上菩提之心復有十千乾闥婆王於虛空中作如是言善男子。 害而來見我我及彼等於自宮殿不生樂著卽與共俱來詣其所時婆羅 炙身時其火光明照我宮殿一 三菩提得不退轉復有十千阿脩羅王從大海出住在虛空舒右膝輪合 諂誑安住忍地堅固不動圓滿十力復有十千迦樓羅王勇力持王而 即爲我等如應說法一切皆得身心安樂又令無量夜叉羅刹鳩槃茶 切震動皆悉恐怖是故我等來詣其所時

詣其所時婆羅門即爲我等如應說法**令我及餘無量**衆生於阿耨多羅

無有能得知其邊際善男子我等以聞佛聲法聲菩薩僧聲生大歡喜來

於虛 拔濟衆生歎菩提心起方便智隨其所宜調伏衆生復有十千緊那羅 婆羅門卽爲我等如應說法令修習大慈稱讚大悲度生死海於欲泥 空中唱如是言善男子此婆羅門五熱炙身時我等所住宮殿諸多

我宮殿中寶多羅樹乃至樂器所說菩薩名如來名所發大願所修行等 槃善男子假使有人以閻浮提一切草木抹為微塵此微塵數 菩提心某方某國有某菩薩修行苦行難捨能捨乃至淸淨一 方某國有某菩薩往詣道場乃至某方某國有某如來作佛事已· 法聲及不退轉菩薩僧聲願求無上菩提之聲云某方某國有某菩薩發 羅樹諸寶鈴網諸寶縎帶諸音樂樹諸妙寶樹及諸樂器自然而出佛聲 可知邊際 切智行某 一而般涅

養唱如是言善男子此婆羅門五熱炙身時其火光明照阿鼻等一切地 三藐三菩提得不退轉復有無量欲界諸天於虛空中以妙供具恭敬供

心唯願聖者容我悔過時婆羅門卽爲善財而說頌言 所發起眞實善知識心頭頂禮敬唱如是言我於大聖善知識所生不善 法令無量衆生發菩提心爾時善財童子聞如是法心大歡喜於婆羅 終生於天中爲知恩故而來其所恭敬瞻仰無有厭足時婆羅門爲我說 獄諸所受苦悉令休息我等見此火光明故心生淨信以信心故從彼命

若有諸菩薩 當知如是人 必獲廣大利 順善知識教 坐菩提樹下 切無疑懼 成於無上覺 安住心不動

爾 火燄又得菩薩寂靜樂神通三昧善財白言甚奇聖者如是刀山及大火 時善財童子卽登刀山自投火聚未至中間卽得菩薩善住三昧纔觸

聚我身觸時安隱快樂時婆羅門告善財言善男子我唯得此菩薩無盡。

輪解脫如諸菩薩摩訶薩大功德燄能燒一切衆生見惑令無有餘 必不

退轉。 無窮盡心無懈怠心無怯弱心發如金剛藏那羅延心疾修諸行無

功德行善男子於此南方有城名師子奮迅中有童女名日慈行汝詣彼 **運緩心願如風輪普持一切精進大誓皆無退轉而我云何能知能說彼**

而去。 問菩薩云何學菩薩行修菩薩道時善財童子頂禮其足繞無數帀辭退

大方廣佛華嚴經卷第六十四

福城東際童 一子南詢百城煙水渺無垠知識異常倫五十三人一 曲和陽

前母 贄

柂 堂)談投柂唱柂字時普願法界衆生入般若

波羅蜜門

波羅蜜門

奢◎傷升春書燒篩尸伸羶琛苫收奢唱奢字時普願法界衆生入般若

波羅蜜門 佉◎康硱空枯尻開 四四 | 欺暴看 欽龕遍佉唱佉字時普願法界衆生入般若

生十 九二 有字 同 前

吾 釋

鳧 類似 生云 寶 渴三 耐枇 接表 俱 等甘 鳥音 枳 一美 如扶 老杷 物此 羅 切四 鴨水 於子 無國 諸下 有人 聲此 過輕 枳 樹承 懶無 鳥云 患軟 枳音 中帶 墮功 好 八五 鳥止 最似 心智 阿 飲潤 俱 高柿 故利 盧 已澤 釧 波 那 定六 釧音 大其 色此 能安 也串 種 吒 伊 香云 長和 釵 羅 沙 赤 養七 璫 花其 那 紫樹 婆 諸飲 珠音 知此 色似 樓 根時 也當 三云 甚此 那 除 耳 際長 有方 水此 毘 濩 故直 香楸 天云 盧 濩音 長疏 氣樹 佛水 遮 也戶 善云 那 開 名疏 布 知此 尼 摩 八 궄 勝聚 定 那 拘 功 德 羅 律 寶 故表 柿葉 素 徧此 水 葉似 懶此 照云 二一 伊 其此 墮云 如光 清澄 子方 論不 意明 冷淨

二七 (二九二)

校異同

第十九頁第十一行職本

有於辭語

字第二一頁第

藏有合字

佛云 跋 羅 閩歌 羅 法喜 曾伊

法喜 曾伊信也 損羅樂此 此此

歡龍 極云 喜王 臭臭

故近 樹氣 故跋

以政 今羅

生此

樹云 於極

頭也 上此

因龍 以王

為往名昔

優波難陀

近優 也波 難此

陀云

唐于闐國三藏沙門實叉難陀譯

入法界品第三十九之六

有我知一切聲悉皆如響知一切色悉皆如影漸次南行至師子奮迅城 想網離諸執著不取諸佛衆會道場亦不取佛淸淨國土知諸衆生皆無 障礙際一切劫無失壞際一切如來無際之際於一切佛心無分別破衆 住際一切三世諸刹那際如虛空際無二際一切法無分別際一切義無 求佛智願見諸佛觀法境界無障礙智常現在前決定了知諸法實際常 爾時善財童子於善知識所起最極尊重心生廣大淸淨解常念大乘專

華 嚴 姪 卷大十五

盧遮那藏殿於龍勝栴檀足金線網天衣座上而說妙法善財聞已詣王

周徧推求慈行童女聞此童女是師子幢王女五百童女以爲侍從住毗

行童女告善財言善男子汝應觀我宮殿莊嚴善財頂禮周徧觀察見一 藏摩尼鏡周而莊嚴以世間最上摩尼寶而爲莊飾無數寶網羅覆其上 菩薩云何學菩薩行云何修菩薩道我聞聖者善能誘誨願爲我說時慈 之言我等欲詣慈行童女聽受妙法善財童子卽作是念此王宮門旣無 市合掌前住作如是言聖者我已先發阿耨多羅三藐三菩提心而未知 色眼紺紫色髮紺靑色以梵音聲而演說法善財見已頂禮其足繞無數 壁閻浮檀金以爲垣牆百千光明而爲窗牖阿僧祇摩尼寶而莊校之寶。 限礙我亦應入善財入已見毗盧遮那藏殿玻瓈爲地瑠璃爲柱金剛爲 宮門求見彼女見無量衆來入宮中善財問言諸人今者何所往詣成 壁中一一柱中一一 千金鈴出妙音聲有如是等不可思議衆寶嚴飾其慈行童女皮膚金 鏡中一一相中一一形中——摩尼寶中一·

聖者此般若波羅蜜普莊嚴門境界云何童女答言善男子我入此般若 以異門令我入此般若波羅蜜普莊嚴門一佛所演餘不重說善財白言 念所見諸佛之相合掌瞻仰慈行童女爾時童女告善財言善男子此是 阿僧祇陀羅尼門皆悉現前所謂佛刹陀羅尼門佛陀羅尼門法陀羅尼 波羅蜜普莊嚴門隨順趣向思惟觀察憶持分別時得普門陀羅尼百萬 般若波羅蜜普莊嚴門我於三十六恆河沙佛所求得此法彼諸如來各 輪乃至示現入於涅槃如是影像靡不皆現如淨水中普見虛空日月星 宿所有衆像如此皆是慈行童女過去世中善根之力爾時善財童子憶 界一切如來從初發心修菩薩行成滿大願具足功德成等正覺轉妙法 嚴具中一一金鈴中一一寶樹中一一 衆生陀羅尼門過去陀羅尼門未來陀羅尼門現在陀羅尼門常住際 寶形像中一 **寳瓔珞中悉見法**

M

注 淨 道 陀 行 陀 具 羅 羅 陀 陀 尼 尼門業所作陀羅尼 羅 啊。 羅 尼 尼 福 門。 門諸願陀羅尼門分別諸願陀 德 圓滿行陀羅 陀 羅尼 門。 福 門。 徳助道 尼門業陀羅尼門業不失壞陀羅尼 捨離惡業陀羅尼門修習正 具陀 羅 ·羅尼門集諸行陀 尼門。 智慧陀羅尼門 業陀 羅 羅 門。 智 尼 業 尼 慧 流 清 助

心 尼 業 稠 昧 自 神 在 林 陀 通 陀 羅 陀 羅尼 陀 尼 羅 尼 羅 門。 觀察 門善行陀羅 門。 尼門心海陀羅 調 心清 一味陀 淨 陀 羅尼門三 **尼門持善行陀羅** 羅尼 尼門。 種種 門。 昧 知 衆 心陀羅 境 界陀羅 生 所從 尼 菛。 尼門直心陀 三昧陀 尼 生 門從 陀 羅 尼 羅尼 門。 味 羅 門隨 知 尼 起 衆 門。 陀 生 照 羅 順

解 煩 陀 惱 羅 行 陀 尼 羅 尼門。 知 衆 生行陀 知 煩惱習 羅 尼 氣 於羅尼門 門。 知 衆 生 行 知 煩 不 同陀 惱方便陀 羅尼 羅 尼門。 知 衆 生 知衆 性 陀 生

羅 尼 知 衆 生 欲 陀 足羅尼門知名 衆 生 想陀 羅尼門普見十方陀 羅 尼

尼 法 陀 門方便非方便陀羅尼門隨順陀 羅 尼門大悲陀羅尼門大慈陀羅尼 羅尼 門 寂 門差別陀羅尼 静陀羅尼 門普入陀羅 門。 語道 陀

界 垢 聞 世 壞 法 無 陀羅 界現淨陀羅 陀羅尼 礙 際陀 尼 門 世 門 羅尼門普偏陀羅尼 獨覺法陀羅尼門。 尼門於 界住陀羅 / 淨世界 尼門 **炉門佛法陀羅™** 現垢 淨世 世 間 界陀羅 法陀羅 陀 羅 **尼門純** 尼門。 定門。 尼門菩薩 垢世 **垢世** 世 界成陀 界陀 界陀 法陀羅 羅 羅 羅 定門 尼 尼 尼 純 於 世

羅 淨 尼 世 界 因陀 陀 羅 **海網世** 尼門平坦世 界陀羅尼門世 界陀 羅 尼門。 界轉陀羅尼門知依想住陀 不 ·平坦世 界陀羅 定門。 覆世 羅 界陀 尼

細 佛 飍 光明莊嚴網 陀 羅 尼門。 陀羅尼門佛圓滿音陀 羅尼門見諸佛陀羅 **|羅尼門佛法輪陀** 定門 分別佛身陀 羅尼 門成就 羅

佛 輪陀 羅尼門差別佛法輪陀羅尼門無差別佛法輪陀 羅 尼 解

羅 尼 出 尼 住兜率天宫乃至示現入于涅槃陀羅尼門利益無量衆生陀羅尼門入 甚 諸佛變化陀羅尼門佛知衆生心行陀羅尼門諸佛神通變現陀羅尼 門諸佛三昧自在用陀羅尼門諸佛所住陀羅 陀羅尼門入佛衆會海陀羅尼門普照佛力陀羅尼門諸佛三昧陀羅尼 佛法輪陀羅尼門轉佛法輪陀羅尼門能作佛事陀羅尼門分別佛衆會 離 蜜普莊嚴 門菩提無量陀羅尼門自心淸淨陀羅尼門善男子我唯知此般若波 門助菩提心陀羅尼門諸願陀羅尼門諸行陀羅尼門神通陀羅尼 深 陀 法陀羅尼門入微妙法陀羅尼門菩提心陀羅尼門 羅尼門總持清淨陀羅尼門智輪清淨陀羅尼門智慧清淨 門如諸菩薩摩訶薩其心廣大等虛空界入於法界福德成 尼門諸佛所持陀羅尼 起菩提 心陀 陀

滿住出

世法遠世間行智眼無醫普觀法界慧心廣大猶如虛空

切境

惟業莊飾世間甚深漸次遊行至三眼國於城邑聚落村鄰市肆川 號甚深思惟衆生言說甚深思惟莊嚴法界甚深思惟種植業行甚深思 薩 學菩薩行修菩薩道時善財童子頂禮其足繞無數而戀慕瞻仰辭退而 所作行甚深思惟衆生心流注甚深思惟衆生如光影甚深思惟衆 行爾時善財童 於 應 法能益於世非世所壞普作一切世間依止普知一切衆生心行隨其所。 界悉皆明見獲無礙地大光明藏善能分別 所入處甚深思惟衆生微細智甚深思惟世間依想住甚深思惟衆生 此南方有 而爲說法於一切時恆得自在而我云何能知能說彼功德行善男子 切諸處周徧求覓善見此丘見在林中經行往返壯年美貌端 **|子思惟菩薩所住行甚深思惟菩薩所證法甚深思惟菩** 國土名爲三眼彼有比丘名曰善見汝詣彼問菩薩云何 切法義行於世行不染世 原山 生名 可

(一九二九)

乾闥 開示 莊嚴虛空成就德海神兩摩尼寶無垢藏須彌山神頭頂禮敬曲躬合掌 舒 所行 大海於諸境界心無所動若沉若舉若智非智動轉戲論 隨好悉皆圓滿 縵。 廣 喜其髮紺靑右旋不亂頂有肉髻皮膚金色頸文三道額廣平 光破 手足掌中有金剛輪其身殊妙如淨居天上下端直 如靑蓮華脣口丹潔如頻婆果胸標卍字七處平滿其臂纖長其指網 ·婆阿脩羅迦樓羅緊那羅摩睺羅伽釋梵護世人與非 如來法眼爲踐如來所行之道不遲不速審諦經行無量天龍夜叉 平等境界大悲教化 闇。 神隨方迴轉引導其前足行諸神持寶蓮華以承其足無盡光 閻浮幢: 如雪山王種種嚴飾目視不瞬圓光一尋智慧廣博猶 · 林神雨衆雑華不動藏地神現諸寶藏普光明虛空神 一切衆生心無暫捨爲欲利樂 如尼拘陀樹諸相 切衆生為 人前後圍 切皆息得佛 Ě۰ 眼 目脩 如

見彼佛成道說法各各差別無有雜凱住持遺敎乃至滅盡亦知彼佛本 聞妙法受行其教莊嚴諸願入所證處淨修諸行滿足六種波羅蜜海亦 歲或一小劫或半大劫或一大劫或百大劫乃至不可說不可說大劫聽 或有佛所半月一月一歲百歲萬歲億歲那由他歲乃至不可說不可說 善見答言善男子我年既少出家又近我此生中於三十八恆河沙佛所 所與願以三昧願力嚴淨一切諸佛國土以入一切行三昧力淨修一切 淨修梵行或有佛所一日一夜淨修梵行或有佛所七日七夜淨修梵行 聖者善能開示諸菩薩道願爲我說菩薩云何學菩薩行云何修菩薩道 普照諸方摩尼幢住在虛空放大光明時善財童子詣比丘所頂禮其足 曲躬合掌白言聖者我已先發阿耨多羅三藐三菩提心求菩薩行我聞 無礙力風神雨妙香華春和主夜神莊嚴其身舉體投地常覺主晝神執

門入一切三昧門皆令淸淨願力故一念中不可說不可說諸根海皆悉 現前得了知諸根際於一根中見一切根願力故一念中不可說不可說 陀羅網願力故一念中不可說不可說諸三昧海皆悉現前得於一三昧 尼力故一念中不可說不可說菩薩行海皆悉現前得能淨一切行如因 敬供養不可說不可說佛刹微塵數如來成就柔輕心供養如來願力故 中不可說不可說諸佛淸淨身皆悉現前成就普賢行願力故一念中恭 力故一念中不可說不可說衆生差別行皆悉現前滿足十力智故一念 不可說不可說世界故一念中不可說不可說佛刹皆悉嚴淨成就大願 念中一切十方皆悉現前智慧淸淨故一念中一切世界皆悉現前經過 諸菩薩行以普賢乘出離力淸淨一切佛波羅蜜又善男子我經行時 一念中領受不可說不可說如來法得證阿僧祇差別法住持法輪陀羅

特名稱廣· 植廣 明普照十方若有見者必破一切障礙大山必拔一切不善根本必令種 山 別隨衆生心各各示現形貌色相世無倫匹毒刃火灾所不能害如 燈無有盡滅其身堅固不可沮壞現於如幻色相之身如緣起法無量差 菩薩摩訶薩如金剛燈於如來家眞正受生具足成就不死命根常 行善男子於此南方有 切三世分位智光明願力故善男子我唯知此菩薩隨順燈解脫門如諸 故一念中不可說不可說一切三世海皆悉現前得了知一 佛刹微塵數時皆悉現前得於一 無能壞者降伏一切諸魔外道其身妙好如眞金山於天人中最爲殊 大善根如是之人難可得見難可出世而我云何能知能說彼功德 大靡不聞知觀諸世間咸對目前演深法藏如海無盡放大光 一國土名曰名聞於河渚中有 切時轉法輪衆生界盡法輪無盡願 一童子名自在主。 切世界中 金 然智 剛

多羅三藐三菩提心而未知菩薩云何學菩薩行云何修菩薩道願爲解 見已頂禮其足繞無量市合掌恭敬却住一面白言聖者我已先發阿耨 渚上爾時善財卽詣其所見此童子十千童子所共圍繞聚沙爲戲善財 主童子時有天龍乾闥婆等於虛空中告善財言善男子今此童子在日 法門而得悟入天龍夜叉乾闥婆衆前後圍繞向名聞國周徧求覓自在 識常樂見聞承事供養無有厭倦頂禮其足繞無量而殷勤瞻仰辭退而 去爾時善財童子受善見比丘敎已憶念誦持思惟修習明了決定於彼 足願入一切菩薩功德欲常攝御一切衆生欲超生死稠林曠野於善知。 **薩堅固大願欲成菩薩廣大深心欲持菩薩無量勝行於菩薩** 猛清淨之行欲得菩薩大力光明欲修菩薩無勝無盡諸功德行欲滿 汝詣彼問菩薩云何學菩薩行修菩薩道時善財童子爲欲究竟菩薩勇 法心無厭

淨善男子我亦能知菩薩算法所謂一百洛叉為一俱胝俱胝俱胝為 頻婆羅爲 阿庾多阿庾多阿庾多爲一那由他那由他那由他爲一 惡當生善趣當生惡趣此人應得聲聞乘道此人應得緣覺乘道此人應 得悟入一切工巧神通智法門善男子我因此法門故得知世間書數算 理田農商賈 立城邑聚落園林臺觀宮殿屋宅種種諸處亦善調鍊種種僊藥亦善營 印界處等法亦能療治風癇消瘦鬼魅所著如是所有一切諸病亦能造 說自在主言善男子我昔曾於文殊師利童子所修學書數算印等法卽 一切智地如是等事皆悉能知亦令衆生學習此法增長決定究竟淸 僧祇僧祇僧祇爲一 一矜羯羅廣說乃至優鉢羅優鉢羅爲一 切諸業取捨進退咸得其所又善別知衆生身相作善作 趣趣趣爲 喻喻喻爲 波頭摩波頭摩波頭 無數無數無數爲 頻婆羅頻婆羅

爲一無等轉無等轉無等轉爲一不可數不可數不可數爲一不可數轉 轉爲一無邊無邊無邊爲一無邊轉無邊轉無邊轉爲一無等無等無等 十方所有一切世界廣狹大小及以名字其中所有一切劫名一切佛名 說不可說此又不可說不可說爲一不可說不可說轉善男子我以此菩 思轉爲一不可量不可量不可量爲一不可量轉不可量轉不可量轉爲 不可數轉不可數轉爲一不可稱不可稱不可稱爲一不可稱轉不可稱 薩算法算無量由旬廣大沙聚悉知其內顆粒多少亦能算知東方所有 轉不可稱轉爲一不可思不可思不可思爲一不可思轉不可思轉不可 一不可說不可說不可說爲一不可說轉不可說轉不可說轉爲一不可 切世界種種差別次第安住南西北方四維上下亦復如是亦能算知 無數轉無數轉無數轉爲一無量無量無量爲一無量轉無量轉無量 華 嚴 經 卷六十五

五

二九三七

時善財童子聞是語已舉身毛豎歡喜踊躍獲得希有信樂寶心成就 名曰海住有優婆夷名爲具足汝詣彼問菩薩云何學菩薩行修菩薩道 大利衆生心悉能明見一切諸佛出與次第悉能通達甚深智慧清淨法 德示其所行顯其境界讚其勝力辯其樂欲宣其助道彰其大願歎其妙 切諸佛名數能知一切諸菩薩數能知一切菩薩名數而我何能說其功 行闡其諸度演其淸淨發其殊勝智慧光明善男子於此南方有一大城。 數能知一切衆生名數能知一切諸法名數能知一切諸如來數能知 子我唯知此一切工巧大神通智光明法門如諸菩薩摩訶薩能知一 衆生數能知一切諸法品類數能知一切諸法差別數能知一切三世 切法名一切衆生名一切業名一切菩薩名一切諦名皆悉了知善男 切趣皆隨現身了知三世平等境界出生無盡功德大海放大智 切

大

海住城處處尋覓此優婆夷時彼衆人咸告之言善男子此優婆夷在此 如 知識 垣 城 戲自在善知識教如須彌山無量善法三十三天於中止住善知識教猶 芳池日能開一切善心蓮華善知識敎如大寶洲種種法寶充滿其心善 所照及皆使清凉善知識教如夏雪山能除一切諸獸熱渴善知識教如 是念言善知識教循如春日生長一 去爾時善財童子觀察思惟善知識敎猶如巨海受大雲雨無有厭足作 慧自在光明開三有城所有關鑰頂禮其足繞無量而殷勤瞻仰辭 中所住宅內善財聞已卽詣其門合掌而立其宅廣博種種莊嚴衆 帝釋衆會圍繞無能映蔽能伏異道脩羅軍衆如是思惟漸次遊行至 周市圍繞四面皆有寶莊嚴門善財入已見優婆夷處於寶座盛年 教如閻浮樹積集一切福智華果善知識教如大龍王於虚空中 切善法根苗善知識教猶如滿月凡 退而 遊

華 嚴 經 卷大十五

慈 誑 左右親近瞻仰思惟觀察曲躬低首應其敎命彼諸童女身出妙香普熏 能 何修菩薩道我聞聖者善能誘誨願爲我說彼卽告言善男子我得菩薩 圍繞威儀色相如天采女妙寶嚴具莊飾其身言音美妙聞者喜悅常在 無有衣服飮食及餘一切資生之物但於其前置一小器復有一萬童女 好 一切若有衆生遇斯香者皆不退轉無怒害心無怨結心無慳嫉心無諂 者我已先發阿耨多羅三藐三菩提心而未知菩薩云何學菩薩行云 染爾時善財旣見具足優婆夷已頂禮其足恭敬圍繞合掌而立白言 心發利益心住律儀心離貪求心聞其音者歡喜踊躍見其身者 心無險曲心無憎愛心無瞋恚心無下劣心無高慢心生平等心起大 及於其宅內敷十億座超出人天一切所有皆是菩薩業力成就宅中 色端正可喜素服垂髮身無瓔珞其身色相威德光明除佛菩薩餘 悉離 無

世 種 满· 數 種 億 美 無 隨意所樂悉令充足又善男子假使東方一世 種 一皆證聲聞辟支佛果住最後身如一 不可說 衆 味 衣 而 界億世界百億世界千億世界百千億世界百千億那由他世界閻浮 其飲食無有窮盡亦不減少如是飲食如是種種 末香種種珍寶種種瓔珞種種幢種種種種種蓋種種上妙資生之 服種種臥具種種車乘種種華種種鬘種種香種種塗香種種燒香 飲食悉令充滿假使百衆生千衆生百千衆生億衆生百億衆生千 生一四天下微塵數衆生小千世界中千世界大千世界乃至不可 生百千億那 福德藏解脫門能於如是一 佛刹微塵數衆生假使十方世界一 由他衆生乃至不可說不可說衆生假使閻浮提微塵 小器中隨諸衆生種種欲樂出生種種 世界中如是百世界千世 切衆生隨其欲樂悉 界中聲聞獨覺食我 上味種種 床 座種 界百 令充 食

諸根同廣大心同所行境同理同義同明了法同淨色相同無量力同最 維上下亦復如是善男子汝見我此十千童女眷屬已不答言已見優婆 樹下坐於道場降伏魔軍成阿耨多羅三藐三菩提如東方南西北方四 精進同正法音同隨類音同清淨第一音同讚無量清淨功德同清淨業 行同願同善根同出離道同淸淨解同淸淨念同淸淨趣同無量覺同得 夷言善男子此十千童女而爲上首如是眷屬百萬阿僧祇皆悉與我同 可說不可說佛刹微塵數世界中所有一生所繫菩薩食我食已皆菩提 數世界中所有一 微塵數世界三千大千國土微塵數世界乃至不可說不可說佛刹微塵 如於東方南西北方四維上下亦復如是又善男子東方一世界乃至不 提微塵數世界一四天下微塵數世界小千國土微塵數世界中千國 切聲聞獨覺食我食已皆證聲聞辟支佛果住最後身

(一九四一)

須彌 深 我 千女以我此器能於天中充足天食乃至人中充足人食善男子且待須 淨 緣 同 汝當自見說是語時善財則見無量衆生從四門入皆優婆夷本願 唯 旣 會 清 切切 行地善男子是十千童女能於此器取上飲食一 集起令見者欣悅同淸淨口業隨世語言宣布法化同往詣一切諸 盡。 來集已敷座令 知 道 淨 『普集衆寶猶如 後身菩薩聲聞獨覺乃至偏及諸餓鬼趣皆令充足善男子此十 猶 此 場同往詣 報。 加虚 無盡福德藏解脫門如諸菩薩摩訶薩 同大慈 空廣大無際。 周普救護 坐隨其所須給施飮食悉使充足告善財言善男子 切佛刹供養諸佛同能現見一 奧藏常貯法財猶如明燈破諸黑誾猶如高 如如意珠滿衆生 切同大悲周普成熟衆 顧。 如大聚落所求皆得 切功德猶如 刹 切法門同住菩薩 那 生同淸淨身業 頃偏至十方供 大海 蓋普 佛 隨

其 藏解 識故能滿衆善知由依止善知識故能生衆福 求見諸善知識心不退轉願得承事諸善知識 居士於善知識心生渴仰以善知識熏習其心於善知識志欲堅固方便 彼 德 禮 蔭 居士名曰明智汝詣彼問菩薩云何學菩薩行修菩薩道時善財童子頂 善根淨其深 福 山攝彼福德藏入彼福德淵遊彼福德池淨彼福德輪見彼福德 其足繞無量 知 德門行彼福德道修彼福德種漸次而行至大興城周徧推求 脱光明已思惟彼福德大海觀察彼福德虛空趣彼福德聚登彼 由依止善知識故不由他敎自能 |而我云何能知能說彼功德行善男子南方有城名日大興彼 心增其根性益其德本加其大願廣其大悲近 **市瞻仰無厭辭退而去爾時善財童子得無盡莊嚴福** 承事一 知由依止善 心無懈倦知由依 切善友如是思惟 知識故能長 切智具 止善 明 藏。 知 智 有

其城 衆生出諸苦難故爲令一切衆生究竟安樂故爲令一 禮其足繞無量而合掌而立白言聖者我爲利益一切衆生故爲令一切 後圍繞色相端嚴人所喜見天莊嚴具以爲嚴飾於天人中最勝無比悉 右常奏五百樂音其音美妙過於天樂衆生聞者無不悅豫十千眷屬前 人執持以覆其上鵝王羽翮淸淨嚴潔以爲其扇熏衆妙香雨衆天華左 爲其身金剛帝青以爲其足寶繩交絡五百妙寶而爲校飾敷天寶衣建 普賢道照明一 已成就菩薩志欲皆與居士同昔善根侍立瞻對承其教命爾時善財頂 天幢旛張大寶網施大寶帳閻浮檀金以爲其蓋毗瑠璃寶以爲其竿令 爲令一切衆生住法寶洲故爲令一 內市四衢道七寶臺上處無數寶莊嚴之座其座妙好淸淨摩尼以 切諸佛正法增長如來十力光明爾時善財見彼居士在 切衆生枯竭愛河故爲令一切衆 切衆 生出生它每

侍善知識不生憂慼求覓善知識終不退轉愛念善知識終不放捨承事 善男子我已令其發阿耨多羅三藐三菩提心生如來家增長白法安住 善知識無暫休息瞻仰善知識無時憩止行善知識教未曾怠惰稟善知 處居士告言善哉善哉善男子汝乃能發阿耨多羅三藐三菩提心善男 值遇善知識恆無厭足親近善知識恆無勞倦供養善知識恆不疲懈給 子發阿耨多羅三藐三菩提心是人難得若能發心是人則能求菩薩行。 衆生出三界城故爲令一切衆生入一切智城故發阿耨多羅三藐三菩 爲令一切衆生出生死曠野故爲令一切衆生樂諸佛功德故爲令一切 生起大慈悲故爲令一切衆生捨離欲愛故爲令一切衆生渴仰佛智故 心無有誤失善男子汝見我此衆會人不善財答言唯然已見居士言。 心而未知菩薩云何學菩薩行云何修菩薩道能爲一切衆生作依止

四

就難屈伏行善能了達無上食行成就無盡大威德力降魔寃行爲得好 皆滿足然後復爲說種種法所謂爲得美食而充足者與說種種集福德 時 欲 有所須悉令充滿乃至爲說眞實妙法善男子且待須臾汝當自見說是 食湯藥房舍屋宅牀座燈炬奴婢牛羊及諸侍使如是一切資生之物諸 德藏解脫門凡有所須悉滿其願所謂衣服瓔珞象馬車乘華香幢蓋飮 惡趣住正法趣如諸菩薩悉能救護一切衆生善男子我得隨意出生福 無量諸波羅蜜學佛十力離世間種住如來種棄生死輪轉正法輪滅三 居 不同皆以菩薩往昔願力其數無邊俱來集會各隨所欲而有求請爾 時無量衆生從種種方所種種世界種種國土種種城邑形類各別愛 貧窮行知諸法行成就法喜禪悅食行修習具足諸相好行增長成 士知衆普集須臾繫念仰視虛空如其所須悉從空下一 切衆會普

衆生住處及諸如來衆會道場或以成熟一切衆生或以供養一切諸佛 種種色香種種色末香種種色燒香種種色寶蓋種種色幢旛徧滿一切 種種色寶種種色瓔珞種種色寶冠種種色衣服種種色音樂種種色華 **薩成就寶手偏覆一切十方國土以自在力普雨一切資生之具所謂雨** 法既聞法已還歸本處爾時居士爲善財童子示現菩薩不可思議解脫 而我云何能知能說彼諸功德自在神力善男子於此南方有一 境界已告言善男子我唯知此隨意出生福德藏解脫門如諸菩薩摩 淨慚愧之衣乃至如來淸淨妙色如是一切靡不周贍然後悉爲如應說 說種種法門皆令得載摩訶衍乘爲得衣服而充足者與其說法令得淸 者與其說法皆令獲得諸佛如來上味之相爲得車乘而充足者與其宣 飲 而充足者與其說法令於生死捨離愛著入佛法味爲得種種諸上味 大城名

(一九四七)

善財童子歡喜踊躍恭敬尊重如弟子禮作如是念由此居士護念於我 師子宮彼有長者名法寶髻汝可往問菩薩云何學菩薩行修菩薩道時

善知識教決定深信善知識語恆發深心事善知識頂禮其足繞無量市 **令我得見一切智道不斷愛念善知識見不壞尊重善知識心常能隨順**

殷勤瞻仰辭退而去

大方廣佛華嚴經卷第六十五

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

天

叉◎創琤衝初抄釵鴟嗔徲覷攙搊叉唱叉字時普願法界衆生入般岩

波羅蜜門

容00 當思 登思 東蘇 都蘇

刀思

懛思

低西

顛西

單思

〇西

耽思

兜思 多娑

唱多奖

字時普願法界衆生入般

若波羅蜜門

壤●穰仍茸如饒○而仁然任得柔壤唱壤字時普願法界衆生入般若

波羅蜜門

四十二字纱陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三 |塗共入毘盧性海

南無華嚴海會佛菩薩 三 稱

音釋

紺青甘

赤去

色擎 頸 頸音 也景 項 領領 也額 頮 潜洲音 也主 水 癎 癩音 病閑 也小 兒 **胝** 支音 矜 京音 淵 寃音

校異同

丹

潔如頻婆菓票

也深

衢

達音

道渠

也四

翮

羽

憂

似赤 莖音

此也 也聚

林淨 戚

檎也 懼音

極頻 也七

方潔

鮮婆

淵

者長 本行 第 俱唐 居合頁 士論 長第 惟本 也一 北决 有行 藏疑 本眼 本論 悞目 作本 作脩 長諸 脩廣 者流 非脩 通第 第二三頁第二十八頁第六日 流五 藏行 通行 無北 本唐 是藏 俱合 字如 居論 第 一个 十 北疑 巌論 頁 作本 七第

期赤也七處平滿層及頂也 熟者其七處平滿兩手兩足兩 即周也 厚受也 贈周也 層口

唐于闐國三藏沙門實叉難陀譯

入法界品第三十九之七

宅淸淨光明眞金所成白銀爲牆玻瓈爲殿紺瑠璃寶以爲樓閣硨磲妙 薩道善哉聖者願爲我說諸菩薩道我乘此道趣一切智爾時長者執善 財手將詣所居示其舍宅作如是言善男子且觀我家爾時善財見其舍 此長者在於市中遽即往詣頂禮其足繞無數币合掌而立白言聖者我 已先發阿耨多羅三藐三菩提心而未知菩薩云何學菩薩行云何修菩 聚生彼福德力增彼福德勢漸次而行向師子城周徧推求寶髻長者見 彼 爾時善財童子於明智居士所聞此解脫已遊彼福德海治彼福德田仰 福德山趣彼福德津開彼福德藏觀彼福德法淨彼福德輪味彼福德

(一九五一)

印諸 欲光明般若波羅蜜門不可降伏藏般若波羅蜜門照衆生輪般若波 說 性 波羅蜜門善分別諸衆生智般若波羅蜜門不可動轉般若波羅 門善財入已次第觀察見最下層施諸飮食見第二 層 層布施一切寶莊嚴具見第四層施諸采女幷及一 網• 明了通達成就廣大總持三昧無障礙門所行無礙不住二法在不可 乃至五 妙莊嚴道 彌覆其上碼碯寶池香水盈滿無量寶樹周徧行列其宅廣博十層八 而作其柱百 三昧行智慧光明見第六層有諸菩薩皆已成就甚深智慧於諸法 地菩薩雲集演說諸法利益世間成就一 場中而共集會分別顯示般若波羅蜜門所謂寂靜藏般若 千種寶周徧莊嚴赤珠摩尼為師子座摩尼為帳眞珠為 一層施諸寶衣見第三 切陀羅尼門諸 切上妙珍寶見第五 蜜

蜜

門海藏般若波羅蜜門普眼捨得般若波羅蜜門入無盡藏般若

波

華 晟 挳 卷大十大

獲如是報長者告言善男子我念過去過佛刹微塵數劫有世

普於一 成滿 悉使明見爾時善財見是事已白言聖者何緣致此清淨衆會種何善根 於 諸佛 觀宿緣 徧 見第七層有諸菩薩得如響忍以方便智分別觀察而得出離悉能聞持 才般若波羅蜜門隨順衆生般若波羅蜜門無礙光明般若波羅蜜門常 中集會見第十層一切如來充滿其中從初發心修菩薩行超出生死 十方刹其身普現一切道場盡于法界靡不周偏普入佛境普見佛身 大願 正法見第八層無量菩薩共集其中皆得神通無有退墮能以一 切佛衆會中而爲上首演說於法見第九層一生所繫諸菩薩衆 而布法雲般若波羅蜜門說如是等百萬阿僧祇般若波羅蜜門 切方便海般若波羅蜜門入一 及神通力淨佛國土道場衆會轉正法輪調伏衆生如是 切世間海般若波羅蜜門無礙 切 좜

(一九五三)

界名圓

N

禮 無分別 此 長者名爲普眼汝詣彼問菩薩云何學菩薩行修菩薩道時善財童子頂 功德行善男子於此南方有一 世平等住無分別普眼境界住一切劫無有疲厭而我云何能知能 量 來身海受無分別無上法雲修無分別功德道具起無分別普賢行網入 困 我奏樂音幷燒一丸香而以供養以此功德迴向三處謂永離一切貧 莊 其足 苦常 解脫已深入諸佛無量知見安住菩薩無量勝行了達菩薩無量方便 嚴佛號無邊光明法界普莊嚴王如來應正等覺十號圓滿彼佛入城 福 德寶藏解脫門如諸菩薩摩訶薩得不思議功德寶藏入無分別 続無數 見諸佛及善知識恆聞正法故獲斯報善男子我唯知此菩薩 三昧境界等無分別菩薩善根住無分別如來所住證無分別三 市殷勤瞻仰辭退而去爾時善財童子於寶髻長者所聞 國 土名曰藤根其土有城名曰普門中有 說彼

希求菩薩無量法門淸淨菩薩無量信解明利菩薩無量諸根成就菩薩

大

歎方 清淨 揚 能 爲 諸行網爲欲令其具佛相好稱揚讚歎檀波羅蜜爲欲令其得佛淨身 讚調伏一 慈悲觀愚癡多者教其分別種種法相等分行者爲其顯示殊勝法門 量 欲令其發菩提 充 讚 欲 徧 苦惱爲欲令其增長功德讚歎修習無量福智爲欲令其發大誓願稱 足無所乏短然後各爲如應說法爲貪欲多者敎不淨觀瞋恚多者敎 法 便波羅蜜為欲令其爲諸衆生住 令其得於淸淨無與等身稱揚讚歎禪波羅蜜爲欲令其顯現如 歎忍波羅蜜爲欲令其獲於如來無能勝身稱揚讚歎精進波羅 至一 身稱揚讚歎般若波羅蜜爲欲令其現佛世尊淸淨色身稱揚讚 切處故稱揚讚歎尸波羅蜜爲欲令其得佛淸淨不思議身稱 切衆生爲欲令其修普賢行說諸菩薩於一切刹一 心稱揚 切諸佛功德爲欲令其起大悲意顯示 切劫稱揚讚歎願波羅蜜爲欲 切劫住修 生死無

救護一 調 知和合 幢香旛香帳香羅網香形像香莊嚴具香光明香雲雨處處充滿以爲莊 宮或爲香殿如是香欄檻香垣牆香却敵香戶牖香重閣香半月香蓋香 跋底香堅黑栴檀香烏洛迦栴檀香沈水香不動諸根香如是等香悉知 嚴善男子我唯知此令一切衆生普見諸佛歡喜法門如諸菩薩摩訶薩 之身稱揚讚歎永離一切諸不善法如是施已各令還去善男子我又善 令 淨身隨衆生心悉使歡喜稱揚讚歎智波羅蜜爲欲令其獲於究竟淨妙 理和合之法又善男子我持此香以爲供養普見諸佛所願皆滿所謂 其現淸淨身悉過一切諸佛利土稱揚讚歎力波羅蜜爲欲令其現淸 香中出無量香偏至十方一切法界一 切衆生願嚴淨一切佛刹願供養一切如來願又善男子然此香 一切諸香要法所謂無等香辛頭波羅香無勝香覺悟香阿盧那 切諸佛衆會道場或爲香

九五七

童 無 見佛莊嚴心不捨十力心漸次遊行經歷國土村邑聚落至多羅幢 妙 幢。 無 過 如 心心寂静、 厭足王所在之處諸人答言此王今者在於正殿坐師子座宣布法 有 知 子禮普眼足繞無量市殷勤瞻仰辭退而去爾時善財童子憶念思惟 彼中有王名無厭足汝詣彼問菩薩云何學菩薩行修菩薩道時善財 樂而我云何能知能說彼功德行善男子於此南方有一大城名多羅 切生死怖畏到無所畏一 者若有衆生暫得值遇必令消滅一 大藥王若見若聞若憶念若同住若隨行往若稱名號皆獲利益無空 退 、識教念善知識能攝受我能守護我令我於阿耨多羅三藐三菩提 轉。 如是思惟。 心莊嚴心無著心無礙心平等心自在心住法心偏往佛刹 :生歡喜心淨信心廣大心怡暢 切智處摧壞一切老死大山安住平等寂寞 切煩惱入於佛法離諸苦蘊永息 心踊 躍 心欣慶心勝 城問

者無不恐怖無量衆生犯王教勑或盜他物或害他命或侵他妻或生邪

子依衆 調 盗 御衆生可治者治可攝者攝罰其罪惡決其諍訟撫其孤弱皆令永斷 邪婬亦令禁止妄言兩舌惡口綺語又使遠離貪瞋邪見時善財童 人語尋卽往詣遙見彼王坐那羅延金剛之座阿僧祇寶以爲

尼以爲瓔珞莊嚴其頸天妙摩尼以爲印釧莊嚴其臂閻浮檀金 足無量寶像以爲莊嚴金繩爲網彌覆其上如意摩尼以爲寶冠莊嚴其。 個智 檀 金以爲半月莊嚴其額帝青摩尼以爲耳璫相對垂下無價 以爲

勢能伏他衆無能與敵以離垢繪而繫其頂十千大臣前後圍繞共理王 事其前復有十萬猛卒形貌醜惡衣服褊陋執持器仗攘臂瞋目衆生見。 鈴 蓋衆寶間錯以爲輪輻大瑠璃寶以爲其竿光味摩尼以爲其<u>齊雜寶</u> 恆 出妙音放大光明周徧十方如是寶蓋而覆其上阿那羅王有大力

九(一九五九)

智不可思議護念衆生智不可思議成熟衆生智不可思議守護衆 不可思議度脫衆生智不可思議調伏衆生智不可思議時善財童子聞 導汝至無險難安隱之處善男子菩薩善巧方便智不可思議攝受衆生 有天而告之言善男子汝當憶念普眼長者善知識教善財仰視而白之 薩行修菩薩道今者此王滅諸善法作大罪業逼惱衆生乃至斷命曾不 體或以湯煮或以火焚或驅上高山推令墮落有如是等無量楚毒發聲 犯而治罰之或斷手足或截耳鼻或挑其目或斬其首或剝其皮或解其 日我常憶念初不敢忘天日善男子汝莫厭離善知識語善知識者能引 顧懼未來惡道云何於此而欲求法發大悲心救護衆生作是念時空中 見或起瞋恨或懷貪嫉作如是等種種惡業身被五縛將詣王所隨其所 **叫譬如衆合大地獄中善財見已作如是念我爲利益一切衆生求菩** 生智

二九大二

彼衆生故化作惡人造諸罪業受種種苦令其一切作惡衆生見是事已

意云何我若實作如是惡業云何而得如是果報如是色身如是眷屬 生多行殺盜乃至邪見作餘方便不能令其捨離惡業善男子我爲調伏 是富瞻如是自在善男子我得菩薩如幻解脫善男子我此國土所有衆 所施爲無非巧妙先起後臥輕意承旨時阿那羅王告善財言善男子於 不思議摩尼寶網羅覆其上十億侍女端正殊絕威儀進止皆悉可觀 之所合成七寶爲牆周市圍繞百千衆寶以爲樓閣種種莊嚴悉皆妙好 我說時阿那羅王理王事已執善財手將入宮中命之同坐告言善男子 汝應觀我所住宮殿善財如語卽徧觀察見其宮殿廣大無比皆以妙寶 心而未知菩薩云何學菩薩行云何修菩薩道我聞聖者善能教誨願爲 此 語已卽詣王所頂禮其足白言聖者我已先發阿耨多羅三藐三菩提

(一九大二)

皆如化一 名大光汝詣彼問菩薩云何學菩薩行修菩薩道時善財童子頂禮王足 得自在而我云何能知能說彼功德行善男子於此南方有城名妙光王 行帝 繞無數而辭退而去爾時善財童子一心正念彼王所得幻智法門思惟 如 蟻而作苦事況復人耶人是福田能生一切諸善法故善男子我唯得此 生善男子如我心者寧於未來受無間苦終不發生一念之意與一蚊一 快樂究竟安隱究竟住於一切智地善男子我身語意未曾惱害於一衆 菩提意善男子我以如是巧方便故令諸衆生捨十惡業住十善道究竟 心生惶怖心生厭離心生怯弱斷其所作一切惡業發阿耨多羅三藐三 幻解脫如諸菩薩摩訶薩得無生忍知諸有趣悉皆如幻菩薩諸行悉 切諸行以無礙智行於境界普入一切平等三昧於陀羅尼已 切世間悉皆如影一切諸法悉皆如夢入眞實相無礙法門修

思議功德聞諸菩薩不思議自在聞諸菩薩不思議平等聞諸菩薩不思 諸菩薩所行之行聞諸菩薩出要之門聞諸菩薩所證之法聞諸菩薩不 財童子歡喜踊躍作如是念我善知識在此城中我今必當親得奉見聞 曠野巖谷險難無有疲懈未曾休息然後乃至妙光大城而問人言妙光 大城在於何所人咸報言妙光城者今此城是是大光王之所住處時善 三世起於種種如幻變化如是思惟漸次遊行或至人間城邑聚落或經 王如幻解脫觀察彼王如幻法性發如幻願淨如幻法普於一 切如

水盈滿其中底布金沙優鉢羅華波頭摩華拘物頭華芬陀利華徧布其 以金銀瑠璃玻瓈真珠硨磲碼碯七寶所成七寶深壍七重圍繞八功德 寶多羅樹七重行列七種金剛以爲其垣各各圍繞所謂師子光明金

議勇猛聞諸菩薩不思議境界廣大淸淨作是念已入妙光城見此大城

四

樓閣 羅 閣· 數 閣・ 周 種 剛 剛 妙藏 覆 妙 光 庀 徧 種 垣。 垣。 光 天曼陀 道 其 照 無能 網 嚴 衆 勝 摩尼 間皆有 摩尼 羅覆其 飾。 世 妙 寶 無數 間 毗 網 而 超 羅華網羅覆其 摩 網 藏金 瑠 勝 爲 ~上無數銀 尼寶 網 羅覆其上無數: 金 無量 璃寶以爲其地種種莊嚴 埤 金剛 羅覆其 現其城縱 剛寶樓閣 剛 樓閣 萬 垣離塵淸淨金剛垣悉以無數摩尼妙寶間錯莊 垣。 億 不 上無 |機閣・ 衆 可 上無數無等香 藏 無 生於中 沮壞 廣 欲 黎 樓 閣 能 赤眞 數衆生海摩尼 摩尼 十 勝幢摩尼 金剛 王 此 珠 由 摩尼網 網 住。 旬。 垣。 羅覆其 無垢藏 甚可愛樂其城 周 不 有無數閻 王樓閣種種華 Ξ 迴 可毀缺金剛 網 王 羅 八方 摩尼 上無數帝青摩尼 羅 樓閣燄光明摩尼 覆 覆其上 其上 浮檀 面 開八 無數 之内 網羅覆其 金 垣。 網 樓閣· 無數黑栴 門 堅 院羅 覆 其· 毗 皆 窗無 瑠 毗 以七 億 寶 璃 瑠 衢 礙 樓 網 樓 璃 金

如雪

其城復有無數摩尼網無數寶鈴網無數天香網無數天華網無數寶形 像 網無數寶衣帳無數寶蓋帳無數寶樓閣帳無數寶華鬘帳之所彌覆

之法。 處處 光 明 赫奕最勝無比衆生見者心無厭足彼大光王常處其中爾時善財 建立寳蓋幢旛當此城 心願樂見善知識漸次遊行見大光王去於所住樓閣不遠 切珍寶妙物乃至男女六塵境界皆無愛著但正思惟究竟 中有 一樓閣名正法藏阿僧祇寶以爲莊嚴 四

繒爲 道 中坐 帳。 衆寶爲 如意摩尼寶蓮華藏廣大莊嚴師子之座紺瑠璃寶以爲其足 網。 上妙天衣以爲茵褥其王 於上結 加趺坐二十八 種

用八十隨好而以嚴身如眞金山光色熾盛如淨空日威光赫奕 月見者 清涼。 相好樹 林以爲嚴節亦如大 如梵天王處於梵衆亦如大海功德法寶 、雲能震法雷啓悟羣品亦如虛 員無有邊 如

大

心 以塗其 故。 皆有二十億菩薩 如是一 隨 百千 滿 衣 現種 故為 衆生心 爲 爲 服 其中於王座前 令衆 令 瓔 萬億諸天妓樂百千萬億天諸妙香百千萬億病緣湯藥資生之具 種 令衆 衆 法門星象. **.體天衣瓔珞種種莊嚴六十四能** 切悉皆珍好無量乳牛蹄角金色無量千億端正女人上妙栴 · 珞及諸飲食無量無邊種種充滿復見無量百 而 生 生踊躍故爲令衆 知一 生離身語惡故爲令衆生拔諸邪見故爲令衆生淨諸業道 以給施城邑聚落四衢道側悉置一切資生之具一一 切義 以此諸物給施衆生爲 如須彌· 有金銀瑠璃摩尼眞珠珊瑚琥珀珂貝璧玉諸珍寶聚 理故。 山四色普現衆生心海亦如寳洲 爲令衆生入一 生 心淨故爲合衆生淸涼故爲滅衆 、欲普攝衆生故爲令衆生歡 | |靡不該練世情禮則悉皆善解 切智道故爲令衆 千萬億上 種種智寶 生 捨 生煩 一妙寶 寃敵 道傍

華 一般 經 卷大十大

(一九大七)

樂恆自悅豫身無諸苦心得淸涼斷生死愛樂正法樂滌煩惱垢破惡業 守護衆生不捨離心拔衆生苦無休息心我以此法令一切衆生畢竟快 以此法令衆生起行以此法令衆生安住思惟諸法自性以此法令衆生 衆生修行以此法令衆生趣入以此法與衆生方便以此法令衆生熏習 以此法教敕以此法攝受以此法隨逐世間以此法引導衆生以此法令 安住慈心以慈爲主具足慈力如是令住利益心安樂心哀愍心攝受心 薩大慈幢行我滿足菩薩大慈幢行善男子我於無量百千萬億乃至不 何修菩薩道我聞聖者善能誘誨願爲我說時王告言善男子我淨修菩 聖者我已先發阿耨多羅三藐三菩提心而未知菩薩云何學菩薩行云 故時善財童子五體投地頂禮其足恭敬右繞經無量市合掌而住白言。 可說不可說佛所問難此法思惟觀察修習莊嚴善男子我以此法爲王

若有衆生其心淸淨曾種善根供養諸佛發心趣向一切智道以一切智 成或見殿堂及諸樓閣階墀窗闥軒檻戶牖如是一切無非妙寶善男子 石高下不平或見無量大摩尼寶間錯莊嚴平坦如掌或見屋宅土木所 寶而以莊嚴或見聚土以爲垣牆或見寶牆周市圍繞或見其地多諸瓦 疑難善男子此妙光城所住衆生皆是菩薩發大乘意隨心所欲所見不 貧乏若有所須當來我所及四衢道一切諸物種種具足隨意而取勿生 於我所無有恐怖善男子若有衆生貧窮困乏來至我所而有求索我開 同或見此城其量狹小或見此城其量廣大或見土沙以爲其地或見衆 庫藏恣其所取而語之言莫造諸惡莫害衆生莫起諸見莫生執著汝等 我已住此大慈幢行能以正法教化世間善男子我國土中一切衆生皆 障絕生死流入眞法海斷諸有趣求一切智淨諸心海生不壞信善男子。 王起大香雲激電震雷注微細雨有十千天王所謂忉利天王夜摩天王

樹莫不迴轉向王敬禮陂池泉井及以河海悉皆騰溢流注王前十千龍

善男子此國土中一切衆生五濁世時樂作諸惡我心哀愍而欲救護入 爲究竟處及我昔時修菩薩行曾所攝受則見此城衆寶嚴淨餘皆見穢

住鳥獸之屬互相瞻視起慈悲心咸向王前恭敬禮拜一切山原及諸草。 躍。 其城內外六種震動諸寶地寶牆寶堂寶殿臺觀樓閣階砌戶牖如是一 首順世三昧法如是故善男子且待須臾自當現見時大光王卽入此定。 切咸出妙音悉向於王曲躬敬禮妙光城內所有居人靡不同時歡喜踊 於菩薩大慈爲首隨順世間三昧之門入此三昧時彼諸衆生所有怖畏 心惱害心冤敵心諍論心如是諸心悉自消滅何以故入於菩薩大慈爲 俱向王所舉身投地村營城邑一切人衆咸來見王歡喜敬禮近王所

此菩薩大慈爲首隨順世間三昧門如諸菩薩摩訶薩爲高蓋慈心普陰 皆起慈心願行利益明識後世不造諸惡恭敬合掌頂禮於王如閻浮提 瓔珞無數寶繪帶無數寶鬘無數寶嚴具無數寶華無數寶香種種奇妙 餘三天下乃至三千大千世界乃至十方百千萬億那由他世界中所有 諸夜叉王鳩槃茶王毗舍閣王或住大海或居陸地飮血噉肉殘害衆生 以爲嚴飾無數采女種種歌讚閻浮提內復有無量百千萬億諸羅刹王 衆妓樂無數天女歌詠讚歎兩無數華雲無數香雲無數寶鬘雲無數寶 王伊羅婆拏大象王以自在力於虛空中敷布無數大寶蓮華垂無數寶 衣雲無數寶蓋雲無數寶幢雲無數寶旛雲於虛空中而爲莊嚴供養其 兜率陀天王善變化天王他化自在天王如是等而爲上首於虛空中作 一切毒惡衆生悉亦如是時大光王從三昧起告善財言善男子我唯知

(一九七二)

數而殷 大光王教憶念菩薩大慈幢行門思惟菩薩隨順世間三昧光明門增長 量彼 歎彼大慈悲雲善男子於此南方有一王都名曰安住有優婆夷名曰不 法門能顯示彼莊嚴大海能闡明彼普賢行門能開示彼諸三昧窟能讚 衆生修習三昧入一切智大城中故而我云何能知其行能說其德能稱 生 所知境故爲明燈能破一 生故爲滿月福德光明於世間中平等現故爲淨日以智光明照耀一 諸 汝詣彼問菩薩云何學菩薩行修菩薩道時善財童子頂禮王足繞無 心中諂誑濁故爲如意寶悉能滿足一切衆生心所願故爲大風速令 福德大山能瞻仰彼功德衆星能觀察彼大願風輪能趣入彼甚深 生故爲修行下中上行悉等行故爲大地能以慈心任持一切諸衆 勤 瞻仰辭退而去爾時善財童子出妙光城遊行道路正念思惟 切衆生心中諸黑闇故爲水淸珠能淸一 切衆 切

引 道 等 流 知 幸 共受用大威德憶念彼不思議差別相思惟彼不思議淸淨眷屬思惟彼 彼不思議願福德自在力堅固彼不思議成熟衆生智觀察彼 不 切菩薩! 湯能 法能 到 見普兩一切諸佛法兩顯示一切菩薩願門出生難思智慧光明增長 切菩薩淨念出生一 淚念善知識實爲希有出生一切諸功德處出生一切諸菩薩行 **₽**0 思議所作業生歡喜心生淨信心生猛利心生欣悅心生踊 生無濁心生清淨心 普增長 普顯示諸夷險道能普開闡大乘奧義能普勸發普賢諸行能普 切智城而普令入法界大海能普令見二世法海能普授與衆聖 根芽叉作是念善知識者能普救護一 切白法善財童子如是悲哀思念之時彼常隨逐覺悟 切陀羅尼輪出生一切三昧光明出生 生堅固心生廣大心生無盡心如是思惟 切惡道能普演說諸 躍 不思議 切諸 10 出 悲 生慶 泣

(一九七三)

皆照耀遇斯光者身意淸涼善財童子光明觸身卽時獲得五百三昧門 其家內父母守護與自親屬無量人衆演說妙法善財童子聞是語已其 語無疑惑者則常值遇一切善友其有發心願常不離善知識者則得具 捨得三昧門如來藏三昧門得如是等五百三昧門以此三昧門故身心 所謂了一切希有相三昧門入寂靜三昧門遠離一切世間三昧門普眼 識時善財童子從彼三昧智光明起漸次遊行至安住城周徧推求不動 心歡喜如見父母卽詣不動優婆夷舍入其宅內見彼堂宇金色光明普 優婆夷今在何所無量人衆咸告之言善男子不動優婆夷身是童女在 尊悉皆歡喜其有隨順善知識語則得近於一切智地其有能於善知識 足一切義利善男子汝可往詣安住王都卽當得見不動優婆夷大善知 菩薩如來使天於虛空中而告之言善男子其有修行善知識敎諸佛世

四四

不生 女人皆無厭足唯除具足大智慧者爾時善財童子曲躬合掌正念觀察 夷所起染著心若得暫見所有煩惱悉自消滅譬如百萬大梵天王決定 莊 童子前詣其所恭敬合掌一心觀察見其形色端正殊妙十方世界一 女人無有能及況其過者唯除如來及以一切灌頂菩薩 嚴幷其眷屬悉無與等況復過者十方世界一 一欲 如七日胎又聞妙香非諸天龍乾闥婆等人與非人之所能有善財 界煩惱其有見此優婆夷者所有煩惱應知亦然十方衆生觀此 切衆生無有於此優婆 口 出妙香宮殿 切

普為 見此 衆 女人其身自在不可思議色相顏容世無與等光明洞徹物無能障 生 而作利益其身毛孔恆出妙香眷屬無邊宮殿第一功德深廣

莫知涯際心生歡喜以頌讚日

守護清淨戒

修行廣大忍 精進不退轉 光 明照世間

而 爾 未知菩薩云何學菩薩行云何修菩薩道我聞聖者善能誘誨願爲我 時善財童子說此頌已白言聖者我已先發阿耨多羅三藐三菩提心·

善男子汝已能發阿耨多羅三藐三菩提心善男子我得菩薩難摧伏智 慧藏解脫門我得菩薩堅固受持行門我得菩薩一切法平等地總持門 說時不動優婆夷以菩薩柔輭語悅意語慰喻善財而告之言善哉善哉。 切法辯才門我得菩薩求一切法無疲厭三昧門善財

宣說我當因善知識能信能受能知能了趣入觀察修習隨順離諸分別 童子言聖者菩薩難摧伏智慧藏解脫門乃至求一切法無疲厭三昧門 境界云何童女言善男子此處難知善財白言唯願聖者承佛神力爲 我得菩薩照明一

二五(一九七五)

名曰電授唯有一女卽我身是我於夜分廢音樂時父母兄弟悉已眠寢

究竟平等優婆夷言善男子過去世中有劫名離垢佛號脩臂時有國

思惟彼 無量 法 受 總持三昧 上 至 無 五百童女亦皆昏寐我於樓上仰觀星宿於虛空中見彼如 心入深法 同應發正 我 一妙之身相好 於 所障礙佛身毛孔皆出妙香我聞是香身體 生應發無厭足心求見諸佛無有休息應發 地 無邊天龍八部諸菩薩衆所共圍繞佛身普放大光明網周徧 汝應 佛諸相隨好無有厭足竊自 上合十指爪頂禮於佛又觀彼佛不見頂相觀身左右莫知邊際 不可思議神通自在辯才無礙善男子爾時如來 思惟心普生 門應發能堪耐心救惡衆生應發無迷惑心普於。 發 圓滿 不可壞心滅諸煩惱應發無能勝 光明具足眷屬成就宮殿嚴好福德智慧悉皆清 切佛法光明應發大住持心普轉 念言此佛世尊作何等業獲於如是 無 柔輭心生歡喜便從樓下 知足心 心破諸取著應發 悉受 《知我心念》 來 如寶 切諸 切諸 切 無退 一方 如 山 卽 趣

中受持 及以二 求佛國 佛未曾忘失何況菩薩十眼所見爾所劫中受持一 藏未曾迷惑起衆生想及無記心況於餘時爾所劫中乃至夢中隨見一 於念欲之心況行其事爾所劫中於自親屬不起瞋心況他衆生 求 失一文一 中於其自身不生我見況於衆具而計我所爾所劫中死時生時及住 法輪應發廣流通心隨衆生欲施其法寶善男子我於彼佛所聞如是法 亦復如是爾所劫中受持如是 一切智求佛十力求佛辯才求佛光明求佛色身求佛相好求佛衆 |乘悉不能壞善男子我發是心已來經閻浮提微塵數劫尙不生 上求佛威儀求佛壽命發是心已其心堅固猶如金剛一 切如來法海一文一句無不思惟無不觀察乃至一 句乃至世俗所有言辭尚不忘失何況如來金口所說爾所劫 切法海未曾於一法中不得三昧乃 切如來正 上法未曾忘 切世俗之 爾所劫 切煩 胎 匘

光明除滅 藏門常聞入 常聞菩薩行常聞菩薩波羅蜜門常聞菩薩地智光明門常聞菩薩無盡 中所見衆生無一衆生我不勸發阿耨多羅三藐三菩提心未曾勸一 想善男子我從是來常見諸佛常見菩薩常見眞實善知識常聞諸佛 不生二想不生分別想不生種種想不生執著想不生勝劣想不生愛憎 所悉亦如是爾所劫中見諸菩薩修行妙行無有一行我不成就爾所劫 所 所住持未曾廢捨一文一句乃至不曾生於世智唯除爲欲調衆生故爾 至世間技術之法一 一發於聲聞辟支佛意爾所劫中於一 劫 中見諸佛海未曾於一佛所不得成就淸淨大願乃至於諸化佛之 無邊世界網門常聞出生無邊衆生界因門常以淸淨 切衆生煩惱常以智慧生長 法中悉亦如是爾所劫中住持一 切佛法乃至一文一 切衆生善根常隨 切如來法輪。 句不生疑惑。 切衆 治智慧 隨

喜如諸菩薩摩訶薩如

金翅鳥遊行虛空無所障礙能入一

座入求一 各有 神變汝欲見不善財言唯我心願見爾時不動優婆夷坐於龍藏師子之神變汝欲見不善財言唯我心願見爾時不動優婆夷坐於龍藏師子之 薩 所 三昧門佛種無盡藏三昧門入如是等一萬三昧門入此三昧門時十方 有百億四天下百億如來或住兜率天乃至般涅槃一一 求 樂示現其身常以淸淨上妙言音開悟法界一切衆生善男子我得 不可說佛刹微塵數世界六種震動皆悉清淨瑠璃所成一一 切法無厭足莊嚴門我得一 一切法無厭足莊嚴三昧門不空輪莊嚴三昧門十力智輪現前 切法平等地總持門現不思議自在 如來放光明 世界

子我唯得此求一 網 三昧起告善財言善男子汝見此不善財言唯我皆已見優婆夷言善男 周徧 法界道場衆會清淨圍繞轉妙法輪開悟羣生時不動優婆夷從 切法無厭足三昧光明爲一 切衆生說微妙法皆令歡

二九

切衆生大

王能偏台 編行。 樹。 竭。 十力智寶又如漁師持正法網入生死海於愛水中漉諸衆生如阿脩羅 見有善根已成熟者便卽執取置菩提岸又如商客入大寶洲採求 ·於中止住增長一切善法根芽叉如大風所向無礙能拔一切諸見大 善男子於此南方有一大城名無量都薩羅其中有一出家外道名日 如轉輪王遊行世間以四攝事攝諸衆生而我云何能知能說彼功德 又如滿月出現虛空令可化者心華開敷又如大地普皆平等無量衆 汝往彼問菩薩云何學菩薩行修菩薩道時善財童子頂禮其足繞 **托動三有大城諸煩惱海又如日輪出現虛空照愛水** 泥令其乾 如 來

無量市殷勤瞻仰辭退而去

大方廣佛華嚴經卷第六十六

南無三 滿哆沒 **駅喃阿鉢囉帝喝多折折捺彌唵雞彌雞彌怛塔葛塔喃**

末瓦山矴鉢囉帝烏怛摩怛摩怛塔葛塔喃末瓦吽癹莎訶

福城東際童子南詢百城烟水渺無垠知識異常倫五十三人一曲和陽

亢 恆 胡 胡 毫 孩 礥 寒 0 侯 曷

啉 攞

類 兜 唱羅 字時普顧法界衆生入般

若波羅蜜門

0

壟

婆 旁棚耄葡炮排皮貧柈〇

波羅蜜門

車◎昌稱衝樞怊差峀瞋闡戡韂犫車唱車字時普願法界衆生入般若

波羅蜜門

四十一 一字妙陀羅字字包含義理多阿棳梵韻滿娑婆功德大法界沐恩

波

南 四 無華嚴海會佛菩薩 生九有同登華藏玄門八難三塗共入毘盧性海 Ξ 稱

香

洛羅舞 寢 児 毒音 藤 釋 幢 迦 云達 中親 小音 也古 蘿音 旃 岸池 臥上 垣詣 蠱 也疼 眼此 檀 此西 也聲 墻城 攘 藤 幢云 樹鳥 香面 室 也上 臂音 憚 建明 毒洛 出金 寐 蹄 也壤 憚音 此淨 氣迦 此口 寢音 足音 捋 也但 城王 便西 河中 也昧 也提 挑 畏 故號 息域 岸出 睡 該 挑跳 雉 故蛇 上水 划 備古 撥平 堵音 那 或名 故流 翼音 也來 也聲 為治 羅 云栴 以入 也熾 切 剝 雉五 其此 人檀 為者 鳥 堤 剝邦 堞 王云 被香 名也 漉 婦音 削入 女音 可無 此樹 波 撈音 也池 也聲 墻牒 畏厭 毒也 阿 也六 丹 驅 也即 學足 蛇此 盧 托 溢 逐音 崇 名或 所蛇 那 越音 滿音 也區 高音 偏云 螫常 跋 也帽 也逸 蟻 也從 ^{諸普 此思} 帝 辛 激 ^{蟻音} 峻 國可 香毒 色阿 頭 激音 也擬 嶮音 故畏 能熱 跋盧 波 也吉 螻 也俊 聲治身 帝那 羅 奔 埤 之邊 云此 度辛 噉 城皮 病音 此 極云 河頭 噉音 上閉 也談 多 也赤 乃即 也淡 垣二 火 鳥 食 也音 整 阿信

校異同

通行 本藏 作本 成成 流第 熟就 通一 藏第 流 本行 本四 劫作藏 誤行 中 隨本 作萬 行隨 萬億 見唐 住行 億嘉 催宋 往 興 藏元 本本 作流 所通 頁 有本 流第 所 通九 本行 作藏 其本 足王 足 第二八頁

四第

十轉 生出 神己 聲伊 二輪 無生 但業 也羅 相王 量也 是行 此具 故三 歡此 修所 象云 喜城 行感 王伊 事中 位之 能陀 故出 已神 出羅 著如 美即 者來 聲帝 皆使 娛釋 種 有天 樂也 大 二是 帝婆 天佛 釋那 之 常慈 故云 相 隨力 出 十此 其攝 如 囘明 人生 來 使 向十 之 未住 都 滿十 薩疏 以行 天云 三悲 云都 蓋如 賢智 喜具 隨來 位已 也云 菩使 極修 薩都 薩天 方猶 羅羅 天隨 成有 云此 是菩

唐于闐國三藏沙門實叉難陀譯

入法界品第三十九之八

圍繞往詣其所頭頂禮足繞無量而於前合掌而作是言聖者我已先發 之處徐步經行色相圓滿威光照耀大梵天王所不能及十千梵衆之所 念言我必於此見善知識便從城出而登彼山見此外道於其山上平坦 夜時見此山頂草樹巖巘光明照耀如日初出見此事已生大歡喜作是 受思惟觀察漸漸遊行經歷國邑至都薩羅城於日沒時入彼城中廛店 阿耨多羅三藐三菩提心而我未知菩薩云何學菩薩行云何修菩薩道 鄰里四衢道側處處尋覓徧行外道城東有山名曰善德善財童子於中 爾時善財童子於不動優婆夷所得聞法已專心憶念所有教誨皆悉信

爲 向一切智位或爲稱讚大菩提心令其不失無上道意或爲稱讚諸菩薩 智或爲演說四攝方便令得具足一切智道或爲演說諸波羅蜜令其迴 報令於惡業深生厭離或爲演說供養諸佛種諸善根決定獲得一 行令其滿足淨佛國土度衆生願或爲演說造諸惡行受地獄等種種苦 羅摩睺羅伽地獄畜生閻羅王界人非人等一切諸趣或住諸見或信二 種種歿生一切諸趣所謂天趣龍趣夜叉趣乾闥婆阿脩羅迦樓羅緊那 就普門般若波羅蜜善男子我普於世間種種方所種種形貌種種行解· 我聞聖者善能敦誨願爲我說偏行答言善哉善哉善男子我已安住至 利益所謂或爲演說一切世間種種技藝令得具足一切巧術陀羅尼 。 或復信樂大乘之道如是一切諸衆生中我以種種方便種種智門而 切處菩薩行已成就普觀世間三昧門已成就無依無作神通力已成 切智

調 於 爲利益善男子閻浮提內九十六衆各起異見而生執著我悉於中方便 諸衆生等悉不能知我是何人從何而至唯令聞者如實修行善男子如 切族類若男若女諸人衆中我皆以方便示同其形隨其所應而爲說法 身令求如來無能映蔽大威德體又善男子此都薩羅城中一切方所, 身求一切智或爲讚說諸佛威德令其願樂佛不壞身或爲讚說佛自在 果令其發起歡喜之心或爲讚說 言音而爲說法令得利益善男子我唯知此至一切處菩薩行如諸菩薩 悉於中隨諸衆生心之所樂以種種方便種種法門現種種色身以種種 大千世界亦復如是如三千大千世界如是十方無量世界諸衆生海我 伏令其捨離所有諸見如閻浮提餘四天下亦復如是如四天下三千 此城利益衆生於閻浮提城邑聚落所有人衆住止之處悉亦如是而 훒 挳 卷大十七 切如來應正等覺所有功德令樂佛 Ξ (一九人七)

四

知能 唯願 摩訶薩身與 於三世悉皆平等以無我智周偏照耀以大悲藏 優 **鉢羅華** 切劫得如帝 切菩薩大功德海唯願修行 切處皆現受生普現一 繞 財寶不樂人衆不耽五欲 無量 嚴 說彼功德行善男子於此南方有一國土名爲廣大有鬻香長者名 願力修菩薩行唯願普入 淨諸佛國土唯願供養 汝詣彼問菩薩 **市殷勤瞻仰辭退而去爾時善財童子因善知識敎不顧身命** 切衆生數等得與衆生無差別身以變化身普入諸趣 網諸無等行常勤利益一切衆生恆與共居而無所著普 切衆生之前淸淨光明徧照世間以無礙願 云何學菩薩行修菩薩道時善財童子頂禮 不戀眷屬不重王位唯願化度 切諸佛衆會道場唯願入一三昧門 切諸佛唯願證 切功德終無退]轉唯願恆於一 知諸法實性唯願修集 切觀察而我云何能 切衆 切 劫中。

菩薩行云何修菩薩道而能出生一切智智長者告言善哉善哉善男子 我已先發阿耨多羅三藐三菩提心欲求一切佛平等智慧欲滿一 漸次遊行至廣大國詣長者所頂禮其足繞無量而合掌而立白言聖者 香王所出之處又善了知天香龍香夜叉香乾闥婆阿脩羅迦樓羅緊那 合一切香法所謂一切香一切燒香一切塗香一 總持欲除滅一切所有障礙欲遊行一切十方世界而未知菩薩云何學 大智身欲淨治一 無量大願欲淨一切佛最上色身欲見一切佛淸淨法身欲知一 汝乃能發阿耨多羅三藐三菩提心善男子我善別知一切諸香亦知調 一切法智慧光明能持一切諸佛法藏專求此等 切三昧門自在神力唯願於佛一毛孔中見一切佛心無厭足唯願 切菩薩諸行欲照明一 切菩薩三昧欲安住一 切末香亦知如是一 切諸佛菩薩功德 切佛廣 切菩薩 切佛 切

(一九入九)

喜 心 地 燒善男子海中有香名無能勝若以塗鼓及諸螺貝其聲發時一 提心善男子摩羅耶山出栴檀香名曰牛頭若以塗身設入火坑火不能 以根本如是一切我皆了達善男子人間有香名日象藏因龍鬭生若燒 逸香發心念佛香證解法門香聖所受用香一切菩薩差別香一切菩薩 香增煩惱香滅煩惱香令於有爲生樂著香令於有爲生厭離香捨諸憍 羅· 元滿身心快樂無有諸病不相侵害離諸憂苦不驚不怖不亂不恚慈 相 丸卽起大香雲彌覆王都於七日中兩細香雨若著身者身則金色若 位香如是等香形相生起出現成就淸淨安隱方便境界威德業用 摩睺羅伽人非人等所有諸香又善別知治諸病香斷諸惡香生歡喜 衣服宮殿樓閣亦皆金色若因風吹入宮殿中衆生齅者七日七夜歡 向 法意清淨我知是已而爲說法令其決定發阿耨多羅三藐三 切敵軍 菩

用若燒一 莊嚴若燒 調 香名曰奪意若燒一丸於七日中普兩一切諸莊嚴具善男子我唯知此 子兜率天中有香名先陀婆於一生所繫菩薩座前燒其一丸與大香雲 淨藏若燒一丸而以熏之夜摩天衆莫不雲集彼天王所而共聽法善男 **偏覆法界普雨一切諸供養具供養一切諸佛菩薩善男子善變化天有** 法莫不皆得離垢 二昧善男子羅利界中有香名海藏其香但為轉輪王 子雪山有香名阿盧那若有衆生齅此香者其心決定離諸染著我爲說。 子大岩以燒之香氣普熏閻浮提界衆生聞者離一切罪戒品淸淨善男 皆自退散善男子阿那婆達多池邊出沈水香名蓮華藏其香一丸如麻 和香法如諸菩薩摩訶薩遠離 丸而以熏之王及四軍皆騰虛空善男子善法天中有香名淨 巌 丸而以熏之普使諸天心念於佛善男子須夜摩天有香名 經 巻大十七 切諸惡習氣不染世欲永斷煩惱衆 t (一九九二)

修行令一切衆生滅煩惱道因是成就修行令一切衆生捨諸見道因是 成就修行攝衆生道因是成就修行普入法界無障礙道因是成就修行 道高卑觀道夷險觀道淨穢觀道曲直漸次遊行作是思惟我當親近彼 無量 其離 善 施 令一切衆生除惡慧道因是成就修行令一 我何能知其妙行說其功德顯其所有淸淨戒門示其所作無過失業辨 所著戒淨無著智行無著境於一切處悉無有著其心平等無著無依而 魔罥索超諸有趣以智慧香而自莊嚴於諸世間皆無染著具足成就無 知識善知識者是成就修行諸菩薩道因是成就修行波羅蜜道因是 汝詣彼問菩薩云何學菩薩行修菩薩道時善財童子頂禮其足繞 染身語意行善男子於此南方有一大城名日樓閣中有船師名婆 **币殷勤瞻仰辭退而去爾時善財童子向樓閣城觀察道路所謂觀** 切衆生離憍慢道因是成就

能發 莊嚴 往 菩薩道我聞聖者善能敎誨願爲我說船師告言善哉善哉善男子汝已 德海善財見已往詣其所頂禮其足繞無量而於前合掌而作是言聖者 道 我已先發阿耨多羅三藐三菩提心而未知菩薩云何學菩薩行云何修 切 成 三昧旋因乘大願車偏一切處行菩薩行無有障礙淸淨道 设善知 智城道因何以故於善知識處得一切善法故依善知識力得 就修行令 外海岸上住百千商人及餘無量大衆圍繞 一切智大寶洲因成就不壞摩訶衍因遠離二乘怖畏生死住諸寂靜 阿耨多羅三藐三菩提心今復能問生大智因斷除一 切 無能壞智清淨道 識者難見難遇如是思惟漸次遊行旣至彼城見其船師 切衆生拔 因普觀 切惡刺道因是成就修行令 切十方諸法皆無障礙淸 說大海法方便開示佛 因以菩薩 切生死苦因。 切衆 淨道 生至 切智 在

(一九九三)

C

見一 種種不同亦善別知日月星宿運行度數畫夜晨晡晷漏延促亦知其船 部多宮處皆善迴避免其諸難亦善別知漩澓淺深波濤遠近水色好惡 切實用一切實境界一切實光明我知一切龍宮處一切夜叉宮處一 切寶種我知淨一切寶鑽一 如是利益一切衆生善男子我知海中一 生不厭生死行令攝一 令增善根力令起菩提心令淨菩提願**令堅大悲力令修能滅生死道令** 悉令滿足先以世物充滿其意復施法財令其歡喜令修福行令生智道 悲幢行善男子我觀閻浮提內貧窮衆生爲饒益故修諸苦行隨其所願 速能趣入 切諸佛海令入一切智智海善男子我住於此如是思惟如是作意 一切智海淸淨道因善男子我在此城海岸路中淨修菩薩 切衆生海令修一切功德海令照一 切寶出一 切實作一 切寶洲一切寶處一 切寶我知一 切諸法海令 切寶器· 切寶類· 切

其一 珍寶咸使充足然後將領還閻浮提善男子我將大船如是往來未始令 男子我以好船運諸商衆行安隱道復爲說法令其歡喜引至寶洲與諸 可行則行可止則止善男子我以成就如是智慧常能利益一切衆生善 鐵木堅脆機關澀滑水之大小風之逆順如是一 有損壞若有衆生得見我身聞我法者令其永不怖生死海必得入 切安危之相無不明了。

切衆 大悲幢行若有見我及以聞我與我同住憶念我者皆悉不空如諸菩薩 海能淨一切衆生心海速能嚴淨一切刹海普能往詣十方大海普知 切智海必能消竭諸愛欲海能以智光照三世海能盡一切衆生苦 生根海普了一切衆生行海普順一 切衆生心海善男子我唯得此

摩訶薩善能遊涉生死大海不染一切諸煩惱海能捨一切諸妄見海能

切諸法性海能以四攝攝衆生海已善安住一切智海能滅一

(一九九五)

切衆

童子起大慈周徧心大悲潤澤心相續不斷福德智慧二 無上勝 願 內見無上勝在其城東大莊嚴幢無憂林中無量商人百千居士之所圍 壍甚深三昧而作園苑以慧日光破無明闇以方便風開智慧華以無礙 切煩惱塵垢證法平等心無高下拔不善刺滅一 我云何能知能說彼功德行善男子於此南方有城名可樂中有長者名 繞 生著海能平等住一切時海能以神通度衆生海能以其時調衆生海 充滿法界。 無量 理 斷人間種種事務因爲說法令其永拔一切我慢離我我所捨所積 嫉妬心得淸淨無諸穢濁獲淨信力常樂見佛受持佛法生菩薩 市殷勤瞻仰悲泣流淚求善知識心無厭足辭退而去爾時善財 汝詣彼問菩薩云何學菩薩行修菩薩道時善財童子頂禮 心常現入一切智城如是而求菩薩之道漸次經歷到彼 切障堅固精進以爲牆 一種莊嚴捨離 其足

華 嚴 經 卷六十七

切諸衆生中所謂一切三十三天一切須夜摩天一切兜率陀天一切善 男子云何爲至一切處菩薩行門善男子我於此三千大千世界欲界一 住一切劫修菩薩道能知一切如來神力能受一切如來護念能得一切 修菩薩道隨修學時常能化度一切衆生常能現見一切諸佛常得聽聞 如來智慧時彼長者告善財言善哉善哉善男子汝已能發阿耨多羅二 我是善財我是善財我專尋求菩薩之行菩薩云何學菩薩行菩薩云何 財童子觀彼長者爲衆說法已以身投地頂禮其足良久乃起白言聖者 力起菩薩行入菩薩三昧得菩薩智慧住菩薩正念增菩薩樂欲爾時善 切佛法常能住持一切佛法常能趣入一切法門入一切刹學菩薩行 |菩提心善男子我成就至一切處菩薩行門無依無作神通之力善 一切他化自在天一切魔天及餘一切天龍夜叉羅刹娑鳩槃茶

(一九九七)

M

間 閻羅王世間道說天世間說天世間樂說向! 法菩薩法聲聞法獨覺法說地獄說地獄衆生 爲 界乃至十方十不可說百千億那由他佛刹微塵數世界中我皆爲說佛 令入佛法乃至色界一 皆令禁止令其順行 乾闥 **令解繫縛令出牢獄令免怖畏令斷殺生乃至邪見一** 諸 ,其分別種種諸論令生歡喜令漸成熟隨順外道爲說勝智令斷諸 衆 逐阿脩羅: 别 生 說畜生 說向人世間道為欲開顯菩薩功德爲令捨離生 中 而爲說法令捨非法令息諍論令除鬭戰令止忿競令破寃結 受苦說向畜生道 迎樓羅緊那羅摩睺羅伽人與非人村營城邑一 切梵天我亦爲其說超勝法如於此三千大千世 切善法令其修學 說閻羅王世間 一切技藝於諸世間而作 天世間道 一說向地獄道說畜 說閻羅王世間苦說 說人世間 切惡業不可作 死 過患為 切住處。 生說 說 令知 人世 利益。 向

华 晟 拯 卷大十七

子頂禮其足繞無量市殷勤瞻仰辭退而去爾時善財童子漸次遊行至 功德行善男子於此南方有一國土名日輸那其國有城名迦陵迦林有 比丘尼名師 有差別智身廣大普入三世境界無際同於虛空而我云何能知能 健無比以廣長舌出平等音其身妙好同諸菩薩與諸如來究竟無二無 切佛刹得普眼地悉聞一切音聲言說普入諸法智慧自在無有乖 輪我爲衆生說如是法善男子我唯知此至 無 法為欲顯示一切世間生起所因為欲顯示一切世間寂滅爲樂爲令衆。 生捨諸想著爲令證得佛無依法爲令永滅諸煩惱輪爲令能轉如來法 依無作神通之力如諸菩薩摩訶薩具足一切自在神通悉能偏往 切智人諸妙功德爲欲令知諸有趣中迷惑受苦爲令知見無障礙 子頻申汝詣彼問菩薩云何學菩薩行修菩薩道時善財童 切處修菩薩行淸淨法門 說彼 · 諍 勇

大

歡喜其音美妙過諸天樂復有香樹名普莊嚴恆出妙香普熏十方無所 障礙園中復有泉流陂池一 **寶周偏莊嚴復有衣樹名爲淸淨種種色衣垂布嚴飾復有音樂樹名爲** 有一 形高大如雪山王雨衆妙華無有窮盡如忉利天中波利質多羅樹復見 光王之所捨施日光園中說法利益無量衆生時善財童子卽詣彼園周 寶樹名毗盧遮那藏其形無比心王摩尼寶最在其上阿僧祇色相摩尼 **偏觀察見其園中有一大樹名爲滿月形如樓閣放大光明照一由** 彼國城周徧推求此比丘尼有無量人咸告之言善男子此比丘尼在勝 金沙彌布其底八功德水具足盈滿優鉢羅華波頭摩華拘物頭華芬陀 葉樹名爲普覆其形如蓋放毗瑠璃紺靑光明見一華樹名日華藏其 一甘露果樹形如金山常放光明種種衆果悉皆具足復見有一摩尼 切皆以七寶莊嚴黑栴檀泥凝積其中上 旬見

華 巌 経 考大十七

ーせ

(1001)

園無比香王普熏一切猶如帝釋善法之堂諸音樂樹寶多羅樹衆寶鈴 聚摩尼王藏師子之座或有樹下敷毗盧遮那摩尼王藏師子之座或有 網出妙音聲如自在天善口天女所出歌音諸如意樹種種妙衣垂布莊 上迦隣陀衣以布其地柔輭妙好能生樂觸蹈則沒足舉則還復無量諧 座周市圍繞一一皆具無量莊嚴此大園中衆寶徧滿猶如大海寶洲之 樹下敷十方毗盧遮那摩尼王藏師子之座其一一座各有十萬寶師子 莊嚴布以天衣熏諸妙香垂諸寶繪施諸寶帳閻浮金網彌覆其上寶鐸 師子之座或有樹下敷龍莊嚴摩尼王藏師子之座或有樹下敷寶師子 徐搖出妙音聲或有樹下敷蓮華藏師子之座或有樹下敷香王摩尼藏 利華偏覆其上無量寶樹周偏行列諸寶樹下敷師子座種種妙寶以爲 出和雅音寶栴檀林上妙莊嚴種種妙華常雨無盡猶如帝釋雜華之

尼徧坐一切諸寶樹下大師子座身相端嚴威儀寂靜諸根調順如大象。 藥王見者不空如婆樓那天能長一切衆善根芽如良沃田在一一座衆 王能除衆生諸煩惱熱如雪山中妙栴檀香衆生見者諸苦消滅如善見 迫窄何以故此比丘尼不可思議威神力故爾時善財見師子頻申比丘 福德善業之所成就三千大千世界天龍八部無量衆生皆入此園而不 種種莊嚴皆是菩薩業報成就出世善根之所生起供養諸佛功德所流 遐張如須彌峯光明普照如梵王宮爾時善財童子見此大園無量功德 嚴猶如大海有無量色百千樓閣衆寶莊嚴如忉利天宮善見大城寶蓋 如師子王護持淨戒不可傾動如須彌山能令見者心得淸涼如妙香 心無垢濁 切世間無與等者如是皆從師子頻申比丘尼了法如幻集廣大淸淨 如清淨池普濟所求如如意寶不染世法猶如蓮華心無所

華 嚴 經 卷六十七

陀龍王優波難陀龍王摩那斯龍王伊羅跋難陀龍王阿那婆達多龍王 爲說法門名菩薩淸淨心或見處座善變化天天子天女所共圍繞善化 繞愛樂梵王而爲上首此比丘尼爲說法門名普門差別淸淨言音輪或 尼為說法門名無邊莊嚴或見處座三十三天天子天女所共圍繞釋提 旋或見處座須夜摩天天子天女所共圍繞夜摩天王而爲上首此比丘 天王而爲上首此比丘尼爲說法門名一切法善莊嚴或見處座兜率陀 見處座他化自在天天子天女所共圍繞自在天王而爲上首此比丘尼 會不同所說法門亦各差別或見處座淨居天衆所共圍繞大自在天子 桓因而爲上首此比丘尼爲說法門名厭離門或見處座百光明龍王難 天天子天女所共圍繞兜率天王而爲上首此比丘尼爲說法門名心藏 而爲上首此比丘尼爲說法門名無盡解脫或見處座諸梵天衆所共圍

ō

羅 衆所共圍繞羅睺 首此比丘尼為說法門名救護衆生藏或見處座乾闥婆衆所共圍繞持。 喜心或見處座無量百千男子女人所共圍繞此比丘尼爲說法門名 丘尼 法 國 等龍子龍女所共圍繞娑伽羅龍王而爲上首此比丘尼爲說法門名 所 勝行或見處座諸羅刹衆所共圍繞常奪精氣大樹羅刹王而 「乾闥婆王而爲上首此比丘尼爲說法門名無盡喜或見處座阿脩 王而爲 界智門或見處座迦樓羅衆所共圍繞捷持迦樓羅王而爲上首此 通境界光明莊嚴或見處座諸夜叉衆所共圍繞毗沙門天王而爲 共圍繞菴羅 氣說法門名怖動諸有海或見處座緊那羅衆所共圍繞大樹緊那 上首此比丘尼爲說法門名佛行光明或見處座摩睺羅 林摩睺羅伽王而爲上首此比丘尼爲說法門名 阿脩羅王而爲上首此比丘尼爲說法門名速疾莊 爲上首此 生佛 伽衆 佛 歡 羅

華 晟 經 卷六十七

圍 薩 薩所共圍繞此比丘尼爲說法門名一切佛願聚或見處座第二地諸菩 繞此比丘尼爲說法門名毗盧遮那藏或見處座第七地諸菩薩所共圍 共圍繞此比丘尼爲說法門名妙華藏或見處座第六地諸菩薩所共圍 共圍繞此比丘尼爲說法門名寂靜莊嚴或見處座第四地諸菩薩所共 圍繞此比丘尼爲說法門名普門三昧智光明門或見處座初發心諸菩 此比丘尼為說法門名勝智光明或見處座信樂緣覺乘衆生所共圍繞 繞此比丘尼爲說法門名普莊嚴地或見處座第八地諸菩薩所共圍繞 此比丘尼為說法門名佛功德廣大光明或見處座信樂大乘衆生所共 比丘尼為說法門名發生悲愍心或見處座信樂聲聞乘衆生所共圍繞 繞。 所共圍繞此比丘尼爲說法門名離垢輪或見處座第三地諸菩薩所 此比丘尼爲說法門名生一切智境界或見處座第五地諸菩薩所

藏 子頻申 藏般若波羅蜜門此十般若波羅蜜門爲首入如是等無數百萬般若 般 有衆生已成熟者已調伏者堪爲法器皆入此園各於座下圍繞而坐師 丘 圍 此比丘尼為說法門名徧法界境界身或見處座第九地諸菩薩所共圍 得不退轉何以故此比丘尼入普眼捨得般若波羅蜜門說一 般若波羅蜜門法界圓滿般若波羅蜜門心藏般若波羅蜜門普出生 若波羅蜜門法界差別般若波羅蜜門散壞一 尼爲說法門名金剛智那羅延莊嚴善財童子見如是等一 繞此比丘尼為說法門名無礙輪或見處座執金剛神所共圍繞此比 此比丘尼為說法門名無所得力莊嚴或見處座第十地諸菩薩所共 切衆生善心般若波羅蜜門殊勝莊嚴般若波羅蜜門無礙眞實 比丘尼隨其欲解勝劣差別而爲說法令於阿耨多羅三藐三菩 切障礙輪般若波羅 切諸趣所 切佛法

白言聖者此智光明境界云何比丘尼言善男子我入此智光明門得出 未知菩薩云何學菩薩行云何修菩薩道我聞聖者善能誘誨願爲我說 比丘尼言善男子我得解脫名成就一切智善財言聖者何故名爲成就 身及園林中所有衆樹皆悉右繞此比丘尼經於無量百千萬市圍繞畢 已善財童子合掌而住白言聖者我已先發阿耨多羅三藐三菩提心而 無量百千市時比丘尼放大光明普照其園衆會莊嚴善財童子卽自見 如是辯才復聞不可思議法門廣大法雲潤澤其心便生是念我當右繞 見師子頻申比丘尼如是園林如是牀座如是經行如是衆會如是神力 心受持正法思惟修習於阿耨多羅三藐三菩提得不退轉時善財童子 羅蜜門此日光園中所有菩薩及諸衆生皆是師子頻申比丘尼初勸發 切智比丘尼言善男子此智光明於一念中普照三世一切諸法善財

分别 衆生知我如是供養佛者皆於阿耨多羅三藐三菩提得不退轉者有衆 龍宮乃至或復住於人宮於彼一一諸如來所我皆如是而爲供養若有 嚴具我皆執持而以供養如於住兜率宮菩薩所如是於住胎出胎在家 塗香及以末香衣服瓔珞幢旛繒蓋實網寶帳寶藏寶燈如是一切諸莊 佛刹微塵數供養所謂現天王身乃至人王身執持華雲執持鬘雲燒香 生來至我所我卽爲說般若波羅蜜善男子我見一切衆生不分別衆生 出家往詣道場成等正覺轉正法輪入於涅槃如是中間或住天宮或住 生所繫菩薩所一一菩薩前現不可說佛刹微塵數身一一身作不可說 生一切法三昧王以此三昧故得意生身往十方一切世界兜率天宫, 智眼明見故聽一切語言不分別語言相心無所著故見一切如來不 如來相了達法身故住持一切法輪不分別法輪相悟法自性故一

念徧 身中現一切刹一念悉詣一切佛所於自身內普現一切諸佛神力一 智解脫如諸菩薩摩訶薩心無分别普知諸法一身端坐充滿法界於自 知 切法不分別諸法相知法如幻故善男子我唯知此成就 毛 切

念中與不可說不可說衆生同住於一念中入不可說不可說一切諸劫 **偏舉不可言說諸佛世界於其自身一毛孔中現不可說世界成壞於**

修菩薩道時善財童子頂禮其足繞無數市殷勤瞻仰辭退而去 國有城名寶莊嚴中有女人名婆須蜜多汝詣彼問菩薩云何學菩薩行 而我云何能知能說彼功德行善男子於此南方有一國土名曰險難此

大方廣佛華嚴經卷第六十七

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

大

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利

若波羅蜜門

吞 ●◎

茫斯

萌斯

蘓菀

模蘇

毛思

埋思

迷西

民西

思歷

〇西

葼思

謀思 麽娑

唱麼 字時普願法界衆生入般

香◎ 旁欧 朋亨 蓬烘 蒲呼 袍蒿 排咍 毘希 貧希 桦頇 〇希 楚焓 良响 婆訶 唱婆訶 字時普願法界衆生入般

若波羅蜜門

縒○喪僧鬆蘇繰顋西辛珊芯糝鎪縒唱縒字時普願法界衆生入般若

波羅蜜門

四十二字妙陀羅字字包含義理多阿极梵韻滿娑婆功德大法界沐恩

四

生九有同登華藏玄門八難三塗共入毘盧性海

南無華嚴海會佛菩薩

Ξ

稱

音釋

穢廛 城戰 者日 其此 滑 故立 以晷 香云 利音 淨音 邸音 迦 銅長 似石 也猾 也畏 舍纏 类 受六 故鹽 滑 不 也市 濤 陀 水寸 部 壍 物 刻日 多 坑音 濤音 嚴 衣 衣細 節益 叉此 也塹 也陶 峯音 也縣 豊南 化云 輸 波 也言 夜晷 生自 那音 晡囐 樓 百益 者生 國書 申逋 形眼 那 刻長 名言 名轍 時哺 如き 也也 部此 迫 也二 壘二 水此 漏 多類 逼音 音 也音 翰 即從 也百 天云 晷 山 菴 那夜父窄影音鬻 此正 叉母 窄音 也鬼 竇音 羅 日 也育 林 翻云 之生 也實 果此 勇輸 別者 促耽 狹 似翻 猛羅 類名 沃 迫聰 樂音 桃難 迦 也夜 灌音 也入 也丹 陵 晷 也屋 或分 擊齅 似别 迦 捷脆取音 漏 長晷 疾音 翠音 氣嗅 林 柰其 戰義 八日 也絕 澁 時翻 尺影 先 滑音 腎 因相 夏也 陀 也瑟 網音 鬪鬪 至表 不 也絹

通北 第 本藏 一 頁 嫉妬 嫉妬 垢流 通六 本行 作藏 善本 得善 德 第七頁等 王五 南行 北疏 藏鈔 作本 三唐 宋 第十二頁第十

 $\frac{-}{\lambda}$

唐于闐國三藏沙門實叉難陀譯

入法界品第三十九之九

遊行至險難國寶莊嚴城處處尋覓婆須蜜多女城中有人不知此女功 智光明得偏莊嚴一切世界自在力得普發起一切菩薩業圓滿願漸次 音陀羅尼門得受持一切法輪陀羅尼門得與一切衆生作所歸依大悲 有疲懈無所取著目視不瞬心無所動甚深寬廣猶如大海不應於此婆 力得觀察一切法義理光明門得充滿法界淸淨願得普照十方一切法。 德智慧作如是念今此童子諸根寂靜智慧明了不迷不亂諦視一尋無 爾時善財童子大智光明照啓其心思惟觀察見諸法性得了知一切言 須蜜女有貪愛心有顚倒心生於淨想生於欲想不應爲此女色所攝此

奇以爲嚴飾瑠璃爲地衆寶間錯燒諸沈水塗以栴檀懸衆寶鈴風動成 滿金沙布地諸天寶華優鉢羅華波頭摩華拘物頭華芬陀利華偏覆水 箭決定欲破一切衆生於女色中所有淨想善男子婆須蜜女於此城內。 定求佛果位決定欲爲一切衆生作所依怙決定欲拔一切衆生貪愛毒 男子汝今乃能推求尋覓婆須蜜女汝已獲得廣大善利善男子汝應決 童子者不行魔行不入魔境不沒欲泥不被魔縛不應作處已能不作有 音散諸天華偏布其地種種嚴麗不可稱說諸珍寶藏其數百千十大園 宅廣博嚴麗寶牆寶樹及以寶壍一一皆有十重圍繞其寶壍中香水盈 市廛之北自宅中住時善財童子聞是語已歡喜踊躍往詣其門見其住 何等意而求此女其中有人先知此女有智慧者告善財言善哉善哉善 ||宮殿樓閣處處分布門闥窗牖相望間列咸施網鐸悉置旛幢無量

華 嚴 拯 卷六十入

若天見我我為天女形貌光明殊勝無比如是乃至人非人等而見我者· 我即為現人非人女隨其樂欲皆令得見若有衆生欲意所纏來詣我所 我 其身出廣大光明普照宅中一切宮殿遇斯光者身得淸涼爾時善財前 量眷屬圍繞皆共善根同一行願福德大藏具足無盡時婆須蜜多女從 門衆寶瓔珞及諸嚴具莊嚴其身如意摩尼以爲寶冠而冠其首復有無 青不長不短不驫不細欲界人天無能與此音聲美妙超諸梵世一切衆 生差別言音悉皆具足無不解了深達字義善巧談說得如幻智入方便 林以爲莊嚴爾時善財見此女人顏貌端嚴色相圓滿皮膚金色目髮紺 說彼卽告言善男子我得菩薩解脫名離貪欲際隨其欲樂而爲現身 其所頂禮其足合掌而住白言聖者我已先發阿耨多羅三藐三菩提 未知菩薩云何學菩薩行云何修菩薩道我聞聖者善能敎誨願爲

二〇一五

四

白言聖者種何善根修何福業而得成就如是自在答言善男子我念過 去有佛出世名爲高行其王都城名日妙門善男子彼高行如來哀愍衆 有衆生唼我脣吻則離貪欲得菩薩增長一 昧若有衆生抱持於我則離貪欲得菩薩攝一切衆生恆不捨離三昧若 薩 我則離貪欲得菩薩寂靜莊嚴三昧若有衆生見我頻申則離貪欲得菩 我則離貪欲得菩薩歡喜三昧若有衆生暫與我語則離貪欲得菩薩無 我為說法彼聞法已則離貪欲得菩薩無著境界三昧若有衆生暫見於 **礙音聲三昧若有衆生暫執我手則離貪欲得菩薩徧往一** 親 摧伏外道三昧若有衆生見我目瞬則離貪欲得菩薩佛境界光明三 有衆生暫 近於我一切皆得住離貪際入菩薩一切智地現前無礙解脫善財 ·升我座則離貪欲得菩薩解脫光明三昧若有衆生暫觀於 切衆生福德藏三昧凡有衆 切佛刹三昧

華 展 経 巻大十入

度城詣居士宅頂禮其足合掌而立白言聖者我已先發阿耨多羅三藐 頂禮其足繞無量市殷勤瞻仰辭退而去爾時善財童子漸次遊行至善 供養栴檀座佛塔汝詣彼問菩薩云何學菩薩行修菩薩道時善財童子 說彼功德行善男子於此南方有城名善度中有居士名舞瑟胝羅彼常 菩薩摩訶薩成就無邊巧方便智其藏廣大境界無比而我云何能知能 **令發阿耨多羅三藐三菩提心善男子我唯知此菩薩離貪際解脫如諸** 明遞相映徹種種實華散布其地諸天音樂同時俱奏一切諸天充滿虛 往詣佛所以一寶錢而爲供養是時文殊師利童子爲佛侍者爲我說法 空善男子我於彼時爲長者妻名曰善慧見佛神力心生覺悟則與其夫 生入於王城蹈彼門閩其城一切悉皆震動忽然廣博衆寶莊嚴無量光 二菩提心而未知菩薩云何學菩薩行云何修菩薩道我聞聖者善能誘

≘<u>01</u> t

大

得見百千佛得見億佛千億佛百千億佛阿庾多億佛那由他億佛乃至 所謂迦葉佛拘那含牟尼佛拘留孫佛尸棄佛毗婆尸佛提舍佛弗沙佛 境界云何居士答言善男子我入此三昧隨其次第見此世界一切諸佛 我念念中入此三昧念念得知一切無量殊勝之事善財白言此三昧者 種諸善根獲勝神通成就大願修行妙行具波羅蜜入菩薩地得淸淨忍。 無上勝佛無上蓮華佛如是等而爲上首於一念頃得見百佛得見千佛 我知十方一切世界諸佛如來畢竟無有般涅槃者唯除爲欲調伏衆生 而示現耳善男子我開栴檀座如來塔門時得三昧名佛種無盡善男子 不生心言如是如來已般涅槃如是如來現般涅槃如是如來當般涅槃 願爲我說居士告言善男子我得菩薩解脫名不般涅槃際善男子我 不可說世界微塵數佛如是一切次第皆見亦見彼佛初始發心

來及我一 能普入一 在汝詣彼問菩薩云何學菩薩行修菩薩道即說頌日 知能說彼功德行善男子於此南方有山名補怛洛迦彼有菩薩名觀自 切三昧如來智日恆照其心於一 得不般涅槃際解脫如諸菩薩摩訶薩以一念智普知三世一念徧入一 諸佛現在毗盧遮那佛等一切諸佛悉亦如是如此世界十方世界所有 三世一切諸佛聲聞獨覺諸菩薩衆悉亦如是善男子我唯得此菩薩所 海上有山多聖賢 切世間離諸分別住佛法印悉能開悟法界衆生而我云何能 切衆生等無有二知一 卷六十八 衆寶所成極淸淨 切法自性清淨無有思慮無有動轉而 切法無有分別了一切佛悉皆平等如 華果樹林皆徧滿

種種差別我悉能持我悉能憶悉能觀察分別顯示未來彌勒佛等一切

推伏魔軍成正等覺國土清淨衆會圍繞放大光明轉妙法輪神通變現

簭 嚴 挳

t

(10一九)

泉流池沼悉具足 勇猛丈夫觀自在 爲利衆生住此

出現次第念彼諸佛相續次第持彼諸佛名號次第觀彼諸佛所說妙法 時善財童子頂禮其足繞無量而已殷勤瞻仰辭退而去爾時善財童子 心思惟彼居士教入彼菩薩解脫之藏得彼菩薩能隨念力憶彼諸佛 汝應往問諸功德 彼當示汝大方便

香草柔輭右旋布地觀自在菩薩於金剛寶石上結加趺坐無量菩薩皆 至於彼山處處求覓此大菩薩見其西面巖谷之中泉流縈映樹林蓊鬱 知彼諸佛具足莊嚴見彼諸佛成正等覺了彼諸佛不思議業漸次遊行 |寶石恭敬圍繞而爲宣說大慈悲法令其攝受一切衆生善財見已歡

切法

雲善知識者諸功德藏善知識者難可值遇善知識者十力實因善

| 躍合掌諦觀目不暫瞬作如是念善知識者則是如來善知識者

能領受積集善根恆無厭足順善知識不違其敎從文殊師利功德智慧 常見諸佛生大歡喜智慧淸淨猶如虛空旣自明了復爲他說安住如來 大海所生其心成熟得佛勢力已獲廣大三昧光明專意希求甚深妙法 菩薩遙見善財告言善來汝發大乘意普攝衆生起正直心專求佛法大 海導師善知識者至一切智助道之具便卽往詣大菩薩所爾時觀自在 何修菩薩道我聞聖者善能教誨願爲我說菩薩告言善哉善哉善男子 聖者我已先發阿耨多羅三藐三菩提心而未知菩薩云何學菩薩行云 智慧光明爾時善財童子頂禮觀自在菩薩足繞無數市合掌而住白言 悲深重救護一切普賢妙行相續現前大願深心圓滿淸淨勤求佛法悉 汝已能發阿耨多羅三藐三菩提心善男子我已成就菩薩大悲行解脫 知識者無盡智炬善知識者福德根芽善知識者一切智門善知識者智

現種 於 男子我修行此大悲行門願常救護一 名若見我身皆得免離一 熱 現神變令其心悟而得成熟或爲化 取 我 已復敎令發阿耨多羅 逼 一善男子 迫 住 惱 死 身怖離逼迫 怖離迷惑怖離緊縛怖離殺害怖離貧窮怖離不活怖離惡名怖 |此大悲行門常在一切諸如來所普現一 怖。 種 生或以愛語或以利行或以同 離 不思議色淨光明網攝取衆生或以音聲或以威儀或爲說法或 我以此菩薩大悲行門平等教化 大衆怖離惡 心怖離憂悲怖復作是願願諸衆生若念於我若稱 趣佈離黑闇怖離遷移怖離愛別怖離 |二藐||二菩提心永不退轉善男子我唯得此菩薩 切怖畏善男子我以此方便令諸衆生 現同類之形與其共居而成熟之善 :事攝取衆生或現色身攝取 切衆生 顧 切衆生之前或以布施攝 切衆生相續 切衆 火生離險道: 不斷善男子。 兔會 離 衆 生或或 怖。 怖 離

是所 言善男子汝見正趣菩薩來此會不白言已見告言善男子汝可往問 惱不起憂悲悉離又於一 趣菩薩 何能 現其身令其見者皆悉歡喜然後來詣觀自在 世 如 切無邊刹常息一 切諸善法常入一 界輪 聚墨其光普照一 有諸莊嚴具供養於佛復隨衆生心之所樂普於一 知能說彼功德行爾時東方有一菩薩名日正趣從空中來至娑婆 放身光明映蔽 圍山頂以足按地其娑婆世界六種震動一切皆以衆寶莊嚴 如諸菩薩摩訶薩已淨普賢 切衆生惡常長 切諸三昧常住 切地獄畜生餓鬼閻羅王處令諸惡趣衆苦皆滅· 一切日月星電天龍八部釋梵護世所有光明皆 切諸佛國土普兩一 切衆生善常絕衆生生死流 切無邊劫常知一切三世法常詣 切願已住普賢一 所時觀自在菩薩告善財 切華香瓔珞衣服幢蓋如 切諸宮殿中 切行常行 而我云 而

推

K

挳

卷六十八

願 世 所得此法門所從來刹去此幾何發來久如告言善男子此事難知一 正 所頂禮其足合掌而立白言聖者我已先發阿耨多羅三藐三菩提心而 麵 於彼佛所得此法門從彼發來已經不可說不可說佛刹 衆已爲一切善友所攝諸佛所念善根具足志樂淸淨得菩薩根有智 問 念中舉不可說不可說佛刹微塵數步一一步過不可說不可說世 爲 眼。 趣菩薩言善男子我得菩薩解脫名普門速疾行善財言聖者於何佛 知菩薩云何學菩薩行云何修菩薩道我聞聖者善能教誨願爲 云何學菩薩行修菩薩道爾時善財童子敬承其教遽卽往詣彼菩薩 我說正 能 天人阿脩羅 聞能持能解能說善財言聖者我承佛神力善知識力能信能 一趣菩薩言善男子我從東方妙藏世界普勝生佛所而來此 沙門婆羅門等所不能了唯勇猛精進 無退無怯諸 微塵數劫 我說 切

華 殷 經 卷大十入

二〇三五

時照 知 如 光 普見彼世界中一 具皆是無上心所成無作法所印諸如來所忍諸菩薩所歎善男子我又 徧 上下亦復如是善男子我唯得此菩薩普疾行解脫能疾周徧到一 微 能 、汝詣彼問菩薩云何學菩薩行修菩薩道時善財童子頂禮其足繞 諸 **币殷勤瞻仰辭退而去爾時善財童子入菩薩廣大行求菩薩** 法界至一切道入一切刹知一切法到一 明或施財寶種種方便敎化調伏無有休息如從東方南西北方四維 塵數佛刹一 耀一 說彼功德行善男子於此南方有城名墮羅鉢底其中有神名曰 菩薩摩訶薩普於十方無所不至智慧境界等無差別善布其身 切衆生於諸佛所不生分別於一 切衆生悉知其心悉知其根隨其欲解現身說法或放 佛刹我皆偏入至其佛所以妙供具而爲供養 切處無有障礙而我云何 切世平等演說一 切法門。 智慧境。 此諸 切處。 同 供

M

能 諸 時大天長舒四手取四大海水自洗其面持諸金華以散善財而告之言 其足於前合掌而作是言聖者我已先發阿耨多羅三藐三菩提心而未 知 何 願地得菩薩辯才地成菩薩諸力地漸次遊行至於彼城推問大天今在 思議自在解脫行菩薩功德地觀菩薩三昧地住菩薩總持地入菩薩大 見菩薩神通事念菩薩勝功德生菩薩大歡喜起菩薩堅精進 光明。 苦薩 人中芬陀利華爲衆生歸爲衆生 男子一切菩薩 所人咸告言在此城內現廣大身爲衆說法爾時善財至大天所 云何學菩薩行云何修菩薩道我聞聖者善能敎誨願爲我說爾 切智城菩薩如是難可值遇唯身語意無過失者然後乃得見 迷惑者安隱正 難 可得見難可得聞希出世間於衆生中最爲第一 道爲 大導師。 一救爲諸世間作安隱處爲諸 引諸衆生入佛法門爲 大法 入菩薩 世間作 將善 頂 是

並 嚴 經 恭大十人

切疑. 其形 發於無上菩提之意善男子若有衆生貪著五欲自放逸者爲其示現不 恐 言語男子可取此物供養如來修諸福德幷施一 欲 種 現十方資聚寶冠聚資印聚質瓔珞聚寶端聚寶釧聚寶鎖聚珠網聚種 浆瑠璃聚玻瓈聚硨磲聚碼碯聚大燄寶聚離垢藏寶聚大光明寶聚普 波羅蜜能拾難拾善男子如我為汝示現此物教汝行施爲一切衆 娛樂之具皆如山積及現無數百千萬億諸童女衆而彼大天告善財 摩尼寶聚一 一網善財言聖者雲網解脫境界云何爾時大天於善財前示現金聚銀 亦 如是皆令以此善根熏習於三寶所善知識所恭敬供養增長善法 像聞其辯才於一切時常現在前善男子我已成就菩薩解脫名爲 切香一切燒香一切塗香一切衣服一 切准嚴具聚如意摩尼聚皆如大山又復示現一切華 切幢旛一 切攝取衆生令其修學 切音樂一切 五

大

菩薩摩 有 滅 1110 風・ 如 淨 胍 316 羅 是 而 境 示 "界若有衆 我云 蜜介超 切衆 大天足繞無數 能 地 等 现 種種 神 吹 訶 王 令其見已驚恐惶懼 共 何能知能 倒 降猶 生諸煩惱火猶如猛 贼 方便令拾 名安住汝詣彼問 水火及諸重疾令其見已 切衆 如帝釋 切 生 瞋 障 市解 說彼功德行善男子 生諸見取 患憍慢多諍競者爲其示現極可怖形如 已能推伏 切諸 退而去爾時善財童子漸次遊行· 心意調柔捨離寃結若有衆 到無障處善男子我 苔類云 幢。 火普能乾竭一 不善行修行善法令除 猶 切煩 如 心生惶怖 何 金 ,此閻浮! 學菩薩行修菩薩道時善財童 剛 惱阿脩羅軍猶 悉能推 切衆生諸愛欲水猶 提摩竭提 唯 知有憂苦 破 知此 1雲網解脫 切 切衆生諸 如大水普能 生惛沈嬾惰· 國菩 波羅 趣摩竭提 而自 羅 提場 蜜 勉 刹 我 如 策。 如 障 等 或 大 飲 具

悉皆盈滿 同時震 菩提場內安住神所百萬地神同在其中更相謂言此來童子卽是佛藏 邪論異道時安住等百萬地神放大光明偏照三千大千世界普令大地 法王種中當以離垢無礙法繪而冠其首當開智慧大珍寶藏摧伏一 必當普為 地曾種善根我爲汝現汝欲見不爾時善財禮地神足繞無數币合掌而 相 天莊嚴具咸出美音牛王象王師子王等皆生歡喜踊躍哮吼猶 立白言聖者唯然欲見時安住地神以足按地百千億阿僧祇寶藏自然 肇 切華樹咸共開敷一切果樹靡不成熟一 出聲百千伏藏自然涌現時安住地神告善財言善來童子汝於此 吼種種寳物處處莊嚴影潔光流遞相鑒徹一切葉樹俱時生長。 雨細香雨徧灑其地風來吹華普散其上無數音樂一時俱奏 一切衆生作所依處必當普壞一切衆生無明觳藏此人已生 切河流遞相灌注一 切池 如大山 切

(二) (二) 九)

法輪廣說 於 數 敬供養亦見彼佛詣菩提座現大神力亦見彼佛所有 在 以此法成就衆生善男子我憶自從然燈佛來常隨菩薩恭敬守護觀察 所攝受汝應隨意自在受用善男子我得菩薩解脫名不可壞智慧藏常 涌 其中 劫有劫名莊嚴世界名月幢佛號妙眼於彼佛所得此法門善男子我。 切諸佛神變我皆能領受皆能憶持善男子乃往古世過須彌山微塵 此法門若入若出修習增長常見諸佛未曾捨離始從初得乃至賢劫 薩所有心行智慧境界一切誓願諸淸淨行一切三昧廣大神通大自 力無能壞法偏往一切諸佛國土普受一切諸如來記轉於一切諸佛 出告言善男子今此寳藏隨逐於汝是汝往昔善根果報是汝福力之 間值過不可說不可說佛刹微塵數如來應正等覺悉皆承事恭 切修多羅門大法光明普皆照耀教化調伏一 切功德善根善 切衆生示現

切諸 心具諸 男子我唯知此 佛所說: 佛法作諸佛 入一 不 切佛甚深智慧念念充徧一 可壞智慧藏法門。 事而我云何能知能說彼功德行善男子此閻浮提 .如諸菩薩摩訶薩常隨諸佛能持 切法界等如來身生諸佛

時善財童子一 **薩行修菩薩道時善財童子禮地神足繞無數而殷勤瞻仰辭退而** 摩 竭 提國 迦毗羅城有主夜神名婆珊婆演底汝詣彼問菩薩 心思惟安住神敎憶持菩薩不可 沮壞智藏解脫修其三 云何學菩 去。 爾

深漸次遊行 昧學其軌則觀其遊戲入其微妙得其智慧達其平等知其無邊測其甚 至於彼城從東門入佇立未久便見日沒心念隨順諸 苔藓

識得 眼。 普能 渴 仰欲見彼主夜神於善知識生如來想復作是念由善知識得 一昧眼普能觀察 明見十方境界由善 切法門由善知識得智慧眼光能 知識得廣大解普能了達 切所緣由善 明照 方 周 知 徧

ō

道我行於中至十力地時彼夜神告善財言善哉善哉善男子汝能深 藐三菩提心我心冀望依善知識獲諸如來功德法藏唯願示我一 薩 身或爲說法或爲示現聲聞乘道或爲示現獨覺乘道或爲示現諸菩薩 提或有修行一切智道又彼一一諸毛孔中示現種種敎化方便或爲現 行菩薩勇猛菩薩三昧菩薩自在菩薩住處菩薩觀察菩薩師子嚬中菩 生令其免離險難之像是諸衆生或生人中或生天上或有趣向二乘 色目髮紺靑形貌端嚴見者歡喜衆寳瓔珞以爲嚴飾身服朱衣首戴梵 海作是念時見彼夜神於虛空中處寶樓閣香蓮華藏師子之座身眞 禮夜神足繞無數而於前合掌而作是言聖者我已先發阿耨多羅二 解脫遊戲如是種種成熟衆生善財童子見聞此已心大歡喜以身投 切星宿炳然在體於其身上一一毛孔皆現化度無量無數惡道衆 切智

赈野諸險難處或遭盜賊或乏資糧或迷惑方隅或忘失道路惲惶憂怖 暴雨日月星宿並皆昏蔽不見色時見諸衆生若入於海若行於陸山林 龜王象王阿脩羅王及以海神爲彼衆生止惡風雨息大波浪引其道路 應善男子我於夜鬧人靜鬼神盜賊諸惡衆生所遊行時密雲重霧惡風 不能自出我時即以種種方便而救濟之爲海難者示作船師魚王馬王 乘道衆生起令住一 行心於劣解衆生起令與大解心於樂生死衆生起令捨輪轉心於住一 提善男子我得菩薩破一切衆生癡暗法光明解脫善男子我於惡慧衆 生起大慈心於不善業衆生起大悲心於作善業衆生起於喜心於善惡 敬善知識樂聞其語修行其敎以修行故決定當得阿耨多羅三藐三菩 二行衆生起不二心於雜染衆生起令生淸淨心於邪道衆生起令生正 切智心善男子我以得此解脫故常與如是心共相

令得出離作是念言願一切衆生伐見稠林截愛羅網出生死野滅煩惱 爲作靈樂舒光照耀示其果樹示其泉井示正直道示平坦地令其免離 而憂苦者我以方便令生厭離作是念言願一切衆生不著諸蘊住一切 令其離苦爲行山險而留難者爲作善神現形親近爲作好鳥發音慰**悅** 有貪財寶有重官位有著男女有戀妻妾未稱所求多生憂怖我皆教濟 晨霞 以 示其洲岸令免怖畏悉得安隱復作是念以此善根迴施衆生願令捨離 切憂 此善根迥施衆生悉令除滅諸煩惱闇一切衆生有惜壽命有愛名聞 切諸苦爲在陸地一切衆生於夜闇中遭恐怖者現作日月及諸星宿 夕電種種光明或作屋宅或爲人衆令其得免恐怖之厄復作是念 切 厄爲行曠野 智平坦正 道。 稠林險道藤蘿所腎雲霧所誾而恐怖者示其正 到無畏處畢竟安樂善男子若有衆生樂著國 道

無樂樂 以智慧光普皆照了是諸衆生無有智眼想心見倒之所覆翳無常常想 不識善惡殺害衆生乃至邪見不孝父母不敬沙門及婆羅門不知惡 照除夜誾令諸世事悉得宣敘願我普於一切衆生生死長夜無明問處 若欲行者示其道路欲度溝洫示其橋梁欲涉河海與其船筏樂觀方者 以下爲高其心迷惑生大苦惱我以方便舒光照及若欲出者示其門戶 示其險易安危之處欲休息者示其城邑水樹之所作是念言如我於此 我爲說法令生厭離令法滿足令依法住作是念言願一 行闇夜中迷惑十方於平坦路生險難想於險難道起平坦想以高爲下 樂六處聚落速得出離生死境界究竟安住一切智城善男子若有衆生 佛薩婆若境善男子若有衆生樂著聚落貪愛宅舍常處黑闇受諸苦者 想無我我想不淨淨想堅固執著我人衆生蘊界處法迷惑因 切衆生悉不貪

華

嚴

拯

卷六十八

Ξ

210三五

四

法臨當被刑無所依怙生大怖畏我皆救濟使得安隱復作是念願我以 自 安住善男子 破 親 輕 不識善人貪著惡事安住邪法毀謗如來壞正法輪於諸菩薩呰辱傷害 動行 音攝衆生令其解脫 在諸佛成就諸佛總持一 大乘道 乘開十力道亦示如來法 彼 近 衆 惡伴盜塔寺物作五逆罪不久當墮三惡道處願我速以大智光 善業速得 林住於邪道於諸境界起邪 生無明黑闇令其疾發阿耨多羅三藐三菩提心旣發心已示普 斷菩提心於有恩人反加殺害於無恩處常懷冤結毀謗賢聖。 切衆生或病所纏或老所侵或苦貧窮或遭禍難或犯王 如來清淨法身住於究竟無變易處善男子一切衆 一切煩惱生老病死憂悲苦患近善知識常行法 王境界亦示諸佛 切諸佛共同一身 分別常行不善身語意業妄作種 切諸佛平等之處令其 切智城諸佛所行諸 佛

華 嚴 狸 卷六十八

復作是念如我救此將墜惡道諸衆生等願我普救 以起惡見將墮惡道我以種種諸方便門而爲救護令住正見生人天中 諸邪苦行於非正覺生正覺想於正覺所非正覺想爲惡知識之所攝受 切諸苦住波羅蜜出世聖道於一切智得不退轉具普賢願近 切衆生悉令解脫 切智。

而不捨離諸菩薩行常勤敎化一 切衆生爾時婆珊婆演底主夜神欲重

宣此解脫義承佛神力觀察十方為善財童子而說頌日

我昔 我此解脫門 無邊劫 勤行廣大慈 生淨法光明 能破愚癡闇 普覆諸世 間 待時而演說 佛子應修學

寂靜大悲海 生世間樂 亦生出世 出生三世佛 **令我心歡喜** 能滅衆生苦 汝應入此門 汝應入此門

能

旣

捨有爲

患 亦遠聲聞果 淨修諸佛力 汝應入此門

諸佛轉 我 我 我 我 我耳 見諸 我鼻甚清 相 我 身 心淨 以大神通 知 舌甚廣大 好莊嚴身 目 無量 甚清 ·甚清 至 基清 法輪 無 生 利 礙 淨 淨 淨 類 淨 震 如空含萬 淨好能言說 於 其聲妙無比 聽之無不及 死 **普見十方** 二世等如 無量衆圍繞 切 動無量 法 此 諸心 無所 而 生彼 海 刹 象 如 礙 刹 普念諸. 隨諸 諸 其身悉徧往 隨應演妙 所有諸文字 輪迴五趣 亦見其中佛 根及欲 切皆自在 切語言海 衆 毛孔 如 生 樂 法 來 心 內 中 調彼難調 而亦不分別 而亦不分別 悉聞能憶持 汝應入此 汝應入此 悉皆能憶持 常受無量苦 菩提樹下坐 種種光明出 切悉皆現 門 門

華 嚴 經 卷大十八

ーモ

(二〇三九)

爾 就七寶王四天下王有夫人名法慧月夜久眠寐時彼城東有一大林名 世 彌 解脫其已久如乃能如是饒益衆生其神答言善男子乃往古世過如須 爲寂住林中有一大菩提樹名一切光摩尼王莊嚴身出生一 時善財童子白夜神言。汝發阿耨多羅三藐三菩提心爲幾時耶得此 界中有四天下名寶月燈光有城名蓮華光王名善法度以法施化成 山微塵數劫有劫名寂靜光世界名出生妙寳有五億佛於中出現彼 我知三世佛 我福甚廣大 我智廣淸淨 十方刹塵內 一塵中見 及以一 三世 悉見盧舍那 了知諸法海 如空無有盡 切刹 切法 菩提樹下坐 亦見彼諸佛 亦了彼方便 除滅衆生惑 供養諸如 來 饒益 成道演妙法 此門編無等 此是普門力 汝應入此門 切衆 切佛 神力

入

明編照 所· 林 諸 滿 於須彌山微塵數劫不生地獄餓鬼畜生諸 大善知識常於其所種植善根經八十須彌山微塵數劫常受安樂而未 明。爾 根 一夫人法慧月者豈異人乎我身是也我於彼佛所發菩提 發阿耨多羅 成無上覺及廣爲說諸佛功德自在神力普賢菩薩所有行願令王夫 動身瓔珞以覺夫人而告之言夫人當知一 足 垢 妙光其世界中淨穢相雜有五百佛於中出現其第 菩 具足無有衆苦於天人中福德殊勝不生惡世恆不離佛及諸菩 出生妙寶世界蓮華城內有主夜神名爲淨月詣王夫人法慧月 時 虀 有佛名 諸根過此劫已復過萬劫於賢劫前 二藐二菩提意供養彼佛及諸菩薩聲聞僧衆善男子時 切法雷音王於此樹下成等正覺放無量 惡趣中亦不生於下賤之 有 切法雷音王 劫名 無憂偏照世 一如來於寂住 佛名須彌幢 心種善根 色廣大光 界名 薩

寂 月夜神以願力故於離垢世界一四天下妙幢王城中生作主夜神名清 静 妙眼如來應正等覺我爲名稱長者女名妙慧光明端正殊妙彼

光明出現其身讚佛功德言妙眼如來坐菩提座始成正覺勸喻於我及 淨眼我於一時在父母邊夜久眠息彼淸淨眼來詣我所震動我宅放大 以父母幷諸眷屬令速見佛自爲前導引至佛所廣興供養我纔見佛卽

得三昧名出生見佛調伏衆生三世智光明輪獲此三昧故能憶念須彌 破 界亦見彼世界所有諸佛又見自身在其佛所亦見彼世界一切衆生解 山微塵數劫亦見其中諸佛出現於彼佛所聽聞妙法以聞法故卽得此 切衆生闇法光明解脫得此解脫已卽見其身徧往佛刹微塵數世

其言音識其根性知其往昔曾爲善友之所攝受隨其所樂而爲現身令 生歡喜我時於彼所得解脫念念增長此心無間又見自身徧往百佛

持憶 除 微塵數世界亦見彼世界中一切如來亦自見身在彼佛所聽聞妙法受 微塵數世界此心無間又見自身徧往千佛剎微塵數世界此心無間又 念念增長如是乃至充滿法界善男子我唯知此菩薩破一 功德海嚴淨一 光明解脫如諸菩薩摩訶薩成就普賢無邊行願普入一切諸法界海得 亦嚴淨亦見彼世界一切衆生隨其所應而爲現身敎化調伏此解脫門 見自身偏往百千佛刹微塵數世界如是念念乃至不可說不可說佛刹 生疑惑以淸淨音斷除一切諸有執著於一 菩 切世間闇障以勇猛智覺悟一切衆生惛睡以智慧月決了一切衆 薩 念觀察決了亦知彼佛諸本事海諸大願海彼諸如來嚴淨佛刹我 金 一剛智幢自在三 切廣大世界以自在智教化成熟一切衆生以智慧日滅 一昧出生大願住持佛種於念念中成滿 切法界一一 塵中示現一 切衆 生 切大 闇 切

毛孔內

自 示其自在善男子此閻浮提摩竭提國菩提場內有主夜神名普德淨光 在神力智眼明淨等見三世而我何能知其妙行說其功德入其境界

薩云何學菩薩行修菩薩道爾時善財童子向婆珊婆演底神而說頌日 我本從其發阿耨多羅三藐三菩提心常以妙法開悟於我汝詣彼問菩

汝法身清淨 見汝淸淨身 相好超世間 三世悉平等 如文殊師利 世界悉入中 亦如寶山 成壞無所礙 王

我觀 汝心極廣大 切趣 悉見汝形像 如空徧十方 諸佛悉入中 一一毛孔中 清淨無分別 星月各分布

毛孔內 毛孔內 悉放無數光 各現無數身 十方諸國土 十方諸佛所 普兩莊嚴具 方便度衆生

示現無量剤 隨諸衆生欲 種種令清淨

若有諸衆 生 聞名及見身 悉獲功德利 成就菩提道

多劫在惡趣 始得見聞汝 亦應歡喜受 以滅煩惱故

時善財童子說此頌已頂禮其足繞無量而殷勤瞻仰辭退而去 千刹微塵劫 **歎汝一毛德** 劫數猶可窮 功德終無盡

一大方廣佛華嚴經卷第六十八

福城東際童子南詢百城烟水渺無垠知識異常倫五十三人一 曲和陽

春

伽 强擎蛩劬翹○其芹乾禽鍼裘伽唱伽字時普願法界衆生入般者

波羅蜜門

吒○張徵中豬朝裡知珍儃砧詀輈吒唱吒字時普顧法界衆生入般若

波羅蜜門

音 釋

瞬 目 唼 听音 吻

演 香鉱 底演婆 也條 動音 底珊 補 云此 主云 當審 迦 也也 開此 吻音 婆 花云 也刎

故多 也旋

其此 草音

山樹 木翁

羅 鬱 黄此 蔚音

嵡

盛蓊 貌欝

溝

渠音

也勾

洫

名生

迦

色婆珊

門云 及山 逸容

校異同

惟本

藏流

本通

第一

頁

作本 卽第

樹葉 流二

葉樹 通行

本藏

卽本

便便

第

十

本北 唐第

作藏 宋五

頌頌 元行

九

華 通八

本行 作巖 蓮本 光蓮 流第

通二

第二八

HHH

(三) 区区区

本行 受本 通三 刑被 本行 刑 作藏 第二五頁 紫 第二五頁 曰第 流六 通行

入法界品第三十九之十 唐于闐國三藏沙門實叉難陀譯

者我已先發阿耨多羅三藐三菩提心而我未知菩薩云何修行菩薩地 次遊行至普德淨光夜神所頂禮其足繞無數而於前合掌而作是言聖 普救衆生心普徧大悲雲於一切佛刹盡未來際常能出生普賢行願漸 菩薩願所淨菩薩度所入菩薩地所修菩薩行所行出離道一切智光海 爾時善財童子了知彼婆珊婆演底夜神初發菩提心所生菩薩藏所發

攊 卷大十九 子菩薩成就十法能圓滿菩薩行何者爲十一者得淸淨三昧常見一切

發阿耨多羅三藐三菩提心今復問於菩薩地修行出生及以成就善男

云何出生菩薩地云何成就菩薩地夜神答言善哉善哉善男子汝已能

竟一切諸佛境界調伏衆生八者得佛音聲同一切衆生言音海轉三 出 放等衆生數大光明海利益無量一切衆生六者見一切如來一一毛孔· 德大海四者知等法界無量諸佛法光明海五者知一 議自在力善男子菩薩成就此十種法則能圓滿菩薩諸行善男子我得 著何以故知諸 菩薩解 切佛法輪九者知一切佛無邊名號海十者知一 非滅無有生相故非實住如幻法故非妄利益衆生故非遷超過生死 道場衆會神通名號說法壽命言音身相種種不同悉皆明覩而無取 |者得淸淨眼常觀 切寶色光明燄海七者於念念中出現一切佛變化海充滿法界究 脱名寂靜禪定樂普遊步普見三世一切諸佛亦見彼佛淸淨 如來非去世趣永滅故非來體性無生故非生法身平等 切佛相好莊嚴三者知一 切佛調伏衆生不思 切如來無量無邊功 切如來一

戲 第四禪增長圓滿 了知一 於非家若有衆生住於空閒我爲止息諸惡音聲於靜夜時爲說深法與 病 以種種方便成就衆生所謂於在家放逸衆生令生不淨想。 惟 長。 故非壞性常不變故一 想逼迫想繫縛想羅刹想無常想苦想無我想空想無生想不自在想老 動修習初禪息一切意業攝一 思惟 死 切神通成就一 想自於五欲不生樂著亦勸衆生不著欲樂唯住法樂出離於家入 切衆生自性厭離生死修第三禪悉能息滅一 觀察堅固莊嚴不起 切如來時於菩薩寂靜禪定樂普遊步解脫門分明了達成就 切變化以清淨智普入法界善男子我修此解脫時 切智願出生一 相言語悉離故無相性相本空故善男子我如 切衆生智力勇猛喜心悅豫修第一 切妄想分別大悲救護 切諸三昧海入諸菩薩解脫海門遊 切衆生衆苦熱惱修 一切衆生一 可厭想疲勞 一禪。 心不

凶

佛 行善男子去此不遠於菩提場右邊有一 時。 順 往於一 行 能 我唯得此菩薩寂靜禪定樂普遊步解脫門如諸菩薩摩訶薩 生若已生者令其增長我與如是順道因緣乃至令成一 令諸衆生不生非法貪不起邪分別不作諸罪業若已作者皆令止息 所 法僧及善知識具諸功德亦歎親近善知識行復次善男子我修解 緣開出家門示正道路爲作光明除其闇障滅其怖畏讚 於 切世界悉能觀見一切諸佛徧能聽受一切佛法能破一 有行願了達一切無邊法界常能增長一切善根照見一切如來智 生善法未修波羅蜜行未求一切智未起大慈悲未造人天業皆令 生 死大夜之中出生一 切 如來境界恆處生 切智慧光明而我云何能知能 死 心無障礙疾能滿足一切智願普能 夜神名喜目觀察衆生汝詣彼 切智智善男 切衆 說 出家業 彼 具足 功德 生 普 歎

爲善財童子而說頌日

如來一 如來一 佛演 佛身常光明 佛身不思議 如來知法性 盧舍那如來 汝觀諸佛身 若有信解心 一毛孔 妙音 隨類皆令解 出生無盡化 放不思議光 法界悉充滿 寂滅無有二 道場成正覺 清淨相莊嚴 盡見三世佛 切刹塵等 普兩廣大法 普照諸羣生 普現一切刹 清淨相嚴身 充偏於法界 種種清淨色 彼人眼淸淨 切法界中 念神通力 使發菩提意 除滅衆生苦 **令其煩惱滅** 念念編法界 轉於淨法輪 法界悉充滿 能入諸佛海 **徧示諸世間** 切無不見

大

增長成熟所謂令知親近善知識能修助道具令知親近善知識能起勇 觀 佛海見善知識得見諸佛轉於法輪憶持不忘作是念已發意欲詣喜目 散亂見善知識破障礙山見善知識入大悲海救護衆生見善知識得智 善知識教行善知識語作如是念善知識者難見難遇見善知識令心不 慧光普照法界見善知識悉能修行一 時善財童子頂禮其足繞無數而殷勤瞻仰辭退而去爾時善財童子敬 察衆 諸佛出世間 佛昔修諸行 此近有夜神 生夜神所時喜目神加善財童子令知親近善知識能生諸善根 切諸菩薩 入佛一 名喜目觀察 量等衆生數 曾攝受我 毛孔 如是妙解脫 種種解脫境 故得見如來 汝應往詣彼 切智道見善知識普能覩見十方 普現一 非我所能 問修菩薩行 非我所能知 切刹 知

親

心令知親近善知識能作難壞業令知親近善知識能得難伏力令知。

來戒如是演說種種戒行戒香普熏令諸衆生悉得成熟又出等衆 愛著說在生死輪迴往返說諸人天盛衰苦樂說諸境界皆是不淨說 淨 藏師子之座入大勢力普喜幢解脫於其身上一一毛孔出無量種變化 種種身雲說能忍受一 切法皆是無常說一切行悉苦無味令諸世間捨離顚倒住諸佛境持. 難捨能捨出等衆生數無量化身雲充滿法界普現一切衆生之前說持 利益所謂出無量化身雲充滿十方一切世界說諸菩薩行檀波羅蜜於 念已卽詣喜目觀察衆生夜神所見彼夜神在於如來衆會道場坐蓮 切事皆無戀著於一切衆生普皆施與其心平等無有輕慢內外悉施 戒無有缺犯修諸苦行皆悉具足於諸世間無有所依於諸境界無所 **雲隨其所應以妙言音而爲說法普攝無量一** 切衆苦所謂割截捶楚訶罵欺辱其心泰然不動 切衆生皆令歡喜而得 生數

華 嚴 經 卷六十九

諸衆生藏護諸根爲說無上清淨梵行爲說欲界是魔境界令生恐怖爲 退勇猛 進修一 身雲以種種方便令諸衆生心生歡喜捨離惡意厭一切欲爲說慚愧令 衆生勇猛精進嚴淨一切諸佛國土如是方便成熟衆生又出種種無量 精進壞無智山勇猛精進供養一切諸佛如來不生疲厭勇猛精進受持 方便成熟衆生又出等衆生界種種身雲隨諸衆生心之所樂說勇猛精 醜陋不具足身令生厭離讚諸如來淸淨妙色無上之身令生欣樂如是 提心無有窮盡心無盡故智亦無盡普斷一切衆生煩惱說諸衆生卑賤 不亂於一切行不卑不高於諸衆生不起我慢於諸法性安住忍受說 切諸佛法輪勇猛精進壞散一切諸障礙山勇猛精進敎化成熟一 精進度一 切智助道之法勇猛精進降伏魔兔勇猛精進發菩提心不動不 切衆生出生死海勇猛精進除滅一切惡道諸難勇猛 切

二〇五五

隨其所應以種種言辭而爲說法或說世間神通福力或說三界皆是可 怖令其不作世間業行離三界處出見稠林或爲稱讚一 **癡誾皆令歡喜成一切智又出等衆生界種種身雲普詣一切衆生之前** 除滅一切所有煩惱又爲演說一切菩薩諸三昧海神力變現自在遊戲 知識受持一 又出等衆生界種種身雲為說往詣十方國土供養諸佛及以師長眞善 **令諸衆生歡喜適悅離諸憂怖其心淸淨諸根猛利愛重於法修習增長** 現不樂世間欲樂住於法樂隨其次第入諸禪定諸三昧樂令思惟觀察 切衆生疑海示智慧金剛壞一切衆生見山升智慧日輪破一切衆生 切諸法門海顯示一切諸法性相開闡一切諸三昧門開智慧境界竭 |乘之地或爲演說不住生死不住湼槃令其不著有爲無爲或爲演 切諸佛法輪精勤不懈又為演說稱讚一切諸如來海觀察 切智道令其超

盡力修無上行不退轉力無間斷力於生死法無染著力能破一切諸魔 往一切利現種種神通變化念念中示諸菩薩一切行願令一切衆生住 入一切世界海微塵數世界海念念中示於一切利盡未來劫淸淨修行 普賢菩薩一切行願念念中示清淨大願充滿法界念念中示嚴淨一切 竟得一切智又出一切世界微塵數身雲普詣一切衆生之前念念中示 衆力遠離 之前說諸菩薩集一切智助道之法無邊際力求一切智不破壞力無窮 世界海念念中示供養一切如來海念念中示入一切法門海念念中示 說住於天宮乃至道場令其欣樂發菩提意如是方便敎化衆生皆令究 切智道念念中示入如來力念念中示入一切三世方便海念念中示 切智如是所作恆無休息又出等一切衆生心數身雲普詣一切衆生 切煩惱垢力能破一切業障山力住一切劫修大悲行無疲

所謂出與色究竟天善現天善見天無熱天無煩天相似身雲出少廣廣 生決定解求一切智無有退轉如說菩薩諸波羅蜜成熟衆生如是宣說 受法輪智示現如是智波羅蜜令諸衆生皆大歡喜調暢適悅其心淸淨 念知一切世界海成住莊嚴差別智說念念自在親近供養一切如來聽 法界音聲智說念念偏一切法界海智說念念知一切世界海壞智說念 衆生心數無量變化色身雲普詣十方無量世界隨衆生心演說一 於世間轉法輪力以如是等方便成熟令諸衆生至一切智又出等一切 生根海智說入一切衆生行海智說度一切衆生未曾失時智說出一 **薩智行所謂說入一切衆生界海智說入一切衆生心海智說入一** 倦力震動一切諸佛國土令一切衆生生歡喜力能破一 切菩薩種種行法而爲利益復於一一諸毛孔中出無量種衆生身雲 切諸外道力普 切衆 切菩 切

華 嚴 經 卷大十九

(二) (五九)

率陀天須夜摩天忉利天及其采女諸天子衆相似身雲出提頭賴吒乾 充滿法界於彼一切衆生之前現種種聲所謂風輪聲水輪聲火燄聲海 叉王夜叉子夜叉女相似身雲出大樹緊那羅王善慧摩睺羅伽王大速 光少光天相似身雲出大梵梵輔梵衆天相似身雲出自在天化樂天兜 潮聲地震聲大山相擊聲天城震動聲摩尼相擊聲天王聲龍王聲夜叉 火神風神河神海神山神樹神乃至晝夜主方神等相似身雲周徧 王及其子其女相似身雲出聲聞獨覺及諸佛衆相似身雲出地神水神 疾力迦樓羅王羅睺阿脩羅王閻羅法王及其子其女相似身雲出諸· 鳩槃茶女相似身雲出毗樓博叉龍王龍子龍女相似身雲出毗沙門夜 闥婆王乾闥婆子乾闥婆女相似身雲出毗樓勒叉鳩槃茶王鳩槃茶子 果福生無雲天相似身雲出徧淨無量淨少淨天相似身雲出光音無量 十方

M

羅蜜起 大智慧藏大智慧門皆悉顯示行方便波羅蜜其方便波羅蜜所有資具 眷屬 忍一切業皆不失壞忍一切法生決定解忍諸法性能諦思惟行精進波 所持正法皆悉堅固其心不動亦能忍受一切衆生於已身心惡作惡說 親近諸佛修行善法行檀波羅蜜難捨能捨行尸波羅蜜棄捨王位宮殿 行般若波羅蜜其般若波羅蜜所有資具所有清淨大智慧日大智慧雲 聲說喜目觀察衆生夜神從初發心所集功德所謂承事一切諸善知識 人王聲梵王聲天女歌詠聲諸天音樂聲摩尼寶王聲以如是等種種音 習所有成就所有淸淨所有起三昧神通所有入三昧海門皆悉顯示 |聲乾闥婆王聲阿脩羅王聲迦樓羅王聲緊那羅王聲摩睺羅伽王聲 出家學道行羼提波羅蜜能忍世間一 切智行成一切佛法行禪波羅蜜其禪波羅蜜所有資具所有 切苦事及以菩薩所修苦行

晟 揺 卷大十九 五

菩薩位。 羅蜜其願波羅蜜所有體性所有成就所有修習所有相應事皆悉顯示 善根相續次第所修無量諸波羅蜜相續次第死此生彼及其名號相 菩薩法海菩薩法門海菩薩法旋流菩薩法理趣如是等智波羅蜜相 就所有淸淨所有處所所有增長所有深入所有光明所有顯示所有理 行 所有修行所有體性所有理趣所有淸淨所有相應事皆悉顯示行願波 境界皆悉顯示 趣所有相應事所有簡擇所有行相所有相應法所有所攝法所知法所 相應事皆悉顯示行智波羅蜜其智波羅蜜所有資具所有體性所有成 知業所知刹所知劫所知世所知佛出現所知佛所知菩薩所知菩薩 力波羅蜜其力波羅蜜所有資具所有因緣所有理趣所有演說所有 一菩薩資具菩薩發趣菩薩 成熟衆生又說此神從初發心所集功德相續次第所習 迴向菩薩大願菩薩法輪菩薩簡擇法 應

大

童 威力及解脫力則得菩薩不思議大勢力普喜幢自在力解脫何以故與 度 步住菩薩想入菩薩道 續次第得菩薩解脫入菩薩解脫海得菩薩自在得菩薩勇猛得菩薩 住 生 諸佛普見諸刹普知諸劫深入法界觀察衆生入法界海知諸衆 次第親近善友承事諸佛受持正法修菩薩行入諸三昧以三昧力普見 字見聞. 海。 脫 成熟衆生如是說時於念念中十方各嚴淨不可說不可說諸佛國 一被得淨天耳聞 智 令無量 無量 知 前際事得無依無作神足智通自在遊行徧十方刹 悪趣衆 如 Ŀ 一衆生安住聲聞辟支佛地令無量衆生住如來地爾時善財 所現一 生令無量衆生生天人中富貴自在令無量 一切聲得淨天眼見一切色得他心智知衆生心得宿 切諸希有事念念觀察思惟解了深入安住 如是 切所有功德相續次第皆悉演說 如是所有 衆 分別 生死 生 承 出 遊 相

故得菩薩諸根故生如來種中故得善友力所攝受故受諸如來所護念 目夜神於往昔時同修行故如來神力所加持故不思議善根所祐 助

時善財童子得此解脫已心生歡喜合掌向喜目觀察衆生夜神以偈讚 故毗盧遮那如來曾所化故彼分善根已成熟故堪修普賢菩薩行故爾

遠離諸分別 不著內外法 於諸蘊界處 法身恆寂靜 了知諸衆生 無量無數劫 未曾有所著 沈迷嬰妄想 戲論所不動 清淨無二相 已度生死海 學佛甚深法 種種身皆現 隨其所應化 爲著妄想者 而現種種身 示行及色身 爲化衆生故 調伏一 隨應悉調伏 弘宣十力法 住於諸有界 顯現妙色身 示現種種形 切衆

時耶得此解脫其已久如爾時喜目觀察衆生主夜神以頌答日 爾時善財童子說此頌已白言天神汝發阿耨多羅三藐三菩提心為幾 中有轉輪王 我念過去世 得佛方便力 蓮華中化生 中有一王都 百萬那由他 色身妙無比 了知諸有海 心住三昧 過於刹塵劫 其身甚微妙 號日香幢寶 種種業莊嚴 清淨如普賢 念念無邊際 金色光明身 **俱** 四天下 無量劫不動 刹號摩尼光 隨諸衆生心 騰空照遠近 莊嚴最殊妙 其王數亦爾 爲說無礙法 毛孔出化雲 示現種種身 三十二種相 普及閻浮界 隨好以莊嚴 見者皆欣悅 各各自臨馭 劫名寂靜音 **令其悉清淨** 普攝諸羣生 供養十方佛 示現世間相

我時於夢中 地震出妙音 放大光明海 彼時德海佛 日光既已沒 我時爲寶女 其王以法化 嬪御有十億 其王有千子 萬主夜神 毛孔中 共在空中住 見佛諸神變 出佛化身海 普告佛與世 音樂咸寂然 出與於世間 具足梵音聲 普及四天下 勇猛身端正 顏容狀天女 切刹塵數 臣佐滿 讚歎佛與世 亦聞深妙法 十方皆偏滿 天人龍神衆 種種自在身 大王及侍御 顯現神通力 身出金色光 輪圍大地中 利益調柔意 億 同時覺悟我 隨應說妙法 心生大歡喜 慈心給侍王 **福滿於十方** 充滿十方界 照及千由旬 智慧善方便 切皆安寢 切皆歡喜 切皆豐盛

二〇大五

ō

我從此初發 我於二萬歲 我時與大王 從此後供養 夜神覺悟我 時彼如來說 我時尋覺悟 諸相莊嚴體 見已心歡喜 我時便寐寤 賢慧汝應起 最 供養彼如來 令我得利益 功德普雲經 騎從千萬億 大王幷眷屬 佛已現汝國 十億那由佛 便生此念言 **猶如寶山王** 即覩淸淨光 上菩提願 我願作是身 普應羣生心 恆受人天樂 往來諸有中 七寶四天下 衆生亦無量 令見佛光明 願我得如佛 觀此從何來 劫海難值遇 切毛孔中 其心無忘失 覺諸放逸者 莊嚴諸願海 饒盆諸羣生 **俱行詣佛所** 廣大神通力 放大光明海 見佛樹王下 見者得清淨 切皆奉施 切皆欣慶

二 0大七

世界蓮華燈 **尚於諸法中** 第五名華燄 最初月光輪 從此次第有 我悉曾供養 九光明王幢 如是等諸佛 第九兩足尊 第五蓮華藏 初佛功德海 莊嚴極殊妙 第六號燈海 **尊重聽聞法** 十普智光王 第二名日燈 我悉曾供養 無而計爲有 寶燄山燈王 第六無礙慧 第二功德燈 切實光刹 彼有無量佛 從此復有劫 第七熾然佛 其劫名天勝 第三名光幢 然未得慧眼 第十調御師 如是等諸佛 第七法月王 第三妙寶幢 初寶須彌佛 名日梵光明 我悉曾供養 第八天藏佛 第四寶須彌 第八智燈輪 入於解脫海 五百佛與世 第四虚空智 二世華光音 一功德海佛 無量衆

衆 刹 然未得深智 彼中有諸佛 九名賢勝佛 第五盧舍那 初乾闥婆王 次後復有劫 如是等如來 七名法力光 生少煩惱 號金剛寶 一法界音佛 衆會悉清淨 莊嚴悉殊妙 入於諸法海 第十法王佛 第六光莊嚴 八十那由他 名爲功德月 我悉曾供養 八名虛空覺 二名大樹 四法震雷佛 於中有千佛 此後復有劫 如是等諸佛 我皆以妙供 未能明了法 第九須彌光 初金剛密佛 第七法海佛 爾時有世界 五名法幢佛 三功德須彌 次第而 我悉曾供養 名爲寂靜慧 第八光膀佛 深心而敬奉 其名功德幢 第十功德雲 第四寶眼佛 而入諸佛海 六名地光佛 無礙力佛 出 與

刹號寶幢主

切善分布

有五百諸佛

於中而出現

然猶未能淨 第十無上士 第七智燄佛 **刹號香燈雲** 遊行一切刹 所說種種法 如是等諸佛 第七忍燈輪 三名自在王 三名法界影 淨穢所共成 離諸障礙道 眉間勝光明 第八虛空音 我皆能憶持 於彼修諸行 我悉曾供養 四名功德雲 第八法輪光 四號十方燈 次第復有劫 如是一切佛 第九兩足奪 第五法勝佛 次第復有劫 **猶未能深悟** 九名光莊嚴 第五名悲光 初名廣稱佛 億佛於中現 第六名戒海 名集堅固王 第六天冠佛 十名寂靜光 我悉曾供養 名普生殊勝 次名法海佛 莊嚴刹及劫 名為善出現 如空淸淨法

四

爾 第七寶聚尊 次名功德生 此十爲上首 我悉曾供養 刹號寂靜音 然於所入門 如是等諸佛 次名法自在 次名功德 我恭敬供養 時有世界 海 號善化幢燈 供養無不盡 第八法幢佛 次號天王髻 修行最勝道 衆生煩惱薄 未能成就忍 次名日光王 我悉曾供養 次佛功德王 求無礙解脫 六十億那由 次第復有劫 第五摩尼藏 第九名勝財 於中有佛現 第九福須彌 第五功德王 初佛名華聚 次第復有劫 所有淸淨道 最初功德輪 諸佛與於世 名日千功德 第十名智慧 名爲妙勝主 普入盡無餘 第六眞金山 次佛名海藏 第十光明王 第六須彌相 其次寂靜音 八十那由他

我得清淨眼 時佛爲我說 第九功德海 第五法界聲 次有佛出現 第五雲密陰 初功德須彌 爾時有世界 未得清淨忍 九名天勝藏 最初寂靜幢 寂滅定總持 無依妙法門 名為功德幢 第十功德幢 第六妙音雲 第二虚空心 名曰無邊光 深入諸法海 第六日大明 其次奢摩他 十名大吼音 能於念念中 我聞專念持 我爲月面天 第七照十方 第三具莊嚴 如是等諸佛 中有三十六 次第復有劫 如是等諸佛 第二百燈王 七號法燈光 悉見諸佛海 出生諸願海 第八法海音 供養人中主 我悉曾供養 第四法雷音 第四寂靜光 那由他佛現 名無著莊嚴 我悉常供養 八名殊勝燄

□ 540

大

善男子於汝意云何彼時轉輪聖王名十方主能紹隆佛種者豈異人乎 速入於諸地 爲彼衆生故 佛子我爾時 願雲悉彌覆 行止見稠林 綠佛及衆 見衆生顚倒 我得大悲藏 切諸趣中 生 得入普賢道 普入一切道 我發無上心 隨業而受身 往來貪欲海 執常樂我淨 普明方便眼 起於大願雲 二世方便海 了知十法界 具足波羅蜜 願得如十方 從是修功德 愚癡闇所覆 生老死衆患 集於諸惡趣 增長菩提心 念修諸佛 妄想起煩惱 成就如來力 充滿於法界 趣入方便道 無量種種業 無量苦逼迫 切差別門 切無礙行 切十力尊

文殊師利童子是也爾時夜神覺悟我者普賢菩薩之所化耳我於爾時

於一切諸大願海於念念中以願海門盡未來劫念念出生一切諸行 於妙燈功德幢佛所得此大勢力普喜幢菩薩解脫以此解脫如是利益 爲王寶女蒙彼夜神覺悟於我令我見佛發阿耨多羅三藐三菩提心自 如來所受持守護所有法輪一一 切佛刹中隨衆生心說諸妙行一切刹一一塵中悉見無邊諸如來海 念念中普詣一切諸如來所疾能趣入一切智海於念念中以發趣門入 從是來經佛刹微塵數劫不墮惡趣常生人天於一切處常見諸佛乃至 而我云何能知能說彼功德行善男子此衆會中有 一行中出生一切刹微塵數身一一身普入一切法界門一一法界門 如來所悉見徧法界諸佛神通一一如來所悉見往劫修菩薩行一 切衆生善男子我唯得此大勢力普喜幢解脫門如諸菩薩摩訶薩於 如來所悉見三世一 切如來諸神變海 夜神名普救衆生

妙 德。 汝詣彼問菩薩云何入菩薩行 淨菩薩道時善財童子頂禮其足繞

無數市殷勤瞻仰辭退而去

大方廣佛華嚴經卷第六十九

福城東際童子南詢百城烟水渺無垠知識異常倫五十三人一 曲和陽

春

華嚴字母衆藝親宣善財童子得眞傳祕密義幽玄功德無邊唱誦利

頗娑 吞 00 滂思 瀕思 绛蘇 秿甦 胞思 嶏思 披西 砏西 潘思 〇西 〇思 撑思 類娑 唱 頗娑 字時普願法界衆生入

波羅 蜜 阿

迦娑 香00 岡思 拖思 公蘇 孤蘇 高思 該思 雞西 斤西 干思 今西 甘思 勾思 迦娑 唱 迦娑 字時普願法界衆生入般

若 波 羅蜜門

娑也 容◎ 桑亦 僧亦 蛟亦 甦亦 臊亦 腮亦 西亦 辛亦 珊亦 心亦 三亦 駿亦 娑也 唱 字時普願法界衆生入般

若波羅蜜門

波

四十二字妙陀羅字字包含義理多阿棳梵韻滿娑婆功德大法界沐恩

南無華嚴海會佛菩薩 三 稱

四生九有同登華藏玄門八難,

| 塗共入毘盧性海

音釋

惡說 也 珊 輔 瑚音 輔音 也山 惡云 天甫 珊 說惡 梵 遽 屬作 也音 馭 口屬 馬音 卒句 嬰妄想嬰 也御 也急 使 割 嬪 絕音 女音 也葛 想繞 也貧 斷 纏也 妃 截 繞言 斷音 寤 也為 寤音 也絕 捶 也悟 杖捶 音響 騎 從音 也椎 也伎 以 楚 奢摩音 楚音 也楚 佛賒 捶 名奢 陋 惡作 醜音

陋漏

校異同

九

二〇七五)

勝

第十二頁第 出十 與一 北行 凝唐 假本 作元 出本 與流 通 第二十四頁第 南五 藏行 作北 勝藏 王本

唐于閩國三藏沙門實叉難陀譯

入法界品第三十九之十一

詣普救衆生妙德夜神所時彼夜神爲善財童子示現菩薩調伏衆生解 量光明以爲眷屬其光普照一切世間照世間已入善財頂充滿其身善 脫神力以諸相好莊嚴其身於兩眉間放大光明名智燈普照淸淨幢無 善知識巧方便行依善知識入精進海於無量劫常不遠離作是願已往 善知識普於十方勤求匪懈願常親近生諸功德與善知識同一善根得 財爾時卽得究竟清淨輪三昧得此三昧已悉見二神兩處中間所有 爾時善財童子於喜目觀察衆生夜神所聞普喜幢解脫門信解趣入了 知隨順思惟修習念善知識所有敎誨心無暫捨諸根不散一心願得見

諸大 種種 切所有微塵一一 世 世 受報各各差別靡不悉見又見一 人等宮殿屋宅地獄畜生閻羅王界一 切 側 處隨諸衆生形貌言辭行解差別以方便力普現其前隨宜化度令 住如是等一 |界清| 地塵 界清淨或有世界趣雜穢或有世界趣淸淨或有世界雜穢淸淨或有 積 |樹林種種宮殿所謂天宮殿龍宮殿夜叉宮殿乃至摩睺羅伽 |免諸苦毒令畜生衆生不相食噉令餓鬼衆生無有飢渴令諸龍等 聚亦見一 水塵及以火塵金剛摩尼衆寶微塵華香瓔珞諸莊嚴具如是 淨雜穢或有世界一 切世界一 切世界接連皆以地輪任持而住種種山海種種河 塵中各見佛刹微塵數世界成壞及見一切地水火風 切趣中悉見此普救衆生夜神於一切時 向清淨或有世界其形平正或有覆住 切世界差別所謂或有世界雜穢 切住處諸趣輪轉生 死往來隨業 或有 地 或 切

華 嚴 經 卷七十

故。 現其前 慈 無 神 見 受 識 大 障礙故 受持 衆 通 解 故。 怖。 生怖造惡業怖業煩 切衆 脫 得普與衆 墮 怖。 切 自在 怖令欲 故出生普賢行願力故增廣菩薩大 常勤救護爲成就菩薩 |不活怖| 知 切佛教故積集 生卵生胎生濕生化生有色 乘地怖種種 神通 切 界衆 生 死怖惡道怖斷善根怖退菩提 故嚴淨 衆 無量喜樂故得普攝 生諸 生離欲界苦令人趣 惱 生 根教化成熟故淨 死 障怖執著諸想繫縛怖 怖異類衆 切佛刹 切善根修一 大願力故深入菩薩 故覺了一切諸法故供養 《生同住饰》 無色有想無想非有想非無 切衆生智慧方便故得菩薩 衆 切妙行故入一 、悲海故得普覆衆生無礙 生離 切衆 心怖。 闇夜怖毀呰怖 如是等怖 惡時受生 生信解除 三昧力故堅固 遇惡知識怖離善知 切衆生 怖。 悉令 其惡障故· 惡 切諸 心 捨離。 種 惡名 海 想。 菩 族 而 佛 薩 怖。

(二)0七九)

M

無量。 神 捨其自在神力爾時善財童子恭敬合掌却住 破 如是神力不可思議甚深境界普現調伏一 切衆生無知黑闇故令得 頭 面 作禮 心瞻仰時彼夜神卽捨菩薩莊嚴之相還復本形而 一切智淸淨光明故時善財童子見此 切衆生菩薩解脫已歡喜 一面以偈讚日

華 所放殊勝 我善財得見 我見尊妙身 中出化身 毛孔 放 光 衆生 能滅衆生苦 無量刹塵數 衆相以莊嚴 如是大神 一心數光 力 種種微妙色 光中出妙香 其心生歡喜 譬如空中星 光明端 普熏於衆生 皆出寶蓮華 普照於十方 說偈而讚 切悉嚴淨

復兩種種華

供養

切佛

兩眉放妙光

量與須彌等

普

觸諸含識

令滅愚癡闇

口

放清淨

光

譬如無量日

衆生受諸苦 菩薩常充滿 得總持三昧 顯現神通力 見尊眉間相 滅除水火賊 示現二乘像 充滿十方界 普照十方刹 普照於廣大 微塵中 常悲歎號泣 住持諸佛法 往彼而敦度 普見十方佛 放大清淨光 各見塵數刹 度脫三有海 而來入我身 王等一切怖 悉滅世癡翳 毗盧舍那境 或有無量刹 或有淨染刹 或有染淨刹 我於所經處 我遇圓滿光 普照十方海 我承喜目教 現化種種身 眼放清淨光 妙身偏十方 微塵中 少樂多憂苦 悉滅一 無量淨刹海 衆生所樂見 悉見諸微塵 心生大歡喜 普現衆生前 **今得詣尊所** 相狀等衆生 譬如無量月 切咸濁穢 切闇

二百入こ

大

成道轉法輪 毗 盧遮那佛 往劫所嚴淨 度脫諸羣生 佛於一 我見普敦天 切刹 於彼無量刹 悉坐菩提樹

切諸佛所

普皆往供養

境界故住大悲藏者境界故救護一切衆生者境界故能淨一切三惡八 是處難知諸天及人一切二乘所不能測何以故此是住普賢菩薩行者 希有其名何等得此解脫其已久如修何等行而得淸淨夜神言善男子 爾時善財童子說此頌已白普救衆生妙德夜神言天神今此解脫甚深

界海以清淨智光滅無明闇障者境界故能以一念智慧光明普照一 法者境界故能於一切劫修菩薩行成滿大願海者境界故能於一 切法 切

難者境界故能於一

切佛刹中紹隆佛種不斷者境界故能住持

切佛

三世方便海者境界故我承佛力今爲汝說善男子乃往古世過佛刹微

晝夜受樂無時間斷此四天下有百萬億那由他諸王國土一一 諸音樂樹出諸音樂隨風吹動演妙音聲日月光明摩尼寶王普照一切 恆出鬘雲種種華樹常雨妙華種種寶樹出諸奇寶無量色光周市照耀。 宮殿樓閣悉皆奇妙諸如意樹處處行列種種香樹恆出香雲種種鬘樹 衆生於中止住或有四天下一向淸淨諸大菩薩之所止住此界東際輪 圍 惡業衆生於中止住或有四天下雜業衆生於中止住或有四天下善根 嚴摩尼輪山千市圍繞有十萬億那由他四天下皆妙莊嚴或有四天下 光明摩尼王海上其形正圓淨穢合成一切嚴具帳雲而覆其上一切莊 數如來於中出現其佛世界以一切香王摩尼寶爲體衆寶莊嚴住無垢 塵 山側有四天下名寶燈華幢國界淸淨飲食豐足不藉耕耘而生稻粱 數劫爾時有劫名圓滿淸淨世界名毗盧遮那大威德有須彌山微塵 國土有

光明照千由旬其有一女名普智燄妙德眼形體端嚴色相殊美衆生見 滿面是王女寶端正殊特皮膚金色目髮紺靑言同梵音身有天 金色常放光明諸毛孔中恆出妙香良臣猛將具足十億王有正妃名圓 采女皆悉與王同種善根同修諸行同時誕生端正姝妙猶如天女身眞 恆以正法教導羣生王有千子端正勇健能伏冤敵百萬億那由他宮人 寶蓮華髻於蓮華中忽然化生二十二相以爲嚴好七寶具足王四天下 豐樂人民熾盛其中衆生具行十善有轉輪王於中出現名毗盧遮那妙 由 植其岸種種珍奇以爲嚴飾舟船來往稱情戲樂一一河間有百萬億城 千大河周市圍繞一一 一城有百萬億那由他聚落如是一 他宮殿園林周市圍繞此四天下閻浮提內有一國土名寶華燈安隱 皆以妙華覆上隨流漂動出天樂音一切寶樹列 切城邑聚落各有無量百千億那 八香常放

華 嚴 經 着七十

蓮華名普現三世一切如來莊嚴境界雲須彌山微塵數佛於中出現其 瓔珞周帀垂下無量樓閣皆寶所成周徧道場以爲嚴飾彼香池內出大 演法雷音妙寶爲岸百萬億那由他寶樹圍繞一一樹形如菩提樹衆寶 其榦衆雜妙寶以爲其葉次第分布並相稱可四方上下圓滿莊嚴放寶 以念念出現一切如來道場莊嚴堅固摩尼王而爲其根一切摩尼以爲 聲種種名字種種族姓愚智勇怯貧富苦樂無量品類皆悉不同時或有 光明出妙音聲說一切如來甚深境界於彼樹前有一香池名寶華光明 故壽命色力一切樂事悉皆損滅時彼城北有菩提樹名普光法雲音幢 者情無厭足爾時衆生壽命無量或有不定而中夭者種種形色種種音 人語餘人言我身端正汝形鄙陋作是語已遞相毀辱集不善業以是業 佛名普智寶燄妙德幢於此華上最初得阿耨多羅三藐三菩提無

二〇人五

佛 佛當出現五千年前放大光明名嚴淨一 如來境界無差別燈若有衆生遇斯光者悉能往覲 淨光明名現諸神通成熟衆生若有衆生遇斯光者心自開悟無所不了。 知 不思議境界音岩有衆生遇斯光者其心廣大普得自在知六千年後 者一 明名一 年後佛當出現七千年前放大光明名生一 遇 十千年後佛當出現九千年前放淨光明名 斯光者得淸淨眼見一切色知九千年後佛當出現八千年前放 歲演說正法成熟衆生其彼如來未成佛時十千年前此大蓮華放 切清淨佛上知五千年後佛當出現四千年前放大光明名一 切諸根悉得圓滿知七千年後佛當出現六千年前放大光明名 切衆生業果音若有衆生遇斯光者悉得自知諸業果報知八 切佛刹音若有衆生遇斯光者 切善根音若有衆生遇 切衆生離垢燈若有衆 切諸佛知四千年 切

現見一 諸佛國土一切世界衆生知二千年後佛當出現一千年前放大光明名 後佛當出 現三千年前放大光明名三世明燈若有衆生遇斯光者悉能 嚴若有衆生根性淳熟應見佛者咸詣道場爾時彼世界中一 令一切衆生見佛集諸善根若有衆生**遇斯光**者則得成就見佛三昧知 界悉皆震動純淨無染念念普現十方一切淸淨佛刹亦現彼刹種種莊 遇斯光者得普見諸佛生大歡喜知七日後佛當出現滿七日已一切世 如來離翳智慧燈若有衆生遇斯光者則得普眼見一切如來神變一 切須彌 一千年後佛當出現次七日前放大光明名一切衆生歡喜音若有衆生 一切語言皆出音聲讚說 切如來諸本事海知三千年後佛當出現二千年前放大光明名 切諸山一切大海一 切諸佛如來神力境界又出一 切地一切城一切垣牆一 切宮殿一 切香雲。 切輪圍一 切音 切

量 離惡道苦令無量衆生得生天中令無量衆生住於聲聞辟支佛地令無 大寶蓮華王有十佛刹微塵數蓮華周市圍繞諸蓮華内悉有摩尼寶藏 衆生成就法光明菩提之行令無量衆生成就淸淨根菩提之行令無量 羅三藐 如來於此成阿耨多羅三藐三菩提時卽於十方一 師子之座一一座上皆有菩薩結加趺坐善男子彼普智實燄妙德幢王 顯示如來出現世間不思議相善男子此普照三世一切如來莊嚴境界 **雲一切音樂雲一切如來願聲雲一切如來言音海雲一切如來相好雲** 切摩尼衣雲一切瓔珞雲一切妙華雲一切如來光明雲一切如來圓光 切燒香雲一 生成就出離菩提之行令無量衆生成就勇猛幢菩提之行令無量 二菩提隨衆生心悉現其前為轉法輪於一一世界令無量衆生 一切末香雲一切香摩尼形像雲一切寶燄雲一 切世界中成阿耨多 切燄藏雲。

化現妙身端正殊特往詣彼城放大光明普照一切令彼聖王及諸妙寶 賢菩薩知寶華燈王城中衆生自恃色貌及諸境界而生憍慢陵蔑他人 日月星宿衆生身等一切光明悉皆不現譬如日出衆景奪曜亦如聚墨 神力轉法輪時於彼一一諸世界中隨其所應念念調伏無量衆生時普 住普賢淸淨行願善男子彼普智實燄妙德幢如來現如是不思議自在 住菩薩二地乃至十地令無量衆生入於菩薩殊勝行願令無量衆生安 **令無量衆生安住淸淨波羅蜜道令無量衆生住菩薩初地令無量衆生** 衆生成就偏至一切處不可壞神通力菩提之行令無量衆生入普門方 衆生成就平等力菩提之行令無量衆生成就入法城菩提之行令無量 便道菩提之行令無量衆生安住三昧門菩提之行令無量衆生成就緣 切清淨境界菩提之行令無量衆生發菩提心令無量衆生住菩薩道

M

城内無量人民前後圍繞以王神力俱升虛空高一 善知識善男子時轉輪王與其寶女千子眷屬大臣輔佐四種兵衆及其 天下普使一 聞身上諸莊嚴具所出妙音心生歡喜作如是念願我所有一切善根得 音幢菩提樹下時聖王女蓮華妙眼見普賢菩薩所現色身光明自在及 殿上虛空中住而告之言大王當知今汝國中有佛輿世在普光明法 所有光色皆不顯現種種思惟無能解了爾時普賢菩薩在彼輪王寶宮 對閻浮金時諸衆生咸作是言此爲是誰爲天爲梵今放此光令我等身 死長夜黑闇之中放大光明開示如來出輿於世願令於我亦得如是爲 如是身如是莊嚴如是相好如是威儀如是自在今此大聖能於衆 生作智光明破彼所有無知黑闇願我所在受生之處常得不離 切咸得瞻仰欲令衆生俱往見佛以偈讚曰。 由旬放大光明照 生 四 此 生

今當共汝等 瞻仰如來身 頭目手足等 汝等咸應發 無量億千劫 無數億千劫 佛觀諸世間 無量無數劫 如來出世間 毛孔中 廣大精進心 放光不思議 放演無量光 往觀調御尊 修習菩提行 導師難可遇 顚倒常疑惑 乃有佛興世 普救諸羣生 切悉能捨 詣彼如來所 普照諸羣生 種種微妙色 坐於如來座 是聞若承事 爲求菩提故 爲欲度衆生 演說深妙法 輪迴生死苦 汝等應速起 除滅一 饒益一 恭敬而供養 成令大歡喜 降魔成正覺 斯由大悲力 往詣導師所 如是無量劫 而起大悲心 切無空過 切闇 切衆

爾時轉輪聖王說偈讚佛開悟一切衆生已從輪王善根出十千種大供

大

差別住亦見有一切諸世間主亦見如來自在神力又見一切諸劫次第 寶蓋 切寶 有不可說佛刹微塵數菩薩前後圍繞皆從普賢行願出生住諸菩薩 提樹枝葉榮茂普覆法界念念示現無量莊嚴毗盧遮那如來坐此樹下。 樓閣內外淸淨諸瓔珞雲及諸寶樹香海摩尼以爲莊嚴於此蓋中有菩 普智燄妙德眼卽解身上諸莊嚴具持以散佛時莊嚴具於虛空中變成 華雲一切諸莊嚴具雲於虛空中周徧嚴飾到已頂禮普智寶燄妙德幢 王如來足繞無量百千市卽於佛前坐普照十方寶蓮華座時轉輪王女 養雲往詣道場向如來所所謂一切實蓋雲一 界成壞又亦見彼一 寶網垂下龍王執持一 鈴網雲一切香海雲一切寶座雲一切寶幢雲一切宮殿雲一切妙 切世界一切諸佛出與次第又亦見彼一 切宮殿於中間列十種寶蓋周市圍繞形如 切華帳雲一切寶衣雲一 切世界

普賢身中亦見自身在其身內亦見其身在一 是已其心清淨生大歡喜普智寶燄妙德幢王如來爲說修多羅名一 切菩薩前。 成就十千三昧門其心柔輕無有蟲彊如初受胎如始誕生如娑羅樹初 如來轉法輪十佛刹微塵數修多羅而爲眷屬時彼女人聞此經已則得 如來轉法輪種種如來妙音聲種種如來言說海種種如來契經雲旣見 如來師子座種種如來大衆海種種如來衆差列種種如來巧方便種種 法界種種入法界種種住虛空種種如來菩提場種種如來神通力種種 種種莊嚴雲而覆其上種種劫名種種佛與種種三世種種方處種種住 種種際畔種種任持種種形狀種種體性種種安布種種莊嚴種種清淨 皆有普賢菩薩供養於佛調伏衆生又亦見彼一切菩薩莫不皆在 一切衆生前又亦見彼一切世界一 一各有佛刹微塵數世界 切如來前一切普賢前 切

蓋

最

扭

卷七十

七

(二) (九三)

切色海 自 便海心捨離一 常願生一切衆生樂三昧敎化一切衆生不生疲厭三昧一 不動心歡喜心安慰心廣大心順善知識心緣甚深一切智 礙 生令出生死苦三昧常願破一切衆生誾三昧常願滅一 始生芽彼三昧心亦復如是所謂現見一切佛三昧普照一 一切三世門三昧說一切佛法輪三昧知一切佛願海三昧開悟一 幢 性 心積集福德助道心現見諸佛十力心普照菩薩境界心增長菩薩助 切衆 三味普詣 心安住一切法門海心觀察一切法門海心了知一切衆生海心救 心無惱害 生海 切執著心不住一切世間境界心入如來境界心普照一 心普照一切世界海心普生一 切清淨佛刹三昧得如是等十千三昧已復得妙定心 心無高倨心無疲倦心無退轉 切佛願海心悉破一 心無懈怠、 切衆生苦三昧 心思惟 切刹三昧。 心住廣大方 切菩薩無障 切 切衆

華 厳 経 巻七十

旣修補已而復彩畫旣彩畫已復寶莊嚴發阿耨多羅三藐三菩提心善 善男子復於此前過十大劫有世界名日輪光摩尼佛號因陀羅幢妙相 道 男子我念過去由普賢菩薩善知識故種此善根從是已來不墮惡趣常 此妙眼女於彼如來遺法之中普賢菩薩勸其修補蓮華座上故壞佛像 所修妙行所得大果令其開悟成就如來所有願海一心趣向一切智位 成就普賢所有大願時彼如來復爲其女開示演說發心已來所集善根 菩薩行願得親近一切如來願得承事一切善友願得供養一切諸佛願 於念念中修菩薩行增一切智無有間斷發如是等十佛刹微塵數願海 法界海願於一切佛刹盡未來際劫修菩薩行願盡未來際劫不捨 願海願嚴淨一 心偏緣一門 切方海心一心思惟普賢大願發一 切佛國願調伏一切衆生願徧知一切法界願普入一 切如來十佛刹微塵數 切 切

(二) 0九五

佛亦見彼佛道場衆會淸淨國土我皆尊重恭敬供養聽聞說法依敎修。 次復引導令我得見妙德幢佛解身瓔珞散佛供養見佛神力聞佛說法 是時王妃圓滿面者寂靜晉海夜神是今所住處去此不遠時妙德眼童 得親近普賢菩薩乃至於今示導開悟成熟於我令生歡喜善男子於意 於一切天王人王種族中生端正可喜衆相圓滿令人樂見常見於佛常 行善男子過彼毗盧遮那大威德世界圓滿淸淨劫已次有世界名寶輪 即得菩薩普現一切世間調伏衆生解脫門於念念中見須彌山微塵數 無上菩提因緣令我發於阿耨多羅三藐三菩提心我於彼時初始發心 女者即我身是我於彼時身爲童女普賢菩薩勸我修補蓮華座像以爲 妙莊嚴劫名大光有五百佛於中出現我皆承事恭敬供養其最初佛名 云何爾時毗盧遮那藏妙寶蓮華髻轉輪聖王者豈異人乎今彌勒菩薩

華 一般 经一卷七十

二〇九七)

法受持次有佛出名寶燄山燈我爲海神雨寶蓮華雲恭敬供養其佛爲 佛爲我說修多羅名增長歡喜海百萬億修多羅而爲眷屬我皆聽聞如 持次有佛出名海嶽法光明我爲龍王女雨如意摩尼寶雲而爲供養其 說修多羅名普照三世藏閻浮提微塵數修多羅而爲眷屬我皆聽聞如 多羅 我說修多羅名分別一 法受持次有佛出名一 屬我皆受持次有佛出名火燄山妙莊嚴我於彼時爲長者女其佛爲我 其佛爲我說修多羅名普照一切衆生根須彌山微塵數修多羅而爲眷 轉輪王恭敬供養其佛爲我說修多羅名一切佛出現十佛刹微塵數修 大悲幢初出家時我爲夜神恭敬供養次有佛出名金剛那羅延幢我爲 以爲眷屬次有佛出名金剛無礙德我於彼時爲轉輪王恭敬供養 切法界五百修多羅而爲眷屬我皆聽聞如法受 切法海高勝王我為阿脩羅王恭敬供養其佛為

法界大光明徧觸我身我蒙光已卽得解脫門名法界方便不退藏善男 養承佛神力踊在空中以千偈頌讚歎於佛佛爲於我放眉間光名莊嚴 子此世界中有如是等佛刹微塵數劫一 最後佛名充滿虛空法界妙德燈我爲妓女名曰美顏見佛入城歌舞供 來智藏無量修多羅而爲眷屬我皆聽聞受持不忘善男子如是次第其 德藏我於彼時爲主地神名出生平等義與無量地神俱兩一切寶樹 **六萬諸仙前後圍繞雨香華雲而爲供養其佛爲我說修多羅名無著法** 聞 切摩尼藏一切寶瓔珞雲而爲供養其佛爲我說修多羅名出生一切如 燈六萬修多羅而爲眷屬我皆聽聞如法受持次有佛出名毗盧遮那功 我說修多羅名法界方便海光明佛刹微塵數修多羅而爲眷屬我皆聽 如法受持次有佛出名功德海光明輪我於彼時爲五通仙現大神通 切如來於中出現我皆承事恭

初佛名智燄

次佛名法幢

第三法須彌

第

四德師

如來所稱揚讚歎一切佛法爲無量衆生廣作利益於彼一 敬供養彼諸如來所說正法我皆憶念乃至不忘一文一句於彼一 諸如來所·

滿何以故以得一切智光明故爾時普救衆生夜神欲重明此解脫義承 故於念念中見無量佛旣見佛已先所未得先所未見普賢諸行悉得成 得 切智光明現三世法界海入一 切普賢行善男子我依一 切智光明

佛神力爲善財童子而說頌言

是時有世界 我念過去世 善財職我說 如我初發心 過刹微塵劫 名爲徧照燈 專求佛功德 甚深難見法 次前有一劫 普照於三世 須彌塵數佛 所入諸解脫 於中出興世 名圓滿清淨 汝今應諦聽 切差別門

四

第三法光明 從此後次第 第九勇猛佛 第一 第五天慧佛 此十出現時 從此後次第 七名法燄佛 第九名勝日 第五寂靜王 三名住諸方 光幢佛 復有十佛出 第十蓮華佛 第 第四蓮華藏 第二智慧佛 第六慧王佛 八名山勝佛 復有十佛出 第十名月面 第六滅諸見 四名正念海 一悟法門 第一 於此十佛所 從此後次第 第五衆生眼 第七勝智佛 第三心義佛 九名大悲華 初名虛空處 於此十佛所 第七高名稱 五名高勝光 寶燄山 第六香光寶 第二功德海 第三悟法門 復有十佛出 第八光王佛 第四德主佛 第二名普光 最初悟法門 十名法界華 六名須彌雲 第八大功德

五五

2101

第七須彌德 第七微妙德 第二法界身 從此後次第 第七法慧音 第三高顯光 第二虛空雲 從此後次第 從此後次第 從此後次第 七須彌功德 第八須彌幢 復有十佛出 第八編照光 第四光明輪 復有十佛出 復有十佛出 第八功德輪 第四殊勝相 復有十佛出 第四金剛照 乾闥婆王 第 第五智慧幢 第一 第九勝光明 第 第九無勝幢 第九摩尼藏 第九勝福光 第五地威力 第五圓滿 初佛廣大智 一梵光明 一娑羅藏 一力光慧 戒 第一 第十大樹山 第十寂靜色 第十大悲雲 第六虚空燈 第二虚空音 第十妙寶光 第六甚深法 第六那羅延 次佛寶光明 第二世主身 一普現前

從此後次第 七名世間燈 從此後次第 第七光明幢 第三須彌德 第七速疾風 七名隨樂身 從此後次第 第三高顯光 二名勝妙雲 二名意海慧 復有十佛出 復有十佛出 第八廣大智 第八勇猛 第 八名住勝德 四名衆妙音 四名忍智燈 第四念幢王 復有十佛出 八名深大願 四光明身 幢 第九本性佛 第五功徳慧 第九法界智 第九妙寶蓋 第五法起佛 五名自在施 初佛法自在 九名無勝幢 五名寂靜音 初名布施法 第一願海光 第十賢德佛 六名普現前 六名寂靜幢 次名功德輪 第六智慧燈 第二金剛身 第十照三世 第六寶相佛 十名智燄海 第十法海智 二佛無礙慧

基 嚴 極 卷七十

須彌塵數劫 此中所有佛 普作世間燈 我悉曾供養

佛刹微塵劫 所有佛出現 我皆曾供養 入此解脫門

我於無量劫 修行得此道 汝若能修行 不久亦當得

善男子我唯知此菩薩普現一切世間調伏衆生解脫如諸菩薩摩訶薩 集無邊行生種種解現種種身具種種根滿種種願入種種二昧起種種

彼功德行善男子去此不遠有主夜神名寂靜音海坐摩尼光幢莊嚴蓮 神變能種種觀察法入種種智慧門得種種法光明而我云何能知能說

華座百萬阿僧祇主夜神前後圍繞汝詣彼問菩薩云何學菩薩行修菩

薩道時善財童子頂禮其足繞無數市殷勤瞻仰辭退而去

大方廣佛華嚴經卷第七十

福城東際童子南詢百城烟水渺無垠知識異常倫五十三人一 二七 曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

天

吞○◎ 臧室 增室 宗東 租束 遭室 災室 資室 津室 簽瑟 浸室 簪瑟 陬室 左室 唱室 字時普願法界衆生入般

若波羅蜜門

侘◎募僜蹱攄超搋絺獬脠琛覘抽侘唱侘字時普願法界衆生入般若

波羅蜜門

陀) 唐滕彤圖韜駘醍田驒〇曇骰陀唱陀字時普顧法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海

南無華嚴海會佛菩薩 三

稱

音釋

貪兩 藉 也 借音 曜 九舌 不七 也音 也謝 患不 照耀 耕 十惡 也日 種音 光 也庚 不口 癡八 耕 殭 不也音 耘 衆景彫 力强 間音 也堅 稗云 倨 草除 倨居 也苗 傲句 稻 也二 稌音 音 也道 姝 善四一 妙音 也櫃 美 不不 榦 妄殺 語二 五不 榦去 不盗 也聲

薎

語不 也音

六邪 陵滅

不婬 落無

綺三

校異同 流第 通四 本行 作藏 令本 得今 得 第二十五頁第 藏五 惟行 藏宋 本元 作本 婆流 羅通 藏本

娑

九

コニの田

唐于闐國三藏沙門實叉難陀譯

入法界品第三十九之十二

生解脫門了知信解自在安住而往寂靜音海夜神所頂禮其足繞無數 爾時善財童子於普救衆生妙德夜神所聞菩薩普現一切世間調伏衆

而於前合掌而作是言聖者我已先發阿耨多羅三藐三菩提心我欲依

善知識學菩薩行入菩薩行修菩薩行住菩薩行唯願慈哀爲我宣說菩 薩云何學菩薩行云何修菩薩道時彼夜神告善財言善哉善哉善男子 汝能依善知識求菩薩行善男子我得菩薩念念出生廣大喜莊嚴解脫

門善財言大聖此解脫門爲何事業行何境界起何方便作何觀察夜神 言善男子我發起清淨平等樂欲心我發起離一切世間塵垢清淨堅固

起見一 我爲說法令其了達諸法自性離諸執著若見衆生戀著父母兄弟姊妹 心已復爲說法令其漸至一切智地所謂若見衆生樂著所住宮殿屋宅 生出生死苦處心我發起令一切衆生捨離生老病死等苦心我發起令 惡緣愚癡等苦心我發起與一 發起令一切衆生捨離愛別離苦冤憎會苦心我發起令一 捨離愁憂苦惱心我發起令一切衆生捨離不可意色聲香味觸法心我 智光明海心我發起令一切衆生超過憂惱曠野心我發起令一切衆生 莊嚴不可壞樂欲心我發起攀緣不退轉位永不退轉心我發起莊嚴功 德寶山不動心我發起無住處心我發起普現一切衆生前救護心我發 切衆 生成就如來無上法樂心我發起令一切衆生皆受喜樂心發是 切佛海無厭足心我發起求一切菩薩淸淨願力心我發起住大 切險難衆生作依怙心我發起令一切衆 切衆生捨離

起利益一

劣我爲說法令其圓滿佛菩提願若見衆生住自利行我爲說法令其發

蜜若見衆生愚癡闇心我爲說法令得菩薩智波羅蜜若見衆生色相不

切諸衆生願若見衆生志力微弱我爲說法令得菩薩力波羅

令其捨離生死愛染起大悲心於一切衆生平等無二若見衆生住於**王** 我爲說法令其得預諸佛菩薩淸淨衆會若見衆生戀著妻子我爲說法

般若波羅蜜若見衆生染著三界我爲說法令出生死若見衆生志意下 衆生其心散亂我爲說法令得如來禪波羅蜜若見衆生入見稠林無明 **闇障我為說法令得出離稠林黑闇若見衆生無智慧者我為說法令得** 來忍波羅蜜若見衆生其心懈怠我爲說法令得淸淨精進波羅蜜若見 界我爲說法令其得入如來境界若見衆生多瞋恚者我爲說法令住如 宮采女侍奉我爲說法令其得與衆聖集會入如來教若見衆生染著境

四

離生死愛染若見衆生瞋行多者我爲彼說大慈觀門令其得入勤加修 習若見衆生癡行多者我爲說法令得明智觀諸法海若見衆生等分行 道住如來地若見衆生居住城郭我爲說法令其得住法王城中若見衆 法令得智慧見一切法若見衆生貪行多者我爲彼說不淨觀門令其捨 生住於四隅我爲說法令得三世平等智慧若見衆生住於諸方我爲說 中我爲說法令出三界若見衆生住止人間我爲說法令其超越二乘之 緣若見衆生行於道路我爲說法令其趣向一切智道若見衆生在聚落 法令得菩薩功德寶藏若見衆生住止園林我爲說法令彼勤求佛法因 生情多憂惱我爲說法令得如來畢竟安樂若見衆生貧窮所苦我爲說 上清淨法身若見衆生色相麤惡我爲說法令得如來微妙色身若見衆 具我爲說法令得如來淸淨色身若見衆生形容醜陋我爲說法令得無 華 嚴 經 卷七十一

身入種種如來門詣種種國土海見種種諸佛海得種種辯才海照種種 廣大歡喜法光明海其心怡暢安隱適悅復次善男子我常觀察一切菩 方便入一切智門入種種三昧現種種神變出種種音聲海具種種莊嚴 薩道場衆會修種種願行現種種淨身有種種常光放種種光明以種種 劣我爲顯示勝莊嚴道若見衆生心生憍慢我爲其說平等法忍若見衆 離若見衆生厭生死苦應爲如來所化度者我爲說法令能方便示現受 解脫境得種種智光海入種種三昧海遊戲種種諸解脫門以種種門趣 種種方便教化調伏令離惡道受人天樂脫三界縛住一切智我時便得 生其心諂曲我爲其說菩薩直心善男子我以此等無量法施攝諸衆生 生若見衆生愛著五蘊我爲說法令其得住無依境界若見衆生其心下。 **耆我爲說法令其得入諸乘願海若見衆生樂生死樂我爲說法令其厭**

邊生大歡喜善男子我觀毗盧遮那如來念念出現不可思議淸淨色身 種智慧海坐種種莊嚴座善男子我觀察此道場衆會知佛神力無量無 與種種菩薩倶雨種種莊嚴雲入如來種種方便觀如來種種法海入種 會集種種世界人種種佛剎詣種種方海受種種如來命從種種如來所 諸衆生苦旣見是已生大歡喜又善男子我觀如來頂及兩肩念念出現 光明以無量佛剤微塵數光明而爲眷屬一一周編一切法界消滅一切 生大歡喜又見如來一一毛孔念念出現無量佛刹微塵數光明海一 既見是已生大歡喜又觀如來於念念中放大光明充滿法界旣見是已 切佛刹微塵數寶燄山雲充滿十方一切法界旣見是已生大歡喜又 切智種種莊嚴虛空法界以種種莊嚴雲偏覆虛空觀察種種道場衆

善男子我觀如來一

一毛孔於念念中出一切佛刹微塵數香光明雲充

大歡喜生大信樂量與法界薩婆若等昔所未得而今始得昔所未證而 身而得度者卽現其前而爲說法既見是已生大歡喜如天王身雲其龍 **今始證昔所未入而今始入昔所未滿而今始滿昔所未見而今始見昔 刹微塵數天王身雲及以天王自在神變充偏一切十方法界應以天王** 王身雲莫不皆於一一毛孔如是出現如是說法我見是已於念念中生 王夜叉王乾闥婆王阿脩羅王迦樓羅王緊那羅王摩睺羅伽王人王梵 數佛變化雲示現如來從初發心修波羅蜜具莊嚴道入菩薩地旣見是 已生大歡喜又善男子我觀如來一一毛孔念念出現不可說不可說佛 生大歡喜又善男子我觀如來一一毛孔於念念中出不可說佛刹微塵 出一切佛刹微塵數諸相莊嚴如來身雲徧往十方一切世界旣見是已 滿十方一切佛刹旣見是已生大歡喜又善男子我觀如來一一相念念

無 無盡等 喜莊 此 切 如 解 無 所 大地。 一善門於一事中普見一 解 未聞 壞。 脫 落 嚴解 脫 被。 甚 願 者猶 發 世道 爲 薆 光所生故此解脫者猶如變化化生菩薩諸勝行故此解脫者 此解脫者終 深寂靜智慧所 而 一个始聞 智眼 脫 切衆 如 切智性心故此解脫無際入無際畔 光明海又善男子 故能 之所知故此解脫無底盡於法界之源底故此解 大火乾竭衆生貪愛水故此解脫者猶如大風令諸衆 生 說一切無 何以故以能了知法 所依處故此解 無有生以能了知如幻法故此解脫者 知境故此解脫廣大周徧 切諸 邊法故善男子我入此菩薩念念 此解脫無邊普入 神變故此解脫者終不可取一 脫 界相 者 猶 如 故。 大水能以大 知 切法唯 切衆生 切 切法界門故 如來境故此解 「猶如影像 悲潤 心 出生廣· 相故能 想 切法身等 脱者 中故。 此 切 解 猶 即 脫 此

速疾趣於 切智故此解脫者猶如大海種種功德莊嚴一 切諸衆生故。

開 普爲 如 此 爲 **猶如滿月滿足廣大福德海故此解脫者猶如眞如悉能周徧一切處故** 所莊嚴故此解脫者猶如虛空普容三世佛神力故此解脫者猶 此 三世如來諸神力故此解脫者如喜幢摩尼寶能平等出一 如意 放善男子我今爲 說法故此解脫者猶如影像隨衆生心而照現故此解脫者如大樹 解 解 敷 衆 脫者如須彌山出 脱者猶如自影從自善業所化出故此解脫者猶如呼響隨其所應 珠。 切神通華故此解脫者猶如金剛從本已來不可壞故此解脫 生 雨法雨故此解脫者猶如淨日能破衆生無知闇故此解脫者 出生無量自在力故此解脫者 汝 說此譬喻汝應思惟隨順悟入爾時善財童子白 一切智法寶海故此解脫者如大城 如離垢藏摩尼寶 切諸佛 至示現 郭。 一切妙法 如大 法 雲。 切

一五

佛國 修淨 解脫清淨增長積集堅固安住圓滿善財童子言聖者汝發阿耨多羅二 滅 藐三菩提心其已久如夜神言善男子此華藏莊嚴世界海東過十世界 切諸法無有障礙善男子若諸菩薩安住如是十大法藏則能獲得如是 海盡未來劫修菩薩行九修諸力廣大法藏念念現於一切法界海一切 大法藏能徧成熟諸衆生海八修諸願廣大法藏徧一切佛刹一切衆生 切法性四修精進廣大法藏趣一切智恆不退轉五修禪定廣大法藏能 大法藏得此解脱何等爲十一修布施廣大法藏隨衆生心悉令滿足一 寂靜音海夜神言大聖云何修行得此解脫夜神言善男子菩薩修行十 切衆生熱惱六修般若廣大法藏能偏了知一切法海七修方便廣 :戒廣大法藏普入一切佛功德海三修堪忍廣大法藏能徧思惟 : 土成等正覺常不休息十修淨智廣大法藏得如來智偏知三世

主夜神名殊妙福智光見彼如來轉正法輪現大神通即得三昧名普照 道場中次有如來出與於世名法樹威德山我時命終還生此中爲道場 發阿耨多羅三藐三菩提心卽於此時獲得三昧名普照如來功德海此 明有佛名不退轉法界音於此成阿耨多羅三藐三菩提我於爾時作菩 界中乃往古世有劫名普光幢國名普滿妙藏道場名一切寶藏妙月光 寶雲以爲其際住於一切寶瓔珞海妙宮殿雲而覆其上淨穢相雜此世 音中有世界名清淨光金莊嚴一切香金剛摩尼王爲體形如樓閣衆妙。 海有世界海名一切淨光寶此世界海中有世界種名一切如來願光明 夜神因得見佛承事供養卽獲三昧名生長一切善法地次有如來出與 提樹神名具足福德燈光明幢守護道場我見彼佛成等正覺示現神力 一切離貪境界次有如來出與於世名一 切法海音聲王我於彼時身爲

挺

卷七十一

ニーせ

養卽獲三昧名普照三世衆生諸根行善男子淸淨光金莊嚴世界普光 次有如來出興於世名智力山王我於彼時身爲夜神因得見佛承事供 時 與於世名法勇妙德幢我於彼時身爲夜神因得見佛承事供養即獲三 得見佛承事供養卽獲三昧名滅一切衆生苦淸淨光明燈次有如來 世名法雲音聲王我於彼時身爲夜神因得見佛承事供養即獲三昧名 爲夜神因得見佛承事供養卽獲三昧名普照諸佛海次有如來出與於 昧名三世 昧名普現神通光明雲次有如來出興於世名功德須彌光我於彼時身 於世名寶光明燈幢王我於彼時身爲夜神因得見佛承事供養卽獲三 身爲夜神因得見佛承事供養卽獲三昧名一切世間無障礙智慧輪 切法海燈次有如來出與於世名智燈照耀王我於彼時身爲夜神因 如來光明藏次有如來出與於世名師子勇猛法智燈我於彼

養得三昧名演一切衆生言音海次値毗盧遮那如來於此道場成正等 覺念念示現大神通力我時得見卽獲此念念出生廣大喜莊嚴解脫得 此解脫已能入十不可說不可說佛刹微塵數法界安立海見彼一 牟尼如來承事供養得三昧名普現一切諸刹海次值迦葉如來承事供 養於彼一切如來亦聞其佛所說諸法從此命終還卽於此世界中生經 爲龍王或爲夜叉王或爲乾闥婆王或爲阿脩羅王或爲迦樓羅王或爲 值迦羅鳩孫駃如來承事供養得三昧名離一切塵垢光明次值拘那含 爲男子身或爲女人身或爲童男身或爲童女身悉以種種諸供養具供 緊那羅王或爲摩睺羅伽王或爲人王或爲梵王或爲天身或爲人身或 二佛刹微塵數劫修菩薩行然後命終生此華藏莊嚴世界海娑婆世界 明幢劫中有如是等佛剎微塵數如來出興於世我於彼時或爲天王或 切法

多羅雲一一修多羅雲中悟解一切法海一一法海中悟解一切法品一 等智普達諸佛無差別法如是悟解一切法門一一法門中悟解一切修 法藏以自在智普遊一切甚深法海以周徧智普知三世諸廣大義以平 法輪我得速疾陀羅尼力受持思惟一切文義以明了智普入一切清淨 數佛國土一一佛土皆有毗盧遮那如來坐於道場於念念中成正等覺 力於一切法界海一切世界海一切世界種一切世界中隨衆生心轉正 所又亦聞其所說妙法又亦見彼一切諸佛一一毛孔出變化海現神通 現諸神變所現神變一一皆偏一切法界海亦見自身在彼一切諸如來 法品中悟解一 切佛刹所有微塵一一塵中有十不可說不可說佛刹微塵 一大喜海出生一切地一一地出生一切三昧海一 切法雲一一法雲中悟解一切法流一一 法流中出生

昧海· 盡見佛海劫海同住知無量如來昔爲菩薩時以無量身徧生刹 觀菩薩地知無量如來昔爲菩薩時常見諸佛知無量如來昔爲菩薩時 無量 波羅蜜海知無量如來智波羅蜜海知無量如來往昔超菩薩地知無量 海。 量 來難捨能施海知無量如來淸淨戒輪海知無量如來淸淨堪忍海知無 如 **偏入十方知無量如來往昔諸行海知無量如來所有本事海知無量如** 如 |如來廣大精進海知無量如來甚深禪定海知無量如來般若波羅| 來往昔住菩薩地無量劫海現神通力知無量如來往昔入菩薩地知 知無量如來方便波羅蜜海知無量如來願波羅蜜海知無量如來力 來昔爲菩薩時周徧法界修廣大行知無量如來昔爲菩薩 如來往昔修菩薩地知無量如來往昔治菩薩地知無量如來往昔 切見佛海一 一見佛海得· 切智光海一 智光海普照 時 海。 知無 示現 三世

大

此劫中未來所有一切諸佛我皆如是親近供養如於此世界賢劫之中 見善男子汝問我言汝發心來其已久如善男子我於往昔過二佛刹微 知 切 親近供養善男子彼淸淨光金莊嚴世界今猶現在諸佛出現相續不斷 供養未來一 行然後乃生此娑婆世界賢劫之中從迦羅鳩孫駃佛至釋迦牟尼佛及 音如來說法發阿耨多羅三藐三菩提心於二佛刹微塵數劫中修菩薩 塵數劫如上所說於清淨光金莊嚴世界中爲菩提樹神聞不退轉法界 地知無量如來轉正法輪知無量如來示現相海知無量如來示現身海 種種諸方便門調伏成熟一 無量如來廣大力海彼諸如來從初發心乃至法滅我於念念悉得知 · 刹海知無量如來現大神力普現一切諸衆生前知無量如來廣大智 切諸佛一切世界一切劫中所有未來一切諸佛悉亦如是 切衆生知無量如來放大光明普照十方

汝當 心修此菩薩大勇猛門爾時寂靜音海主夜神欲重宣此解脫義

爲善財童子而說頌言

煩惱恆熾然 老病貧窮人 常尊重父母 水火及王賊 我昔曾見佛 我於三世佛 善財聽我說 我昔於劫海 切諸惡趣 業障所纏覆 海中諸恐怖 諸根不具足 恭敬而供養 爲衆生供養 皆生信樂心 生大信樂心 無量楚毒苦 清淨解脫門 墮於諸險道 我昔修諸行 得聞清淨法 清淨如虛空 聞已生歡喜 幷及其衆會 生老病死等 如是無休懈 切皆愍濟 常觀 我當悉除滅 我救彼衆生 爲教彼衆生 令其得安隱 入此解脫門 其心大歡喜 悉願常親近 勤修令究竟 切智

善男子我唯知此念念出生廣大喜莊嚴解脫如諸菩薩摩訶薩深入一 德行善男子此菩提場如來會中有主夜神名守護一切城增長威力汝 切法界海悉知一切諸劫數普見一切刹成壞而我云何能知能說彼功 願盡未來劫 普爲諸羣生 滅除生死苦 得佛究竟樂

海主夜神身而說頌言

詣彼問菩薩云何學菩薩行修菩薩道爾時善財童子一心觀察寂靜音

遠離於五蘊 非是著色相 世間天及人 我因善友教 不取內外法 無量 亦不住於處 計有於諸法 來詣天神所 無動無所礙 一劫觀察 劣智淺識 見神處寶座 清淨智慧眼 永斷世間疑 亦不能測度 人 色相無邊故 能知尊境界 身量無有邊 見佛神通力 顯現自在力

於無量深心無量法性 師子之座無數夜神所共圍繞現一切衆生色相身現普對一切衆生身 大證入安住行詣守護一 財童子隨順寂靜音海夜神敎思惟觀察所說法門一一文句皆無忘失 現不染一 時善財童子說此偈已頂禮其足繞無量而殷勤瞻仰辭退而去爾時善 爲三世衆生 身爲正法藏 無邊諸刹海 知世悉如夢 心集無邊業 切世間身現 佛海衆生海 念念示現身 莊嚴諸世間 心是無礙智 切佛如影 切城夜神所見彼夜神坐一切寶光明摩尼王 切衆生身數身現超過一 切方便神通智慧憶念思擇相續不斷其心廣 悉在一塵中 諸法皆如響 了世皆是心 既得智光照 而心無所住 切世間身現成熟 此尊解脫力 現身等衆生 復照諸羣生 令衆無所著 十方編說法

二二五

ō

深自在 大慈悲力令一 生故。 法門海故汝欲以平等心偏一切故汝欲普受一切佛法輪故汝欲普隨 王位。 行時云何饒益衆生云何以無上攝而攝衆生云何順諸佛教云何近法 現究竟調伏衆生身善財見已歡喜踊躍頂禮其足繞無量而於前合掌 切衆生身現速往 而作是言聖者我已先發阿耨多羅三藐三菩提心而未知菩薩修菩薩 切衆生心之所樂雨法雨故問諸菩薩所修行門善男子我得菩薩甚 故汝欲守護一 一唯願慈哀爲我宣說時彼夜神告善財言善男子汝爲救護一 汝爲嚴淨一 妙音解脫爲大法師無所罣礙善能開示諸佛法藏故具大誓願 切衆生住菩提心故能作一 切佛種性故汝欲普入十方修諸行故汝欲普入一 切佛刹故汝爲供養一切如來故汝欲住一切劫救衆 切十方身現徧攝一切十方身現究竟如來體性身 切利衆生事積集善根無有 切衆 切

ニニさ

諸如來故我知法界無畔普於一切法界海中示現修行菩薩行故我 法求一 觀察法界何者爲十所謂我知法界無量獲得廣大智光明故我知法 地善男子我以如是淨法光明饒益一 善法故於諸境界其心淸淨除滅一切諸不善業故誓願利益一 身恆普現一切國土故示現一切本事因緣令諸衆生安住善行故恆事 清淨法日普照世間令生善根故於一切世間其心平等普令衆生增長 休息故為 切諸善知識爲令衆生安住佛教故佛子我以此等法施衆生令生白 切智其心堅固猶如金剛那羅延藏善能觀察佛力魔力常得親 知識摧破一 切佛所知見故我知法界無限普入一切諸佛國土恭敬供養 切衆生調御之師令一 切業惑障山集一 一切衆生住薩婆若道故爲一 切衆生集善根助道法時作十種 切智助道之法心恆不捨一 切衆生 切世間 切智

陀羅尼輪普持一切法陀羅尼輪普說一切法陀羅尼輪普念十方一 善根辦助道法了知諸佛廣大威德深入如來難思境界又善男子我如 賢妙行悉周徧故我知法界一莊嚴普賢妙行善莊嚴故我知法界不可 普入一切諸乘海陀羅尼輪普入一切衆生業海陀羅尼輪疾轉一切業 是正念思惟得如來十種大威德陀羅尼輪何者爲十所謂普入一切法 陀羅尼輪疾生一 佛陀羅尼輪普說一 了故我知法界性淨了如來願普度一切諸衆生故我知法界徧衆生普 法界無斷入於如來不斷智故我知法界一性如來一音一 一切智善根充滿法界不可壞故善男子我作此十種觀察法界集諸 而爲眷屬恆爲衆生演說妙法善男子我或爲衆生說聞慧法或爲衆 切智陀羅尼輪善男子此十陀羅尼輪以十千陀羅 切佛名號陀羅尼輪普入三世諸佛願海陀羅尼輪 切衆生無不 切

解脫門念念充滿 住普賢行善男子我成就此甚深自在妙晉解脫於念念中增長一切諸 生說善男子我入如來無差別法界門海說無上法普攝衆生盡未來劫 集會法或爲說一薩婆若心海法或爲說一切薩婆若心海法或爲說一 法或爲說一切如來修多羅法或爲說一如來集會法或爲說一切如來 乘出離法或爲說一切乘出離法善男子我以如是等不可說法門爲衆 法或爲說一如來衆會道場海法或爲說一切如來衆會道場海法或爲 有法或爲說一如來名海法或爲說一切如來名海法或爲說一世界海 法或爲說一 生說思慧法或爲衆生說修慧法或爲衆生說一有法或爲衆生說一切 一如來法輪海法或爲說一切如來法輪海法或爲說一如來修多羅 切世界海法或為說一佛授記海法或為說一切佛授記海 一切法界時善財童子白夜神言奇哉天神此解脫門

明面於其佛所受持一切法海旋修多羅佛涅槃後其王出家護持正法 寶華光去此不遠有菩提場名普顯現法王宮殿須彌山微塵數如來於 摩尼以爲間錯有須彌山微塵數四天下一一四天下有百千億那由他 諍樂著境界不求功德樂說王論賊論女論國論海論及以一切世間之 法欲滅時有千部異衆千種說法近於末劫業惑障重諸惡比丘多有鬭 中出現其最初佛名法海雷音光明王彼佛出時有轉輪王名清淨日光 不可說不可說城善男子彼世界中有四天下名爲妙幢中有王都名普 本願音蓮華而爲莊嚴須彌山微塵數蓮華而爲眷屬須彌山微塵數香 海爲體形如蓮華住四天下微塵數香摩尼須彌山網中以出一切如來 數劫有劫名離垢光明有世界名法界功德雲以現一切衆生業摩尼王 如是希有聖者證得其已久如夜神言善男子乃往古世過世界轉微塵 輪金剛光明陀羅尼又令得普入一切法門海般若波羅蜜次有佛輿名 多羅三藐三菩提得不退轉又令得現見一切佛三昧又令得一切佛法 法輪化光比丘尼即我身是我於彼時守護佛法令十萬比丘尼於阿耨 隨於如來轉正法輪佛涅槃後興隆末法者豈異人乎今普賢菩薩是其 見法海雷音光明王如來一切神力善男子於汝意云何彼時轉輪聖王 彼如來教復於六萬五千歲中而得與盛時有比丘尼名法輪化光是此 種色大光明網令無量衆生除煩惱熱令無量衆生發菩提心以是因緣 等而共毀滅作是說已上升虛空高七多羅樹身出無量諸色燄雲放種 三昧名一切佛教燈又得此甚深自在妙音解脫得已身心柔輭卽得現 王女百千比丘尼而爲眷屬聞父王語及見神力發菩提心永不退轉得 時王比丘而語之言奇哉苦哉佛於無量諸大劫海集此法炬云何汝

佛與名普光明妙法音次有佛與名師子金剛那羅延無畏次有佛與名 法王功德月次有佛與名開敷蓮華妙音雲次有佛與名日光明相次有 普照王次有佛與名須彌寶莊嚴相次有佛與名日光普照次有佛與名 藏次有佛輿名開示普智藏次有佛輿名功德藏山王次有佛輿名普門 離 王次有佛與名福德華光燈次有佛與名智師子幢王次有佛興名日光 有佛與名智日普光明次有佛與名普賢圓滿智次有佛與名神通智光 佛 與名法海妙音王次有佛興名法日智慧燈次有佛興名法華幢雲次有 與名寂靜光明髻次有佛與名法光明慈悲月次有佛與名功德燄海次 須彌賢次有佛興名一切法精進幢次有佛興名法寶華功德雲次有佛 與名法燄山幢王次有佛與名甚深法功德月次有佛與名法智普光 、坛法光明次有佛與名法輪光明髻次有佛與名法日功德雲次有佛

無上妙法月次有佛與名法蓮華淨光幢次有佛與名寶蓮華光明藏次 次有佛與名普德光明幢次有佛與名功德吉祥相次有佛與名勇猛法 佛與名須彌普門光次有佛與名功德法城光次有佛與名大樹山光明 名波頭摩華因次有佛與名衆相山普光明次有佛與名普名稱幢次有 次有佛興名旃檀妙月次有佛興名普妙光明華次有佛興名照一切衆 有佛與名光燄雲山燈次有佛與名普覺華次有佛與名種種功德燄須 力幢次有佛輿名法輪光明音次有佛輿名功德山智慧光次有佛輿名 生光明王次有佛與名功德蓮華藏次有佛與名香燄光明王次有佛與 有佛與名法幢燈次有佛與名金剛海幢雲次有佛與名名稱山功德雲 佛與名道場功德月次有佛與名法炬熾然月次有佛與名普光明髻次 普智勇猛幢次有佛輿名普開法蓮華身次有佛輿名功德妙華海次有

佛 佛與名開顯智光身次有佛與名世主德光明音次有佛與名一 相莊嚴幢次有佛興名光明燄山雲次有佛輿名照無障礙法虛空次有 與名法炬寶蓋音次有佛與名普照虛空界無畏法光明次有佛與名月 雲次有佛興名三昧印廣大光明冠次有佛輿名寶光明功德正次有佛 有佛與名金色摩尼山妙音聲次有佛與名頂髻出一切法光明雲次有 有佛與名普智雲次有佛與名法力功德山次有佛與名功德香燄王次 與名普照法輪月次有佛與名寶山威德賢次有佛與名賢德廣大光次 法 彌 山 與名法輪熾盛光次有佛與名無上功德山次有佛與名精進炬光明 [雲幢次有佛與名功德山光明次有佛與名法日雲燈王次有佛與名 雲名稱王次有佛輿名法輪雲次有佛輿名開悟菩提智光幢次有佛 一藏次有佛輿名圓滿光山王次有佛與名福德雲莊嚴次有佛輿名法 切法三

明昏寐諸衆生中而獨覺悟令諸衆生守護心城捨三界城住一 所有諸佛出與於世我皆供養修行其法善男子我從是來於生死夜無 在妙晉解脫種種方便敎化成熟無量衆生從是已來於佛刹微塵數劫 所說妙法亦於彼一切諸如來所出家學道護持法敎入此菩薩甚深自 城智慧燈並於離垢光明劫中出興于世我皆奪重親近供養聽聞受持 興名普智光明燈善男子如是等須彌山微塵數如來其最後佛名法界 子光次有佛與名須彌華光明次有佛與名一切三昧海師子燄次有佛 興 眛 |語常眞實語恆清淨語 法城善男子我唯知此甚深自在妙音解脫令諸世間離戲論語不作 名普照三世相大光明次有佛輿名普照法輪山次有佛輿名法界師 光明音次有佛輿名法音功德藏次有佛輿名熾然燄法海雲次有佛 如諸菩薩摩訶薩能知 切語言自性於念念 切智無

= 0

成就一切法輪陀羅尼故而我云何能知能說彼功德行善男子此佛會 中有主夜神名開敷一切樹華汝詣彼問菩薩云何學一切智云何安立 入菩薩諸微細智能善觀察諸菩薩藏能自在說諸菩薩法何以故已得 爲說法究竟調伏一切衆生能普攝受一切衆生巧修菩薩諸無上業深 中自在開悟一切衆生入一切衆生言音海於一切言辭悉皆辯了明見 切衆生住一切智爾時守護一切城主夜神欲重宣此解脫義爲善財 切諸法門海於普攝一切法陀羅尼已得自在隨諸衆生心之所疑而

童子而說頌言

增長一 菩薩解脫深難見 切三世諸如來 一切自在智 開通三世解脫道 出生無量勝功德 虚空如如平等相 普見無邊法界內 證入難思眞法性 過於刹轉微塵劫

Ξ

公二三七

如是一 見第二佛而親近 亦見國土衆生海 其身普作真金色 如是須彌塵數等 性與法界虛空等 我暫見彼如來身 於此劫中先出現 示現種種無量身 其中諸佛與於世 爾時有劫名淨光 切諸如來 於諸刹轉微塵劫 亦見十方刹海佛 普徧十方諸國土 諸相莊嚴如寶 即發菩提廣大心 我皆供養聽受法 乃至其中最後佛 世界名為法燄雲 而普攀緣起大悲 由斯普見三世佛 量與須彌塵數等 山 及以一 所有如來照世燈 乃至最後佛出與 隨諸衆生心所樂 其城號日寶華光 動地舒光悟含識 誓願勤求一 發心願得成如來 我見法海雷音佛 名爲法界燄燈王 有佛名爲法海音 切菩薩衆 切智

我皆親近而瞻奉 **令此解脫得淸淨**

爾 大總持海得菩薩大神通獲菩薩大辯才心大歡喜觀察守護一切城主 時善財童子得入此菩薩甚深自在妙音解脫故入無邊三昧海入廣

夜神以偈讚曰。

已行廣大妙慧海 已度無邊諸有海

丁達法性如虛空

普入三世皆無礙

長壽無患智藏身

心心永斷諸分別

深入如來解脫門

廣度羣迷無量衆

了達衆生無有性

天是衆生調御師

普化衆生令解脫

觀察思惟一

切法

了知證入諸法性

而於衆生起大悲

念念攀緣一

切境

威德光明住此衆

普爲法界諸含識

說離世間衆怖行

如是修行佛智慧

開示如來智慧道 已住如來諸願道

亦知一切衆生類 諸佛菩薩及衆生 天神心淨如虛空 已受菩提廣大教 普離 天神 已修 種種名相各差別 念悉了知 切諸煩惱 切偏行力 了知三世無量剤 十方衆生生死處 晝夜日月年劫海 已見十方佛自在

有色無色想無想 巳生如來誓願家

隨衆生樂現衆色

隨順世俗悉了知

已入諸佛功德海

引導使入菩提路

法身清淨心無礙

時善財童子說此頌已禮夜神足繞無量市殷勤瞻仰辭退而去

大方廣佛華嚴經卷第七十一

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

111111

二二三九

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

天

阿〇佒輪翁烏爊哀醫因安音諳謳阿唱阿字時普願法界衆生入般若

波羅蜜門

多○當登東都刀驢低顚單○躭兜多唱多字時普願法界衆生入般岩

波羅蜜門

波○幫崩○逋褒碩早賓般○○○波唱波字時普顧法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

南無華嚴海會佛菩薩 三

稱

四生九有同登華藏玄門八難三塗共入毗盧性海

音釋 邊番 故者 炬音 曠 惡遮 經其 也巨 也匡

校異同

第十

二三頁流

莊第 通五

流三 本行

通行 疏經

本巌 鈔下 普本 本藏

莊善 俱本

有無 今二

補字

本念

有下

今藏

補本

少

持持 中高 火 空去 中謂 取例 旋也擊 道遮 為十 旋音 遠 善二 定丈 也涎 暢 量餘 周 達音 **薩婆若**赞 為日 若也 也切 赤鉢 爾此 畔 蓮蹋 者云 畔音 花忙 切一 也伴 此 高七多羅 騤 陀羅尼 駃 野香 佛陀 樹 不此 名孫 錯 失云 樱多 也倉 持總 櫚羅 惡持 樹樹 雜各 不謂 然似 也切

生持 西此 間

叉善 域方

炬

華 嚴 控 春七十一

三五

第二十四頁流通本 第十八頁第 作藏 字二 世本 流行 通念 界

第二十七

通本

本作

本作 頁 國諸 蓮第 土如 字一 惟來 流行 藏第 通玅 本八 本下 作行 有藏 國唐 蓮本 王宋 字無 通五 第行 本行 六唐 作藏 行宋 妙本 北元 義妙 巌本 慧 如量 來與 身惟 流藏

唐于闐國三藏沙門實叉難陀譯

入法界品第三十九之十三

有衆生盛年好色憍慢放逸五欲自恣我爲示現老病死相令生恐怖捨 咸悉發心欲還所住我皆密護令得正道達其處所宿夜安樂善男子若 願垂慈爲我宣說夜神言善男子我於此娑婆世界日光已沒蓮華覆合 神所共圍繞時善財童子頂禮其足於前合掌而作是言聖者我已先發 諸人衆等罷遊觀時見其一切若山若水若城若野如是等處種種衆生 阿耨多羅三藐三菩提心而未知菩薩云何學菩薩行云何得一切智唯 樹華夜神所見其身在衆寶香樹樓閣之內妙寶所成師子座上百萬夜 爾時善財童子入菩薩甚深自在妙音解脫門修行增進往詣開敷一切

離諸惡復爲稱歎種種善根使其修習爲慳悋者讚歎布施爲破戒者 留礙者令住菩薩力波羅蜜若有衆生其心闇昧無有智慧令住菩薩智 散亂者令修禪定住惡慧者令學般岩樂小乘者令住大乘樂著三界諸 揚淨戒有瞋恚者敎住大慈懷惱害者令行忍辱若懈怠者令起精進若 故行如來語故學如來行故得如來所護力故修如來所印道故種如來 智云何普攝善男子一切衆生所受諸樂皆是如來威德力故順如來教 解脫門境界云何夜神言善男子入此解脫能知如來普攝衆生巧方便 趣中者令住菩薩願波羅蜜若有衆生福智微劣爲諸結業之所逼迫多 所攝故云何知然善男子我入此出生廣大喜光明解脫憶念毗盧遮那 所行善故依如來所說法故如來智慧日光之所照故如來性淨業力之 波羅蜜善男子我已成就菩薩出生廣大喜光明解脫門善財言大聖此

生所欲

兩

切財寶心起以平等方便成熟一切衆生心起令

時見一 來應正等覺往昔所修菩薩行海悉皆明見善男子世尊往昔爲菩薩 切衆生著我我所住無明闇室入諸見稠林爲貪愛所縛忿怒所

深 慕心於一切因緣無迷惑心起觀察眞實法性心起救護 暉 便大悲心起爲大法蓋普覆衆生心起以大智金剛杵破 貪染心於一切所有無慳悋心於一切果報無希望心於一 生皆悉具足資生之物無所乏心於一 山心起令一切衆生增長喜樂心起願一切衆生究竟安樂心起隨衆 起大悲心利益衆生所謂起願得一 愚癡所亂慳嫉所纏生死輪迴貧窮困苦不得值遇諸佛菩薩見如是 切法漩澓心起於一切衆生住平等大慈心起於 切妙寶資具攝衆生心願一 切衆事離執著心於一切境界無 切衆 切衆生心起 切衆生行方 切榮好無羨 生煩 切衆

切衆生

四

佛成等正覺念念普於一切世界一切諸劫修菩薩行不生二想所謂普 道 佛同 熟皆令得出生死苦難不求其報淨治一切衆生心實令其生起一切諸 入一切廣大世界海一切世界種中種種際畔諸世界種種莊嚴諸世 世念念成就調伏一 淨 種種體性諸世界種種形狀諸世界種種分布諸世界或有世界穢而兼 欲悉滿其意皆令歡喜不悔不悋無間無斷以是方便普攝衆生敎化成 满足聖財心起願 力現大神變偏法界虛空界於一切衆生前普雨一切資生之物隨其所 利益衆生念念普於 一切佛剎念念普入一切法界念念皆悉徧虚空界念念普入一 一善根增一切智福德大海菩薩如是念念成熟一切衆生念念嚴 一切衆生究竟皆得十力智果心起如是心已得菩薩 切諸衆生智念念恆轉一切法輪念念恆以一切智 切世界種種差別諸衆生前盡未來劫現一 切三 切

淨或有世界淨而兼穢或有世界一向雜穢或有世界一向淸淨或小或

切

苦惱能修 成就 之人於此能持能入能了何以故此是如來智慧境界 難信難知難解難入難說一 童子言聖者發阿耨多羅 照 所護善友所攝集勝功德欲樂淸淨無下劣心無雜染心無諂曲心得普 切 耀智光明心發普饒益諸衆生心一 門令其攝取無量方便令其觀見如來威德令其安住菩薩智慧善財 道令其增長成一切智諸善根海令其滿足一 生死暴流能入一切如來智海能決定到無上法城能勇猛入如 速疾趣諸佛地位能卽成就一 切智心不樂一切生死樂心能求一切諸佛妙樂能滅一 切佛功德海能觀 三藐三菩提心其已久如夜神言善男子此處 切世間 切諸法實性能 及以二乘皆不能知唯除諸佛神 切智力能於十力已得究竟如是 切煩惱及以衆魔無能壞心起必 其一切清 切聖財令其得入佛自 切菩薩尙不能 淨信解能 切衆

親近善知識

愛樂白淨法

勤求諸佛力

心淨無分別

猶如太虛空

慧燈破諸闇

生於諸佛家

爲佛所守護

持佛法藏者

佛境界寂靜

性淨離分別

習善根衆生心得自在隨汝所問爲汝宣說爾時開敷一切樹華夜神欲 知況餘衆生然我今者以佛威力欲令調順可化衆生意速淸淨欲令修

重明其義觀察三世如來境界而說頌言

佛子汝所問 甚深佛境界 難思刹塵劫 說之不可盡

非是貪恚癡 **憍慢惑所覆** 煩惱業所覆 如是衆生等 能知佛境界 能知佛妙法

及計於有身

非著蘊界處

非是住慳嫉

諂誑諸濁意

見倒想倒人 非著諸有者

能知佛所覺 能知此法性

智眼之境界

是彼之境界 聞此法歡喜

二二四九

從於一切三世佛 此普賢者之解脫 不著一切諸有海 普度羣生靡有餘 此證悟者之解脫 其心寂靜住三昧 勇猛勤精進 歡喜心無著 了知法自性 心淨離諸惡 以大慈悲意 安住心不退 及以諸業種 究竟無所悔 普覆諸世間 切皆能捨 普入一切法界門 方便願種而出生 如影普現心水中 善知一切眞實相 此慧燈者之解脫 究竟清涼無熱惱 勤修一切智 其心無動亂 順行諸佛教 平等施衆生 切皆平等 悉見十方諸刹海 盡諸劫刹勤修行 此正道者之解脫 是彼之境界 深入無邊法界門 了達衆生眞實性 巳修一切智海因 是彼之境界 是彼之境界 是彼之境界 是彼之境界

種種法門度無量衆生善男子彼普光明眞金摩尼山世界海中有世

修多羅授佛刹微塵數諸菩薩記現種種神力說

海微塵數修多羅一一

我承佛力為汝說 聞已憶念無遺忘 汝於無量大劫海 悉見如來坐道樹 亦見其中劫成壞 令汝深心轉清淨 成就菩提化羣品 毗盧遮那廣大境 親近供養善知 而心畢竟無分別 爲利羣生求正法 此無礙眼之解脫 無量無邊不可思 法界所有微塵中

種有世界微塵數世界一一世界皆有如來出與於世一 修菩薩行時淨彼世界海其世界海中有世界微塵數世界種一 其世界海中有佛出現名普照法界智慧山寂靜威德王善男子其佛往 善男子乃往古世過世界海微塵數劫有世界海名普光明眞金摩尼山 如來說世界 一世界

林草樹 他眷屬妬他榮好任情起見非法貪求以是因緣風雨不時苗稼不登園 浮提內無有冤敵時彼世界劫欲盡時有五濁起一切人衆壽命短促資 繞閻浮提人壽萬歲時其中有王名一切法音圓滿蓋有五百大臣六萬 萬大城其閻浮提中有一王都名堅固妙寶莊嚴雲燈一萬大城周下圍 財乏少形色鄙陋多苦少樂不修十善專作惡業更相忿諍互相毀辱離 采女七百王子其諸王子皆端正勇健有大威力爾時彼王威德普被閻 下最處其中名一切寶山幢其四天下一一縱廣十萬由旬一一各有一 影摩尼王爲體形如天城以現一切如來道場影像摩尼王爲其下際住 種名普莊嚴幢此世界種中有世界名一 切寶華海上淨穢相雜此世界中有須彌山微塵數四天下有一四天 一切枯槁人民匱乏多諸疫病馳走四方靡所依怙咸來共繞王 切實色普光明以現一切化

二二五三

住一 得身心安隱哀哉衆生常爲世間衆怖所逼我當云何而爲祐助令其得 住 十者何所謂哀哉衆生墮於無底生死大坑我當云何而速勉濟令其得 得寶藏想遇津梁想逢道路想值船筏想見寶洲想獲財利想升天宮想 爾時大王聞此語已得百萬阿僧祇大悲門一心思惟發十種大悲語其 觀大王仁慈智慧於大王所生得安樂想得所愛想得活命想得攝受想 病衰羸衆苦所逼命將不久無依無救無所控告我等今者來歸大王我 **膚皴裂面目無光而向王言大王大王我等今者貧窮孤露飢渴寒凍疾** 以頭扣地或以手搥胸或屈膝長號或踊身大叫頭髮蓬亂衣裳弊惡皮 都大城無量無邊百千萬億四面周 切善業哀哉衆生生老病死之所恐怖我當云何爲作歸依令其永 切智地哀哉衆生爲諸煩惱之所逼迫我當云何而作救護令其安 而高聲大呼或舉其爭或合其掌或

種寶 榻 須 導令其得入一切智門作是語已擊鼓宣令我今普施一 御令其具足諸佛神力哀哉衆生猶如盲瞽不見道路我當云何而爲引 度令其得上菩提彼岸哀哉衆生諸根剛彊難可調伏我當云何而爲調 曉令其證得淸淨法身哀哉衆生長時漂沒生死大海我當云何而普運 炬令其照見一切智城哀哉衆生常爲慳嫉諂誑所濁我當云何而爲開 便令其得決疑見翳膜哀哉衆生常爲癡闇之所迷惑我當云何爲作明 悉令充足卽時頒下閻浮提內大小諸城及諸聚落悉開庫藏出種 具建大光明摩尼寶幢其光觸身悉使安隱亦施一 四衢道所謂金銀瑠璃摩尼等寶衣服飲食華香瓔珞宮殿屋宅 切智道哀哉衆生無有智眼常爲身見疑惑所覆我當云何爲作 盛衆雜寶金剛器中盛種種香寶香器中盛種種衣輦舉車 切病緣湯藥種 切衆生隨有所

外所有悉皆能捨其堅固妙寶莊嚴雲燈城東面有門名摩尼山光明於 澤林藪妻子眷屬及以王位頭目耳鼻脣舌牙齒手足皮肉心腎肝肺。 蓋如是一切資生之物悉開庫藏而以給施亦施 一切村營城邑山 内

師子座十寶爲地十寶欄楯十種寶樹周而圍繞 出 第行列無量華網無量香網彌覆其上無量百千億那由他諸音樂器恆 寶所成散衆寶華熏諸妙香然諸寶燈一 妙音如是一切皆以妙寶而爲莊嚴悉是菩薩淨業果報於彼會中置 切香雲充滿虛空無量寶樹次 金剛寶輪以承其下以

其門外有施會處其地廣博淸淨平坦無諸坑坎荆棘沙礫

一切皆以妙

施寶蓋常放無量寶燄光明如閻浮金熾然淸淨覆以寶網垂諸瓔珞摩 量寶香常出香雲種種寶衣處處分布百千種樂恆奏美音復於其上 切寶爲龍神像而共捧持種種寶物以爲嚴飾幢旛間列衆網覆上無

M

百 在天王於無量劫所受快樂大梵天王於無邊劫所受梵樂光音天王於 施。 慧明達以政治國無違命者爾時閻浮提無量無數百千萬億那 生種種國土種種族類種種形貌種種衣服種種言辭種種欲樂俱來此。 師子座形容端正人相具足光明妙寶以爲其冠那羅延身不可沮壞 尼 時王見彼諸來乞者生悲愍心生歡喜心生尊重心生善友心生廣 肢 生相續心生精進心生不退心生捨施心生周徧 觀察彼王咸言此王是大智人是福須彌是功德月住菩薩願行廣 寶 億 乞者心大歡喜經須臾頃假使忉利天王夜摩天王兜卒陀 分悉皆圓滿性普賢善王種中生於財及法悉得自在辯才無礙智 帶周迴間列種種寶鈴恆出妙音勸諸衆生修行善業時彼大王 那 由他劫所受快樂亦不能及善化天王於無數劫所受快樂自 心善男子爾時 中他衆 彼 處

姊妹並皆散失忽於曠野道路之間而相值遇瞻奉撫對情無厭足時彼 寂靜樂悉不能及善男子譬如有人仁慈孝友遭逢世難父母妻息兄弟 難思劫所受天樂徧淨天王於無盡劫所受天樂淨居天王不可說劫住

提解欲增長諸根成就信心淸淨歡喜圓滿何以故此菩薩勤修諸行求 大王見來求者心生歡喜亦復如是善男子其王爾時因善知識於佛菩 切智願得利益一切衆生願獲菩提無量妙樂捨離一切諸不善心常

順一 樂積集一切善根常願救護一切衆生常樂觀察薩婆若道常樂修行 切智法滿足一切衆生所願入一切佛功德大海破一切魔業惑障山隨 切如來教行行一切智無障礙道已能深入一切智流一切法流常

現在前大願無盡爲大丈夫住大人法積集一切普門善藏離一切著不

切世間境界知諸法性猶如虛空於來乞者生一子想生父母想生

切庫藏 師想善知識想具慈悲想能攝受想其心正直生大歡喜脫身瓔珞持奉 頂 **寶光明與六十童女俱端正殊妙人所喜見皮膚金色目髮紺靑身出妙** 與鬘蓋幢旛瓔珞宮殿園苑象馬車乘牀座被褥金銀摩尼諸珍寶物 選 飲食者 福 常念 禮 猶 形貌隨有來 作 演 如虛空等安衆生常見諸佛求一切智時寶光明女去王不遠合掌 想生難得想生恩益想生堅固想師想佛想不簡方處 梵音上 如是念我獲善利我獲善利我今得見大善知識於彼王所生大 順行甚深妙行所聞之法憶持不忘宿世善根流潤其心 及諸眷屬城邑聚落皆悉如是普施衆生時此會中有長者女名 施與飲食求衣服者施與衣服求香華者施與香華求鬘蓋者 一妙寶衣以爲莊嚴常懷慚愧正念不亂具足 至如其所欲以大慈心平等無礙一 切普施皆令滿足求 不擇族 威儀恭敬 清 淨 類。 師

時大王知此童女發如是心而告之言童女隨汝所欲我皆與汝我今所 攝衆會無邊無盡難勝難壞願我未來悉得如是隨所生處皆隨往生爾 復如是如彼大王所知之法所載之乘所修之道所具色相所有財產所 彼王作是願言今此大王為無量無邊無明衆生作所依處願我未來亦

有一切皆捨令諸衆生普得滿足時寶光明女信心清淨生大歡喜卽以

偈頌而讚王言

以無時雨故 以是等衆生 衆生相殺害 貪愛他財物 往昔此城邑 大王未出時 愚癡所覆蔽 竊盜縱婬佚 百穀悉不生 瞋恚懷毒心 草木皆枯槁 住於顚倒見 邪見不善行 兩舌不實語 切不可樂 泉流亦乾竭 天旱不降澤 **猶如餓鬼處** 命終墮惡道 無義蟲惡言

二二 五九)

大王臨庶品 普斷諸暴虐 刑獄皆止措 **煢獨悉安隱**

往昔諸衆 往昔諸衆生 生 貧窮少衣服 各各相殘害 以草自遮蔽 飲血而噉肉 飢羸如餓鬼 今悉起慈心

昔日競微利 非法相陵奪 粳米自然生 今時並豐足 樹中出妙衣 如遊帝釋園

男女皆嚴飾

非分生貪染

昔時人作惡

大王旣與世

今見他婦人

他妻及童女 種種相侵逼

悉離諸惡言 妄言不眞實 端正妙嚴飾 其心旣柔輭 非法無利益 而心無染著 路曲取· 發語亦調順 **猶如知足天** 人意

昔日諸衆生

今日羣生類

時有廣大園 王父淨光明 衆生聽聞已 叉出微妙音 又復次第說 次復廣演說 金鈴自然出 大王衆寶蓋 大王演妙音 昔日諸衆生 今聞王正法 園有五百池 普偏閻浮界 過去十方刹 自知諸業藏 十方諸佛刹 如來和雅音 逈處虛空中 聞者皆欣樂 悟解除邪見 種種行邪法 王母蓮華光 離惡勤修行 宣揚微妙法 廣說人天等 擎以瑠璃幹 了知苦樂報 及彼國土中 合掌恭敬禮 五濁出現時 梵釋音聲等 切諸劫中 千樹繞 處位治天下 各各華彌覆 悉從因緣起 牛羊犬豚類 迴向佛菩提 種種業差別 如來幷眷屬 除滅衆生惑 **覆以摩尼網** 切諸如來 切無能及

コニ大し

_ 0

時彼光明王 衆生見是已 荆棘沙礫等 溝坑及塠阜 藥草及諸樹 五百諸池內 池水既盈滿 於其池岸上 爾時於中夜 王生七日前 末世惡法起 流演 眷屬無量衆 歡喜而讚歎 種種高下處 功徳水充滿 所有諸雜穢 百穀苗稼等 大地六種動 先現靈瑞相 積年不降雨 建立千柱堂 切處 如是一 成言得善利 皆於一念中 枝葉華果實 **僉然備法駕** 普及閻浮地 枯樹悉生枝 有一寶華池 見者咸心念 池流悉乾竭 欄楯等莊嚴 切地 莫不皆平坦 遊觀諸園苑 變成衆寶玉 靡不皆霑沿 如渴飲美水 華葉皆榮茂 光明猶日現 救世今當出 草樹皆枯槁 切皆繁盛 切無不備 恶名失善利

横事病所持

如是衆苦滅

切皆歡喜

夜叉毗舍閣 先王大歡喜 王時放身光 寶藏皆涌出 王生彼華上 金剛以為莖 時彼華池內 先王語夫人 五百諸池內 切諸衆生 毒蟲諸惡獸 普照於一切 皆生大歡喜 入池自撫鞠 端身結跏坐 寶樹生妙衣 閻浮金爲臺 千葉蓮華出 我念七夜前 有池名慶喜 能令四天下 衆寶爲華葉 所欲害人者 合掌稱希有 持以授夫人 相好以莊嚴 光如千日照 中宵地震動 池上有法堂 天樂奏美聲 善哉救護世 父王於此住 闇盡病除滅 充滿虛空中 汝子應欣慶 妙香作鬚藥 此中有光現 天神所恭敬 上徹須彌頂 切自藏匿

二十二

關別諸惡趣 我等見大王 凡是衆生類 普獲於善利 開示人天路 相視如父母 宣揚薩婆若 離惡起慈心 無歸無導者 度脫諸羣生 專求一切智 切悉安樂

菩薩. 功德王讚女已以無價寶衣手自授與寶光童女幷其眷屬一一告言汝 功德汝今生此閻浮提中發勇猛心普攝衆生功不唐捐亦當成就如是 是爲希有童女一切衆生不能信知他人功德童女一切衆生不知報恩 無有智慧其心濁亂性不明了本無志力又退修行如是之人不信不知 曲躬恭敬却住一 爾時寶光明童女以偈讚歎一切法音圓滿蓋王已繞無量市合掌頂禮 如來所有功德神通智慧童女汝今決定求趣菩提能知菩薩如是 面時彼大王告童女言善哉童女汝能信知他人功德

著此衣時諸童女雙膝著地兩手承捧置於頂上然後而著旣著衣已右

華 嚴 經 卷七十二

乎今毗盧遮那如來應正等覺是也光明王耆淨飯王是蓮華光夫人者 悉端正如淨夜天星宿莊嚴善男子爾時一切法音圓滿蓋王者豈異人 繞於王諸寶衣中普出一切星宿光明衆人見之咸作是言此諸女等皆

十地具種種大願集種種助道修種種妙行備種種莊嚴得種種神通住 會中一切菩薩是皆於阿耨多羅三藐三菩提得不退轉或住初地乃至 摩耶夫人是寶光童女者卽我身是其王爾時以四攝法所攝衆生卽此

善財童子欲重宣此解脫義而說頌言

種種解脫於此會中處於種種妙法宮殿爾時開敷一切樹華主夜神爲

我有廣大眼 普見於十方 切刹海中 五趣輪迴者

我有清淨耳 亦見彼諸佛 普聞 菩提樹下坐 切聲 亦聞佛說法 神通徧十方 歡喜而信受 說法度衆生

供養 善男子我唯知此菩薩出生廣大喜光明解脫門如諸菩薩摩訶薩親近 地普入一 在力於 一切諸佛入一切智大願海滿一 我於無量劫 亦知彼諸佛 亦知彼諸佛 憶知彼諸佛 我於一念知 我得宿命智 我有他心智 菩薩解脫門普入一 切菩薩地海得淸淨願於一 能知一 修習此法門 成就菩提道 所有諸乘海 始發菩提願 無二無所礙 刹海微塵劫 切劫 切菩薩解脫門海而我云何能知能說彼 能於一念中 我今爲汝說 乃至修諸行 諸佛及菩薩 自身及他人 正法住久近 以種種方便 菩薩行普入一切菩薩行海得自 切佛諸願海得勇猛智於一 佛子汝應學 衆生度多少 分別悉明了 悉了諸心海 爲衆轉法輪 五道衆生類 悉圓滿 菩薩

五

二二 大七

波羅蜜門

天

春

左〇臧增宗租遭災賷津籛浸簪陬左唱左字時普願法界衆生入般若 華嚴字母衆藝親宣善財童子得眞傳祕密義幽玄功德無邊唱誦利人 數市殷勤瞻仰辭退而去 福城東際童子南詢百城烟水渺無垠知識異常倫五十三人一曲和陽 大方廣佛華嚴經卷第七十二 刹云何承事一切如來云何修行一切佛法時善財童子頂禮其足繞無 彼問菩薩云何敎化衆生令趣阿耨多羅三藐三菩提云何嚴淨一切佛 功德行善男子此道場中有一夜神名大願精進力救護一 切衆生汝詣

那●囊能濃奴猱病泥年難誑南裳那唱那字時普願法界衆生入般若

波羅蜜門

邏○郎楞籠盧勞來黎憐闌林藍婁邏唱邏字時普願法界衆生入般者

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海

南無華嚴海會佛菩薩 三 稱

音釋

旋復音 頒 賜班 也布 流旋 也復 榻 榻音 杵 也塔 床 杵處 搥 車彦 擊音 也步 也椎 皴 也余 起逡 車 也皮 藪澤音 控 也更 也去 媻 藪 決破音 腎水時 也訣 凝軫 瞽 也切 肺 目音 切芳 也古 金未 無

第十一 頁流第 通六 蘂曰 本行 頁 作廠 者第 鞠 姝本 流三 養音 妙殊 通第 也菊 玅 本四 匿 第二十三頁第 作行 隱女 今藏 也力 日本 今 第十二 字四 貢 流行 通寶 決第 本光 疑二 有下 流行 明藏 通宋 字本 本元 無 作本 抉藏 疑本

第十六

內華 稻音 也藏 曰外 也更 荆 粳 京音 蕚 豚 **棘** 吉音 也滕 豕 石音 措 也力 醋音 小 塠 阜 褥 切 辱音 徒以 切切 涸 棄專 土聚 竭音 也切 山土 也鶴 唐 也也 水 僉 榮 千音 獨音 也窮 **蒸**电景 孤 治 也音 養音 如須 沾匣 曼華 也合 粳 切餐

C11+0)

唐于闐國三藏沙門實叉難陀譯

入法界品第三十九之十四

盆身現一切佛所頂禮身現修習一切善根身現受持佛法不忘身現成 調 滿菩薩大願身現光明充滿十方身現法燈普滅世闇身現了法如幻淨 其上現日月星宿影像身現隨衆生心普令得見身現等一切衆生形相 中坐普現一切宮殿摩尼王藏師子之座普現法界國土摩尼寶網彌覆 身現無邊廣大色相海身現普現一切威儀身現普於十方示現身現普 爾時善財童子往大願精進力救護一切衆生夜神所見彼夜神在大衆 智身現遠離塵闇法性身現普智照法明了身現究竟無患無熱身現不 一切衆生身現廣運速疾神通身現利益衆生不絕身現常遊虚空利

精勤辦 生成就 善財童子見如是等佛刹微塵數差別身一心頂禮舉體投地良久乃起 令我增長 於善知識生具一 無上法故於善知識生出離心令我修行普賢菩薩所有行願而出離故 故於善知識生莊嚴菩薩行心令我速能莊嚴一切菩薩行故於善知識。 合掌瞻仰於善知識生十種心何等爲十所謂於善知識生同己心令我 可 知識生能成辦大利益心令我自在安住一切菩薩法故成一切智道 沮壞堅固身現無所住佛力身現無分別離染身現本淸淨法性身 切佛法故是爲十發是心已得彼夜神與諸菩薩佛刹微塵數同 一切佛法心誘誨於我令修道故於善知識生能生心能生於我 切智助道法故於善知識生淸淨自業果心親近供養生善根 一切智故於善知識生具一 切福智海心令我積集諸白法故於善知識生增長心 切善根心令我志願得圓滿故於 時

別門故同 同念心常憶念十方三世一 趣能轉 切諸佛如來妙法輪故同覺以等空智普入一切三 切佛故同慧分別決了 切法海

光明 世間 故同義能以智慧了一 切菩薩道故同境普照諸佛所行境故同證得一切智照實相海淨 故同根成就 菩薩淸淨光明智慧根故同心善能修習無礙功德莊 切法眞實性故同勇猛能壞 切 障礙山故。

明故。 如虚 同 色身隨衆生心示現身故同力求一 ||空故同精進於無量劫行菩薩行無懈倦故同辯才得法無礙智光 同無等身相淸淨超世間故同愛語令一切衆生皆歡喜故同妙音 切智不退轉故同無畏其心清

切法門海故同滿音一切衆生隨類解故同淨德修習如來淨功

切國土衆生海故同大悲普雨法雨潤 切佛所受法輪故同梵行安住 切佛境界故同大慈念 澤 切諸衆生故同

德故同智地一

演

念普覆

囚

彼 海 障 微 住 近有佛 便· 切 同 法 礙 悉 故。 處住諸菩薩大神通 佛故同敎化調伏 意 細 知 以方便行教化 處故同心慮普知一切諸佛刹故同往詣普入一 門海故同修行順行 同 現 故同破誾得· 業普攝衆生置 偏 切衆生心故同充徧以自在力充滿一 出 切諸佛刹 世 切 一皆親近故同勸請請一 諸 佛 故。 切 刹 切諸衆 一切智境界中故同莊嚴嚴淨 同超 網恭敬供養不可說 佛成菩提智大光明 故同眷屬一 切諸衆生故同光明照了 勝於諸佛 生故。 切諸法門 同 切菩薩共止住故同入處普入世 切佛轉法輪故同供養常 語業以隨類音演說 .故同希求於清淨法深樂 剎皆無比故同不退普入十方 刹 故同無生忍· 諸 切諸佛刹海修諸行故 如來故同 切諸法門故同 切佛 切諸 入 **!佛刹故同!** 刹海 智證了 切諸法門 切佛衆會 樂 X 欲 故 同 供養 故。 同 知 三昧 同

切修多羅中妙法門故同甚深法解一切法如虚空故同光明普照一切 力能入十方世界海故同陀羅尼普照 切總持海故同秘密法了知

救護 滿足 諸世界故同欣樂隨衆生心而爲開示令歡喜故同震動爲諸衆生現神 通力普動十方一切刹故同不虚見聞憶念皆悉令其心調伏故同出離 切諸大願海成就如來十力智故時善財童子觀察大願精進力 切衆生夜神起十種淸淨心獲如是等佛刹微塵數同菩薩行旣

獲此已心轉淸淨偏袒右肩頂禮其足 一心合掌以偈讚曰

以見善知識 我發堅固意 集無盡白法 志求無上覺 滅除衆罪垢 **今於善知識** 成就菩提果 而起自己心

我見善知識 我念善知識 攝受饒益我 功徳莊嚴心 爲我悉示現 盡未來刹 劫 正教眞實法 勤修所行道

大

白性皆不實無有差別而恆示現無量色身所謂種種色身非 法真實之性證無依法捨離世間 悉知諸法色相差別亦能了達青黃赤 名教化衆生令生善根我以成就此解脫故悟一切法自性平等入於諸 爲幾時耶久如當得阿耨多羅三藐三菩提夜神告言善男子此解脫門 爾時善財說此偈已白言大聖願爲我說此解脫門名爲何等發心已來 聖者為我師 我以此等故 我念善知識 與我波羅蜜 我念善知識 關閉諸惡趣 與我無上法 功德悉具足 能滿佛智道 增我難思福 顯示人天路 是佛功德藏 普爲諸衆生 長我淨功德 念念能出生 無量無數劫 誓願常依止 亦示諸如來 不能報其恩 成 說一切智道 圓滿白淨法 令我冠佛繒 虚空功德海 切智道 一色身無

ニー七七

光明海色身於一切世間無所依平等色身偏十方無所礙色身念念現 敬因所生色身如虚空清淨心所生色身最勝廣大色身無斷無盡色身 種種色相海色身增長一切衆生歡喜心色身攝取一切衆生海色身一 諸闇破一 具足莊嚴不可壞色身不思議法方便光明色身無能暎奪一切色身無 生色身隨其心樂現前調伏色身無障礙普光明色身淸淨無濁穢色身 現無量自在力色身妙光明色身一切淨妙莊嚴色身隨順成熟一切衆 共稱歎無盡色身念念常觀察色身示現種種雲色身種種形顯色色身 色身示現大勇猛色身甚難得色身一切世間無能暎蔽色身一切世間 衆生前色身光明普照色身見無厭足色身相好淸淨色身離衆惡光明 邊色身淸淨色身一切莊嚴色身普見色身等一切衆生色身普現一切 切誾色身集一切白淨法色身大勢力功德海色身從過去恭

毛孔中說一切佛功德海色身淨一切衆生欲解海色身決了一切法

善男子我入此解脫了知法性無有差別而能示現無量色身一一身現 無量色相海一 神通或覩變化悉隨心樂應時調伏捨不善業住於善行善男子當知此 相身充滿十方令諸衆生或見或念或聞說法或因親近或得開悟或見 現一切語言音聲演法海色身現普賢菩薩像色身念念中現如是等色 切燒香雲徧法界色身散一切末香藏雲色身現一切如來大願身色身 無量須彌山妙華雲色身出種種鬘雲色身現一切寶蓮華雲色身與一 諸世間一切香光明色身現不可說日輪雲色身現廣大月輪雲色身放 身現一切三世海色身放一切光明海色身現無量差別光明海色身超 **所流色身隨所應化示現色身一切世間見無厭足色身種種淨光明色** 大願力故一切智力故菩薩解脫力故大悲力故大慈力故作如是事 一相放無量光明雲一一光現無量佛國土一一土現無

ニニ人こ

欲化度諸衆生故而於諸趣隨類受生實不生死無所染著無長短劫諸 來至此菩薩智輪亦復如是出諸有海住佛實法寂靜空中無有所依爲 離一切分別網超一切障礙山隨所應化而普照故善男子譬如日輪無 但隨心現教化衆生言其止住前劫後劫善男子譬如日輪住閻浮空其 有晝夜但出時名晝沒時名夜菩薩智輪亦復如是無有分別亦無三世 中長短染淨廣狹多少如是諸劫分別顯示何以故菩薩智輪本性淸淨 承佛神力當爲汝說善男子菩薩智輪遠離一切分別境界不可以生死 提得不退轉善男子如汝所問從幾時來發菩提心修菩薩行如是之義 者令增長已增長者令成熟念念中令無量衆生於阿耨多羅三藐三菩 量佛與世一 切實物及以河海諸淨水中一切衆生莫不目見而彼淨日不 一佛現無量神通力開發衆生宿世善根未種者令種已種

(11 **X**13

等虚空 住 無亂。 **薩亦復如是以如幻智平等法身現衆色相於諸有趣住無量** 支體雖具而無入息及以出息寒熱飢渴憂喜生死十種之事 劫數長短佛子如太虛空一切世界於中成壞而無分別本性淸淨無染 子譬如船師常以大船於河流中不依此岸不著彼岸不住中流而度 切世間如夢如幻無有衆生但以大悲大願力故現衆生前敎化調伏佛 想分別何以故菩薩究竟離心想見一 切切 著彼岸不住中流而度衆生無有休息雖無量劫修菩薩行未曾分別 無 無礙無厭非長非短盡未來劫持一 有休息菩薩摩訶薩亦復如是以波羅蜜船於生死流中不依此岸 東 廣 智 地滅諸煩惱生死苦縛而無憂喜疲厭之心善男子如 大深心起大願風輪攝諸衆生令離惡道生諸善趣 切顚倒得眞實見見法實性知 切刹菩薩摩訶薩亦復如是以 一劫教 菩薩 逐令安 幻化 摩

調伏彼故造立囹圄枷鎖禁閉無量衆生於中受苦王有太子名爲善伏

滿一 妄言綺語兩舌惡口貪瞋邪見不孝父母不敬沙門婆羅門等時王爲欲 演說正法是時國王名曰勝光時世人民壽一萬歲其中多有殺盜婬佚 法輪音處空燈王如來應正等覺十號圓滿彼閻浮提有一王都名寶莊 明摩尼蓮華藏師子之座時彼如來於此座上成阿耨多羅三藐三菩提 嚴其東不遠有一大林名日妙光中有道場名爲寶華彼道場中有普光 劫有劫名善光世界名寶光於其劫中有一萬佛出與于世其最初佛號 未來世諸菩薩等滿足大願成就諸力佛子乃往古世過世界海微塵數 怖佛子菩薩智慧雖復如是甚深難測我當承佛威神之力爲汝解說令 生於生死中一切境界無欣無厭無愛無恚無苦無樂無取無捨無安無。 百年坐於道場爲諸菩薩諸天世人及閻浮提宿植善根已成熟者

H

若不救此衆生者云何能救三界牢獄諸苦衆生一切衆生在三界中貪 悲心轉切語大臣言如汝所說但放此人隨其所應可以治我我爲彼故 我當令汝悉得解脫便詣王所而白王言獄中罪人苦毒難處願垂寬宥 號 愛所縛愚癡所蔽貧無功德墮諸惡趣身形鄙陋諸根放逸其心迷惑不 私竊官物謀奪王位盜入宮闈罪應刑戮有哀救者罪亦至死時彼太子 施以無畏時王卽集五百大臣而問之言是事云何諸臣答言彼罪人者 或以火炙或以煙熏或被榜笞或遭臏割倮形亂髮飢渴羸瘦筋斷骨現 端正殊特人所喜見具二十八大人之相在宮殿中遙聞獄囚楚毒音聲 心懷傷愍從宮殿出入牢獄中見諸罪人杻械枷鎖遞相連繫置幽闇處 切苦事悉皆能受粉身歿命無所顧惜要令罪人皆得免苦何以故我 叫苦劇太子見已心生悲愍以無畏聲安慰之言汝莫憂惱汝勿愁怖

聽太子半月行施恣意修福然後治罪王卽聽許時都城北有一大園名 彼解脫應捨身命而拔濟之時諸大臣共詣王所悉舉其手高聲唱言大 苦牢獄入魔罥網生老病死憂悲惱害如是諸苦常所逼迫我當云何令 日日光是昔施場太子往彼設大施會飲食衣服華鬘瓔珞塗香末香幢 有退怯復白王言願恕彼罪身當受戮王言隨意爾時王后白言大王 欲專求一 太子命王卽迴顧語太子言莫救罪人若救罪人必當殺汝爾時太子爲 形降服與千采女馳詣王所舉身投地頂禮王足俱作是言唯願大王赦 不久立王聞此言赫然大怒令誅太子及諸罪人王后覧之愁憂號哭毀 王當知如太子意毀壞王法禍及萬人若王愛念不責治者王之寶祚亦 出道失智慧光樂著三有斷諸福德滅諸智慧種種煩惱濁亂其心住 切智故爲欲利益諸衆生故爲以大悲普救攝故其心堅固

二二人五

座合掌白豆 德種種相好莊嚴其身放大光明普照世界一切毛孔出香燄雲震動十。 特諸根寂定如調順象心無垢濁如淸淨池現大神通示大自在顯大威。 摩睺羅伽王一心瞻仰來入彼會爾時太子及諸大衆遙見佛來端嚴 者居士城邑人民及諸外道悉來集會時法輪音虛空燈王如來知諸衆 者心淨歡喜煩惱消滅爾時太子及諸大衆五體投地頂禮其足安施。 阿 力淨居諸天卽變此座爲香摩尼蓮華之座佛坐其上諸菩薩衆亦皆就。 生調伏時至與大衆俱天王圍繞龍王供養夜叉王守護乾闥婆王讚歎 無量佛 脩羅 寶蓋諸莊嚴具隨有所求靡不周給經半月已於最後日國王大臣 王曲躬頂禮迦樓羅王以淸淨心散諸寶華緊那羅王歡喜勸請 言善來世尊善來善逝唯願哀愍攝受於我處于此座以佛 **刹隨所至處普兩一** 切諸莊嚴具以佛威儀以佛功德衆生見

座周 來知其可化以圓滿音說修多羅名普照因輪令諸衆生隨類各解時彼 **币圍繞時彼會中一切衆生因見如來苦滅障除堪受聖法爾時** 如

塵數衆生於大乘中心得調伏無量世界一切衆生免離惡趣生於天上 地十千衆生住大乘道入普賢行成滿大願當爾之時十方各百佛刹微 會中有八十那由他衆生遠塵離垢得淨法眼無量那由他衆生得無學

子豈異 施供養於佛得此解脫佛子當知我於爾時但爲利益 界不求果報不貪名稱不欲自讚輕毀於他於諸境界無所貪染無所怖 人乎我身是也我因往昔起大悲心捨身命財救苦衆生開門大 一切衆生不著三

善伏太子卽於此時得菩薩敎化衆生令生善根解脫門善男子爾時太

於汝意云何彼時五百大臣欲害我者豈異人乎今提婆達多等五百徒 但莊嚴大乘出要之道常樂觀察一 切智門修行苦行得此解脫佛子

之授阿耨多羅三藐三菩提記者是此諸人等皆當作佛國土莊嚴劫 人及諸眷屬卽彼尼乾六萬弟子與師俱來建大論幢共佛論議悉降伏 壽命法住及其名號各各差別佛子彼諸罪人我所救者即拘留孫等賢 受生誕生出家學道往詣道場轉正法輪說修多羅語言音聲光明衆會 須彌 阿耨多羅三藐三菩提心今於十方國土行菩薩道修習增長此菩薩教 劫千佛及百萬阿僧祇諸大菩薩於無量精進力名稱功德慧如來所發 救護衆生乃至最後名日醫王雖彼諸佛大悲平等然其國土種族父母 第 黨是也是諸人等蒙佛教化皆當得阿耨多羅三藐三菩提於未來世過 衆生令生善根解脫者是時勝光王今薩遮尼乾子大論師是時王宮 與世最初如來名日大悲第二名饒益世間第三名大悲師子第四名 山微塵數均爾時有劫名善光世界名寶光於中成佛其五百佛次

時善趣惡趣好色惡色其諸衆生種種心行種種欲樂種種根性種種業 變化海念念中見十方百萬世界所有衆生種種諸趣隨業所受生時死 陀羅尼百萬神通百萬法藏百萬求一切智勇猛精進淨治百萬堪忍門 養次爲帝釋卽此道場値天王藏如來親近供養次爲夜摩天王卽於此 習種種成就皆悉明了佛子我於爾時命終之後還復於彼王家受生作 念中憶念十方世界前後際劫百萬諸佛念念中知十方世界百萬諸佛 蜜門見十方百萬諸佛生百萬菩薩大願念念中十方各照百萬佛刹念 增長百萬思惟心成就百萬菩薩力入百萬菩薩智門得百萬般若波羅 名號各各有異佛子我於爾時救罪人已父母聽我捨離國土妻子財寶 轉輪王彼法輪音虛空燈王如來滅後次卽於此值法空王如來承事供 於法輪晉虛空燈王佛所出家學道五百歲中淨修梵行卽得成就百萬

養次有佛出名師子遊步我爲城神親近供養次有佛出名爲寶髻我爲 出名須彌相我爲樹神親近供養次有佛出名離垢臂我爲商主親近供 爲大臣親近供養次有佛出名勇猛持我爲阿脩羅王親近供養次有佛 供養次有佛出名圓滿肩我爲居士親近供養次有佛出名離垢童子我 億佛出與於世最初如來名妙相山我時爲王名曰大慧於彼佛所承事 中有一萬佛出興于世我皆親近承事供養次復有劫名日日光有六十 即於此世界値普現化演法音如來親近供養佛子此寶光世界善光劫 光音聲王如來親近供養次爲化樂天王卽於此世界值虛空智王如來 次爲阿脩羅王卽於此世界值一切法雷音王如來親近供養次爲梵王· 親近供養次爲他化自在天王卽於此世界值無能壞幢如來親近供養 世界値大地威力山如來親近供養次爲兜率天王卽於此世界値法輪

十億 辯才門種種一切智門種種法明門種種智慧門照種種十方海入種種 次有佛出名光明冠我爲鳩槃茶王親近供養於彼劫中如是次第有六 毗沙門天王親近供養次有佛出名最上法稱我爲乾闥婆王親近供養 無量衆生於一一 如來出與於世我常於此受種種身一一佛所親近供養教化成就 佛所得種種三昧門種種陀羅尼門種種神通門種種

聞說法信受護持亦復如是如是一切諸如來所皆悉修習此解脫門復 諸佛於一切處一切世界海微塵數劫所有諸佛出與于世親近供養聽 佛刹海見種種諸佛海淸淨成就增長廣大如於此劫中親近供養爾所

得無量解脫方便爾時救護一切衆生主夜神欲重宣此解脫義卽爲善

財而說頌言

問此難思解脫法

汝以歡喜信樂心

我 承如來護念力 ニニカこ

其王太子名善伏 爾時諸臣共白王 或心淸淨或作惡 時有王都名喜嚴 時有世界名寶光 爲汝宣說應聽受 緊身牢獄當受戮 俱來王所白王言 如何悉救令除免 太子哀念情轉深 萬如來出與世 形體端正備衆相 縱廣寬平極殊麗 爾時有王名勝光 我皆親近而供養 過去無邊廣大劫 誓救衆生無退怯 時勝光王語太子 太子見已生悲愍 其中有劫號善光 願放太子半月中 **今此太子危王國** 過於刹海微塵數 如是罪人應受戮 時有無量諸罪人 恆以正法御羣生 雜業衆生所居住 從其修學此解脫 於此善光大劫中 時王夫人朵女等 **布施衆生作功德** 汝救彼罪自當受 上啓於王請寬宥

1111

二二九三

修行一 **咸以淸淨信解心** 於中止住經劫海 誓願承事於如來 悉蒙與授菩提記 佛以一音方便說 如是修習菩提道 而來此會化羣生 大衆百千萬億 隨有所求咸給與 時王聞已卽聽許 切種智道 善伏太子生歡喜 普爲衆生作依處 設大施會濟貧乏 聽聞持護所說法 顯現神變大莊嚴 同時瞻仰俱號泣 劫中所有諸佛現 諦觀諸法眞實性 法燈普照修多羅 如是半月日云滿 爾時便得此解脫 常於苦海救衆生 發與無上正覺心 彼佛知衆根將熟 次於佛刹微塵數 悉皆承事無有餘 大悲廣濟諸羣 便卽出家依佛住 靡不親近而恭敬 太子就戮時將 無量衆生意柔輭 切衆生靡不臻

我悉一 又於十方一 我於無量千億劫 我悉得見蒙開悟 念念令其得增長 因其證此解脫門 我念往昔爲太子 二世種種國土名 無量無邊諸劫海 明見盡無餘 時能普飲 切無上覺 切刹 念念了知皆悉盡 學此難思解脫門 亦能示現其身相 **令我增明此解脫** 復獲無邊巧方便 又以無邊大問海 十方所有 一切刹 經於佛刹微塵數 見諸衆生在牢獄 所有諸佛現世 切諸佛導師前 間 普兩 啓請 普詣於彼如來所 其身普入無所礙 誓願捨身而救護 彼中所有諸如來 廣大劫海常修習 諸佛法海無有邊 及以種種方便力 三世所有諸佛海 供養皆如是 切諸世尊 切莊嚴雲

五五

二二 九五

若有得此解脫門 十方一 示以天道及二 安住修行菩薩行 出現無量化身雲 **示現無邊種種身** 各以種種巧方便 無量身中現一 又於十方無量剤 彼佛所雨妙法雲 切如來衆會前 切諸佛子 乘 身 則住無邊功德海 乃至如來一切智 隨其心樂爲說法 悉同其類現衆像 入此難思解脫門 除滅衆生煩惱 充满十方諸世界 又於一一毛孔中 坐於衆妙莊嚴座 皆悉受持無忘失 示現種種諸神變 火 譬如刹海微塵數 普應其心而說法 **令彼皆除邪見網** 普兩法兩濟羣品 悉盡未來無量劫 又於一一 悉放無數大光明 又於十方無量刹 **不現種種神通力** 身示現無量身 切衆生受生處 毛孔中

可思議 無有量

劫 名 門普入一切諸言辭海我今云何能知能說彼功德海彼勇猛智彼心行。 處彼三昧境彼解脫力善男子此閻浮提有一 間 善男子我唯知此教化衆生令生善根解脫門如諸菩薩摩訶薩超諸世 法得無我智證無我法教化調伏一 砂德圓滿 而 現諸趣身不住攀緣無有障礙了達一切諸法自性善能觀察一 無 厭倦時善財童子頂禮其足繞無量而合掌瞻仰辭退而 汝詣彼問菩薩云何修菩薩行生如來家爲世光明盡未來 切衆生恆無休息心常安住無二 園 林名嵐毗尼彼園有 切諸 法 神

春 福城東際童子南詢百城烟水渺無垠知識異常倫五十三人一曲和陽 方廣佛華嚴經卷第七十三

天

柂)唐騰同徒陶臺啼田檀〇覃頭柂唱柂字時普顧法界衆生入般者

波羅蜜門

婆●傍朋蓬蒲袍牌毘頻槃○

波羅蜜門

茶●長澄重除왰姆池陳獅沉惐儔茶唱茶字時普願法界衆生入般若

波羅蜜門

沙①霜生春疎稍岘詩申山深衫搜沙唱沙字時普願法界衆生入般若

波羅蜜門 生九有同前

音釋

嚴 經 卷七十三

華

<u>-</u>

(二) 九七)

為道 黨 也捶 袒 衣裸 助當 擊 祖音 食形 匿上 臏 也坦 所自 非聲 去賓 偏 繋餓 也相 膝上 蔽 故不 臻 也聲 隱音 嵐 聚音 刖 也閉 **毘**衆尊筋 囹 尼也至骨音图 天此 也 也斤 音囹 女云 嵐 筋 語音 名樂 藍音 劇 獄陵 即勝 戮 也音 名圖 普圓 殺音 難極 杻 薩光 也六 也增 丑音 下此 屠 闡械 生園 薩 中音 解音 之林 <u>遮</u> 門章 枷 處是 尼 也宮 加音 世乾 祚 鎖 連薩 也音 頌音 此遮 位助 榜 云此 也保 也音 不云 誅 打邦 繁有 也音 也笞 此尼 罰朱 答

外乾 也殺 痴音

唐于闐國三藏沙門實叉難陀譯

入法界品第三十九之十五

不厭不退無斷無失離諸迷惑不生怯劣惱悔之心趣一切智入法界門 種受生藏若菩薩成就此法則生如來家念念增長菩薩善根不疲不懈 禮其足合掌前立白言大聖我已先發阿耨多羅三藐三菩提心而未能 說菩薩受生海經令其皆得生如來家增長菩薩大功德海善財見已頂 寶樹莊嚴樓閣中坐寶蓮華師子之座二十億那由他諸天恭敬圍繞爲 知菩薩云何修菩薩行生如來家爲世大明彼神答言善男子菩薩有十 念修習了達增長漸次遊行至嵐毗尼林周偏尋覓彼妙德神見在一切 爾時善財童子於大願精進力救護一切衆生夜神所得菩薩解脫已憶 普求正法心一切無恪故起廣大趣向心求一切智故起慈無量心普攝 善根受生藏云何名發菩提心受生藏善男子此菩薩發阿耨多羅三藐 佛所常生愛樂常起深信修諸功德恆無休息是爲菩薩爲一切智始集 藏七者佛力光明受生藏八者觀普智門受生藏九者普現莊嚴受生藏 諸佛受生藏二者發菩提心受生藏三者觀諸法門勤修行受生藏四者 菩薩初發心時作如是願我當尊重恭敬供養一 以深淨心普照三世受生藏五者平等光明受生藏六者生如來家受生 諸佛之法常現在前順一切智眞實義境何等爲十一者願常供養一切 發廣大心增長諸度成就諸佛無上菩提捨世間趣入如來地獲勝神通 |二菩提心所謂起大悲心救護一切衆生故起供養佛心究竟承事故起 者入如來地受生藏善男子云何名願常供養一 切諸佛見佛無厭於諸 切佛受生藏善男子

智故起如說行心修菩薩道故起不誑諸佛心守護一切佛大誓願故起 生故起不捨一 切衆生心被求一 切智堅誓甲故起無諂誑心得如

道心起正念無過失業心起一切菩薩三昧海淸淨心起修成一 受生藏善男子此菩薩摩訶薩起觀一 心 切智 功德故得生如來家是爲菩薩第一受生藏云何名觀諸法門勤修行 顧心盡未來化衆生不休息故菩薩以如是等佛刹微塵數菩提 切法門海心起迴向一切智圓滿

熾 功德心起莊嚴一切菩薩道心起求一切智大精進行修諸功德如劫火 無休息心起修普賢行敎化一切衆生心起善學一 切威儀修菩薩 切菩薩

深淨心普照三世受生藏善男子此菩薩具淸淨增上心得如來菩提光 功德捨離一切所有住無所有眞實心是爲菩薩第三受生藏云何名以

入菩薩方便海其心堅固猶若金剛背捨一切諸有趣生成就 切佛自

囚

與諸 藏云何名佛力光明受生藏善男子此菩薩深入佛力遊諸佛刹心無 見佛神力隨所應化淨諸衆生如問而對辯才無盡是爲菩薩第六受生 隨諸佛住成就一切甚深法門具三世佛清淨大願得一切佛同一善根 爲菩薩第五受生藏云何名生如來家受生藏善男子此菩薩生如來家 諸佛海悟入一切眞實法性一切世間見者歡喜善能修習如實法門是 於彼岸修習諸禪得普門定淨智圓滿以智慧日明照諸法得無礙眼 佛究竟淨戒境界具足忍法成就諸佛法忍光明以大精進趣一切智到 光明受生藏善男子此菩薩具足衆行普化衆生一切所有悉皆能捨住 在力修殊勝行具菩薩根其心明潔願力不動常爲諸佛之所護念破壞 切 **《諸障礙山普爲衆生作所依處是爲菩薩第四受生藏云何名平等** 如 來 共一 體性具出世行白淨善法安住廣大功德法門入諸三昧

大

無量 薩第 法 於 第隨諸衆生所應化度爲現成道功德莊嚴神通說法方便調伏是爲菩 第善巧方便說法次第亦知 際歿生次第一切菩薩修行次第一 三世諸 藏是爲菩薩第九受生藏云何名入如來地受生藏善男子此菩薩悉於 輪於一 法現不思議佛自在力充滿一切虛空法界於諸衆生心行海。 劫 莊嚴中現種種莊嚴如是莊嚴一 處通達無礙以一 無 十受生藏佛子若菩薩摩訶薩於此十法修習增長圓滿成就 有休息演說一 如來所受灌頂法普知一切境界次第所謂知一 切世界示現成佛恆無間斷以不可說淸淨言音說一 切法莊嚴道場隨諸衆生欲解差別而現成佛 切諸佛法海種種境界種種成熟展轉傳來無量 一切初中後際所有諸劫若成若壞名號次 切衆生心念次第三世如來成佛次 切國土開導示悟一切衆生盡未 切衆生前際後 切法。 中 ·
而轉 則能

法身清淨心無礙

生於三世諸佛家

以法光明照羣品

示無量甚深法藏教化成就 切世間爾時嵐毗尼林神欲重明其義以

佛神力普觀十方而說頌言

最 上離垢清淨心 見一 切佛無厭足

此明慧者受生藏 切三世國土中

普於三世無所礙 悉願度脫恆瞻奉 此難思者受生藏

其心恆住大悲海

此最勝者受生藏

身心淸淨如虛空

大慈普覆於一切

堅如金剛及寶山

普入十方法界海

此雄猛者受生藏

普詣十方諸國土

願盡未來常供養

所有衆生及諸佛

聞法無厭樂觀察

了達一切種智門 此名稱者受生藏

妙行常增諸度海 了達法性心無礙

此明智者受生藏

切佛力靡不成 二二 万五

善男子我先發願願一切菩薩示受生時皆得親近願入毗盧遮那如來 量劫來得是自在受生解脫門善財白言聖者此解脫門境界云何答言 善男子菩薩具此十法生如來家爲一切世間淸淨光明善男子我從無 無量受生海以昔願力生此世界閻浮提中嵐毗尼園專念菩薩何時下 勤修普化衆生法 此諸佛子受生藏 **久已修行薩婆若** 觀一切智如實門 此不思議受生藏 疾能趣入如來位 顯現如來自在力 此眞身者受生藏 入深智慧已自在 了知法界皆無礙 此大名者受生藏 淨治一切諸佛十 於諸三昧亦究竟

生經於百年世尊果從兜率陀天而來生此時此林中現十種相何等為

一者此園中地忽自平坦坑坎塠阜悉皆不現二者金剛爲地衆寶莊

喜無量善男子摩耶夫人出迦毗羅城入此林時復現十種光明瑞相令 為林中十 諸佛受生誕生所有神變及一切菩薩受生功德又出諸佛種種言音是 伽女皆生歡喜各各捧持諸供養具向畢洛叉樹前恭敬而立十者十方 伽 開摩尼寶華七者諸池沼中皆自生華從地涌出周布水上八者時此林 妙華鬘寶莊嚴具行列分布處處充滿六者園中所有一切諸樹皆自然 者生衆香芽現衆香藏寶香爲樹扶疎蔭暎其諸香氣皆踰天香五者諸 中娑婆世界欲色所住天龍夜叉乾闥婆阿脩羅迦樓羅緊那羅摩睺羅 嚴無有瓦礫荆棘株杌三者寶多羅樹周而行列其根深植至於水際四 切諸佛蘅中皆放光明名菩薩受生自在燈普照此林一一光中悉現 一切諸王莫不來集合掌而住九者此世界中所有天女乃至摩睺羅 種瑞相此相現時諸天王等卽知當有菩薩下生我見此瑞歡

C = 10t)

現除滅一 勝身諸毛孔咸放光明普照三千大千世界無所障礙一切光明悉皆不 樓羅緊那羅摩睺羅伽幷其眷屬爲供養故悉皆雲集摩耶夫人威德殊 時欲界諸天天子天女及以色界一切諸天諸龍夜叉乾闥婆阿脩羅迦 坐時復現菩薩將欲誕生十種神變何等爲十善男子菩薩將欲誕生之 諸衆生得法光明何等爲十所謂一 子當爾之時摩耶夫人腹中悉現三千世界一切形像其百億閻浮提內。 便智光一切菩薩證於法界眞實智光一切菩薩得佛自在受生出家成 切菩薩修波羅蜜圓滿智光一切菩薩大願智光一切菩薩教化衆生方 出眞實妙晉聲光十方菩薩初發心光一切菩薩得入諸地現神變光一 正覺光此十光明普照無量諸衆生心善男子摩耶夫人於畢洛叉樹下 切衆生煩惱及惡道苦是爲菩薩將欲誕生第一神變又善男 切寶華藏光寶香藏光寶蓮華開演

其母如是一切於毛孔中靡不皆現是爲菩薩將欲誕生第四神變又善 受生壽命長短依善知識修行善法於一切刹在在生處摩耶夫人常爲 行時所住世界城邑聚落山林河海衆生劫數值佛出世入淨國土隨所 等像摩耶夫人身諸毛孔亦復如是能現如來往昔因緣是爲菩薩將欲 諸佛及聞諸佛說法音聲譬如明鏡及以水中能現虛空日月星宿雲雷 男子摩耶夫人一切毛孔皆現如來往昔修行菩薩道時恭敬供養一切 顯現菩薩將生不可思議神變之相是爲菩薩將欲誕生第二神變又善 形貌衣服飲食苦樂等事一一普現分明辯了是爲菩薩將欲誕生第五 男子摩耶夫人一一毛孔顯現如來往昔修行菩薩行時隨所生處色相 誕生第三神變又善男子摩耶夫人身諸毛孔一一皆現如來往修菩薩 各有都邑各有園林名號不同皆有摩耶夫人於中止住天衆圍繞悉爲

差別不相雜亂周 羅伽· 菩薩 男子摩耶夫人入此園時從其身出十不可說百千億那由他佛刹微 衆寶莊嚴之事妓樂歌詠上妙音聲令諸衆生普得見聞是爲菩薩將誕 瓔珞金銀寶貨如是一切內外諸物亦見受者形貌音聲及其處所是爲 難 神 所有一切諸佛入母胎時國土園林衣服華鬘塗香末香旛繒幢蓋一切 生時第七神變又善男子摩耶夫人入此園時從其身出菩薩所住摩尼 變又善男子摩耶夫人身諸毛孔一一皆現世尊往昔修施行時捨所 捨頭目耳鼻脣舌牙齒身體手足血肉筋骨男女妻妾城邑宮殿衣服 及諸人王之所住者寶網覆上妙香普熏衆寶莊嚴內外淸淨各各 宮殿樓閣超過一切天龍夜叉乾闥婆阿脩羅迦樓羅緊那 將 欲誕生第六神變叉善男子摩耶夫人入此園時其林普現過去 市偏滿嵐 毗尼園是爲菩薩將誕生時第八神變又善 羅 摩睺

那菩薩等無有異悉共同時讚歎如來是爲菩薩將誕生時第九神變又 數菩薩其諸菩薩身形容貌相好光明進止威儀神通眷屬皆與毗盧遮

善男子摩耶夫人將欲誕生菩薩之時忽於其前從金剛際出大蓮華名 塵數葉一切皆以摩尼所成寶網寶蓋以覆其上一切天王所共執持 爲一切實莊嚴藏金剛爲莖衆寶爲鬚如意寶王以爲其臺有十佛刹微

菩薩功德一切摩睺羅伽王皆生歡喜歌詠讚歎普雨一 妙音歌讚菩薩往昔供養諸佛功德一切阿脩羅王捨憍慢心稽首敬禮 切龍王降注香雨一切夜叉王恭敬圍繞散諸天華一切乾闥婆王出微 切迦 樓羅王垂寶繒旛徧滿虛空一 切緊那羅王歡喜瞻仰歌詠讚歎 切寶莊嚴雲是

菩薩其身誕生如虛空中現淨日輪如高山頂出於慶雲如密雲中而耀

爲菩薩將誕生時第十神變善男子嵐毗尼園示現如是十種相已然後

莊嚴其四天下閻浮提中有一王都名須彌莊嚴幢其中有王名寶餤眼 子菩薩爾吉 中出現其第一佛名自在功德幢十號具足彼世界中有四天下名妙光 **刹微塵數劫復過是數時有世界名爲普寶劫名悅樂八十那由他佛於** 童子白彼神言大天得此解脫其已久如答言善男子乃往古世過億佛 切諸佛刹中皆有如來示現受生種種神變如是念念常無間斷時善財 見百佛世界千佛世界乃至十方一切世界一一塵中無量佛刹如是 尼園中示現初生種種神變亦見三千大千世界一一塵中無量佛刹亦 生種種神變時亦見如來於三千大千世界百億四天下閻浮提內嵐毗 去不生不滅善男子當我見佛於此四天下閻浮提內嵐毗尼園示現初 光如夜闇中而然大炬爾時菩薩從母脇生身相光明亦復如是善男 時雖現初生悉已了達一切諸法如夢如幻如影如像無來無

彼世界中喜光夫人為初佛母亦復如是善男子其喜光夫人將欲誕生

其王夫人名日喜光善男子如此世界摩耶夫人為毗盧遮那如來之母

皆恭敬承事供養聽所說法如說修行時嵐毗尼林神欲重宣此解脫義 承佛神力普觀十方而說頌言

過億利 我時疾捧持 我 最 佛子汝所問 時爲乳母 初如來號 塵劫 諦觀不見頂 智慧極聰利 自在功德幢 有劫名悅樂 諸佛甚深境 身相皆圓滿 諸天授與我 我在金華園 八十那由 汝今應聽受 他 菩薩金色身 見彼初生日 我說其因緣 如來出與世 無邊際

供養無數佛 增廣諸大願 疾增衆福海 嚴淨一 修行本誓願 見此神通事 切刹 滅除三 救脫衆生苦 發大菩提 一惡道 心

普於十方土

專求佛功德

思惟彼功德

離垢清淨身

相好以莊嚴

譬如妙寶像

見已自欣慶

億利微塵數 或見不思議 我見刹塵內 刹内悉有佛 我於一念頃 無量刹海中 億刹微塵數 劫中所有佛 我於彼佛所 念見億刹 微塵中 諸佛現受生 諸佛轉法輪 無量佛成道 微塵數菩薩 億刹諸菩薩 見此刹塵中 我昔曾供養 園中示誕生 過去十力算 聞法得解脫 刹塵內 悉見於如來 悉以無盡音 各現諸方便 出家趣道場 說法衆圍繞 住於天宮上 各現不思議 護持其正法 盡持其法輪 億刹微塵數 有如來 普兩甘露法 度脫苦衆生 於此我皆見 將證佛菩提 廣大神通力 淨此解脫海 **示現般涅槃** 所淨諸刹海 增明此解脫 示現佛境界 無量劫修行

善男子我唯知此菩薩於無量劫徧一切處示現受生自在解脫如諸菩 名日瞿波汝詣彼問菩薩云何於生死中教化衆生時善財童子頂禮其 悉現其前我當云何能知能說彼功德行善男子此迦毗羅城有釋種女 薩摩訶薩能以一念爲諸劫藏觀一 足繞無數市殷勤瞻仰辭退而去 知諸衆生應可度時爲現受生方便調伏於一切刹現諸神變猶如影像 切諸佛究竟通達一切佛法於一切趣皆現受生一切佛前坐蓮華座 佛子我知此 不思議刹海 如是無量剤 難思解脫門 如來示誕生 無量趣差別 切法以善方便而現受生周偏供養 我悉現其前 無量億劫中 而我悉分身 稱揚不可盡 現前與供養 雨於大法雨

大方廣佛華嚴經卷第七十四

春

華嚴字母衆藝親宣善財童子得眞傳秘密義幽玄功德無邊唱誦利人

天

嚩◐忘○犛無○○微文構○琢雺嚩唱嚩字時普願法界衆生入般若

波羅蜜門

哆○鐺燈冬都啁懛堤顚殫○擔侸哆唱哆字時普願法界衆生入般若

波羅蜜門

也○陽蠅容余遙○移寅延淫鹽由也唱也字時普願法界衆生入般若

波羅蜜門

否○◎張尸 中書 朱書 朝尸 裡師 知尸 珍尸 彼師 砧尸 計師 輈師 吒瑟 唱嘅 字時普願法界衆生入般

若波羅蜜門

波 四十二字妙陀羅字字包含義理多阿棳梵韻滿娑婆功德大法界沐恩

南無華嚴海會佛菩薩 三 稱

四生九有同登華藏玄門八難三塗共入毘盧性海

音釋

株

根音

天勝 也朱 故名 木 机無音 枝兀 也樹 **蔭** 印音 踰 越音 也于 捧兩調 手奉 獻二 也音 畢洛叉此 樹云 下高 降顯 駳佛

則在

第六頁第 通六 本行 作藏 修本 智修 正習 法增 長 第十頁爾 流十 通一 本行 作藏 當本

校異同

顯為

人高

是當

唐于闐國三藏沙門實叉難陀譯

入法界品第三十九之十六

宮殿神俱來迎善財作如是言善來丈夫有大智慧有大勇猛能修菩薩 次遊行至菩薩集會普現法界光明講堂其中有神號無憂德與一萬主 以諸相好莊嚴其身以十力智瑩飾其心遊諸世間我觀仁者勇猛精進 心無暫懈威儀所行悉皆清淨汝當不久得諸如來清淨莊嚴無上三業 恆順修行知諸衆生心行差別令其歡喜趣向佛道我觀仁者修諸妙行 入於無量諸方便門成就如來功德大海得妙辯才善調衆生獲聖智身 不可思議自在解脫心恆不捨廣大誓願善能觀察諸法境界安住法城 爾時善財童子向迦毗羅城思惟修習受生解脫增長廣大憶念不捨漸

能爲難不久當成無上果故善財童子言聖者如向所說願我皆得聖者 大歡喜何以故菩薩不自爲故求一切智不貪生死諸欲快樂不隨想倒 自安菩薩摩訶薩亦復如是見諸衆生以煩惱業墮三惡趣受種種苦心 聖者譬如有人唯有一子愛念情至忽見被人割截支體其心痛切不能 我願一切衆生息諸熱惱離諸惡業生諸安樂修諸淨行聖者一切衆生 見倒心倒諸結隨眠愛見力轉不起衆生種種樂想亦不味著諸禪定樂 大憂惱若見衆生起身語意三種善業生天人趣受身心樂菩薩爾時 起諸煩惱造諸惡業墮諸惡趣若身若心恆受楚毒菩薩見已心生憂惱 近供養聽受其敎憶念修行不懈不退無憂無悔無有障礙魔及魔民不 禪定解脫諸三昧樂不久當入諸佛如來甚深解脫何以故見善知識親 而 無有比不久當得普見三世一切諸佛聽受其法不久當得一 切菩薩

光明故爲大雲常雨一切甘露法故聖者菩薩如是修諸行時令一 功德心故爲嚴具常放福德智慧光故爲可樂凡有所作悉端嚴故爲可 津濟令入一切諸佛海故爲導師令至一切法寶洲故爲妙華開敷諸佛 爲養育令其成就菩薩道故爲衞護令其遠離三惡道故爲船師令其得 訶 度生死海故爲歸依令捨諸魔煩惱怖故爲究竟令其永得淸涼樂故爲 治一切衆生樂欲及其所有身心諸行於生死中無有疲厭聖者菩薩摩 爲求如來一切智智爲供養一切諸佛如來爲嚴淨一切廣大國土爲淨 薩於諸衆生爲莊嚴令生人天富貴樂故爲父母爲其安立菩提心故 大悲心以大願力而普攝取悲願力故修菩薩行爲斷一切衆生煩惱 有障礙疲厭退轉住於生死但見衆生於諸有中具受無量種種諸苦 切諸惡業故爲普賢具足一 切端嚴身故爲大明常放智慧淨 切衆

CHHID

M

出過諸天上妙華鬘塗香末香及以種種寶莊嚴具散善財上而說頌言 生皆生愛樂具足法樂爾時善財童子將升法堂其無憂德及諸神衆 以

汝於諸世間 汝修菩提行 汝以淸淨心 汝見諸衆 無量億千劫 汝今出世間 生 功德悉圓滿 無 尋求佛菩提 難可得見汝 顚倒惑所覆 為世大明燈 依無所 著 放大智慧光 其心普無礙 功德日今出 普爲諸衆生 而與大悲意 承事善知識 普照一 清 水證無師道 勤求無上覺 不自惜身命 滅除諸世闇 淨 如虚 切世 空

勇猛

大精進

堅固不可動

金

剛慧師子

遊行無所畏

譬如火災起

切無能

滅

汝修菩提

行

精

進火亦然

汝

不離

世間

亦不著於

世

行世無障礙

如

風遊虛

空

之座八萬四千采女所共圍繞是諸采女靡不皆從王種中生悉於過去 爾時無憂德神說此頌已爲愛樂法故隨逐善財恆不捨離爾時善財童 菩薩力智日慧燈悉已圓滿爾時善財童子詣彼釋女瞿波之所頂禮其 佛菩提行恆住正定常遊大悲普攝衆生猶如一子慈心具足眷屬淸淨 修菩薩行同種善根布施愛語普攝衆生已能明見一切智境已共修集 子入普現法界光明講堂周徧推求彼釋氏女見在堂內坐寶蓮華師子。 勤觀察一 已於過去成就菩薩不可思議善巧方便皆於阿耨多羅三藐三菩提得 足合掌而住作如是言聖者我巳先發阿耨多羅三藐三菩提心而未知 不退轉具足菩薩諸波羅蜜離諸取著不樂生死雖行諸有心常淸淨恆 切法界中 切智道離障蓋網超諸著處從於法身而示化形生普賢行長 所有諸刹海 汝 悉能往詣 親近善知識

쳪

卷七十五

£

時瞿波女告善財言善哉善哉善男子汝今能問菩薩摩訶薩如是行法 佛 修習普賢諸行願者能如是問諦聽諦聽善思念之我當承佛神力爲汝 生不滅而勤供養無有退轉雖知諮法無業無報而修諸善行恆不止息 生成就法身而示現無邊種種色身證無相法而爲衆生示現諸相. 無 智故於諸佛所聽聞法故心恆不捨三世佛故同於一 如 |薩云何於生死中而不爲生死過患所染了法自性而不住聲聞辟支 一說善男子若諸菩薩成就十法則能圓滿因陀羅網普智光明菩薩之 說 何等爲十所謂依善知識故得廣大勝解故得淸淨欲樂故集一 地。 來所護念故大悲妙願皆淸淨故能以智力普斷 具足佛法而修菩薩行住菩薩地而入佛境界超過世間而於世受 而廣爲衆生演說諸法知衆生空而恆不捨化衆生事雖知諸佛不 切諸生死故是爲 切菩薩行故。 切福 知法 一切

永斷

煩惱

離諸垢

國土衆生佛皆爾

此行於世帝網行

菩 **蕯親近善知識則能精進不退修習出生無盡佛法佛子菩薩以十種** 若諸菩薩成就此法則能圓滿因陀羅網普智光明菩薩之行佛子若

法 知 承事善知識何等爲十所謂於自身命無所顧惜於世樂具心不貪求 切法性皆平等永不退捨一切智願觀察一切法界實相心恆捨離

釋迦瞿波女欲重明此義承佛神力觀察十方而說頌言 淨修菩薩無礙智輪佛子應以此法承事一 切 有海知法如空心無所依成就一切菩薩大願常能示現一 切諸善知識無所違逆爾時 切刹

菩薩爲利諸羣生 正念親承善知識 敬之如佛心無怠

此是普智光明行 勝解廣大如虛空 切佛所修功德 志樂如空無有際 切三世悉入中

此行於世身雲行 (二二五)

普於 能入諸佛大衆會 起大慈悲現世間 此行於世帝網行 此行於世不染行 菩薩修習一 此是修行普賢行 處處修行普賢道 能生實相智慧燈 見諸衆生在諸趣 念一切悉能入 切諸趣中 切智 演法光明除闇 菩薩修行此方便 爲集無邊妙法輪 此是菩薩分身行 此行於世普照行 化度無量諸含識 心恆不捨諸如來 不可思議功德海 切諸佛所加持 切諸佛如來所 切菩薩三昧海 以大慈悲方便力 隨衆生心而現身 此是菩薩智日行 見諸衆生受大苦 盡未來際無邊劫 顧海及以方便海 **令其永斷生死流** 此向菩提大願行 十方諸佛無有量 聽受其法無厭足 淨諸福德智慧身

切

獨 無間 願。 願行。 斷。 相 藝 虀 了 我皆了 忍所通 内 所 於 菩薩建立 地觀菩薩地淨菩薩地菩薩地相菩薩地智菩薩攝智菩薩教化 知。 所住世界亦知娑婆世界世界種所攝世界亦知毗盧遮那世尊此 現神 念念中所入三昧海所得 成就滿 亦知彼佛諸菩薩衆其諸菩薩從初發心修習善根出生無量諸 所有善根所得菩提寂滅解脫神通變化成熟衆生入於涅槃我悉 切 通我 **[達一切智所住刹海所入法海所知衆生海所住方便所發誓** 知。 世界亦知娑婆世 如 智菩薩廣 足諸波羅蜜種種莊嚴菩薩之道 悉了 知娑婆世 ·知善男子: 大行境界菩薩 界亦知娑婆世界內微塵數世界亦知娑婆世 界微塵內所有世界亦知娑婆世 此娑婆世 切智光明所獲 神 界盡未來際所有 通行菩薩三昧海菩薩方便菩 以自在力入菩薩地住 切智電光雲所得 劫海 界 外十 展轉 衆 生

如是一

切我悉了知何以故我此解脫能知

界海 世 華藏 界輪世界場世界差別世界轉世界蓮華世界須彌世界名號盡此世 世界海中十方無量諸世界種所攝世界所謂世界廣博世界安立 切世界由毗盧遮那世尊本願力故我悉能知亦能憶念亦念如

性成等正覺轉妙法輪及其所有道場衆會其衆會中一 切 慧於一切處示現受生普賢行願悉皆淸淨普入諸剎普淨佛土普入 佛國土教化衆生承事諸佛造立住處聽受說法獲諸三昧得諸自在修 檀波羅蜜 來往昔所有諸因緣海所謂修習一切諸乘方便無量劫中住菩薩行淨 如來智海普攝一 入佛功德海持戒苦行具足諸忍勇猛精進成就諸禪圓滿淨 切諸佛菩提得於如來大智光明證於諸佛一 切衆生往世已 切智

切衆生心行。

切衆生

來所種善根從初發心成熟衆生修行方便念念增長獲諸三昧神通解

音聲眼目紺靑睫如牛王眉間毫相頂上肉髻皮膚細輭如眞金色身毛 輪 王腨七處圓滿陰藏隱密其身上分如師子王兩肩平滿雙臂脯長身相 皆悉勇健能伏冤敵其王太子名威德主端正殊特人所樂見足下平滿 彼時有王名曰財主其王具有六萬采女五百大臣五百王子其諸王子 安隱其四天下閻浮提中有一王城名高勝樹於八十王城中最爲上首 世過佛刹微塵數劫有劫名勝行世界名無畏彼世界中有四天下名爲 爾時善財童子白瞿波言聖者得此解脫其已久如答言善男子我於往 修行善根一切衆生雜染淸淨 一切緣覺寂靜三昧神通解脫一切菩薩一切如來解脫光明皆了知故。 直頸文三道頰如師子具四十齒悉皆齊密四牙鮮白其舌長廣出梵 相備具足趺隆起手足指間皆有網縵足跟齊正手足柔輭伊尼耶鹿 切衆生種種差別一切聲聞諸三昧門。

1 =

名具足妙德顏容端正色相嚴潔洪纖得所脩短合度目髮紺青聲如梵 種種飲食或有懸布種種衣服或有備擬諸資生物或復安置端正女人 音善達工巧精通辯論恭勤匪懈慈愍不害具足慚愧柔和質直離癡寡 及以無量僮僕侍從隨有所須悉皆施與時有母人名為善現將一 道路平正無有高下衆寶雜華散布其上寶樹行列寶網彌覆種種樓閣 延袤其間其樓閣中或有積聚種種珍寶或有陳列諸莊嚴具或有供設 作諸妓樂百千萬人燒諸名香百千萬人散諸妙華前後圍繞而爲翊從 師子之座而坐其上五百采女各執寶繩牽馭而行進止有度不遲不速 詣香牙園遊觀戲樂太子是時乘妙寶車其車具有種種嚴飾置大摩尼 百千萬人持諸寶蓋百千萬人持諸寶幢百千萬人持諸寶旛百千萬人 上 |靡髮帝靑色其身洪滿如尼拘陀樹爾時太子受父王敎與十千乐女 童女

見佛故皆來集會時妙德童女夢覩如來故聞佛功德故其心安隱無有 竟天諸地神風神火神水神河神海神山神樹神園神樂神主城神等為 圍繞。 之言勝日身如來於法雲光明道場成等正覺已經七日諸菩薩衆前後 出 怖畏於太子前而說頌言 彼香牙園側有一道場名法雲光明時有如來名勝日身十號具足於中 作轉輪王有寶女出騰空自在我等卑賤非其匹偶此處難得勿生是念 滅母告女言莫生此念何以故此甚難得此人具足輪王諸相後當嗣位 子言辭諷詠心生愛染而白母言我心願得敬事此人若不遂情當自殞 無諸路 現已經七日時彼童女暫時假寐夢見彼佛從夢覺已空中有天而告 天龍 夜叉乾闥婆阿脩羅 誑乘妙寶車采女圍繞及與其母從王城出先太子行見其 迦樓羅緊那羅摩睺羅伽梵天乃至 一色究

爾時太子告彼女言汝是誰女爲誰守護若先屬人我則不應起愛染心 離垢清淨身 舌相廣長妙 我觀太子身 色如光明寶 我今見太子 目廣紺青色 我身最端正 口方不褰縮 無瞋亦無恨 無量百千衆 具相三十二 齒白悉齊密 **猶如赤銅色** 月面師子頰 譬若眞金像 **髮美而右旋** 具諸功徳相 見我皆貪染 名聞編十方 無嫌亦無喜 必當於此界 發言現笑時 喜顏美妙音 梵音緊那聲 亦如大寶山 其心大欣慶 我心不於彼 額廣眉纖曲 但發廣大心 智慧無等倫 善達諸工巧 見者心歡喜 願垂哀納我 而作轉輪位 聞者皆歡喜 相好有光明 我心願事汝 諸根咸悅樂 利益諸衆生 而生少愛欲

爾時 太子以頌問言。

汝能 不生 不說他 愛樂於佛不 若有善知識 尊重父母不 汝 誰爲汝父母 汝身 不盜 邪險 孤獨 知 極清 法不 他物 人惡 見 淨 能淨衆 能 誨 敬善知識 不 T 不 汝 汝 功 ·壞他所記 起慈心不 示於 知菩薩不 作相違業 不有害 今繁屬誰 徳相具足 汝法 生不 心 不 親 見諸貧 不以路 我今 見惡道衆 爲 衆僧功德 能生堅固 汝不作 若 不侵他境 住於 已屬於 問於 法 窮 曲 邪 生 海 中 心 界 人 力 婬 人 汝 能 能 彼 爲 究竟尊重不 汝於 汝能恭敬不 方便誑世 不於他恚 汝依何語住 住於非 人攝受 生大悲不 生攝心不 誰所住 法 間 怒 汝

爾時夜分盡

日光初出現

於彼蓮池內

忽生千葉華

彼園有浴池

同遊八百女

見他得榮樂 汝發菩提意 能生歡喜不 開悟衆生不 他來逼迫汝 無邊劫修行 能無疲倦不 汝無瞋惱不

爾時女母爲其太子而說頌言

太子始生日 太子汝應聽 我今說此女 初生及長成 切諸因緣

奇樹發妙華 我曾於春月 望之如慶雲 遊觀娑羅園 卽從蓮華生 普見諸藥草 好鳥相和鳴 其目淨脩廣 林間共歡樂 種種皆榮茂 肢節悉具足

名日蓮華幢 端正奪人心 我於池岸坐 被服皆嚴麗 采女衆圍繞 歌詠悉殊美

其蓮正開剖 放大淸淨光寶葉瑠璃莖 閻浮金為臺

善了諸兵法 世 文字算數法 非長亦非短 此女所住處 毛孔栴檀香 肢節悉具足 紺髮青蓮眼 此是人間寶 時見此玉女 其光極熾盛 間無有 譬如 常有天音樂 非飍亦非細 普熏於一 其身無缺減 從於淨業生 從彼蓮華生 巧斷衆諍訟 堪與此爲夫 梵聲金色光 巧諸技藝 日初出 切 能調難可調 種種悉端嚴 唯汝相嚴身 不應下劣人 華鬘衆寶髻 宿因無失壞 其身甚清 普照閻浮提 口 譬如眞金像 切皆通達 出青蓮香 淨 常演梵音聲 願垂見納受 願垂見納受 願垂見納受 願垂見納 而當如是偶 安處寶華中 清淨無諸垢 衆歎未曾有 **今受此果報** 肢分皆圓滿 受

尊重善知識

樂見離惡人

其心不躁動

先思後作業

雖於一 常觀第 行住與坐臥 若見於老病 恭敬於尊者 不嫉亦不慳 婦人之所能 閻浮語言法 衆生所有患 其身甚清淨 切處 義 皆無染著心 此女一 貧窮在苦難 奉事無違逆 不求自利樂 差別無量 善達彼緣起 無貪亦無恚 見者無厭足 切無放逸 切知 種 見有功德 樂修諸善行 言說及默然 但願益衆 無救無所依 質直性柔輭 應病而與藥 功德自莊 而無女人過 乃至妓樂音 生 人 嚴 見者咸欣樂 常生大慈愍 樂觀無厭足 以此莊嚴心 此能隨順 離諸飍循惡 願垂速納受 靡不皆通達 汝應垂納受 切能消滅 汝

ここ三七

ō

當捨 安住 或於我而作障難施財物 妾男女頭目手足如是一切內外所有悉當捨施無所恪惜當於爾時 置於究竟安樂處當淨治一切衆生智慧眼當修習一切菩薩所修行當 切如來種性不斷當隨一切衆生種性而普成熟當滅一 切波羅蜜供養 爾 三菩提當於盡未來際無量劫集 時太子入香牙園已告其妙德及善現言善女我趣求阿耨多羅 福智所莊嚴 . 捨汝出家汝心悔恨爾時太子卽爲妙德而說頌言 切物盡未來際行檀波羅蜜令一切衆生普得滿足衣服飮食妻 切菩薩平等心當成就一切菩薩所行地當令一切衆生普歡喜 切諸如來護持一 切無怨恨 時汝心恪惜施男女時汝心痛惱割肢體時 切諸佛教嚴淨一 切智助道之法修無邊菩薩行淨 女人中最上 宜應事太子 切佛國土當令 切衆生生死苦

爾時童女白太子言敬奉來敎卽說頌言 男女所愛物 乃至截手足 若見我施頭 當供一切佛 汝見來乞者 我當以方便 十方垢穢刹 哀愍衆生故 無量大劫中 三世諸佛所 或生慳恪心 愼勿生憂惱 當淨一切地 廣度諸羣生 汝勿嫌乞者 我當悉嚴淨 學六波羅蜜 淨修諸願海 我發菩提心 切我皆捨 汝今聞我語 令滅愚癡闇 汝能順我心 我今先語汝 我心常樂施 起大慈悲心 當於無量劫 **具足方便行** 入地及治障 切惡道難 我當成汝意 應可諦思惟 住於佛智道 汝勿違於我 悉捨内外物 我當令永出 成就菩提道 悉經無量劫 令汝心堅固 習行一切智

我夢彼如來 我曾夢見此 紺靑脩廣眼 若能眷納我 爲愍衆生苦 太子所行處 我不求豪富 無量生死海 無量劫頂戴 無量受生處 無量劫海中 身如眞金山 妙法菩提場 地出衆寶華 慈愍觀世間 不貪五欲樂 與我為主者 以我身肉施 廣大金剛山 而發菩提心 碎身如微塵 地獄火焚身 以手摩我頂 如來樹下坐 必作轉輪王 不起染著心 但爲共行法 既已攝衆 生生行施處 汝得法王處 若能眷納我 若能眷納我 若能眷納我 生 寤已心歡喜 願以仁爲主 願常以我施 無量衆圍繞 願能眷納我 必成菩薩道 亦當攝受我 願令我亦然 甘心受此苦 甘心受此苦 甘心受此苦

往昔眷屬天 名日喜光明 彼天爲我說 道場佛與世

我曾生是念 願見太子身 彼天報我言 汝今當得見

爾 時太子聞勝日身如來名生大歡喜願見彼佛以五百摩尼寶散其女 我昔所志願 於今悉成滿 唯願俱往詣 供養彼如來

相但合掌恭敬瞻仰太子目不暫捨其母善現於太子前而說頌言 上冠以妙藏光明實冠被以火燄摩尼寶衣其女爾時心不動搖亦無喜

持戒有智慧 此女極端正 功德莊嚴身 具足諸功徳 普於一切世 昔願奉太子 最勝無倫匹 **今意已滿足**

種姓無譏醜 太子同行業 遠離一 切過

此女蓮華生

此女身柔輭 毛孔出妙香 芬馨最無比 **猶如天繒纊** 其手所觸摩 衆生若聞者 衆患悉除滅 悉住於淨戒

龍 德 至已下車步進詣如來所見佛身相端嚴寂靜諸根調順內外淸淨如 爾 池 女各持五百妙寶蓮華供散彼佛太子爲佛造五百精舍一一 時 太子與妙德女及十千采女幷其眷屬出香牙園詣法雲光明道場 無諸垢濁皆生淨信踊躍歡喜頂禮佛足繞無數而于時太子及 調 此女心不恃 心淨無瑕垢 言音極柔 身色如真 柔具慚愧 輭 金 色相 遠離諸諂 聽之無不喜 恭敬於奪宿 端坐華臺 及眷屬 曲 上 但以清淨 稱 衆生若得聞 衆生若見者 無貪亦無誑 心 而發 心 恭敬一 聞者皆歡喜 悉離諸惡業 離害具慈心 憐愍諸衆生 切佛 皆以香 妙

經已於一

切法中得三昧海所謂得普照

一切佛願海三昧普照三世藏

聞

木所成衆寶莊嚴五百摩尼以爲間錯時佛爲說普眼燈門修多羅

昧普照一切衆生根智燈三昧救護一切衆生光明雲三昧普照一切衆 三昧現見一切佛道揚三昧普照一切衆生三昧普照一 切世間智燈

女幷其眷屬頂禮佛足繞無數而辭退還宮詣父王所拜跪畢已奉白王 生大明燈三昧演一切佛法輪三昧具足普賢淸淨行三昧時妙德女得 三昧名難勝海藏於阿耨多羅三藐三菩提永不退轉時彼太子與妙德

正覺于今未久爾時大王語太子言是誰爲汝說如是事天耶人耶太子 言大王當知勝日身如來出與於世於此國內法雲光明菩提場中成等

白言是此具足妙德女說時王聞已歡喜無量譬如貧人得大伏藏作如

住處作是念已集諸小王羣臣眷屬及以刹利婆羅門等一 是念佛無上寶難可值遇若得見佛永斷一切惡道怖畏佛如醫王能治 切諸煩惱病能救一切生死大苦佛如導師能令衆生至於究竟安隱 切大衆便捨

大

就作是念已前白佛言願得從佛出家修學佛 以 切世間 漏 燈。 力現身超出 議 眷屬悉皆退坐爾時如來觀察彼王及諸大衆白毫相中放大光明名 有閻 佛刹 作 **一位授與太子灌頂訖已與萬人俱往詣佛所到** 心 大 忠議 如是念我若在家不能證得如是妙法若於佛所出家學道 得解脫十千衆 神通力普令 微 浮提微塵數菩薩俱時證得此陀羅尼六十萬那由他人盡諸 心燈普照十方無量世界住於一 力廣現神變普於十方無量世界演三乘法化度衆生 塵數陀羅尼而 切世間以圓滿 生遠塵離垢得法眼淨無量衆生發菩提心 切應受化者心得清淨爾時如來以不思議自在神 爲眷屬彼王聞已卽時獲得大智光明其衆 音普爲大衆說陀羅尼名一 切世主之前示現如來不可思 言隨意宜自知 已禮足繞無數 切法義 時。 一時彼父 即當 時 時 幷 佛 財 離 成 有 會

僧坊 一一 有千子端正勇健能伏冤敵其閻浮提中有八十王城一 主兵寶名離垢眼七寶具足爲轉輪王王閻浮提正法治世人民快樂王 揚如來自在神力護持於佛所說教法爾時太子於十五日在正殿上采 以神力徧十方刹隨衆生心而爲現身讚佛出現說佛本行示佛本緣稱 得菩薩無礙淨身往詣十方諸如來所聽受其法爲大法師演說妙法復 陀羅尼亦得如上諸三昧門又得菩薩十神通門又得菩薩無邊辯才又 如來以不思議衆妙供具而爲供養佛入城時現大神力令無量衆生種 迅疾風四者珠寶名日光藏五者女寶名具妙德六藏臣寶名爲大財七 女圍繞七寶自至一者輪寶名無礙行二者象寶名金剛身三者馬寶名 T與十千人皆於佛所同時出家未久之間悉得成就一 僧坊立佛支提皆悉高廣以衆妙寶而爲校飾一 切法義離 一王城皆請 城中有五百 闇

來往昔修行菩薩道時淨此世界海其世界海中去來今佛出興世者皆 世界名圓滿光中有道場名現一切世主身寶華如來於此成阿耨多羅 是寶華如來爲菩薩時敎化令發阿耨多羅三藐三菩提心彼時女母善 現法界虛空影像雲中有世界種名普現三世影摩尼王彼世界種中有 云何彼時太子得輪王位供養佛者豈異人乎今釋迦牟尼佛是也財主 普現身徧一切刹知衆生根及其性欲令其發起一切智願佛子於汝意 與次第說種種法攝取衆生發菩薩願入菩薩道知如來法成就法海能 諸善根無量衆生心得淸淨見佛歡喜發菩提意起大悲心利益衆生勤 三藐三菩提不可說佛刹微塵數諸菩薩衆前後圍繞而爲說法寶華 王者寶華佛是其寶華佛現在東方過世界海微塵數佛刹有世界海名 修佛法入眞實義住於法性了法平等獲三世智等觀三世知一切佛出 如

現者今我母善目是其王眷屬今如來所衆會是也皆具修行普賢諸行

養其最後佛名廣大解於彼佛所得淨智眼爾時彼佛入城敎化我爲王。 燈次名深遠音次名毗盧遮那勝藏王次名諸乘幢次名法海妙蓮華佛 即時獲得觀察一切菩薩三昧海境界解脫佛子我得此解脫已與菩薩 妃與王禮覲以衆妙物而爲供養於其佛所聞說出生一切如來燈法門 子彼劫中有如是等六十億百千那由他佛出興于世我皆親近承事 星次名寶月幢次名三昧身次名寶光王次名普智行次名燄海燈次名。 名佛影髻次名月光毫次名辯才口次名覺華智次名寶燄山次名功德 恆齅寂滅香次名普震寂靜音次名甘露山次名法海音次名堅固網次 開敷身次名福德嚴淨光次名智燄雲次名普照月次名莊嚴蓋妙音聲 次名師子勇猛智光明次名法界月次名現虛空影像開悟衆生心次名 垢法音王次名無比德名稱幢次名修臂次名本願淸淨月次名照義 供

=

二三四九

子若有衆 諸佛出與于世我皆親近承事供養聽所說法讀誦受持於彼一切諸如 如 種佛衆會發菩薩種種大願修菩薩種種妙行得菩薩種種解脫然未能 來所得此解脫種種法門知種種三世入種種刹海見種種成正覺入種 彼 便而 知 事供養而未能知菩薩之身形量色貌及其身業心行智慧三昧境界佛 於 於佛刹微塵數劫勤加修習於佛刹微塵數劫中承事供養無量諸佛或 菩薩所得普賢解脫門何以故菩薩普賢解脫門如太虛空如衆 佛得此解脫已與菩薩於百佛刹微塵數劫而共修習於其劫中所有 二世海如十方海如法界海無量無邊佛子菩薩普賢解脫門與如來 劫 攝取之以爲眷屬令於阿耨多羅三藐三菩提得不退轉佛子我見 承事一佛或二或三或不可說或值佛刹微塵數佛悉皆親近承 生得見菩薩修菩提行若疑若信菩薩皆以世出世間種種方 生名

攝 於菩薩一一毛孔見三世諸菩薩無邊行門所謂無邊廣大願無邊差別 地無邊波羅蜜無邊往昔事無邊大慈門無邊大悲雲無邊大喜心無邊 薩一一毛孔見無邊衆生海種種住處種種形貌種種作業種種諸根又 坐種種道場現種種神變轉種種法輪說種種修多羅恆不斷絕又於菩 已所至處而不重至已所見處而不重見求其邊際竟不可得乃至見彼 種種諸乘種種方便種種淸淨又於菩薩一一毛孔念念常見無邊佛海 種雲種種名種種佛與種種道場種種衆會演種種修多羅說種種灌頂 無量無邊廣大世界種種安住種種莊嚴種種形狀有種種山種種地種 會遞相愛染起於無量妄想思覺我亦如是觀菩薩身一一毛孔念念見 境界等佛子我於佛刹微塵數劫觀菩薩身無有厭足如多欲人男女集 取 衆生方便佛子我於佛刹微塵數劫念念如是觀於菩薩一一毛孔。

脫義承佛神力卽說頌言

世法界中事佛子我唯得此觀察菩薩三昧海解脫如諸菩薩摩訶薩究 悉達太子住於宮中采女圍繞我以解脫力觀於菩薩一一毛孔悉見三

知佛神力同於如如徧一切處示現無邊解脫境界於一念中能自在入 毛孔現無邊色相海知諸法性無性爲性知衆生性同處空相無有分別 無量諸方便海爲一切衆生現隨類身爲一切衆生說隨樂行於一

供養諸佛恆無休息作菩薩業永不退轉離一切障礙入菩薩解脫不由 廣大法界遊戲一 世界中有佛母摩耶汝詣彼問菩薩云何修菩薩行於諸世間無所染著 切諸地法門而我云何能知能說彼功德行善男子此

一切菩薩道詣一切如來所攝一切衆生界盡未來劫修菩薩行

於他住 發大乘願增長一切衆生善根常無休息爾時釋迦瞿波女欲重明此解

○三五一

善光住彼林 有時因乞食 王都名智樹 太子名善光 五百億人俱 彼王及王子 彼佛涅槃後 乃往久遠世 此劫佛與世 王有五百子 岩有見菩薩 廣宣佛正法 入彼王都城 千億城圍繞 出家行學道 離垢多方便 過百刹塵劫 信心供養佛 端正能勇健 有王名智山 六十千萬億 修行種種行 辯才智慧力 有林名靜德 諸相皆圓滿 護持其法藏 行止極安詳 勇猛堅精進 其身悉清淨 統領閻浮提 最後天人主 有劫名清淨 起善不善心 令衆悉清淨 衆寶所莊嚴 護持其佛法 見者無厭足 亦樂勤修法 正知心不亂 見者皆歡喜 號日法幢燈 世界名光明 菩薩皆攝取 切無冤敵

於彼得淨眼 我得觀菩薩 於彼一劫中 我時與太子 時我見太子 此後所經劫 或生天王家 雖以愛染心 次乞至我門 時我於城中 城中有居士 了知諸法相 或作人王女 供養彼佛子 六十億如來 覲佛勝日身 而生尊重心 我心增愛染 遇見善光明 號日善名稱 二百有五十 二昧境解脫 普見受生處 願得備瞻侍 最後佛世尊 生於善現家 恆見善光明 諸相極端嚴 我時爲彼女 恭敬供養畢 即解身瓔珞 二百五十劫 念入十方 幸蒙哀納受 永除顛倒心 不思議刹海 名為廣大解 即發菩提意 名爲具妙德 妙相莊嚴身 其心生染著 不墮三惡趣 幷珠置鉢中 名爲淨日光

三大

爾時善財童子頂禮其足繞無數而辭退而去 不了菩薩身 我見諸刹海 種種諸建立 我觀菩薩身 普見諸世界 我見諸世界 一毛孔刹 念能悉知 念能普入 及彼身諸業 種種諸形狀 彼諸廣大行 不可說世界 無數不可說 無邊劫修行 不可說衆會 如來坐道場 淨穢種種別 亦不知心智 種種體名號 地水火風輪 皆於一念中 及見其中佛 無量地方便 亦知彼一 於淨不貪樂 一一毛孔量 纫 諸劫所行道 靡不在其中 說法化衆生 求之不可得 於穢不憎惡 無邊種莊嚴 及以諸願海 所得三昧門 悉放無量光

大方廣佛華嚴經卷第七十五

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

迦○岡搄公孤高該雞斤千金甘鈎迦唱迦字時普願法界衆生入般若

波羅蜜門

娑◎桑僧捴甦騷腮西新珊心三涑娑唱娑字時普願法界衆生入般岩

波羅蜜門

麽① 茫曹蒙模毛埋彌民瞞○ 姏呣麽唱麽字時普願法界衆生入般若

波羅蜜門

伽)强殑窮渠喬○奇勤虔琴鉗求伽唱伽字時普願法界衆生入般若

香^双 尼 鬘 殞 跟 釋

波羅蜜門 行青 六其 通九 日生 葉云 行梵 檵音 腨 四四 塔善 果尼 列云 也寺 腸音 生十 本三 七淨 作藏 無處 名拘 結俱 褰 也軟 九二 有字 圍皆 云廣 集為 支心 勒陀 以摩 也牽 脯 同 前

校 非 頁 第 異 也脩十第八同 巌蓮 頁目 本行 流同 玅二 集 通直 眼十 第 本音 長二 十 共念 廣頁 四 圍脩 若八 頁 第一章 本第一章 進紺 彼六 長青 佛行 → 廣脩 惟唐 頁 即廣 藏宋 無第 脩眼 本元 佛九 廣脩 作本 字行 也長 其諸 流種 維也 佛流 通種 摩行 通 本下 經願 第 有藏 云品 十

佛本 目二 七

有番 拘 用莫 歿音 後音 第廣八五 頁 含滅 陀 此還 也允 踵根 九如 卷行 流第 利惡 柿具 華反 嗣 也足 衆偈 行脩 廣本 日雜 多律 之蘇 縮音 腓 提論 如此 為摩 須寶 圓丑 五云 條羅 惡音 直容 升無 貫西 貌拱 也切 瓶節 無域 麄 頰 大其 問人 躁 旁音 食業 男物 動音 也劫 除似 女首 也造 痰此 貴冠 躁 睫 熱方 賤華 墓 睫音 支 或量 遠音 也接 提 首身 開欣 目 廟或 或佩 也香 翊 又日 身瓔 之 輔音 番制 皆珞 瑕 翊弋 可多 以結 病音 纖 供此 莊鬘 也簡 也音 養云 嚴師 玉 微先 處鹽 多華 也細

唐于闐國三藏沙門實叉難陀譯

入法界品第三十九之十七

承事供養與其同住觀其狀貌聽其音聲思其語言受其敎誨作是念已 所行無礙超諸世眼唯是普賢淨目所見如是之人我今云何而得親近 如淨日身普於十方而化現身住於三世無變異身非身心身猶如虛空 離二邊身無依處身無窮盡身離諸分別如影現身知如夢身了如像身 無生滅身無來去身非虛實身不變壞身無起盡身所有諸相皆一相身 以如幻業而現化身以如幻智而觀世間以如幻願而持佛身隨意生身。 是善知識遠離世間住無所住超過六處離一切著知無礙道具淨法身。 爾時善財童子一心欲詣摩耶夫人所卽時獲得觀佛境界智作如是念

善覆 開 堅固 扶 鄭 切 切助道之法應嚴飾心城謂造立諸禪解脫宮殿應照耀心城謂普入 除 切 有 心城門謂悉捨所有隨應給施應密護心城謂防諸惡欲不令得入。 助 慳嫉諂 徹 心城謂 心 心 心城謂深信 佛 無量 城 ·城謂集衆善法以覆其上應寬廣 城 道 境界應莊嚴心城謂· 神名日寶眼眷屬圍繞於虛空中而現其身種種妙物以爲嚴飾 謂 場聽受般若波羅蜜法應增益心城謂普攝 訟應清凉心城謂思惟一 一衆色寶華以散善財作如是言善男子應守護心城謂不貪 恆勤修習普賢行願應防護心城謂常專禦扞惡友魔軍 開 引 切佛功德 切佛智光 專意趣求 り應善補 海應廣大心城謂大慈普及 切諸法實性應增長心城謂成 如來十力應淨治 心城謂大悲哀 心城謂聽受一 愍 切佛所 心城謂 切佛方便道。 切世 切 說 畢 究斷

Ξ

二十六こ

攝諸 謂以一 希求善知識心不用功力則便得見乃至究竟必當成佛爾時有身衆神 念一切諸佛如來應知心城自性謂知一切法皆無有性應知心城如幻 生 海應富實心城謂集一切周徧法界大福德聚應令心城明了謂普知衆 達一切佛正法輪修多羅中所有法門種種緣起應部分心城謂普曉示 嚴 無退轉應安立心城謂正念三世一切如來所有境界應瑩徹心城謂 切善法何以故蠲除一 根欲等法應令心城自在謂普攝一 切 肅 衆生皆令得見薩婆若道應住持心城謂發 心城謂逐諸惡法不令其住應決定心城謂集一 生障淨佛國土障善男子菩薩摩訶薩以離如是諸障難故若發 切智了諸法性佛子菩薩摩訶薩若能如是淨修心城則能積集 切諸障難故所謂見佛障聞法障供養如來障 切十方法界應令心城淸淨謂 一切二世如來諸大 切智助道之法恆 願 明

四

王名 伏 眼· 明 無邊 言善男子菩薩成就十法則得親近諸善知識何等爲十所謂其心淸淨。 財前以妙音聲種種稱歎摩耶夫人從其耳璫放無量色相光明網普 币 衆 見 眼見佛平等不思議身故得無礙光眼觀察一 故得淨慧眼能觀 切 蓮華法德及妙華 ·然後還來入善財頂乃至偏入身諸毛孔善財卽得淨光明眼· 語佛世界令善財見十方國土一切諸佛其光明網右繞 愚 十方佛起大方便轉 善眼與其眷 故得普見眼覩 癡闇故得離翳眼能了一 屬萬 光明無量諸神前後圍繞從道場出住虛空中於 切佛 羅 切刹諸佛出與故時有守護菩薩法堂羅 正法輪故得普境界眼見無量佛以自在力調 國性故得毗盧 切衆生性 空中以衆妙華散善財上 遮那眼見佛法身故得普光 故得離垢眼能 切刹海成壞故得普照 觀 世間 作 切法 如是 永離 刹 經 腏

供養一 視空中而答之言善哉善哉汝爲哀愍攝受我故方便教我見善知識願 此十三昧門常得親近諸善知識又得善知識轉一切佛法輪三昧得此 識三昧常見一切善知識生諸佛功德三昧常不離一切善知識三昧常 不缺減 三昧已悉知諸佛體性平等處處值遇諸善知識說是語時善財童子仰 諸善知識是爲十復次佛子菩薩成就十種三昧門則常現見諸善知識 以信解力普入一切諸佛道場得淨慧眼了諸法性大慈平等普覆衆生 離諸諂誑大悲平等普攝衆生知諸衆生無有眞實趣一切智心不退轉 何等爲十所謂法空淸淨輪三昧觀察十方海三昧於一切境界不捨離 以智光明廓諸妄境以甘露雨滌生死熱以廣大眼徹鑒諸法心常隨順 切善知識三昧常於一切善知識所無過失三昧佛子菩薩成就 三昧普見一切佛出與三昧集一 切功德藏三昧心恆不捨善知

二二大三

寶鈴鐸 有如意 出 以覆其上衆寶繪旛周市垂下微風徐動光流響發寶華幢中雨衆妙華 閣 以爲其臺衆寶色香以爲其鬚無數寶網彌覆其上於其臺上有一樓觀 名普納十方法界藏奇妙嚴飾金剛爲地千柱行列一切皆以摩尼寶成 卽 **偏遊十方求善知識觀身觀心如夢如影求善知識爾時善財受行其敎** 男子汝應普禮十方求善知識正念思惟一切境界求善知識勇猛自在 爲我說云何往詣善知識所於何方處城邑聚落求善知識羅刹答言善 蓮華網寶師子口吐妙香雲梵形寶輪出隨樂音金剛寶鈴出諸菩薩 浮檀金以爲其壁衆寶瓔珞四面垂下階陛欄楯周帀莊嚴其樓觀 時覩見大寶蓮華從地涌出金剛爲莖妙寶爲藏摩尼爲葉光明寶王 中 寶蓮華之座種種衆寶以爲嚴飾妙寶欄楯寶衣間列寶帳寶網 出美音聲寶戶牖間 垂諸瓔珞摩尼身中流出香水寶象口

色身於一 所應 普現種種諸形相故普對現色身以大自在而示現故化一切色身隨其 微妙功德爾時善財見如是座復有無量衆座圍繞摩耶夫人在彼座上 身令一切衆生滅倒見故無量種色身隨衆生心種種現故無邊相色身 於一切衆生前現淨色身所謂超二界色身已出一 放 所滅故無來色身於諸世間無所出故不生色身無生起故不滅色身離 充滿法界須彌寶王出天宮殿天諸朵女種種妙音歌讚如來不可思議 摩尼寶王與供養雲供養 大願之音寶月幢中出佛化形淨藏寶王現三世佛受生次第日藏摩 大光明偏照十方一切佛刹摩尼寳王放一切佛圓滿光明毗盧遮那 而現前故恆示現色身盡衆生界而無盡故無去色身於一切趣 切世間無所著故普周徧色身等於一切衆生數故無等比色 切諸佛如來如意珠王念念示現普賢神變 切諸有趣故隨心樂

二二大五

盡 衆 色所有色相如影像故非受世間苦受究竟滅故非想但隨衆生想所現 心 身常護衆生故無礙色身念念周徧法界故無邊色身普淨一切衆生故 無量色身超出一切語言故無住色身願度 像色身隨心應現故如幻色身幻智所生故如燄色身但想所持故如影 不壞色身法性不壞故無相色身言語道斷故一相色身無相爲相故如 語言故非實色身得如實故非虛色身隨世現故無動色身生滅 色身盡諸衆生生死際故淸淨色身同於如來無分別故 無 所現故不生色身隨衆生業而出現故如意珠色身普滿一 生不斷故無生色身幻願所成故無勝色身超諸世間故如實色身定 身隨願現生故如夢色身隨心而現故法界色身性淨如空故大悲色 分別色身但隨衆生分別起故離分別色身一切衆生不能知故 切世間故無處色身恆化 如是身者非 切衆 永離 生 故。

了達如 各隨其心敎化成就入佛無量淸淨法身成就大願淨諸佛刹究竟調伏 觀法質相見諸如來心無厭足知三世佛出與次第見佛三昧常現在前 心常正定未嘗動亂恆轉淸淨不退法輪善能了知一切佛法恆以智慧 具衆定門住於平等三昧境界得如來定圓滿光明消竭衆生煩惱巨海 出生如來無量功德修習增長一切智心觀察思惟諸法實性獲深忍海 饒益衆 生集一切智助道之法行於平等檀波羅蜜大悲普覆一切世間 大天王天女身或現超過龍女身乃至超過人女身現如是等無量色身 樂現超過一切世間色身所謂或現超過他化自在天女身乃至超過四 故已得成就寂滅身故爾時善財童子又見摩耶夫人隨諸衆生心之所 故非行依如幻業而成就故離識菩薩願智空無性故一切衆生語言斷 來出現於世無量無數諸淸淨道行於諸佛虛空境界普攝衆生

二二大七

證入從三昧起右繞摩耶幷其眷屬合掌而立白言大聖文殊師利菩薩 願爲 切處摩耶之前恭敬禮拜卽時證得無量無數諸三昧門分別觀察修行 數諸方便門旣見是已如摩耶夫人所現身數善財亦現作爾許身於一 以廣 衆 得諸菩薩自在之力速疾增長一切智力得佛智光普照一切悉知無量 而 切法海修習一切如來功德出生一 ·初發心乃至成就所行之道常勤守護一切衆生常樂稱揚諸佛功德 生心海根性欲解種種差別其身普偏十方刹海悉知諸刹成壞之相 恆示現無量色身摧一切魔力成大善根力出生正法力具足諸佛力。 切衆生心恆偏入諸佛境界出生菩薩自在神力已得法身淸淨無染 大眼見十方海以周徧智知三世海身普承事一切佛海心恆納受 切菩薩之母爾時善財童子見摩耶夫人現如是等閻浮提微塵 切菩薩智慧常樂觀察一 切菩薩

圍繞諸王供養爲諸大衆轉正法輪又見如來往昔修行菩薩道時於諸 神變宮殿眷屬五欲自娛又見出家往詣道場成等正覺坐師子座菩薩 界已來入我頂乃至一切諸毛孔中又彼光中普現一切菩薩名號受生 身一一毛孔咸放光明名一切如來受生功德輪一一毛孔皆現不可說 不可說佛刹微塵數菩薩受生莊嚴彼諸光明皆悉普照一切世界照世 現誕生自在神變又善男子我於淨飯王宮菩薩將欲下生之時見菩薩 自在神變如是乃至盡此世界海所有一切毗盧遮那如來皆入我身示 就答言佛子我已成就菩薩大願智幻解脫門是故常爲諸菩薩母佛子 如我於此閻浮提中迦毗羅城淨飯王家右脇而生悉達太子現不思議 所皆往承事無空過者漸來至此願爲我說菩薩云何學菩薩行而得成 教我發阿耨多羅三藐三菩提心求善知識親近供養我於一一善知識

(二)大九)

以 前 所有業行永出惡道又爲救護 又以神力放大光明普照世間破諸黑闇滅諸苦惱令諸衆生皆識宿世 閻 脫同智慧諸地諸力法身色身乃至普賢神通行願悉皆同等如是菩 神 虚 身時我身形量雖不踰本然其實已超諸世間所以者何我身爾時量同 世 佛 浮 神通力與諸菩薩普現一 :後圍繞又有八萬諸龍王等一切世主乘其宮殿俱來供養菩薩爾時 時有十佛刹微塵數諸菩薩皆與菩薩同願同行同善根同莊嚴同解 ||空悉能容受十方菩薩受生莊嚴諸宮殿故爾時菩薩從兜率天將降 界乃至最後入般涅槃如是等事靡不皆見又善男子彼妙光明入我 所恭敬供養發菩提心淨佛國土念念示現無量化身充徧十方一切 提內受生影像方便敎化無量衆生令諸菩薩離諸懈怠無所執著 切兜率天宮一一宮中悉現十方一 切衆生普現其前作諸神變現如是等 切世界

侍養育一切世間皆共號我爲菩薩母又我昔爲菩提場神時有菩薩於 善男子我昔曾作蓮華池神時有菩薩於蓮華藏忽然化生我卽捧持瞻 故善男子如今世尊我爲其母往昔所有無量諸佛悉亦如是而爲其母 本來無一非一處住非多處住何以故以修菩薩大願智幻莊嚴解脫門 生我為其母三千大千世界百億四天下閻浮提中悉亦如是然我此身 薩各見自處衆會道場淸淨嚴飾善男子如此四天下閻浮提中菩薩受 皆入我身雖我腹中悉能容受如是衆會而身不廣大亦不迫窄其諸菩 三十三天乃至色界諸梵天王欲見菩薩處胎神變恭敬供養聽受正法 大千世界而爲一步或以不可說不可說佛剎微塵數世界而爲一步又 諸奇特事與眷屬俱來入我身彼諸菩薩於我腹中遊行自在或以三千 念念中十方不可說不可說一切世界諸如來所菩薩衆會及四天王天

こことこ

M

佛。 身 疑惑佛清淨佛大光佛淨心佛雲德佛莊嚴頂髻佛樹王佛寶璫 佛善意佛金剛佛離垢佛月光佛持炬佛名稱佛 爲 爲 時 世界種種方便示現受生我皆爲母善男子如此世界賢劫之中過去 我 妙寶佛華家 佛。 莊嚴身佛善威儀佛慈德佛無住佛大威光佛無邊音佛勝寃 其母如是次第有師子佛法幢佛善眼佛淨華佛華德佛提舍佛 其母未來世中彌勒菩薩從兜率天將降神時放大光明普照 拘留 懐 到彼 切諸 中忽然化生世亦號我爲菩薩母善男子有無量最後身菩薩· 孫佛拘那含牟尼佛迦葉佛及今世尊釋迦牟尼佛現受 岸 菩薩衆受生神變乃於人間生大族家調伏衆生我於彼 佛寶燄 冠佛滿願佛大自在佛妙德 山佛持明佛蓮華德佛名稱佛無量 王佛最尊勝佛梅檀雲佛紺 金剛楯佛清淨義佛 功德佛。 敵佛。 佛。 法界示 最 生 海 勝 時亦 一時我 於 弗 沙 世 此

勝 佛。 勝慧 頂 佛。 **。佛觀察慧** 金 剛智山佛妙德藏佛 佛熾盛 王佛堅固慧佛 寶網嚴身佛善慧佛自在天 自在 名佛師 佛。 佛大天王佛 自在佛

佛。 佛。 無 依 隨 世 德 佛善施 佛。 語 言佛。 佛。 功徳自在 佛燄慧佛水天佛得 高大身佛財天 幢 佛光幢佛觀身佛 佛無上天佛順寂 E 味佛。 出 妙身佛香燄佛 生 無 **巡滅佛智覺** E 功 德 佛。 **発佛滅貪** 金 仙 剛 侍 寶嚴 佛。

喜眼

離

欲

佛。 燄 佛。 圓滿 莊 王佛寂諸有佛毗舍佉天佛 嚴 淸 淨佛清淨 王佛解脫佛 賢佛第 妙音佛 義 殊勝佛自在 佛。 金 剛山佛。 百光明佛最 智燄德佛 佛。 無 二 醫 王 佛 治 增 安隱佛 佛深自 功 在 師子 德 佛大 月佛。 出 無 地 現

王佛最 佛。 功德聚佛 勝 佛。 藥王 一佛寶勝 月現佛日天 佛。 金 佛出 剛 慧佛。 諸 有佛。 無能 勝佛。 勇猛 無能 名稱佛光明 暎蔽 佛。 門佛。 衆 會 娑羅 佛。

礙

大名稱 佛。 敏持佛 無量 光 佛。 ·願光 佛法自在不虛佛不退地佛淨天

善 功 聚佛。 如 身 相 著 義 慧佛離愛佛無著慧佛集 衆 佛。 德 佛。 智 佛。 佛。 梵供養 普攝 在賢劫中於此三千大千世界當成佛者悉爲其母如於此三千大 光 無 佛。 無 佛。 具衆 佛。 佛隨 無邊座 相 礙見佛破他 無 堅固 受佛饒 徳佛 量 法行佛。 苦行佛。 佛不瞬佛順先古 佛。 光佛無畏音佛水天德 **左佛清淨住** 不 最勝月佛執明炬 動天 益慧佛持壽 無量賢佛普隨 軍 佛。 切善友佛紹 佛。 妙德 佛隨 不著相談 功德蘊佛滅惡趣佛普散華 」佛 最 難 佛無滅佛具足 師 思佛滿 行佛。 佛離 佛殊妙身佛 解 順自 上業佛 脱音佛。 佛不動慧光佛華勝 最 分別海佛端嚴海 月佛解 在 上施 佛。 順法 遊 之名稱佛· 佛常 最尊 戲王佛 不可說 公智佛無勝 脱月佛 关 佛。 月佛饒益 大威力佛 佛。 佛。 滅 佛須 無 佛月 如是乃至 師 最 邪 天佛。 **松清淨佛友** 曲佛蒼蔔 子 吼佛。 彌 燄 不思議 種種 佛。 佛。 佛。 山 樓至 希 佛。 不 第 有 退 安 動 無 淨

道場神見是事已歡喜無量便於彼王而生子想頂禮佛足作是願言此 圍繞道場諸魔惶怖悉自奔散故彼菩薩得成阿耨多羅三藐三菩提時 至菩薩所彼大威德轉輪聖王已得菩薩神通自在化作兵衆其數倍多· 名離垢幢坐於道場將成正覺有一惡魔名金色光與其眷屬無量衆俱· 大威德彼王城北有一道場名滿月光明其道場神名日慈德時有菩薩 身菩薩神通道眼所知劫數爾時有劫名淨光世界名須彌德雖有諸 四天下名師子幢於中有八十億王城有一王城名自在幢有轉輪王名 五趣雜居然其國土衆寶所成淸淨莊嚴無諸穢惡有千億四天下有 言大聖得此解脫經今幾時答言善男子乃往古世過不可思議非最後 願爲化一切諸衆生者我自見身悉爲其母爾時善財童子白摩耶夫人 千世界如是於此世界海十方無量諸世界一切劫中諸有修行普賢行

善男子過去現在十方世界無量諸佛將成佛時皆於脔中放大光明來 在力一一毛孔示現無量諸佛神變我今云何能知能說彼功德行善男 大願智幻解脫門如諸菩薩摩訶薩具大悲藏教化衆生常無厭足以自 子於此世界三十三天有王名正念其王有女名天主光汝詣彼問菩薩。 照我身及我所住宮殿屋宅彼最後生我悉為母善男子我唯知此菩薩 住最後身念念普於一切世界示現菩薩受生神變常爲我子我常爲母 曾供養十那由他佛善男子於汝意云何彼道場神豈異人乎我身是也 轉輪王者今世尊毗盧遮那是我從於彼發願已來此佛世尊於十方刹 云何學菩薩行修菩薩道時善財童子敬受其敎頭面作禮繞無數而戀 轉輪王在在生處乃至成佛願我常得與其爲母作是願已於此道場復 切諸趣處處受生種諸善根修菩薩行教化成就一切衆生乃至示現

慕瞻仰却行而退途往天宮見彼天女禮足圍繞合掌前住白言聖者我 已先發阿耨多羅三藐三菩提心而未知菩薩云何學菩薩行云何修菩

我於彼劫中供養恆河沙數諸佛如來彼諸如來從初出家我皆瞻奉守 薩道我聞聖者善能誘誨願爲我說天女答言善男子我得菩薩解脫名 無礙念清淨莊嚴善男子我於此解脫力憶念過去有最勝劫名靑蓮華

現佛神變教化調伏衆生之時如是一切諸所作事從初發心乃至法盡 護供養造僧伽藍營辦什物又彼諸佛從爲菩薩住母胎時誕生之時行 七步時大師子吼時住童子位在宮中時向菩提樹成正覺時轉正法輪

養十恆河沙數諸佛如來又過去劫名爲妙德我於彼供養一佛世界微 我皆明憶無有遺餘常現在前念持不忘又憶過去劫名善地我於彼供

塵數諸佛如來又劫名無所得我於彼供養八十四億百千那由他諸佛

未嘗惛寐心無諸蓋身行輕安於諸法性淸淨覺了成就十力開 以淨嚴解脫之力皆隨憶念明了現前持而順行曾無懈廢善男子我唯 持修行恆不忘失如是先劫所有如來從初菩薩乃至法盡一切所作我 養七十恆河沙數諸佛如來善男子如是憶念恆河沙劫我常不捨諸佛 而 知 如 劫名勝遊我於彼供養六十恆河沙數諸佛如來又劫名妙月我於彼供 河 我於彼供養二十恆河沙數諸佛如來又劫名最勝德我於彼供養 如 我云何能 此 來應正等覺從彼一切諸如來所聞此無礙念清淨莊嚴菩薩解脫受 沙數諸佛如來又劫名善悲我於彼供養八十恆河沙數諸佛如來又 來又劫名善光我於彼供養閻浮提微塵數諸佛如來又劫名無量 無 礙念淸淨解脫如諸菩薩摩訶薩出生死夜朗然明徹永離癡冥 知能說彼功德行善男子迦毗羅城有童子師名日偏友汝 悟羣

華 嚴 經 卷七十六

(ニニー七九)

門名以菩薩威力入無差別境界唱多字時入般若波羅蜜門名無邊差 善能誘誨願爲我說偏友答言善男子此有童子名善知衆藝學菩薩字 別門唱波字時入般若波羅蜜門名普照法界唱者字時入般若波羅蜜 得菩薩解脫名善知衆藝我恆唱持此之字母唱阿字時入般若波羅蜜 修菩薩道我聞聖者善能誘誨願爲我說時彼童子告善財言善男子我 者我已先發阿耨多羅|二藐|二菩提心而未知菩薩云何學菩薩行云何 智汝可問之當爲汝說爾時善財卽至其所頭頂禮敬於一面立白言聖 羅二藐二菩提心而未知菩薩云何學菩薩行云何修菩薩道我聞聖者 城至徧友所禮足圍繞合掌恭敬於一面立白言聖者我已先發阿耨多。 不思議善根自然增廣頂禮其足繞無數而辭退而去從天宮下漸向彼 ?彼問菩薩云何學菩薩行修菩薩道時善財童子以聞法故歡喜踊躍

=

若 入般 立。 羅 别 轉 羅 雲唱 般 名 方 唱 波 蜜 名 蜜 可 他 門· 若 門名入 字 便。 普輪斷差別。 圓 羅 若 名大 娑 滿 波 唱 時。 切他 波 蜜 入般若波羅 婆娜 羅 光。 門 羅 可 切蘇 .名日普輪 流 世 唱 字 我 蜜 蜜 間海淸淨唱鎖字時 門名 時。 湍 字 門名普光明息煩惱唱 也 入般者 激衆峯 唱 時。 切以 字 入般若波 離 可 時。 那 入般 学時。 字 唱沙 蜜 依 齊時唱伽 波 時。 門名普生安住唱 止 無垢唱柁 羅蜜 入般 若 入般 切史 羅 波羅 我 門名眞 若波 (若波) 蜜 字時。 門名降 入般若波羅蜜門名念 輕上 蜜門名金 羅蜜 迦 羅蜜 入 呼輕 字時。 字 如 字 般若波羅蜜 ,時入般若法 平等 霆 時。 門名差別積 哆 門・ 入 天 剛場。 切都 入般若波羅 名得無依 (般若波) 藏。 啊。 我 唱麼字 唱 字 唱 社 波 門名 茶 時。 字 聚唱 羅 羅 切徒 無 般若 時。 蜜 時。 蜜 爲海 蜜 Ŀ۰ 入般 門名 門名 名 切佛莊 門名普安 入般 瑟 唱 字 死字 藏。 邏字 波 時。 若 若 唱 無 羅 般 退 時。

蜜門名持

切法

雲堅固海藏唱吒字時入般若波羅蜜門名

字

唱柂字時入般岩波羅蜜 門名觀察簡擇一 切法聚唱奢咖 字時。 般

波羅 多呼上 若波羅蜜門名隨順一 因 地 智慧 蜜門名作世間智慧門唱曷攞多片 字時。 藏唱 入般若波羅 叉 切楚 我 切佛 字時入般若波羅蜜門名息諸業海藏唱 蜜 門名獨諸惑障開淨光明唱壤字時 教輪光明唱佉字時入般若波羅蜜門名修 字時入般若波羅蜜門名生 入般若 娑斯

嚴唱車 般若波 麽字時入般若波羅蜜門名隨十方現見諸佛唱**訶婆阿** 死境界智慧輪唱婆隨 呼上 羅蜜門名觀察一 搫 字時入般若波羅蜜門名修行方便藏各別圓滿唱娑^錄 餓 切無緣衆生方便攝受令出生 字 ,時入般若波羅蜜門名一 切智宮殿圓滿 一無礙力唱縒 上婆 字時 莊

字時入般若波羅蜜門名修行趣入一切功德海唱伽

算數蘊 波羅蜜 以無 諸億字唱娑蘇 羅蜜門名於一切衆生界法雷徧吼唱侘颂 男子我唱如是字母時此四十二般若波羅蜜門爲首入無量無數般 迦字時入般若波羅蜜門名廣大藏無礙辯光明輪偏照唱也 願普見十方諸佛唱 拏奶 字 切世出世間善巧之法以智通達到於彼岸殊方異藝咸綜無遺文字 死屍奔逐癲癇羸瘦種種諸疾咸能救之使得痊愈又善別知金玉 我法開曉衆生唱陀字時入般若波羅蜜門名一切法輪差別藏善 時入般若波羅蜜門名宣說一 其深解醫方呪術善療衆病有諸衆生鬼魅所持冤愴咒詛 門善男子我唯知此善知衆藝菩薩解脫 頗字時入般若波羅蜜門名化衆生究竟處唱娑嗣 可 字時入般岩波羅蜜門名觀察字輪有無盡 切佛法境界唱室者字時入般若波 加 字時入般若波羅蜜門名 如諸菩薩摩 訶薩能於 惡星

辛 晟 摇 卷七十六

仰辭去向聚落城至賢勝所禮足圍繞合掌恭敬於一面立白言聖者我 提國有一聚落彼中有城名婆咀那有優婆夷號日賢勝汝詣彼問菩薩 之法正名辯義觀察體相隨順修行智入其中無疑無礙無愚闇無頑鈍 薩道我聞聖者善能誘誨願爲我說賢勝答言善男子我得菩薩解脫名 已先發阿耨多羅二藐三菩提心而未知菩薩云何學菩薩行云何修菩 云何學菩薩行修菩薩道時善財童子頭面敬禮知藝之足繞無數市戀 豐儉國土安危如是世間所有技藝莫不該練盡其源本又能分別出世 咸能隨方攝護又善觀察天文地理人相吉凶鳥獸音聲雲霞氣候年穀 無憂惱無沉沒無不現證而我云何能知能說彼功德行善男子此摩竭 多少村營鄉邑大小都城宮殿苑園巖泉藪澤凡是一切人衆所居菩薩 珠貝珊瑚瑠璃摩尼硨磲雞薩羅等一 切寶藏出生之處品類不同價直

一大

名堅固 身無 神通無盡故善男子我唯知此無依處道場解脫如諸菩薩 無盡故又能出生一切智性智慧光明無盡故又能出生一切智性速疾 無著功德行而我云何盡能知說善男子南方有城名爲沃田彼有長者 以能出生一切智性眼無盡故又能出生一切智性耳無盡故又能出生 **云何學菩薩行云何修菩薩道我聞聖者善能誘誨願爲我說長者答言** 無依處道場既自開解復爲人說又得無盡三昧非彼三昧法有盡無盡 切智性鼻無盡故又能出生一切智性舌無盡故又能出生一切智性 無數而戀慕瞻仰辭退南行到於彼城詣長者所禮足圍繞合掌恭 盡故又能出生一 解 面立白言聖者我已先發阿耨多羅三藐三菩提 脫。 汝可往問菩薩云何學菩薩行修菩薩道爾時善財禮賢勝 切智性意無盡故又能出生一切智性功德波濤 心而未知菩薩 摩訶薩 切

我云何能知能說彼功德行善男子於此南方有城名出生彼有長者名 聞聖者善能誘誨願爲我說妙月答言善男子我得菩薩解脫名淨智光 明善男子我唯知此智光解脫如諸菩薩摩訶薩證得無量解脫法門而 阿耨多羅三藐三菩提心而未知菩薩云何學菩薩行云何修菩薩道我 辭退而行向妙月所禮足圍繞合掌恭敬於一面立白言聖者我已先發 詣彼問菩薩云何學菩薩行修菩薩道時善財童子禮堅固足繞無數**币** 無勝軍汝詣彼問菩薩云何學菩薩行修菩薩道是時善財禮妙月足繞 彼功德行善男子卽此城中有一長者名爲妙月其長者宅常有光明汝 佛所勤求正法無有休息善男子我唯知此無著念淨莊嚴解脫如諸菩 善男子我得菩薩解脫名無著念淸淨莊嚴我自得是解脫已來於十方 薩摩訶薩獲無所畏大師子吼安住廣大福智之聚而我云何能知能說

二二人五

門答言善男子我得菩薩解脫名誠願語過去現在未來菩薩以是語故 能 菩薩云何學菩薩行云何修菩薩道我聞聖者善能誘誨願爲我說婆羅 掌恭敬於一面立白言聖者我已先發阿耨多羅三藐三菩提心而未知 勝軍足繞無數而戀仰辭去漸次南行詣彼聚落見最寂靜禮足圍繞合 門名最寂靜汝詣彼問菩薩云何學菩薩行修菩薩道時善財童子禮無 薩解脫名無盡相我以證此菩薩解脫見無量佛得無盡藏善男子我唯 知 云何修菩薩道我聞聖者善能誘誨願爲我說長者答言善男子我得菩 言聖者我已先發阿耨多羅三藐三菩提心而未知菩薩云何學菩**薩**行 說彼功德行善男子於此城南有一聚落名之爲法彼聚落中有婆羅 此無盡相解脫如諸菩薩摩訶薩得無限智無礙辯才而我云何能知 而戀仰辭去漸向彼城至長者所禮足圍繞合掌恭敬於一面立白

我以住於誠願語故隨意所作莫不成滿善男子我唯知此誠語解脫如 乃至於阿耨多羅三藐三菩提無有退轉無已退無現退無當退善男子

名日德生復有童女名爲有德汝詣彼問菩薩云何學菩薩行修菩薩道 出生而我云何能知能說善男子於此南方有城名妙意華門彼有童子 諸菩薩摩訶薩與誠願語行止無違言必以誠未曾虛妄無量功德因之

時善財童子於法尊重禮婆羅門足繞無數而戀仰而去

大方廣佛華嚴經卷第七十六

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

福城東際童子南詢百城煙水渺無垠知識異常倫五十三人一曲和陽

春

華嚴字母衆藝親宣善財童子得眞傳祕蜜義幽玄功德無邊唱誦利人

天

他◎湯鼜通珠叨胎梯天灘舚貪偷他唱他字時普顧法界衆生入般若

波羅蜜門

社●常成慵蜍韶○時辰禪諶蟾酬社唱社字時普願法界衆生入般若

波羅蜜門

鑅◎顙僧敵蘇掃諰洗卥傘槑糂麥鏁唱鏁字時普願法界衆生入般岩

波羅蜜門

柂●堂滕筒途桃擡提田壇○談投柂唱柂字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

校異同

南無華嚴海會佛菩薩 四生九有同登華藏玄門八難三塗共入毘盧性海 Ξ 稱

音釋

那 者具 聚德 熟音 也不 扞 增此 此云 故所 日煉 明 扞音 益云云僧 悉 練精 呾 也汗 喜 衆伽 達 頑 但音 衛以 雞 也羅 成具 鈍五 片 也手 薩 羅摩 謂云 也關 峙音 肃 摩言 一薩 切 也智 也音 羅 師西 院僧 切縛 鈍 峻 嚴速 子城 也伽 所類 鈍音 綜 也恭 匹 應陀 也遯 横宗 敬 旋寶 毛名 十 作悉 頑 糠去 蠲 事地清白學除音門 皆此波音 訊 也涓 事地 清 也聲 除音 如 位謂 已云 也陶 詛音 [] 圓表 成一 大 也祖 陛音 融四 就切 沃 咒 也被 明十 故事 灌音 癇 階 初二 樓 也屋 病音 敏 阿位 至 心 也閑 冺音 字故 庇亦 城 痊 具故 番名 中疏 瘳音 占音 後智 愛魯 有云 也签 蔔 髂論 樂支 正心 病 梔朋 宇中 造 覺名 儉 花入 僧 諸 法城 少音 也聲 婆叩 伽 王者 也件 惛 萬其 練

巖 極 卷七十大

=

二二人九

第持 八炬

行流

通廠 本本 作持 持明 通第 炬流 本五 富行 實唐 惟本 北元 藏本 本南 作巌 富本 貴諸 流 第十四頁第 本七 作行 持藏 明本

唐于閩國三藏沙門實叉難陀譯

入法界品第三十九之十八

生故一切三世皆幻住我見等顚倒智所生故一切衆生生滅生老病死 間皆幻住無明有愛等展轉緣生故一切法皆幻住我見等種種幻緣所 心而未知菩薩云何學菩薩行云何修菩薩道唯願慈哀爲我宣說時童 足右繞畢已於前合掌而作是言聖者我已先發阿耨多羅三藐三菩提 爾時善財童子漸次南行至妙意華門城見德生童子有德童女頂禮其 子童女告善財言善男子我等證得菩薩解脫名爲幻住得此解脫故見 憂悲苦惱皆幻住虛妄分別所生故一切國土皆幻住想倒心倒見倒無 切世界皆幻住因緣所生故一切衆生皆幻住業煩惱所起故一切世

人但能 財 勒菩薩摩訶薩安處其中爲欲攝受本所生處父母眷屬及諸人民 我等云何能知能說時童子童女說自解脫已以不思議諸善根力令善 施爲皆幻住願智幻所成故善男子幻境自性不可思議善男子我等二 能自調伏敎化衆生諸行願法之所成故一切菩薩衆會變化調伏諸所 子住不思議解脫菩薩以大悲心爲諸衆生現如是境界集如是莊嚴彌 明所現故。 身柔輕光澤而告之言善男子於此南方有國名海岸有園名大莊嚴 故又欲令彼同受生同修行衆生於大乘中得堅固故又欲令彼一 願力自在力神通力生從菩薩善巧方便生從菩薩福德智慧生善男 中有一廣大樓閣名毗盧遮那莊嚴藏從菩薩善根果報生從菩薩念 知此幻住解脫如諸菩薩摩訶薩善入無邊諸事幻網彼功德行 一切聲聞辟支佛皆幻住智斷分別所成故一 切菩薩皆幻住 令成 切

衆生隨住地隨善根皆成就故又欲爲汝顯示菩薩解脫門故顯示菩薩 一切處受生自在故顯示菩薩以種種身普現一切衆生之前常敎化

行知一 問菩薩云何行菩薩行云何修菩薩道云何學菩薩戒云何淨菩薩心云 何發菩薩願云何集菩薩助道具云何入菩薩所住地云何滿菩薩波羅 故顯示菩薩以大悲力普攝一 切行離諸相故顯示菩薩處處受生了一切生皆無相故汝詣彼 切世間資財而不厭故顯示菩薩具修諸

化調伏彼菩薩已滿一切波羅蜜已住一 善男子彼菩薩摩訶薩通達一 蜜云何獲菩薩無生忍云何具菩薩功德法云何事菩薩善知識何以故 切菩薩行了知一切衆生心常現其前敎 切菩薩地已證一 切菩薩忍已

切如來以一切智甘露法水而灌其頂善男子彼善知識能潤澤汝

切菩薩位已蒙授與具足記已遊一

切菩薩境已得一

切佛神力已

团

應斷 切菩薩 量 量 量 應 應修無量 礙 清淨 我 知無量衆生根應識無量衆生解應觀無量衆生行應調伏無量衆 記住一忍生究竟想不應以限量心行於六度住於十地淨佛國 法能令汝入普賢地能爲汝說菩薩願能爲汝說普賢行能爲汝說 知 根能增長 慢 無 識何以故善男子菩薩摩訶薩應種無量諸善根應集無量菩提 量 心應拔無量苦毒箭應涸無量愛欲海應破無量無明闇應摧。 行願所成功德善男子汝不應修一善照一法行一 山應斷無量 五 **「煩惱應淨無量業習應滅無量邪見應除無量雜染心應發** 菩提因應學無量 |欲淤泥應使無量衆生離||) 汝菩提、 一生死縛應度無量諸有流應竭無量 心能堅汝志能益汝善能長汝菩薩 |巧迴向應化無量衆生界應知無量衆生 一界牢獄應置無量衆生於聖道 受生海應令 行發一 根能示 願· 土・ 汝 心。 無

中應消 量 魔 網應離無量魔業應淨治菩薩無量欲樂應增長菩薩無量方便應 滅無量貪欲行應淨治無量瞋恚行應摧破無量愚癡行應超

應清 間 出 行應生無量淨信力應住無量精進力應淨無量正念力應滿無量 淨菩薩無量功德應修治菩薩無量諸行應示現菩薩無量隨順世 菩薩無量增上 根應明潔菩薩無量決定解應趣入菩薩無量平

無量法門應淸淨無量法門應生無量法光明應作無量法照耀 昧 力應發起無量菩薩力應圓滿無量如來力應分別無量法門應了 力應起無量淨慧力應堅無量勝解力應集無量福德力應長無量智。 應 照 知

量品類 根應知無量煩惱病應集無量妙法藥應療無量衆生疾應嚴

應受無量諸佛敎應忍無量衆生罪應滅無量惡道難應令無量衆 無量甘露供應往詣無量佛國土應供養無量諸如來應入無量 菩薩會 生

大

神 菩薩 善道。 可說菩薩願善男子舉要言之應普修 法門應同諸菩薩安住無邊劫供養無量佛嚴淨不可說佛國土出生不 菩 通 應普入一 宮殿應觀菩薩甚深妙法應知菩薩難知境界應行菩薩難行諸行應具 別身應知無量言辭法應入無量差別心應知菩薩大境界應住菩薩大 力應受菩薩平等法雲應廣菩薩無邊行網應滿菩薩無邊諸度應受 事應淨無量智光明應往無量衆生趣應受無量諸有生應現無量差 大慈大願力應勤求無量法常無休息應起無量思惟力應起無量神 無量 **| 尊重威德應踐菩薩難入正位應知菩薩種種諸行應現菩薩普偏** ?應以四攝攝無量衆生應修無量總持門應生無量大願門應修無 記莂應 切劫應普生一切處應普知 入菩薩無量恐門應治菩薩無量諸地應淨菩薩 切世應普行 切菩薩行應普化一 切法應普淨 切衆生 無量

翠 巖 経 老七十七

t

二二九七

顯示一 子菩薩 菩薩同 薩大願引發一切菩薩善根積集一 隨煩惱行勿生嫌怪於善知識所生深信尊敬心不應變改何以故善男 憚勞苦親近善知識勿懷退轉供養善知識不應休息受善知識教不應 切刹應普滿 倒錯學善知識行不應疑惑聞善知識演說出離門不應猶豫見善知識 知識善男子汝求善知識不應疲倦見善知識勿生厭足請問善知識勿 得一 切菩薩廣大志增長 切菩薩出離門修學一 切菩薩淸淨藏生一 因善知識聽聞一 一願。 聞 切願應普供一 切菩薩殊勝法得 切菩薩諸行成就一 切菩薩定光明得一切菩薩殊勝願與一切 切菩薩堅固心具足一切菩薩陀羅尼辯才 切佛應普同一切菩薩願應普事一 切菩薩淸淨戒安住一 切菩薩助道開發一切菩薩法光明。 切菩薩祕密處至一 切菩薩功德出生一切菩 切菩薩功德法清 切菩薩法寶 切善

○□□九人

善知 世 識勢力堅固不怖諸魔由依止善知識增長 勝自在力生一 路。 趣 嚻 戒由善知識守護不隨逐惡知識由善知識養育不缺減菩薩法由善知 識 方聽受妙法讚一切菩薩廣大威德生一切菩薩大慈悲力攝一 菩薩福德聚淨一切菩薩受生道受一切菩薩正法雲入一切菩薩大願 間。 攝取超越凡夫地由善知識教誨超越二乘地由善知識示 任持不墮惡趣由善知識攝受不退大乘由善知識護念不毀犯菩薩 增 流 観 具 一 由善知識長養能不染世法由承事善知識修一切菩薩行由供養 切 切菩薩善根芽長一切菩薩智慧身護一切菩薩深密藏持 如來菩提果攝取一切菩薩妙行開示一切菩薩功德往一 切助道法由親近善知識不爲業惑之所摧伏由恃怙善知 切菩薩菩提分作一 切菩薩利益事善男子菩薩由善知 一切菩提分法何以故善男 小導得出離 切菩薩 切 切

提路能 令到 箭能 子善 菩 獲諸忍能令修習 闇能壞諸見堅固 提 心能 離 知識者能淨諸障能滅諸罪能除諸難能 切種智位能令歡喜集功德能令踊躍修諸行能令趣入甚深義 激菩薩法能令安住菩薩行能令趣向一 無智險難處能 生大悲能演妙行能說波羅蜜能擯 一牢獄能出生死城能捨世俗家能截諸魔網能 切善根能令成辦 出邪見大曠野能度諸有流能離諸邪道能示 切道 具能施 惡知 止諸惡能破無明長夜 切智能淨智慧眼能 一識能令住諸地能令 與一 切大功德能 拔衆 長

能 能 乳 切 令消滅 佛 令開 母守護不令作惡故如 法門善男子 示 出離 切惑能令捨離 門能令杜絕諸惡道能令以法光照耀能令以法 善知識者 、 教師示其菩薩所學故 如慈母出生佛種故如慈父廣大 切見能令增長 切佛智慧能令安住 如善導能示 入利益故如 波 羅 雨 潤

0

母 山 如 怖 應 荷負 人心離 心. 是 發 心 畏故如濟客令出生 如 傾 所 受諸 IE 良 動 如 心無威怒故應發如 一醫能治 有 切 念 重 故。 大 八車 心能 記 訓 應發 諸 任 思惟諸善知 憍 勤苦不告勞故應發 慢故應發 誨 苦無能 無疲倦故應發 無違 如 煩惱諸病 良 運 逆故應發 動故。 重故。 犬 藏復次善男子 小. 如 死 應發 應發 暴流 故如 不 熟 害 如 主故應發 如給侍 故如船 二 二 山 增 長 如僮僕 金剛心· 如傭作 心往來不倦故應發 稼 如 心能 調 順象 心所有 心不 汝 低 心隨所受 志願堅固 師・ 如 心恆伏從故應發 令 下 承 -故應發 旃 厭 事 切智藥故如 到智慧寶洲 茶 教令皆隨順 ___ 教 切善知意 羅 不可 切諸作務 無違逆 心 如 壊故。 良馬 離 放善男子 勇 將· 憍 識· 心濟 **| 故應發如** 慢故。 應發 應發 心離 如 故。 故。 應發 應 殄 須 應發 發 除 彌 惡 如 如 冷當 性 如 如 鐵 山 大 圍 地 切

舟船

如

橋梁

應於自身生弟子想於善知識生良工想於所說法生技藝想於所修行 說法生珍寶想於所修行生捃拾想又應於自身生兒子想於善知識生 想於所修行生破寃想又應於自身生商人想於善知識生導師想於所 生了知想又應於自身生恐怖想於善知識生勇健想於所說法生器仗 生龍王想於所說法生時雨想於所修行生成熟想又應於自身生貧窮 想於善知識生毗沙門王想於所說法生財寶想於所修行生富饒想又 所說法生舟檝想於所修行生到岸想又應於自身生苗稼想於善知識 道想於所修行生遠達想又應於自身生求度想於善知識生船師想於 行生除病想又應於自身生遠行想於善知識生導師想於所說法生正 **汝應於自身生病苦想於善知識生醫王想於所說法生良藥想於所修** 故應發如孝子心承順顏色故應發如王子心遵行教命故復次善男子。 挺 者七十七

隨順善知識教得十不可說百千億那由他功德淨十不可說百千億那 識者長菩薩身譬如父母養育兒子善男子以要言之菩薩摩訶薩若能 白法譬如白月光色圓滿善知識者照明法界譬如盛日照四天下善知 蓮華不著於水善知識者不受諸惡譬如大海不宿死屍善知識者增長 眞金善知識者出過世法如須彌山出於大海善知識者不染世法譬如 識 善根譬如雪山長諸藥草善知識者是佛法器譬如大海吞納衆流善知 想繫王繒想坐王殿想善男子汝應發如是心作如是意近善知識何以 於善知識生大臣想於所說法生王教想於所修行生冠王冠想服王服 父母想於所說法生家業想於所修行生紹繼想又應於自身生王子想 者是功德處譬如大海出生衆寶善知識者淨菩提心譬如猛 以如是心近善知識令其志願永得淸淨復次善男子善知識者長諸 一人能鍊

華 嚴 經 卷七十七

大佛法踊 時善財童子聞善知識教潤澤其心正念思惟諸菩薩行向海岸國 時善財童子聞善知識如是功德能開示無量菩薩妙行能成就無量 生。 虀 我復略說 十不可說百千億阿僧祇妙行發十不可說百千億阿僧祇大願善男子 境入十不可說百千億阿僧祇法門滿十不可說百千億阿僧祇助道修 他菩薩力斷十不可說百千億阿僧祇障超十不可說百千億阿僧祇魔 由他深心長十不可說百千億那由他菩薩根淨十不可說百千億那 |依善知識出依善知識長依善知識住善知識爲因緣善知識能發起 顧。 薩總持門一切菩薩三昧門一 切菩薩成就佛法皆由善知識力以善知識而爲根本依善知識 **躍歡喜頂禮德生及有德足繞無量而殷勤瞻仰辭退而去** 切菩薩行一切菩薩波羅蜜一切菩薩地一 切菩薩神通智一 切菩薩迴向一 切菩薩恐一 切菩 切 由

M

切諸佛法與 佛 苦之宅願盡未來劫修菩薩道教化衆生見諸如來成就佛法遊行 佛 往世受五趣生於自他身皆無利益即時發意願以其身饒益衆生成就 薩願復憶往世日夜劬勞作諸惡事卽時發意起大精進成就佛法復憶 諸 治潔復憶往世作諸惡業卽時發意專自防斷復憶往世起諸妄想卽時 發意恆 往 含識復憶往世追求欲境常自損耗無有滋味卽時發意修行佛法長養 刹承事 根以自安隱復憶往世起邪思念顚倒相應卽時發意生正見心起菩 一世不修禮敬卽時發意勤力而行復憶往世身心不淨卽時發意專自 承 事 正思惟復憶往世所修諸行但爲自身卽時發意令心廣大普及 切法師住持一 切諸善知識如是思惟生大歡喜復觀此身是生老病死衆 切菩薩願智身而作因緣作是念時長不思議無量善根 切佛教尋求一切法侶見一 切善知識集 切

即於一 慧身平等門普現其身在於一切如來前一切菩薩前一 閣前五體投地暫時斂念思惟觀察以深信解大願力故入徧一切處智 切如來塔廟前一切如來形像前一切諸佛諸菩薩住處前 受善知識教之所致耳善財童子以如是尊重如是供養如是稱讚如是 觀察如是願力如是想念如是無量智慧境界於毗盧遮那莊嚴藏大樓 入十方刹網其願普徧虛空法界三世平等無有休息如是一切皆以信 想見過現一切諸佛及諸菩薩於一切處示現成道神通變化乃至無有 切菩薩普念衆生想現一切菩薩無量願化身出一切菩薩淸淨讚說音 切菩薩恭敬供養作一切菩薩曲躬合掌生一切菩薩普見世間眼起, 毛端處而不周偏又得淸淨智光明眼見一切菩薩所行境界其心普 切菩薩深信尊重生希有想生大師想諸根淸淨善法增益起 嚴 狉 者七十七 切善知識前。 切法寶前。 (二三〇五)

起 定解起一切化佛從敬心起一 猶 等法界無障礙故等實際偏 切佛事從 切諸業皆從習起 無 正 切智 方衆 因 有性隨綠轉故又決定知 如 切聲聞辟支佛及其塔廟前一 夢從思起故循如像示 故離顚倒見知如實理 邊執見知法界無邊故離往來見知如影像故離有無見知不生 境界而起離於斷見知迴向故離於常見知無生故離無因 生前皆如上說尊重禮讚盡未來際無有休息等處空無邊量故 大願起一 切佛與皆從信起一 切菩薩所修諸行從迴向起一 空故離自在F 切佛法從善根起一 切諸報皆從業起一 切故猶如響緣所發故無有生遞與謝 切故等如來無分別故猶如影隨智現故 切聖衆福田前一切父母尊者前 見知不由他故離自他見 切化現諸供養事皆悉從於 切諸果皆從因起 切法界廣大莊 切化身從方便起 元知從緣 見知 嚴從 切

切想者之所住處是知一

切法無自性者之所住處是斷一

切分別業

滅故離一 入無相際故知一切法如種生芽故如印生文故知質如像故知聲如響 一切法見知空無生故知不自在故知願力出生故離 一切相見

住處是不樂一切聚落者之所住處是不依一切境界者之所住處是離 無差別者之所住處是知一切衆生不可得者之所住處是知一切法無 解空無相無願者之所住處是於一切法無分別者之所住處是了法界 地而起一心瞻仰目不暫捨合掌圍繞經無量而作是念言此大樓閣是 潔念於樓觀前舉體投地殷勤頂禮不思議善根流注身心淸涼悅澤從 生者之所住處是不著一切世間者之所住處是不著一切窟宅者之所 故知境如夢故知業如幻故了世心現故了果因起故了報業集故了知 一切諸功德法皆從菩薩善巧方便所流出故善財童子入如是智端心

住處是以 處是觀察 切佛以一切佛入一佛而不壞其相者之所住處是於一念中而知一切 切衆生以一切衆生入一衆生而不壞其相者之所住處是以一佛入一 入一切法以一切法入一法而不壞其相者之所住處是以一衆生入 以一刹入一切刹以一切刹入一刹而不壞其相者之所住處是以一法 界者之所住處是息滅一切煩惱火者之所住處是以增上慧除斷一切 見愛慢者之所住處是出生一切諸禪解脫三昧通明而遊戲者之所住 所住處是入一切甚深般若波羅蜜者之所住處是能以方便住普門法 者之所住處是離一切想心意識者之所住處是不入不出一切道者之 三世者之所住處是於一念中往詣一切國土者之所住處是於一切衆 劫入一切劫以一切劫入一劫而不壞其相者之所住處是 切菩薩||二昧境界者之所住處是安住一切如來所者之所

華 巌 經 者七十七

於諸劫無長短想者之所住處是不離一毛端處而普現身一切世界者 普入一切世界而於法界無差別想者之所住處是願住未來一切劫而 法無相法無對治法無所得法無戲論法者之所住處是住大慈大悲者 之所住處是能演說難遭遇法者之所住處是能住難知法甚深法無二 住 處是雖於一切衆生中而現其身然於自他不生二想者之所住處是能 佛想者之所住處是依止一切善知識而不起善知識想者之所住處是 者之所住處是不著一切刹爲供養諸佛故而遊一切刹者之所住處是 不動本處能普詣一切佛刹而莊嚴者之所住處是親近一切佛而不起 至一切處者之所住處是雖已出一切世間爲化衆生故而恆於中現身 生前悉現其身者之所住處是心常利益一切世間者之所住處是能偏 一切魔宮而不耽著欲境界者之所住處是永離一切心想者之所住

○三○九

_ 0

化 無相 俱· 雖 雖 故而不住無色界者之所住處是雖勤修止觀爲化衆生故而不證明脫 聲聞正位雖了一 菩薩所到岸已住如來所住處者之所住處是雖離一 之所住處是已度一切二乘智已超一切魔境界已於世法無所染已到 切業 行於 衆生故示受生死雖已離 隨禪生雖行四無量爲化衆生故而不生色界雖修四無色定以大悲 而不證離貪法亦不與貪欲俱雖修於慈而不證離瞋法亦不與瞋垢 而常化著相衆生雖行無願而不捨菩提行願者之所住處是雖於 觀緣起而不證離癡法亦不與癡惑俱者之所住處是雖住四禪 煩 捨而不捨化衆生事者之所住處是雖觀於空而不起空見雖 惱中而得自在爲化衆生故而現隨順諸業煩惱雖無生死爲 切法無生而亦不住無生法性者之所住處是雖觀不 切趣爲化衆生故示入諸趣者之所住處。 切諸相而亦不入 而

行於喜而觀苦衆生心常哀愍雖行於捨而不廢捨利益他事者之所住 是雖行於慈而於諸衆生無所愛戀雖行於悲而於諸衆生無所取著雖

實際作證雖入二解脫門而不取聲聞解脫雖觀四聖諦而不住小乘聖 處是雖行九次第定而不厭離欲界受生雖知一切法無生無滅而不於。

凡夫地而不墮聲聞辟支佛地雖觀五取蘊而不永滅諸蘊雖超出四魔 果雖觀甚深緣起而不住究竟寂滅雖修八聖道而不求永出世間雖超

說 而不分別諸魔雖不著六處而不永滅六處雖安住眞如而不墮實際雖 一切乘而不捨大乘此大樓閣是住如是等一切諸功德者之所住處

爾時善財童子而說頌言

此是大悲淸淨智

(如來境之住處

一切名聞諸佛子

利益世間慈氏尊

已入大乘解脫門灌頂地中佛長子

(111111) 11

普見惡道羣生類 了性皆空不分別 而求行性不可得 此善巧人之住處 如鳥飛空得自在 分別因緣虛妄起 了諸有者之住處 智慧廣大如虛空 方便願力及神通 遊行法界心無著 一解脫門八聖道 受諸楚毒無所歸 此寂滅人之住處 如風行空無所行 諸蘊處界及緣起 十方國土及衆生 此大智者之住處 善能解了一切法 亦不厭彼而求出 普知三世一 此無等者之住處 如是大乘諸度法 切法 放大慈光悉除滅 普行法界悉無礙 此無依者之住處 以無礙智咸觀察 悉能觀察不趣寂 此寂靜人之住處 了知三毒眞實性 施戒忍進禪智慧 無礙無依無所取 悉具足者之住處 無性無生無所依

悉以法船而救之 普盡未來無量劫 智慧光明亦如是 此金翅王之住處 能發菩提妙寶心 見諸衆生嬰惑病 引其令入解脫城 恆以大願慈悲眼 此大醫王之住處 生老病死常逼迫 此哀愍者之住處 此照世者之住處 譬如日月在虚空 普觀一切諸衆生 悉入其中而濟拔 此善度者之住處 此大導師之住處 如爲一人一切爾 見諸衆生失正道 令其解脫得慰安 見諸羣生沒有海 而與廣大悲愍心 此救世者之住處 菩薩爲化一衆生 此善漁人之住處 從諸有海而拔出 見諸衆生入魔網 譬如生盲踐畏途 見諸衆生在惑海 以智慧藥悉除滅 此勇健人之住處 沉淪憂迫受衆苦 切世間靡不燭

修行一 此無礙者之住處 國土諸佛及衆生 如是明見靡不周 普入一切道場海 於一 十方國土碎爲塵 此功德者之住處 盡未來劫恆悉然 此堅固意之住處 皆住無邊劫 國土化衆生 一切妙行海 智慧無礙悉正知 此無礙眼之住處 成就總持三昧門 此眞佛子之住處 發起無邊大願海 供養一切如來海 此智海人之住處 十方諸佛所說法 盡未來劫無休息 切大海以毛滴 毛端處無量刹 菩薩發願數如是 此具德人之住處 大願諸禪及解脫 無量無邊諸佛子 佛衆生劫不可說 如是經於衆劫海 此修行者之住處 **徧遊一切世界海** 念普攝無邊劫 座普受咸令盡 國土成如是

此悲愍者之住處

普見羣生受諸苦 本性寂滅同虛空 以無二智普照明 此淨慧者之住處 成就神通無障礙 普作無邊智慧業 化身無量徧法界 成就神通方便智 種種說法度衆生 此無礙者之住處 發大仁慈智慧心 此無我者之住處 常行如是境界中 菩薩修行無礙慧 菩薩始從初發心 遊行法界靡不周 世情思慮悉發狂 此神力者之住處 修行如幻妙法門 亦說世間衆技術 願常利益諸世間 此離垢人之住處 了知諸法無依止 其心未嘗有所得 入諸國土無所著 此難量者之住處 此修行者之住處 **具足修行一切行** 十方五趣悉現生 念成就菩提道

佛子住於此 悉知一 修習諸二昧 悉知諸刹數 飲諸佛法海 結跏身不動 念念入三昧 思量諸佛法 普順衆生心 普現衆生前 **偏遊諸世界** 念攝諸劫 切刹 世數衆生數 深入智慧海 普現一切刹 但隨衆生心 變現無量身 **猶如日月輪** 無量無數劫 無量無數劫 切如來所 心念中 三昧門 佛名數亦然 具足功德海 了知三世法 而無分別想 闡明諸佛境 衆生佛名號 其心無厭倦 無量無數劫 充滿十方刹 偏除生死闇 切諸趣中

爾時善財童子以如是等一 諸佛之長子 佛子住於此 彼諸大勇猛 佛子住於此 如 佛子住於此 無量千萬劫 觀察衆生等 佛子住於此 佛子住於此 一微塵內 普觀 聖徳慈氏尊 普知佛行願 所行無障礙 所修願智行 教化諸羣生 法等如來等 見一微塵中 切塵亦然 念悉能了 切法 切菩薩無量稱揚讚歎法而讚毗盧遮那莊 供養諸如來 菩薩所修行 我个恭敬禮 安住於此中 廣大不可量 衆生刹及世 刹等諸願等 種種咸具足 無量刹道場 切三世中 衆生根性欲 願垂顧念我 我合掌敬禮 思惟諸法性 處處皆無礙 國土之成壞 稱揚茣能盡 衆生及諸劫 無起無所有 二世悉平等

こ三さ

躍五體投地時彌勒菩薩觀察善財指示大衆歎其功德而說頌日 無數百千衆生前後圍繞而共來向莊嚴藏大樓觀所善財見已歡喜踊 樓羅緊那羅摩睺羅伽王釋梵護世及本生處無量眷屬婆羅門衆及餘 供養乃見彌勒菩薩摩訶薩從別處來無量天龍夜叉乾闥婆阿脩羅迦 嚴藏大樓閣中諸菩薩已曲躬合掌恭敬頂禮一 心願見彌勒菩薩親近

善來德爲體 善來行妙道 善來不動行 善來清淨意 善來圓滿慈 汝等觀善財 善來廣大心 善來法所滋 善來住功德 常求善知識 善來清淨悲 智慧心清淨 善來無邊行 善來趣佛果 善來不退根 善來寂滅眼 了達一切法 爲求菩提行 未曾有疲倦 調伏諸羣生 世間難可見 修行無懈倦 修行無懈倦 而來至我所

善來眞佛子 善來施安樂 善來三世智 去來現在佛 爲求諸如來 具修菩薩行 文殊德雲等 善來離迷惑 汝念善知識 汝於善知識 汝念善知識 普攝諸羣生 普詣於十方 調柔堪受化 諸佛所稱歎 清淨之境界 世法不能染 欲求微妙法 所成諸行業 **偏知一切法** 生我如父母 切諸佛子 令汝成菩提 如是廣大人 養我如乳母 欲受菩薩行 問諸廣大願 令汝至我所 普生功德藏 增長諸功德 **諂誑瞋慢心** 利衰毀譽等 汝欲皆修學 修行不疲厭 增我菩提分 **今來至我所** 調柔無懈倦 而來至我所 而來至我所 而來至我所 而來至我所 示汝無礙處 切悉除滅 切無分別

二三九

Ξ0

能顯諸佛身 以昔福因緣 欲滿淸淨智 善財見衆生 淨治如是意 父母與親屬 汝等觀此人 能建正法幢 汝觀善知識 如山不動搖 如醫療衆疾 宮殿及財産 能守諸佛藏 文殊令發心 親近善知識 欲具端正身 能示佛功德 永離世間身 如天灑甘露 生老病死苦 猶如大猛將 如海無增減 爲發大悲意 當生佛國 隨順無違逆 隨其所修學 能持諸佛法 能滅諸惡道 欲生尊貴家 亦如大商主 如船師濟渡 如日示正道 切皆捨離 受諸勝果報 謙下求知識 修行不懈倦 能開善趣門 勤修無上道 是故願瞻奉 又如大導師 而來至我所 而來至我所 如月轉淨輪 切應順行

善財然法燈

信炷慈悲油

念器功德光

滅除三毒闇

覺心迦羅

邏

悲胞慈爲肉

菩提分支節

長於如來藏

善財正覺月 善財法船師 善財見衆生 善財大心龍 善財勝智海 善財正覺日 衆生處癡闇 善財見衆 恐鎧解脫乘 生 升於法界空 白法悉圓滿 依於直心住 智光大願輪 普濟諸含職 智慧爲利劍 心田甚荒穢 盲冥失正道 五趣常流轉 與雲露甘澤 **令過爾燄海** 能於三有內 為求金剛智 菩提行漸深 慈定清凉光 周行法界空 善財爲導師 爲除三毒刺 等照衆生心 普照羣迷宅 破諸煩惱賊 專求利智犁 破彼諸苦輪 生成一切果 出生衆法寶 疾至淨寶洲 示其安隱處

當了種種法 當爲世依怙 當度諸見難 當滅諸惡道 亦當令世間 欲破諸惑魔 欲生一切德 如是智慧樹 如是大莊嚴 增長福德藏 汝行極調柔 當淨種種剎 當作世光明 當示人天路 普離諸想著 當截諸見網 清淨智慧藏 汝心甚清淨 欲除諸見垢 欲問一切法 救護諸羣生 根深不可動 普覺煩惱睡 當成三界師 當枯愛欲水 開顯方便藏 所欲修功德 **令修功德行** 欲解衆生縛 欲斷一切疑 衆行漸增長 切咸究竟 切天人中 其心大歡喜 普出愛欲泥 當示三有道 疾入涅槃城 專求善知識 普蔭諸羣生 專求善知識 難聞難可見 出生大願藏 示其解脫處 切當圓滿

111111

當見一 當度衆生界 當令衆生喜 當斷衆愛網 當斷一切惑 當到功德岸 汝當持佛種 當生妙智道 當滿諸行海 不久見諸佛 切衆生輪 一切趣 當見一 當令菩薩喜 當淨國土界 當裂衆見網 當開正法道 汝當淨法種 沉迷諸有輪 當淨一切業 當生諸善品 當知諸法海 了達 一切法 切刹 當令諸佛喜 當集智慧界 當見一 當敷衆苦網 當伏一切魔 當與佛子等 汝當轉法輪 不久當捨離 當度衆生海 嚴淨衆刹海 汝能集僧種 切法 當成此歡喜 當成此佛見 當成此心界 當成此願網 令其斷苦輪 **惡業諸苦道** 滿足如是願 成就大菩提 如是修諸行 如是心決定 三世悉周徧

普入三昧門 普遊三有室 當觀諸佛雲 當於衆生海 當修功德海 當示於正道 普現衆生前 汝當入刹海 汝當增智海 當開天趣門 當放破誾光 當起供養雲 當絕於邪道 當開佛道門 當放息熱光 普對諸佛前 普遊解脫門 普壞衆惑室 汝當觀衆海 汝當修行海 消竭煩惱海 當度三有海 普入如來室 當聽妙法雲 普住神通門 普使羣生海 當示解脫門 當放滅惡光 汝當以智力 諸佛大願海 **令修諸行海** 如是勤修行 譬如日月光 當行如是道 當與此願雲 當成如是力 普飲諸法海 周行於法界 汝當咸滿足 疾入大智海 出於衆苦海 成就菩提道 普使衆生入 滌除三有苦

譬如因陀網 所行無動亂 刹網如是住 所行無染著 如鳥行虛空 汝當悉往詣 當成此妙用

汝當入法界 徧往諸世界 普見二世佛 心生大歡喜

汝於諸法門 汝是功德器 已得及當得 能修菩薩行 應生大喜躍 無貪亦無厭

能隨諸佛教 億劫難可遇 況見其功徳

汝生於人中

大獲諸善利

得見文殊等

無量諸功德

已離諸惡道

已出諸難處

如是諸佛子

如風無所礙

得見此奇特 所修諸妙道

已超衆苦患 善哉勿懈怠

應生大欣慶

菩薩行如海

佛智同虛空

汝願亦復然

已離凡夫地

已住菩薩地

當滿智慧地

速入如來地

諸根不懈倦

志願恆決定

親近善知識

不久悉成滿

如下如是種 諸佛護念汝 非是法器人 菩薩種種行 不久汝當得 汝見諸菩薩 汝於三有中 無量諸菩薩 已生菩薩家 汝見諸佛子 汝具難思福 與諸佛子等 與佛子同住 必獲如是果 能修菩薩行 皆爲調衆生 已具菩薩德 菩薩攝受汝 得聞如是法 悉獲廣大利 及以眞實信 無量劫行道 我今慶慰汝 未能成此行 見苦惱衆生 能順其教行 世間甚難有 設經無量劫 是故於今日 普行諸法門 已長如來種 是故諸佛子 諸大願 今汝皆獲得 汝應大欣悅 當升灌頂位 善哉住壽命 愼勿生疑惑 悉置安隱處 應生大喜慶 莫知其境界 示汝解脫門 得見諸佛子 切咸信受

若有聞此法 者於善知識 雖遇佛與世 汝今得人身 汝於無量劫 若有善知識 如龍布密雲 如是心清淨 汝於無量劫 信樂堅進力 切功德行 常得近諸佛 而與誓願心 信樂心尊重 爲欲妄捨身 必當霆大雨 亦值善知識 値佛善知識 具受生死苦 皆從願欲生 善財成此行 示汝普賢行 當知如是人 離疑不疲厭 **今爲求菩提** 亦近諸菩薩 其心不清淨 聽受菩提行 善財已了知 若有敬慕心 不曾事諸佛 汝當好承事 菩薩起願智 決定成菩提 乃聞如是法 此捨方爲善 愼勿生疑惑 常樂勤修習 亦當如是學 已獲廣大利 不聞如是法 未聞如是行 決定修諸行 云何不歡喜

力故衆華瓔珞種種妙寶不覺忽然自盈其手善財歡喜卽以奉散彌勒 躍身毛皆竪悲泣哽噎起立合掌恭敬瞻仰繞無量而以文殊師利心念 爾 時彌勒菩薩摩訶薩在衆會前稱讚善財大功德藏善財聞已歡喜踊 善哉眞佛子 樂事善知識 往因今淨解 不久捨此身 若入此法門 汝以信解心 汝是眞法器 汝當往大智 恭敬一 當具一 勤供 往生佛國土 文殊師利所 而來禮敬我 及事善友力 則具諸功德 切佛 切法 切佛 當修一切道 常見十方佛 專心聽聞法 增長諸功徳 彼當令汝得 不久具諸行 不久當普入 永離衆惡趣 當滿 不受一 到佛功德岸 常行勿懈倦 普賢深妙行 如水生蓮華 及以諸菩薩 切諸佛會 切願 切苦

菩薩摩訶薩上時彌勒菩薩摩善財頂爲說頌言

善哉善哉眞佛子

普策諸根無懈倦

不久當具諸功德

猶如文殊及與我

時善財童子以頌答日 我念善知識

億劫難值遇

今得咸親近

而來詣尊所

願速還瞻覲

福城東際童子南詢百城煙水渺無垠知識異常倫五十三人一曲和陽

大方廣佛華嚴經卷第七十七

我以文殊故

見諸難見者

彼大功德尊

春

華嚴字母衆藝親宣善財童子得眞傳秘密義幽玄功德無邊唱誦利人

三九

二三 无

四〇

奢◎傷升春書燒篩尸伸羶琛苫收奢唱奢字時普願法界衆生入般若

波羅蜜門

佉◎康硱空枯尻開欺緊看欽龕彄佉唱佉字時普顧法界衆生入般若

波羅蜜門

叉◎創琤衝初抄釵鴟嗔徲魌艬搊叉唱叉字時普顧法界衆生入般若 波羅蜜門

多姿态の間 若波羅蜜門 登思 東蘇 都蘇 刀思 儓思 低西 顛西 單思 〇西 耽思 兜思 參唱參 字時普願法界衆生入般

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毗盧性海

音釋

南

無華嚴海會佛菩薩 三

稱

也音 也也傭 淤 見近 澤 貸 淡迂 也視 也音 糞 泥平 哽 液擇 穢分 也聲 咽音 也潤 也去 憚 也耿 聲 驚單 譽 哽 稱余 茶 怕但 壹 美預茶音 也二 悲音 也二 羅徒 音 也族 恃 塞謁 也聲 灑 犗 也音 慎 洒音 牛音 賴是 謹音 甘洒 也介 也依 也甚 露上 舞 怙 也聲 耗 估音 也音 也戶 人云 鎧 檝 也會 也執 甲開 舟音 棄賃 暴 也上 概接 也斤 捃 殄 壑 胞 拾音 絕田 胎替 也郡 也上 也包 歛 撃 胞聲連備 覲 收上 容音

流第 一 本能 第 通六 頁 作除 一 本行 流第 能惟 頁 个行 硫第 配惟 **頁** 作藏 通十 滅藏 南第 敬本 本行 第 藏十 禮禮 作北 十 無行 敬 如藏 一 病老 是此 頁 字下 大是 作第 第 悲大 生六 四 悲身行頁 第 今身 善第 二 改生 提一 正誤 流行 七第通線 頁 十本本 疑第 七 作宋 流九 頁 善元 通行 流第 薩本 本藏 通五 第 離本 本行 九 癡離 作藏 頁 第三十八頁學第二十八頁

枚異!

同

大方廣佛華嚴經卷第七十八

唐于闐國三藏沙門實叉難陀譯

入法界品第三十九之十九

陀羅尼辯才則已於一切菩薩自在中而得自在則已積集一切菩薩助 道法則已遊戲智慧方便則已出生大神通智則已成就一切學處則已 切解脫門則已成就一切三昧法則已通達一切菩薩行則已證得一切 菩提則已超越一切菩薩所住處則已出過一切菩薩離生位則已圓滿 爾時善財童子合掌恭敬重白彌勒菩薩摩訶薩言大聖我已先發阿耨 多羅三藐三菩提心而我未知菩薩云何學菩薩行云何修菩薩道大聖 切如來授尊者記一生當得阿耨多羅三藐三菩提若一生當得無上 切波羅蜜則已深入一切諸忍門則已具足一切菩薩地則已遊戲一

已能 已能 切魔境界則已能安住 會則已能現身一 覺中最增上則已能於生死海中爲船師則已能布調伏一 已能談議 切世主中得自在則已能於一切聖人中最第一 爲上首則已能爲破煩惱魔軍大勇將則已能作出生死曠野大導師則 圓滿 切諸乘門則已堪受一切如來所護念則已能攝一 切佛法藏則已能持一 作治諸惑重病大醫王則已能於一切衆生中爲最勝則已能於 觀 切妙行則已滿足一切大願則已領受一切佛所記則已了知 切衆生根則已能攝一 切菩薩事則已能往詣一切如來所則已能住止一切如來 切衆生前則已能於一 切佛境界則已能到 切諸佛菩薩秘密藏則已能於一 切衆生界則已能守護一 切世法無所染則已能超越一 切菩薩無礙境則已能 則已能於一 切佛菩提則已能持 切菩薩衆則 切衆生網則 切菩薩衆 切聲聞獨

Ξ

善知識親近供養處處尋求承事請法諸仁者此長者子囊於福城受文 已住一 未曾暫起 殊教展轉南行求善知識經由一百一十善知識已然後而來至於我所 猛精進志願無雜深心堅固恆不退轉具勝希望如救頭然無有厭足樂 者汝等見此長者子今於我所問菩薩行諸功德不諸仁者此長者子勇 說爾時彌勒菩薩摩訶薩觀察一切道場衆會指示善財而作是言諸仁 身不斷三寶不虛一切佛菩薩種能持一切諸佛法眼如是等事願皆爲 精 生普能成滿所發大願普能究竟所起諸行·普能安慰一切天人不負自 菩薩行云何修菩薩道隨所修學疾得具足一 勤供養一切佛則已與一切諸佛法同體性已繫妙法繪已受佛灌頂 切智已能普生一切佛法已能速踐一 念疲懈諸仁者此長者子甚爲難有趣向大乘乘於大慧發 切佛法悉能度脫所念衆 切智位大聖菩薩云何學

A

救護一 是之人難可得聞難可得見難得親近同居共行何以故此長者子發心 諸衆生爲大法船度諸有海住於大道集大法寶修諸廣大助道之法如諸衆生爲大法船度諸有海住於大道集大法寶修諸廣大助道之法如 大勇猛擐大悲甲以大慈心救護衆生起大精進波羅蜜行作大商主護 為嬰煩惱重病者調和法藥爲遭生老死苦者飲以甘露令其安隱爲入 溺者立大法橋為被癡闇昏迷者然大智燈為行生死曠野者開示聖道 絕 出入見網者開以智劍住界城者示諸脫門在險難者導安隱處懼結 貪恚癡火者沃以定水使得淸涼多憂惱者慰喻使安繫有獄者曉誨 癡惑出生死諸仁者此長者子爲被四流漂汨者造大法船爲被見泥沒 迷道摧慢幢拔惑箭撤睡蓋裂愛網滅無明度有流離諂幻淨心垢斷 野息諸趣輪度魔境界不著世法出欲淤泥斷貪鞅解見縛壞想宅 切衆生令一切衆生解脫諸苦超諸惡趣離諸險難破無明闇出

大

菩薩 護一切衆生汝爲動求一切佛法故發阿耨多羅三藐三菩提心善男子 大善知識汝身是善器爲諸善根之所潤澤汝爲白法之所資持所有! 汝獲善利汝善得人身汝善住壽命汝善値如來出現汝善見文殊師利 生發菩提心已告善財言善哉善哉善男子汝爲饒益一切世間汝爲數 行爾時彌勒菩薩摩訶薩如是稱歎善財童子種種功德令無量百千衆 界則能成就諸波羅蜜則能增廣一切諸行則能圓滿一切大願則能超。 菩提此長者子於一生內則能淨佛刹則能化衆生則能以智慧深入法 如是不顧身命唯願勤修一切智道應知展轉倍更難得諸仁者餘諸 如是不樂家宅不著欲樂不戀父母親戚知識但樂追求菩薩伴侶又 一切魔業則能承事一切善友則能淸淨諸菩薩道則能具足普賢諸 經於無量百千萬億那由他劫乃能滿足菩薩願行乃能親近諸佛

如大車普能運載諸菩薩故菩提心者猶如門戶開示一切菩薩行故菩 光明故菩提心者猶如淨目普見一切安危處故菩提心者猶如大道普 法樂故菩提心者猶如舍宅安隱一切

諧衆生故菩提心者則爲所歸利 提心者猶如宮殿安住修習二昧法故菩提心者猶如園苑於中遊戲受 令得入大智城故菩提心者猶如正濟令其得離諸邪法故菩提**心者猶** 提心者猶如盛月諸白淨法悉圓滿故菩提心者猶如明燈能放種種法 洗 如盛火能燒一切諸見薪故菩提心者猶如淨日普照一切諸世間故菩 淨法故菩提心者猶如大地能持一切諸世間故菩提心者猶如淨水能 欲悉已清淨已爲諸佛共所護念已爲善友共所攝受何以故善男子菩 心者猶如種子能生一切諸佛法故菩提心者猶如良田能長衆生白 一切煩惱垢故菩提心者猶如大風普於世間無所礙故菩提心者猶

良 德香故菩提心者猶如虛空諸妙功德廣無邊故菩提心者猶如蓮華不 提 須 切願中得自在故菩提心者猶如大海一 菩薩故菩提心者猶如君主勝出一切二乘人故菩提心者猶如帝王 提 益 如慈父訓導一切諸菩薩故菩提心者猶如慈母生長一切諸菩薩故菩 善馬 心者猶如雪山長養一切智慧藥故菩提心者猶如香山出生一切功 爾山於諸衆生心平等故菩提心者如鐵圍山攝持一 心者猶如良藥能治一 心者猶如乳母養育一切諸菩薩故菩提心者猶如善友成益一 切世間法故菩提心者如調慧象其心善順不獷唳故菩提心者如 切諸世間故菩提心者則爲所依諸菩薩行所依處故菩提心者 遠離一 切諸惡性故菩提心者如調御師守護大乘一 切煩惱病故菩提心者猶如坑穽陷沒 切功德悉入中故菩提 切諸世間故菩 切法故菩 心者如 切諸 切諸 猶

門能斷 貯一 白栴檀除衆欲熱使淸涼故菩提心者如黑沈香能熏法界悉周徧故菩 惡法故菩提心者猶如金剛悉能穿徹 意珠周給 敬菩提心者如無生根藥長養 切諸惑箭故菩提心者猶如帝釋一切主中最爲尊故菩提心者如毗沙 心 者如莊嚴具莊嚴一切諸菩薩故菩提心者如劫燒火能燒一切諸有爲 提心者如善見藥王能破一 者 切煩惱毒故菩提心者如水淸珠能淸一切煩惱濁故菩提心者 切功德香故菩提心者猶如妙華一切世間所樂見故菩提心者如 如如意樹能雨一 切貧窮苦故菩提心者如功德天一 一切諸貧乏故菩提心者如功德瓶滿足一 E 捶 卷七十人 切莊嚴具故菩提心者如鵝羽衣不受 切煩惱病故菩提心者如毗笈摩藥能拔 一切諸佛法故菩提心者猶如龍珠能消 切法故菩提心者猶如香篋能 切功德所莊嚴故菩提心 切衆生心故菩提 九 切生死 如 如

快箭能 德 利 首 心 心 垢 知 关能伐一 故菩提 織能解 切諸 放菩提 者猶 切衆 者 故菩提心者如白氎線從本已來性淸淨故菩提心者如快利犂能 切身見刺 猶 破 魔軍 生田 如堅中能護一切如理心故菩提心者猶如利刀能斬一 如善手防護一切諸度身故菩提心者猶 心者猶. 心者猶 故菩提心者猶如利鋸能截 【故菩提心者如那羅延能摧一切我見敵故菩提心者 切諸苦樹故菩提心者猶如兵仗能防一 切生死縛故菩提心者如好珍財能除一 故菩提心者猶 切諸苦的故菩提心者猶 如利 如眼藥滅除一切無 · 劍能斷 一 如臥具息除生 切憍慢鎧 如利 明翳故菩提心者猶 一切無明樹故菩提心 矛能穿 死諸勞苦故菩提 故菩提心者如勇將幢能伏 如好足安立 切諸苦難 切貧窮事故菩提 切煩惱甲故菩提 如鉗鑷能 心 放菩提 切諸 者 切 者 如善 猶 煩 猶 拔 如 如

生 障霧故菩提心者如大寶洲出生一切覺分寶故菩提心者如好種性出 伽陀藥能令無病永安隱故菩提心者如除毒藥悉能消歇貪愛毒故菩 心者猶如命根任持菩薩大悲身故菩提心者猶如甘露能令安住不死 大河流引 乏故菩提心者猶如涌泉生智慧水無窮盡故菩提心者猶如明鏡普現 界故菩提心者猶如大網普攝一切諸衆生故菩提心者猶如腎索攝取 者如大導師善知菩薩出要道故菩提心者猶如伏藏出功德財無 切法門像故菩提心者猶如蓮華不染一切諸罪垢故菩提心者猶 心者如善持呪能除一切顚倒毒故菩提心者猶如疾風能卷一 切所應化故菩提心者猶如鉤餌出有淵中所居者故菩提心者如阿 切白淨法故菩提心者猶如住宅諸功德法所依處故菩提心者猶 一切度攝法故菩提心者如大龍王能雨一切妙法雨故菩提 切諸

提心者如帝青寶出過世間一乘智故菩提心者如更漏鼓覺諸衆生煩 為壽行不取聲聞解脫果故菩提心者如淨瑠璃自性明潔無諸垢故菩 滅 智城故菩提心者猶如好器能持一切白淨法故菩提心者猶如時雨能 如市肆菩薩商人貿易處故菩提心者如鍊金藥能治一切煩惱垢故菩 惱睡故菩提心者如淸淨水性本澄潔無垢濁故菩提心者如閻浮金暎 爲所歸不拒一切諸來者故菩提心者則爲義利能除一 生心故菩提心者則爲尊勝諸衆生心無與等故菩提心者猶如伏藏能 心者猶如好蜜圓滿一切功德味故菩提心者猶如正道令諸菩薩入 心者則爲妙寶能令一 切煩惱塵故菩提心者則爲住處一切菩薩所住處故菩提心者則 切有為善故菩提心者如大山王超出一 切心歡喜故菩提心者如大施會充滿一 切諸世間故菩提心者則 切衰惱事故菩 切衆

譬如有人得解脫藥終無橫難菩薩摩訶薩亦復如是得菩提心解脫智 藥貪火不燒瞋毒不中惑刀不傷有流不漂諸覺觀煙不能熏害善男子 刀不能傷水不能漂煙不能熏菩薩摩訶薩亦復如是得一切智菩提心 男子譬如有人得無畏藥離五恐怖何等爲五所謂火不能燒毒不能中 出 是無量功德舉要言之應知悉與一 阿耨多羅三藐三菩提心者則已出生無量功德普能攝取一切智道善 習故菩提心者如佛支提一切世間應供養故善男子菩提心者成就如 如婆樓那風能動一切所應化故菩提心者如因陀羅火能燒一 生一 切諸菩薩行三世如來從菩提心而出生故是故善男子若有發 切生死横難善男子譬如有人持摩訶應伽藥毒蛇聞氣! 扭 切佛法諸功德等何以故因菩提心 切諸惑

即皆

攝

切諸佛法故菩提心者如因陀羅網能伏煩惱阿脩羅故菩提心者

除 樹亦復如是以其力故增長一切學與無學及諸菩薩所有善法善男子 其樹皮隨取隨生終不可盡菩薩摩訶薩從菩提心生一切智樹亦復如 諸煩惱病善男子如有藥樹名珊陀那有取其皮以塗瘡者瘡卽除愈然 毗笈摩藥令貪恚癡諸邪見箭自然墮落善男子譬如有人持善見藥能 如有藥樹名無生根以其力故增長一切閻浮提樹菩薩摩訶薩菩提心 是若有得見而生信者煩惱業瘡悉得消滅一切智樹初無所損善男子 有人持毗笈摩藥能令毒箭自然墮落菩薩摩訶薩亦復如是持菩提心 摩訶薩亦復如是持菩提心無能勝藥悉能降伏一切魔軍善男子譬如 其氣者悉皆散滅善男子譬如有人持無勝藥一切冤敵無能勝者菩薩 遠去菩薩摩訶薩亦復如是持菩提心大應伽藥一切煩惱諸惡毒蛇聞 一切所有諸病菩薩摩訶薩亦復如是持菩提心善見藥王悉除 切

其心一切善法卽皆散滅善男子如有摩尼名大光明有以此珠瓔珞身 菩薩大願海中若常憶持不令退失能壞菩薩一善根者終無是處若退 間能令此海滅於一滴無有是處菩薩摩訶薩菩提心珠亦復如是住於 魔不能得見善男子如海有珠名普集衆寶此珠若在假使劫火焚燒世 執翳形藥人與非人悉不能見菩薩摩訶薩執菩提心翳形妙藥一切諸 **薩服菩提心大蓮華藥亦復如是於無數劫壽命自在善男子譬如有人** 心阿藍婆藥亦復如是令其身心增長善法善男子譬如有人得念力藥 法皆無忘失善男子譬如有藥名大蓮華其有服者住壽一劫菩薩摩訶 凡所聞事億持不忘菩薩摩訶薩得菩提心念力妙藥悉能聞持一切佛 譬如有藥名阿藍婆若用塗身身之與心咸有堪能菩薩摩訶薩得菩提 切寶莊嚴具所有光明悉皆不現菩薩摩訶薩菩提心寶亦復

大

人得日精珠持向日光而生於火菩薩摩訶薩亦復如是得菩提 訶 冠暎蔽一切諸餘天衆菩薩摩訶薩亦復如是著菩提心大願實冠超過 提 如是得菩提心住水妙寶入於一切生死海中終不沈沒善男子譬如有 子譬如有人得住水寶繫其身上入大海中不爲水害菩薩摩訶薩亦復 珠能清濁水菩薩摩訶薩菩提心珠亦復如是能清一切煩惱垢濁善男 如 薩亦復 `珠持向智光而生智火善男子譬如有人得月精珠持向月光而生於 、得龍寶珠持入龍宮一切龍蛇不能爲害菩薩摩訶薩亦復如是得菩 心大龍寶珠入欲界中煩惱龍蛇不能爲害善男子譬如帝釋著摩尼 是瓔珞其身暎蔽一 |界衆生善男子譬如有人得如意珠滅除一切貧窮之苦菩薩摩 如是得菩提心如意實珠遠離一切邪命怖畏善男子譬如有 切二乘心寶諸莊嚴具悉無光采善男子如水淸 心智日

等 晟 拯 考七十人

菩薩摩訶薩菩提心寶亦復如是於百千劫住欲界中不爲欲界過患所 色善男子如瑠璃寶於百千歲處不淨中不爲臭穢之所染著性本淨故 菩薩摩訶薩菩提心寶亦復如是觀察諸法迴向善根靡不卽同菩提心 菩薩摩訶薩亦復如是以菩提心大摩尼寶住於欲界放大智光悉破諸 趣無明黑鬧善男子譬如帝青大摩尼寶若有爲此光明所觸卽同其色 心無有損減善男子如轉輪王有摩尼寶置於宮中放大光明破一 珠無所損滅菩提心寶亦復如是若有得者令其所願悉得滿足而菩提 子如有寶珠名一切世間莊嚴藏若有得者令其所欲悉得充滿而此寶 畏菩薩摩訶薩亦復如是著菩提心大悲寶冠遠離一切惡道諸難善男 水菩薩摩訶薩亦復如是得菩提心月精寶珠持此心珠鑒迴向光而生。 切善根願水善男子譬如龍王首戴如意摩尼寶冠遠離一切冤敵怖 切闇。

如 悉不 能及菩薩摩訶薩發菩提心自在王寶亦復如是一切智光所照之 是能滅 **德無能及者善男子如有寶珠名自在王處閻浮洲去日月輪四萬由旬** 譬如 日月宫 大海之中菩薩摩訶薩乘大願船深心相續載之來入解脫城中二乘功 諸餘摩尼百千萬種光色價直無與等者菩提心寶亦復如是住於生死 菩薩摩訶薩菩提心寶亦復如是悉能暎蔽一切凡夫二乘功德善男子 染猶如法界性淸淨故善男子譬如有寶名淨光明悉能暎蔽一 有 實 復如是住生死中照法界空佛智日月一切功德悉於中現善男子 有寶名爲火燄悉能除滅一 中所有莊嚴其珠影現悉皆具足菩薩摩訶薩發菩提心淨功德 珠名自在王日月光明所照之處一 一切無知闇冥善男子譬如海中有無價寶商人宋得船載入城 切闇冥菩薩摩訶薩菩提心寶亦復如 切財寶衣服等物所有價直 切實色。

菩薩摩訶薩菩提心香亦復如是一念功德普熏法界聲聞綠覺一切功 岩燒一銖其香普熏小千世界三千世界滿中珍寶所有價直皆不能及 德皆所不及善男子如白栴檀若以塗身悉能除滅一 提大心鎧仗一切業惑諸惡寃敵無能屈伏善男子譬如天上黑栴檀香 譬如勇士被執鎧仗一切寃敵無能降伏菩薩摩訶薩亦復如是被執菩 薩亦復如是得菩提心善調龍法於諸一切煩惱龍中而得自在善男子 **寶餘無及者善男子譬如有人善調龍法於諸龍中而得自在菩薩摩訶** 餘無及者菩薩摩訶薩發菩提心閻浮檀金亦復如是除一切智心王大 現一切智海諸莊嚴事善男子譬如天上閻浮檀金唯除心王大摩尼寶· 名日海藏普現海中諸莊嚴事菩薩摩訶薩菩提心寶亦復如是普能顯 處三世所有天人二乘漏無漏善一切功德皆不能及善男子海中有 切熱惱令其身心

_ 0

婆利師華蘇摩那華雖千歲熏亦不能及菩薩摩訶薩菩提心華亦復如 人衆菩提華所生之處善男子譬如波利質多羅華一日熏衣蒼蔔迦華 菩薩摩訶薩菩提心樹亦復如是雖未開發一切智華應知卽是無數天 及善男子譬如波利質多羅樹雖未開華應知卽是無量諸華出生之處 願功徳之香一切二乘無漏戒定智慧解脫解脫知見諸功徳香悉不能 菩薩摩訶薩菩提心山亦復如是若有近者悉得同其一切智色善男子 等諸惑熱惱令其具足智慧淸涼善男子如須彌山若有近者卽同其色 普得清涼菩薩摩訶薩菩提心香亦復如是能除一切虛妄分別貪恚癡 如是等華所有香氣皆不能及菩薩摩訶薩菩提心樹亦復如是所發大 譬如波利質多羅樹其皮香氣閻浮提中若婆師迦若薔蔔迦若蘇摩那 生所熏諸功德香普徹十方一切佛所一切二乘無漏功德百千劫

億不可說劫諸業煩惱種種闇障悉能除盡善男子譬如燈炷隨其大小 世諸佛智燈而其心燈無減無盡善男子譬如一燈入於闇室百千年闇 悉能破盡菩薩摩訶薩菩提心燈亦復如是入於衆生心室之內百千萬 然百千燈其本一燈無減無盡菩薩摩訶薩菩提心燈亦復如是普然三 菩薩摩訶薩菩提心火亦復如是隨所攀緣智燄增長善男子譬如一燈 於一切智相非業惑等能變其心善男子譬如小火隨所焚燒其燄轉熾 菩薩摩訶薩亦復如是以菩提心迴向智藥普變一切業惑等法悉使成 名訶宅迦人或得之以其一兩變千兩銅悉成眞金非千兩銅能變此藥 心乃至成佛正法住世常時利益一切世間無有間歇善男子如有藥汁 恆取受用無時暫歇菩薩摩訶薩菩提心樹亦復如是始從發起悲願之 熏所不能及善男子如海島中生椰子樹根莖枝葉及以華果一切衆生 薩亦復如是以如來師子菩提心乳著無量劫業煩惱乳大海之中悉令 假使積集盈於大海以師子乳一滴投中悉皆變壞直過無礙菩薩摩訶 欲及以二乘諸功德絃悉皆斷滅善男子譬如有人以牛羊等種種諸乳 亦復如是以如來師子波羅蜜身菩提心筋爲法樂粒其音旣奏一切五 善男子譬如有人以師子筋而爲樂絃其音旣奏餘絃悉絕菩薩摩訶薩 佛師子王菩提心吼應知亦爾諸菩薩聞增長功德有所得者聞皆退散 及善男子如師子王哮吼之時師子兒聞皆增勇健餘獸聞之卽皆竄伏 菩薩摩訶薩亦復如是冠菩提心大願天冠一切凡夫二乘功德皆不能 譬如他化自在天王冠閻浮檀眞金天冠欲界天子諸莊嚴具皆不能及 炷光照法界益大悲油教化衆生莊嚴國土施作佛事無有休息善男子 而發光明若益膏油明終不絕菩薩摩訶薩菩提心燈亦復如是大願爲 譬如射師有諸弟子雖未慣習其師技藝然其智慧方便善巧餘一切人

悲必定發於菩提之心心未捨來一切世間魔及魔民不能爲害善男子 有障礙善男子譬如摩訶那伽大力勇士若奮威怒於其額上必生瘡疱 摩訶薩亦復如是執菩提心銛利快矛刺諸邪見隨眠密甲悉能穿徹無 瘡若未合閻浮提中一切人民無能制伏菩薩摩訶薩亦復如是若起大 修道行所不能及善男子如有壯夫手執利矛刺堅密甲直過無礙菩薩 復如是發菩提心爲佛王子智慧淸淨大悲勇猛一切二乘雖百千劫久 壞滅直過無礙終不住於二乘解脫善男子譬如迦陵頻伽鳥在卵轂中 生時目則明利飛則勁捷一切諸鳥雖久成長無能及者菩薩摩訶薩亦 心所有大悲功德勢力聲聞綠覺無能及者善男子如金翅鳥王子初始 有大勢力一切諸鳥所不能及菩薩摩訶薩亦復如是於生死觳發菩提

N

菩薩摩 界示現種種功德莊嚴善男子譬如猫狸纔見於鼠鼠卽入穴不敢復出 菩薩摩訶薩菩提心相亦復如是雖無有色不可覩見然能普於十方法 生善男子譬如有人著閻浮金莊嚴之具暎敬一切皆如聚墨菩薩摩 然後所作悉得成就菩薩摩訶薩亦復如是將起一切諸佛菩薩神通幻 心然後修行一切佛法善男子譬如幻師將作幻事先當起意憶持幻法 後習其法菩薩摩訶薩亦復如是欲學如來一切智道先當安住菩提之 有願智解欲一切世間凡夫二乘悉不能及善男子如人學射先安其足 所不能及菩薩摩訶薩初始發心亦復如是雖未慣習一 先當起意發菩提心然後一切悉得成就善男子譬如幻術無色現色 訶薩發菩提心亦復如是暫以慧眼觀諸惑業皆卽竄匿不復出 切智行然其所

虀

|亦復如是著菩提心莊嚴之具暎蔽一切凡夫二乘功德莊嚴悉無光

華 殷 經 卷七十八

三五

二三五七

境界一 間人所不見菩薩摩訶薩亦復如是得菩提心安繕那藥能以方便入魔 地以具廣大悲願力故善男子譬如有人得安繕那藥以塗其目雖行人 不能爲害菩薩摩訶薩亦復如是飮菩提心甘露法漿不墮聲聞辟支佛 覺實際法中亦不爲其之所留難善男子譬如有人飮甘露漿一切諸物 惱二乘解脫若暫見之卽皆散滅亦無住者善男子譬如有人善入大海· 鐵岩見之卽皆散去無留住者菩薩摩訶薩發菩提心亦復如是諸業煩 心亦復如是若起一念悉能壞滅一切見欲無明鉤鎖善男子如有磁石 色善男子如好磁石少分之力卽能吸壞諸鐵鉤鎖菩薩摩訶薩發菩提 薩亦復如是發菩提心入生死海諸業煩惱不能爲害假使入於聲聞緣 切水族無能爲害假使入於摩竭魚口亦不爲彼之所吞噬菩薩摩訶 切衆魔所不能見善男子譬如有人依附於王不畏餘人菩薩摩

身先護命根菩薩摩訶薩亦復如是護持佛法亦當先護菩提之心善男 訶 疲 瘦菩薩摩訶薩亦復如是服菩提心延齡之藥於無數劫修菩薩行心無。 之杵摧伏一切諸魔外道善男子譬如有人服延齡藥長得充健不老不 訶 訶 譬如有人命根若斷不能利益父母宗親菩薩摩訶薩亦復如是捨菩 鄞 厭亦無染著善男子譬如有人調和藥汁必當先取好淸淨水菩薩 |執金剛杵摧伏一切阿脩羅衆菩薩摩訶薩亦復如是持菩提 薩 |乘解脫智火善男子譬如有人依倚猛將卽不怖畏| 住於水中不畏火焚菩薩摩訶薩亦復如是住菩提心善根水中不 薩亦復如是依菩提心大勢力王不畏障蓋惡道之難善男子譬如 亦復如是欲修菩薩一切行願先當發起菩提之心善男子如人護 亦復如是依菩提心勇猛大將不畏一切惡行寃敵善男子如釋天 切冤敵菩薩 心 金剛 有

提心不能利益一切衆生不能成就諸佛功德善男子譬如大海無能壞

雖於 勝故菩薩摩訶薩亦復如是雖於一切業煩惱中未得自在然已具足菩 眼有翳故見爲不淨菩薩摩訶薩菩提心寶亦復如是無智不信謂爲不 提之相不與一切二乘齊等以種性第一故善男子譬如淸淨摩尼妙寶 薩亦復如是雖初發心修菩薩行二乘耆舊皆應敬禮善男子譬如王子 大悲自在故善男子譬如王子年雖幼稚一切大臣皆悉敬禮菩薩摩訶 復如是於佛法中發菩提心卽爲耆宿久修梵行聲聞緣覺所共尊重以 善男子如王子初生卽爲大臣之所尊重以種性自在故菩薩摩訶薩亦 者菩提心海亦復如是諸業煩惱二乘之心所不能壞善男子譬如日光 星宿光明不能暎蔽菩提心日亦復如是一切二乘無漏智光所不能蔽 切臣佐之中未得自在已具王相不與一切諸臣佐等以生處奪

入

摩 智殊勝境界金處而生非餘衆生善根處生善男子譬如有樹名日無根 菩薩摩 如 運 甘露令願智身畢竟不壞善男子如機關木人若無有楔身卽離散不能 男子如轉輪王有沈香寶名日象藏若燒此香王四種兵悉騰虛空菩薩 持若有衆 菩薩摩訶薩菩提心藥亦復如是一切善根智慧方便菩薩願智共所攝 淨善男子譬如有藥爲呪所持若有衆生見聞同住一切諸病皆得消滅。 來智無爲空中善男子譬如金剛唯從金剛處及金處生非餘寶處生 動菩薩摩訶薩亦復如是無菩提心行卽分散不能成就一 持甘露其身畢竟不變不壞菩薩摩訶薩亦復如是若常憶持菩提心 薩菩提心香亦復如是若發此意即令菩薩一切善根永出三界行 訶薩菩提心金剛亦復如是唯從大悲救護衆生金剛處一切智 生見聞同住憶念之者諸煩惱病悉得除滅善男子譬如有人 切佛法善

切生死善男子如少金剛悉能破壞

除滅

切貧窮菩提心金剛亦復如是雖有損缺不進諸行猶能

捨離

非退失殊勝志願散亂惡覺衆生器中所能容持唯除菩薩深心寶器善 復志劣少有虧損猶勝一切二乘功德善男子譬如 男子譬如金剛雖破不全一切衆寶猶不能及菩提心金剛亦復如是雖 男子譬如金剛能壞衆山菩提心金剛亦復如是悉能摧壞諸邪見山善 男子譬如金剛能穿衆寶菩提心金剛亦復如是悉能穿徹一切法寶善 金剛亦復如是非下劣衆生慳嫉破戒懈怠妄念無智器中所能容持亦 子譬如金剛非劣惡器及以破器所能容持唯除全具上妙之器菩提心。 可得而能長養一切智智神通大願枝葉華果扶踈蔭暎普覆世間善男 不從根生而枝葉華果悉皆繁茂菩薩摩訶薩菩提心樹亦復如是無根 金剛雖有損缺猶能

切諸物菩提心金剛亦復如是入

岩者善男子如金剛器無有瑕缺用盛於水永不滲漏而入於地菩提心 剛 能作之然其畢竟無有疲厭亦無損壞善男子譬如金剛餘不能持唯金 亦復如是非劣意衆生之所能得善男子譬如金剛不識寶人不知其能 復如是普於三世無數劫中教化衆生修行苦行聲聞緣覺所不能者咸 切諸物無能壞者而能普壞一切諸物然其體性無所損減菩提之心亦 譬如金剛無能銷滅菩提心金剛亦復如是一切諸法無能銷滅善男子 如金剛杵諸大力人皆不能持唯除有大那羅延力菩提之心亦復如是 不得其用菩提心金剛亦復如是不知法人不了其能不得其用善男子 少境界即破 切 地之所能持菩提之心亦復如是聲聞緣覺皆不能持唯除 |乘皆不能持唯除菩薩廣大因緣堅固善力善男子譬如金剛 切無知諸惑善男子譬如金剛非凡人所得菩提心金剛 趣 向 薩婆

法是故善男子汝獲善利汝發阿耨多羅三藐三菩提心求菩薩行已得 等正覺非是餘座之所能持菩提心座亦復如是能持菩薩一切願行諸 可說殊勝功德若有衆生發阿耨多羅三藐三菩提心則獲如是勝功德 切餘心所不能持善男子菩提心者成就如是無量無邊乃至不可說不 波羅蜜諸忍諸地迴向受記修習菩提助道之法供養諸佛聞法受行 善男子譬如三千世界之中金剛座上能持諸佛坐於道場降伏諸魔成 不能令熱菩提之心亦復如是一切生死諸煩惱火不能燒然不能令熱 劫處在生死業惑水中無壞無變善男子譬如金剛一切諸火不能燒然 三界善男子譬如金剛久處水中不爛不濕菩提之心亦復如是於一切 大地不令墜沒菩提之心亦復如是能持菩薩一切行願不令墜沒入於 金 剛器亦復如是盛善根水永不滲漏令入諸趣善男子如金剛際能持

汝可入此毗盧遮那莊嚴藏大樓閣中周徧觀察則能了知學菩薩行學 如是大功德故善男子如汝所問菩薩云何學菩薩行修菩薩道善男子

已成就無量功德

大方廣佛華嚴經卷第七十八

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

壤●穰仍茸如饒○而仁然任獡柔壤唱壤字時普願法界衆生入般岩

波羅蜜門

多罐局 郞 恆 11 胡 胡 狹 低 奚 寒 O 啉 0 耽藍 含 兜 侯 握 曷 唱 多 羅 字時普願法界衆生入般

若波羅蜜門

婆)旁棚髼葡炮排皮貧牉○瓽髻婆唱婆字時普願法界衆生入般若

波羅蜜門

波羅蜜門 車◎昌稱衝樞怊差峀瞋闡觀驇犫車唱車字時普願法界衆生入般若

四十二字妙陀羅字字包含義理多阿棳梵韻滿娑婆功德大法界沐恩

波 有四 同生 前九

音釋

醫療音 也衣 髮費如 也郎 切 **援** 也患 撤費 也徹 抽 漂也者 浮飄 也流 汨 沒音 也骨 汨 穽 穽音

(二三大五)

也淨

坑

逃

子

分謂 藥 如勇 花 升此 也漏 磁 卯 餌 貯 也支 處此 龍士 樂云 毗 可音 乳體 餌音 藏音 必云 象有 摩 波 笈 引慈 卵上 也耳 也仔 陵 無無 故大 那 利摩針磁生學魚笈 頻 諸病 力 意此 質 服此 也石 也無 伽 病藥 安 花云 多之云吸銛易音樂及 繕 悦 中此 苦謂 雜 普普 吸音 利音 也茂 也毘 即云 故有 那 訶 圓此 去去 也翕 也仙 藥 色此 宅 生云 諸此 館美 呼 婆媽娜迦婆病樂燈疱氣音毛音 其鳥 樓 以眼 樂此 師 珊 噬音 瘡音 也臭 布牌 音此 那 合樂 甚云 迦 陀 也逝 疱砲 和鳥風和其子金花具那解射蛛 雅出 密此 眼葉 九色 叉云 令此 始 弓音 黍音 聲仙 聽雪 如云 樂有 轉水 番婆 巳云 也音 也社 日殊 者山 持迅 故靑 還苑 雨利 斷和 齒零 攪 銖重 無在 世猛 黨 丹師 花師 傷合 也年 多粒 十 器音 厭穀 風風 摩 之云 雨迎 者或 升 鼠音 島 也句 海 輪其 竭 力此 時此 續番 液音 獸苗 有音 解 **ি** 也風 此具 摩 方云 令續 也執 也補 山倒 下上 堅云云 訶 生夏和斷 楔 狸 也海 乾音 音音 應 鯨摩 那 故生 合此 楔音 似音 中 利拱 伽 魚伽 伽 膽 故樂 也層 貓離 椰 怒處藥 羅 叉此 葡 能 木 鼠 木音 鈎 也惡 又此 阿 象云 迦 阿 滲 匿音名耶 釣音 貌 云云 伽 也大 黄此 監 切色 也爨 也椰 也清 分身 陀 此龍 色云 婆 海印

校

三五

计本 疲作 第二頁第八 字無 厭身 無 第二十頁第八行唐朱 少四 藏元 若行 本本 字若 作疏 今蒼 志鈔 補葡 樂本 入迦 流 第五頁第 **ᇔ第二十八頁** 通六 本行 藏第 身唐 本五 不本 有行 疲元 甘菩 厭本 字提 催疏 流心 藏鈔 通下 本本

唐于闐國三藏沙門實叉難陀譯

入法界品第三十九之二十

僧祇半月阿僧祇繪帶阿僧祇寶網以爲嚴飾阿僧祗寶鐸風動成音散 路皆七寶成阿僧祇旛阿僧祇幢阿僧祇蓋周迴間列阿僧祇衆寶瓔珞· 閣門令我得入時彌勒菩薩前詣樓閣彈指出聲其門卽開命善財入善 阿僧祇真珠瓔珞阿僧祇赤真珠瓔珞阿僧祇師子珠瓔珞處處垂下阿 僧祇宮殿阿僧祇門闥阿僧祇窗牖阿僧祇階陛阿僧祇欄楯阿僧祇道 財心喜入已還閉見其樓閣廣博無量同於虛空阿僧祇寶以爲其地阿 阿僧祇天諸雜華懸阿僧祇天寶鬘帶嚴阿僧祇衆寶香鑪兩阿僧祇細 爾時善財童子恭敬右繞彌勒菩薩摩訶薩已而白之言唯願大聖開樓

中見一 飾 華以爲莊嚴阿僧祇寶樹次第行列阿僧祇摩尼寶放大光明如是等無 量 寶優鉢羅華阿僧祇寶波頭摩華阿僧祇寶拘物頭華阿僧祇實芬陀利 寶諸形像阿僧祇妙寶菩薩像處處充偏阿僧祇衆鳥出和雅音阿僧· 阿僧祇寶座阿僧祇寶繪以敷座上阿僧祇閻浮檀金童女像阿僧祇雜 末金屑懸阿僧祇寶鏡然阿僧祇寶燈布阿僧祇寶衣列阿僧祇寶帳 .普運其心普見一 悉如上 除 如是種種不可思議自在境界生大歡喜踊躍無量身心柔輭離 阿僧祇諸莊嚴具以爲莊嚴又見其中有無量百千諸妙樓閣一 一切處。 切障滅一 說廣博嚴麗皆同虛空不相障礙亦無雜亂善財童子於一處 切諸處悉如是見爾時善財童子見毗盧遮那莊嚴藏樓 切惑所見不忘所聞能憶所思不亂入於無礙解脫之 切普申敬禮纔始稽首以彌勒菩薩威神之力自見 切 嚴

種植 爲諸天衆演說一切諸佛之法或作魔王說一切法皆悉無常或爲梵王 功德或爲化樂天王爲諸天衆現諸菩薩變化莊嚴或爲他化自在天王 釋天呵責五欲或爲燄摩天王讚不放逸或爲兜率天王稱歎一生菩薩 之記或見彌勒爲轉輪王勸諸衆生住十善道或爲護世饒益衆生或爲 護持如來正教爲大法師得無生忍某時某處某如來所受於無上菩提 明見或見彌勒最初證得慈心三昧從是已來號爲慈氏或見彌勒修諸 菩薩初發無上菩提心時如是名字如是種族如是善友之所開悟令其 其身徧在一切諸樓閣中具見種種不可思議自在境界所謂或見彌勒 妙行成滿一切諸波羅蜜或見得忍或見住地或見成就清淨國土或見 是行發如是願彼諸如來如是衆會如是壽命經爾許時親近供養悉皆 如是善根住如是壽在如是劫值如是佛處於如是莊嚴剎土修如

M

衆會說法或復見爲聲聞衆會說法或復見爲緣覺衆會說法或復見爲 或復見爲迦樓羅摩睺羅伽王衆會說法或復見爲其餘一切人非人等 見爲乾闥婆緊那羅王衆會說法或復見爲阿脩羅陀那婆王衆會說法 會說法或復見爲龍王衆會說法或復見爲夜叉羅刹王衆會說法或復 見爲燄摩天王衆會說法或復見爲兜率天王衆會說法或復見爲化樂 衆生或復見爲護世天王衆會說法或復見爲忉利天王衆會說法或復 在於餓鬼之處施諸飲食濟彼飢渴或見在於畜生之道種種方便調伏 說法斷除一切憍慢醉傲或復見其處閻羅界放大光明救地獄苦或見 **初發心乃至一生所繫已灌頂者諸菩薩衆而演說法或見讚說初地乃** 天王衆會說法或復見爲他化自在天王衆會說法或復見爲大梵王衆 說諸禪定無量喜樂或爲阿脩羅王入大智海了法如幻爲其衆會常演

聞綠覺及諸菩薩如來身雲或見出一切衆生身雲或見出妙音讚諸菩 門或見彌勒於百千年經行讀誦書寫經卷勤求觀察爲衆說法或入諸 薩種種法門所謂讚說菩提心功德門讚說檀波羅蜜乃至智波羅蜜功 羅伽釋梵護世轉輪聖王小王王子大臣官屬長者居士身雲或見出聲 身雲或見出龍衆身雲或見出夜叉乾闥婆緊那羅阿脩羅迦樓羅摩睺 禪四無量心或入徧處及諸解脫或入三昧以方便力現諸神變或見諸 菩薩入變化三昧各於其身一一毛孔出於一切變化身雲或見出天衆 間資生工巧種種方便利衆生事或見與諸一生菩薩讚說一切佛灌頂 界或見讚說諸菩薩行或見讚說諸大誓願或見與諸同行菩薩讚說世 見讚說諸大三昧門或見讚說甚深解脫門或見讚說諸禪三昧神通境 至十地所有功德或見讚說滿足一切諸波羅蜜或見讚說入諸忍門或

二三七三

大

誕 正覺觀菩提樹梵王勸請轉正法輪升天宮殿而演說法劫數壽量衆會 皆明見又復於彼莊嚴藏內諸樓閣中見一樓閣高廣嚴飾最上無比於 形壽命刹劫名號說法利益教住久近乃至所有道場衆會種種不同悉 莊嚴所淨國 宮殿遊戲園苑爲一切智出家苦行示受乳糜往詣道場降伏諸魔成等 中悉見三千世界百億四天下百億兜率陀天一一皆有彌勒菩薩降神 諸諦諸智止觀解脫諸綠諸依諸說法門讚說念處正勤神足根力七菩 提分八聖道分諸聲聞乘諸獨覺乘諸菩薩乘諸地諸忍諸行諸願如是 德門讚說諸攝諸禪諸無量心及諸三昧三摩鉢底諸通諸明總持辯才 生釋梵天王捧持頂戴遊行七步觀察十方大師子吼現爲童子居處 切諸功徳門或復於中見諸如來大衆圍繞亦見其佛生處種姓身 土所修行願教化成熟衆生方便分布舍利住持教法皆悉

進禪定智慧修習如是諸波羅蜜或聞某處有某菩薩爲求法故棄捨王 世經爾許劫利益如是無量衆生或聞某處有某菩薩布施持戒忍辱精 根經若干劫修菩薩行於爾許時當成正覺如是名號如是壽量如是國 土具足莊嚴滿如是願化如是衆如是聲聞菩薩衆會般涅槃後正法住 或說諸佛說法差別如上所說一切佛法悉聞其音敷暢辯了又聞某處 所某大衆中聞於某佛如是功德發如是心起如是願種於如是廣大善 有某菩薩聞某法門某善知識之所勸導發菩提·心於某劫某刹某如來 波羅蜜行或說諸願或說諸地或說恭敬供養如來或說莊嚴諸佛國土 演暢不可思議微妙法音說種種法所謂或說菩薩發菩提心或說修行 佛事憶持不忘通達無礙復聞一 不同爾時善財自見其身在彼一 切諸樓閣內寶網鈴鐸及諸樂器皆悉 切諸如來所亦見於彼一切衆會一切

二三七五

無佛世 或見不淨世界或見淨不淨世界或見不淨淨世界或見有佛世界或見 見覆世界或見仰世界或見平坦世界或見地獄畜生餓鬼所住世界或 見菩薩衆會道場或見聲聞衆會道場或見緣覺衆會道場或見淨世界 脫諸三昧門又見一切諸寶鏡中種種形像所謂或見諸佛衆會道場或 是無量衆生善財童子聞如是等不可思議微妙法音身心歡喜柔輕悅 中成等正覺如是國土如是衆會如是壽命說如是法滿如是顧教化如中成等正覺如是國土如是衆會如是壽命說如是法滿如是顧教化如 薩守護如來所說正法爲大法師廣行法施**建**法幢吹法蠡擊法鼓雨法 位及諸珍寶妻子眷屬手足頭目一切身分皆無所恪或聞某處有某菩 懌即得無量諸總持門諸辯才門諸禪諸忍諸願諸度諸通諸明及諸解 雨造佛塔廟作佛形像施諸衆生一切樂具或聞某處有某如來於某劫 界或見小世界或見中世界或見大世界或見因陀羅網世界或

肘或復縱廣猶如車輪一

華波頭摩華拘物頭華芬陀利華各各生於無量諸華或大一手或長 明同時照耀幢旛網蓋如是等物一切皆以衆寶莊嚴又復見彼優鉢羅 瞻仰目不暫捨又見彼眞珠瓔珞常出香水具八功德瑠璃瓔珞百千光 寶網或垂金鎖或挂瓔珞或舉其臂捧莊嚴具或低其首垂摩尼冠曲躬 華雲或執衣雲或執幢旛或執鬘蓋或持種種塗香末香或持上妙摩尼 色或作一切諸光明色又見彼閻浮檀金童女及衆寶像或以其手而執 青或黃或赤或白或玻瓈色或水精色或帝青色或虹蜺色或閻浮檀金 問或答三時懺悔迴向發願又見一切諸寶柱中放摩尼王大光明網或 諸事業或起大悲憐愍衆生或造諸論利益世間或受或持或書或誦或 見天人充滿世界於如是等諸世界中見有無數大菩薩衆或行或坐作

二三七七

一華中皆悉示現種種色像以爲嚴飾所謂男

其身悉以相好莊嚴普放種種諸色光明所謂金色光明銀色光明珊瑚 諸莊嚴具或有曲躬合掌禮敬一心瞻仰目不暫捨或有讚歎或入三昧 明瞻波迦華色光明又見諸樓閣半月像中出阿僧祇日月星宿種種光 色光明兜沙羅色光明帝青色光明毗盧遮那寶色光明一切衆寶色光 大臣官長及以四衆半身色像其諸色像或執華鬘或執瓔珞或持一切 謂佛半身色像菩薩半身色像天龍夜叉乃至護世轉輪聖王小王王子 諸樓閣莊嚴色像又於寶樹枝葉華果一一事中悉見種種半身色像所 地一一步間現不思議種種色像所謂世界色像菩薩色像如來色像及 樓羅緊那羅摩睺羅伽聲聞綠覺及諸菩薩如是一切衆生色像皆悉合 **掌曲躬禮敬亦見如來結跏趺坐三十二相莊嚴其身又復見彼淨瑠璃** 色像女色像童男色像童女色像釋梵護世天龍夜叉乾闥婆阿脩羅迦 華 嚴 經 卷七十九

師子之座廣演說法勸諸衆生安住十善一心歸向佛法僧寶受持五戒 若自供養若勸於他塗香散華恭敬禮拜如是等事相續不絕或見坐於 順父母或親近善友或作聲聞或作綠覺或作菩薩或作如來教化調伏 惡難或爲大仙善說諸論或爲輪王勸修十善或爲醫王善療衆病或孝 病者爲其救療入邪徑者示其正道或爲船師令度大海或爲馬王救護 王位隨其所須盡皆施與處牢獄者令得出離被繫縛者使其解脫有疾 血肉皮膚骨髓乃至爪髮如是一切悉皆能捨妻妾男女城邑聚落國土 寶中皆現彌勒囊劫修行菩薩道時或施頭目或施手足脣舌牙齒耳鼻 明普照十方又見諸樓閣周迴四壁一一步內一切衆寶以爲莊嚴一 切衆生或爲法師奉行佛教受持讀誦如理思惟立佛支提作佛形像

及八齋戒出家聽法受持讀誦如理修行乃至見於彌勒菩薩百千億那

樓閣 乃知是夢而能明記所見之事善財童子亦復如是以彌勒菩薩力所持 房含衣服悉皆相稱謂於晝日經無量時不眠不寢受諸安樂從睡覺已 有人於睡夢中見種種物所謂城邑聚落宮殿園苑山林河池衣服飮食 住 察無礙智故得諸菩薩自在智故得諸菩薩已入智地廣大解故於一 生疲厭爾時善財童子得不忘失憶念力故得見十方淸淨眼故得善觀 由他 至一切諸天宮殿閻浮提等四天下事或見其身形量廣大百千由旬 於灌頂之地時諸知識告善財言善來童子汝觀此菩薩不思議事莫 切功德莊嚴亦見彌勒在彼一一善知識所親近供養受行其敎乃至 阿僧祇劫修行諸度一切色像又見彌勒曾所承事諸善知識悉以 切資生之具或見自身父母兄弟內外親屬或見大海須彌山王 物中悉見如是及餘無量不可思議自在境界諸莊嚴事譬如 切

者靡不能答譬如有人爲龍所持自謂是龍入於龍宮於少時間自謂已 終見隨其業所受報相行惡業者見於地獄畜生餓鬼所有一切衆苦境 答善財童子亦復如是菩薩智慧之所持故見彼一切諸莊嚴事若有問 力得見一切莊嚴境界譬如有人爲鬼所持見種種事隨其所問悉皆能 好身雖未死而由業力見如是事善財童子亦復如是以菩薩業不思議 河或見鑊湯或見刀山或見劍樹種種逼迫受諸苦惱作善業者卽見一 界或見獄卒手持兵仗或瞋或罵囚執將去亦聞號叫悲歎之聲或見灰 經日月年載善財童子亦復如是以住菩薩智慧想故彌勒菩薩所加持 切諸天宮殿無量天衆天諸采女種種衣服具足莊嚴宮殿園林盡皆妙 經 卷七十九

故知二界法皆如夢故滅諸衆生狹劣想故得無障礙廣大解故住諸菩

薩勝境界故入不思議方便智故能見如是自在境界譬如有人將欲命

法智因緣聚集所現之相如是自性如幻如夢如影如像悉不成就爾時 神力入樓閣中彈指作聲告善財言善男子起法性如是此是菩薩 同在 **薩自在力故見樓閣中一切莊嚴自在境界爾時彌勒菩薩摩訶薩卽攝** 以彌勒菩薩威神力故及不思議幻智力故能以幻智知諸法故得諸菩 中見乾闥婆城具足莊嚴悉分別知無有障礙譬如夜叉宮殿與人宮殿 前善財童子亦復如是入於樓觀一切境界悉皆明了譬如有人於虛空 物不相雜亂善財童子亦復如是於樓觀中普見一切莊嚴境界種種差 別不相雜亂譬如比丘入徧處定若行若住若坐若臥隨所入定境界現 故於少時間謂無量劫譬如梵宮名莊嚴藏於中悉見三千世界一 切色像譬如幻師以幻力故現諸幻事種種作業善財童子亦復如是 處而不相雜各隨其業所見不同譬如大海於中悉見三千世界 知諸 切諸

華 嚴 經 卷七十九

二三人三

然洪霆周徧天下如是境界不可思議善男子彼莊嚴事亦復如是不住 於內亦不住外而非不見但由菩薩威神之力汝善根力見如是事善男 薩智慧神力而住無有去處亦無住處非集非常遠離一切善男子如龍 王降雨不從身出不從心出無有積集而非不見但以龍王心念力故霈 處去耶彌勒答言於來處去日從何處來日從菩薩智慧神力中來依菩 中有不可說不可說解脫門一生菩薩之所能得善財問言此莊嚴事何 男子此解脫門名入三世一切境界不忘念智莊嚴藏善男子此解脫門 者是善知識加被憶念威神之力聖者此解脫門其名何等彌勒告言善 妙莊嚴宮殿見菩薩行聞菩薩法知菩薩德了如來願善財白言唯然聖 脫受諸菩薩三昧喜樂能見菩薩神力所持助道所流願智所現種種上 善財聞彈指聲從三昧起彌勒告言善男子汝住菩薩不可思議自在

大

我從何處來者善男子我從生處摩羅提國而來於此善男子彼有聚落 離一切佛故從無取捨處來不役身心使往來故從智慧方便處來隨順 願力之所持故從神通處來於一切處隨樂現故從無動搖處來恆不捨 常如是而來善男子菩薩從大悲處來爲欲調伏諸衆生故從大慈處來 爲欲救護諸衆生故從淨戒處來隨其所樂而受生故從大願處來往昔 著不沒不生不住不遷不動不起無戀無著無業無報無起無滅不斷不 彌 議 見彼莊嚴事亦復如是無所從來亦無所去雖無來去然以慣習不可思 子譬如幻師作諸幻事無所從來無所至去雖無來去以幻力故分明可。 切諸衆生故從示現變化處來猶如影像而化現故然善男子汝問於 勒言善男子諸菩薩無來無去如是而來無行無住如是而來無處無 幻智力故及由往昔大願力故如是顯現善財童子言大聖從何處來

諸過 於諸境界無所壞滅知一切想如陽燄故入於諸趣不生倒惑達一切法 以大慈悲爲體性故攝受衆生不覺勞苦了達生死猶如夢故經一切劫 如變化故於諸有趣無所染著知一切法無有我故敦化衆生心無疲厭 佛種性能修諸行不斷三寶善能守護菩薩種族淨菩薩種生處尊勝無 就菩提爲能淨家族善男子菩薩如是超凡夫地入菩薩位生如來家住 而無怖畏了知諸蘊皆如幻故示現受生而無疲厭知諸界處同法界故 生於如是尊勝家已知一切法如影像故於諸世間無所惡賤知一切法 行爲順家法勸發大乘爲紹家業法水灌頂一生所繫菩薩爲王太子成 心爲家如理修行爲家法諸地爲家處諸忍爲家族大願爲家敎滿足諸 爲教授師 切世間天人魔梵沙門婆羅門恭敬讚歎善男子菩薩摩訶 切菩提分爲伴侶一切善法爲眷屬一切菩薩爲兄弟菩提

捨離諸欲樂故令知有爲皆無常故令知諸天盛必衰故爲欲示現將降 之所樂種種方便教化調伏善男子我爲隨順衆生心故我爲成熟兜率 天中同行天故我爲示現菩薩福智變化莊嚴超過一 摩羅提國拘吒聚落婆羅門家善男子我住於此大樓閣中隨諸衆生心 諸婆羅門令其離於種族憍慢得生如來種性之中而生於此閻浮提界 與我往昔同修諸行今時退失菩提心者亦爲教化父母親屬亦爲教化 業等一切衆生想等一 於 順世間敦化調伏等一 等一切衆生殊異言音等一切衆生種種名號等一 皆如幻故入魔境界不起染著知法身故一切煩惱不能欺誑得自在故 切趣通達無礙善男子我身普生一切法界等一切衆生差別色相 巖 攊 卷七十九 切菩薩願而現其身充滿法界善男子<mark>我爲化</mark>度 切清淨衆生示現受生等一 切凡夫衆生所作事 切衆生所樂威儀隨 切諸欲界故令其 九 二三八七

切解脫境界究竟普賢所行諸行善男子文殊師利童子是汝善知識令 善男子文殊師利常爲無量百千億那由他諸佛母常爲無量百千億那 就云何廣大云何隨順云何淸淨云何圓滿善男子彼當爲汝分別演說 中爲說法師一切如來之所讚歎住甚深智能如實見一 由 男子文殊師利童子其行廣大其願無邊出生一切菩薩功德無有休息 滿 利善知識所而問之言菩薩云何學菩薩行云何而入普賢行門云何成 何以故文殊師利所有大願非餘無量百千億那由他菩薩之所能有善 迦 生時大智法門與一 他菩薩師教化成就一切衆生名稱普聞十方世界常於一切諸佛衆 足成一切智得菩提時汝及文殊俱得見我善男子汝當往詣文殊師 如來所遣來者令如蓮華悉開悟故於此命終生兜率天善男子我願 生菩薩共談論故爲欲攝化諸同行故爲欲敎化 切諸法通達

汝修一切功德入一切願網住一切大願爲汝說一切菩薩祕密法現一 汝得生如來家長養一切諸善根發起一切助道法值遇眞實善知識令

切菩薩難思行與汝往昔同生同行是故善男子汝應往詣文殊之所莫 生疲厭文殊師利當爲汝說一切功德何以故汝先所見諸善知識聞菩

究竟時善財童子頂禮其足繞無量而殷勤瞻仰解退而去 薩行入解脫門滿足大願皆是文殊威神之力文殊師利於一切處咸得

大方廣佛華嚴經卷第七十九

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

麽娑 容 萌斯 蒙蘇 模辭 毛思 埋思 迷西 民西 思證 〇西 | | | | | | 謀思 麽娑 唱 麽娑 字時普願法界衆 作人

若 波羅 蜜 門

婆訶 **吞** ●◎ 旁放 朋亨 蓬烘 蒲呼 袍蒿 排咍 毘希 貧希 枠預 〇希 楚含 良呴 婆訶 唱 婆訶 字 時 普願 法界 衆 生

若 波羅蜜門

縒

)喪僧鬆

繰顋

西辛珊芯糝鎪縒唱縒字時普願法

界衆生入

般

波羅蜜門

伽 强擎蛩劬翹 其芹 乾 鍼裘伽唱伽字時普顧法界衆生

蜜門 四四 生十 九二 有字 同 Ħ

波

羅

音 釋

屑 鑊入 碎音 也雪 慠 霈 雨音 慢音 也沛 也傲 糜 粥音 蚌音 也眉 虹 浣 政音 也音 陰紅 滌換 氣純 也洗 也陽 濯 蜺 澄音 蜺音 也濁 也蜕 浣 虹 陀 肘 臂周 肘上 別阿 也聲 名修 髓 羅 脂音 也水 骨 鑊

山中 食舞 霜此 也有 者不 雪云 此 眼得 八 瞿 以輒 波色柱 為觀 廣一 雅 為觀 廣一 心此 食聽 大不 地云 六齋 牀殺 并守 根者 七二 白護 各斷 不不 法謂 以日 著盗 也守 所中 華三 護 對後 鬘不 拘 之分 瓔那 吒 塵段 路淫 樓此 為食 不四 閣云 食也 用不 又 香妄 摩油語 塗五 提 身不 數摩 熏飲 中羅 衣酒 也耶 八六 育山 不不 此名 自坐

國提 歌高

唐于闐國三藏沙門實叉難陀譯

入法界品第三十九之二十一

住著於少功德便已爲足不能善巧發起行願不爲善知識之所攝護不 哉善哉善男子若離信根心劣憂悔功行不具退失精勤於一善根心生 證知若獲得皆悉不能是時文殊師利宣說此法示敎利喜令善財童子 是境界若周徧知若種種知若盡源底若解了若趣入若解說若分別若 爲如來之所憶念不能了知如是法性如是理趣如是法門如是所行如 奉覲是時文殊師利遙申右手過一百一十由旬按善財頂作如是言善 到普門國蘇摩那城住其門所思惟文殊師利隨順觀察周旋求覓希欲 爾時善財童子依彌勒菩薩摩訶薩教漸次而行經由一百一十餘城已

○三九三

見增一 法 海轉 一 照明一 障人 除諸闇障智周法界於一切佛刹一切諸有普現其身靡不周徧摧一 虁 逆增長趣求一切智慧廣大悲海益大慈雲普觀衆生生大歡喜安住菩 住處文殊師利還攝不現於是善財思惟觀察一心願見文殊師利及見 願無邊際三昧無邊際神通無邊際智令入普賢行道場及置善財自所 成就阿僧祇法門具足無量大智光明令得菩薩無邊際陀羅尼無邊際 三千大千世界微塵數諸善知識悉皆親近恭敬承事受行其敎無有違 寂 無礙法住於法界平等之地觀察普賢解脫境界卽聞普賢菩薩摩 靜法門普緣一切廣大境界學一切佛廣大功德入一 切智助道之法善修一切菩薩深心知三世佛出與次第入一切 切如來境界長養一切菩薩諸根獲一切智淸淨光明普照十方。 切法輪生一切世間入於一切菩薩願海住一 切劫修菩薩行 切佛決定知 切

見一切佛刹清淨

切佛刹 見一切佛刹淸淨無諸惡道見一切佛刹淸淨衆妙蓮華以爲嚴飾見一 力故見十種瑞相何等爲十所謂見一 財童子起如是心時由自善根力一切如來所加被力普賢菩薩同善根 界周徧心淨一 智境界清淨心觀道場莊嚴明了心入一切佛法海廣大心化一切衆生 著無礙心普行一 來師子座前 地威力地同住渴仰欲見普賢菩薩卽於此金剛藏菩提場毗盧遮那如 訶 薩名字行願助道正道諸地地方便地入地勝進地住地修習地境界· 清淨一切衆生身心淸淨見一切佛刹淸淨種種衆實之所莊嚴 一切寶蓮華藏座上起等虛空界廣大心捨一切刹離 切國土無量心住 切無礙法無礙心偏入一切十方海無礙心普入一 切劫無盡心趣如來十力究竟心善 切佛刹淸淨一切如來成正等覺。 纫 纫

(二三九五)

切衆生諸相嚴身見一切佛刹淸淨諸莊嚴雲以覆

N

界。界。 界微塵 出 偏法 輪 佛 雲種種 上見 出 種 利清淨道場莊嚴見一 塵 界。 切世界微塵數衆妙香雲周徧十方稱讚普賢一切行願大功德海 光明相何等爲十所謂見一切世界所有微塵一一 塵 塵 中 切世界微塵數菩薩身色像雲充滿法 數佛光明綱雲周偏照耀一一 中出 中出一 出 色相周徧法界一一塵中出一切世界微塵數佛色像寶 切佛刹清淨一 塵 一切世界微塵數日月星宿雲皆放普賢菩薩光明徧 中 切世界微塵數 出一切世界微塵數佛光燄輪雲周徧法界一一 切世界微塵數 切佛刹清淨一切衆生心常念佛是爲十又見 切衆生互起慈心遞相利益不爲惱害見一切 切佛色像摩尼雲周徧法界一一 切衆生身色像雲放佛光明徧 塵中出 界令 切世界微塵數佛光明 切衆生皆得出 塵中出 照法 照法 塵中 切世 **霎周** 塵

所願滿足一

塵中出一切世界微塵數如來身色像雲說一

切佛廣大

大

毛孔出 心見一一毛孔出一切佛刹微塵數梵天身雲勸諸如來轉妙法輪見一 摩尼寶見一一毛孔出一切佛刹微塵數色界天身雲充滿法界歎菩提 刹 毛孔念念中出一切佛刹微塵數三世佛刹雲徧法界虛空界爲諸衆生 界一切諸佛衆會道場雨衆妙華見一一毛孔出一切佛刹微塵數香樹 會道場而以普熏見一一毛孔出一切佛刹微塵數雜華雲徧法界虛空 雲徧法界虛空界一切諸佛衆會道場兩衆妙香見一 一毛孔出一切佛 毛孔出一切佛刹微塵數欲界天王身雲護持一切如來法輪見一 `微塵數妙衣雲徧法界虛空界一切諸佛衆會道場兩衆妙衣見一 毛孔出一 切佛刹微塵數寶樹雲徧法界虛空界一切諸佛衆會道場雨 切佛刹微塵數種種色香燄雲徧法界虛空界一切諸佛衆

無歸趣者爲作歸趣無覆護者爲作覆護無依止者爲作依止見一一毛

所生善根見一 。 塵數菩薩身雲徧法界虛空界一切佛刹宣揚一 種種諸佛名號令諸衆生增長善根見一一毛孔念念中出一切佛刹微 見一一毛孔念念中出一切佛刹微塵數菩薩身雲徧法界虛空界稱揚 雲偏法界虛空界隨其所應教化衆生皆令發阿耨多羅三藐三菩提心 令純染衆生皆得淸淨見一一毛孔念念中出**一切佛刹微塵數衆生身** 淨見一一毛孔念念中出一 出 中出世菩薩衆會悉皆充滿見一一毛孔念念中出一切佛刹微塵數淨 不淨佛剎雲徧法界虛空界令雜染衆生皆得淸淨見一一毛孔念念中 孔念念中出一 切佛刹微塵數不淨淨佛刹雲徧法界虛空界令雜染衆生皆得淸 切佛刹微塵數清淨佛刹雲徧法界虛空界一切諸佛於 毛孔念念中出一 切佛刹微塵數不淨佛刹雲徧法界虛空界 切佛刹微塵數菩薩身雲徧法界虛 切諸佛菩薩從初發意

扭

卷入十

t

(二三九九)

雑亂如於此毗盧遮那如來所示現如是神通之力於東方蓮華德世界 界無色界處日月星宿風雲雷電畫夜月時及以年劫諸佛出世菩薩衆 千大千世界風輪水輪地輪火輪大海江河及諸寶山須彌鐵圍村營城 在神通境界身心偏喜踊躍無量重觀普賢一一身分一一毛孔悉有三 是見如見現在十方世界前際後際一切世界亦如是見各各差別不相 會道場莊嚴如是等事悉皆明見如見此世界十方所有一切世界悉 邑宮殿園苑一切地獄餓鬼畜生閻羅王界天龍八部人與非人欲界色 正覺令諸菩薩增長大法成一切智爾時善財童子見普賢菩薩如是自 見一一毛孔念念中出普賢菩薩行雲令一切衆生心得滿足具足修習 切智道見一一毛孔出一 切佛刹一一 刹中宣揚 切佛刹微塵數正覺身雲於一切佛刹現成 一切菩薩願海及普賢菩薩淸淨妙行 如

思惟 智波羅蜜於念念中普於一切諸如來所聞法受持智波羅蜜於念念中 於念念中悉能往詣一切佛所智波羅蜜於念念中悉能供養一切如來 十種智波羅蜜何等爲十所謂於念念中悉能周徧一切佛刹智波羅蜜 來遊戲神通善財童子見普賢菩薩如是無量不可思議大神通力卽得 衆生言音· 三世一 賢菩薩坐寶蓮華師子座上現神通力悉亦如是彼一一普賢身中皆現 切世界如是十方一切佛刹一一塵中皆有法界諸佛衆會一一佛所普 南西北方四維上下一切世界諸如來所現神通力當知悉爾如十方 賢首佛所現神通力亦復如是如賢首佛所如是東方一 切境界一切佛刹一切衆生一切佛出現一切菩薩衆及聞一 切如來法輪智波羅蜜於念念中知一切佛不可思議大神通事 切佛言音一切如來所轉法輪一 切菩薩所成諸行一 切世界如東方。 切如 切

(10回)

0

精進得 要道修 普賢菩薩摩善財頂如是十方所有世界及彼世界一 切智大誓願入一 即得一切佛刹微塵數三昧門各以一 羅蜜善財童子既得是已普賢菩薩卽申右手摩觸其頂旣摩頂已善財 於念念中知一 以深般若觀 切智助道具生一 智波羅蜜於念念中說 三昧悉見昔所未見一切佛刹微塵數佛大海集 切佛刹微塵數一 切佛刹微塵數諸菩薩所修行起一切佛刹微塵數一 切法智波羅蜜於念念中入一切法界實相海智波羅蜜 切衆生心智波羅蜜於念念中普賢慧行皆現在前智波 切佛刹微塵數一切智上妙法發一 切佛剎微塵數大願海住 一句法盡未來際辯才無盡智波羅蜜於念念中 切智淨光明如此娑婆世界毗盧遮那佛所 切佛刹微塵數三昧而爲眷屬 切佛刹微塵數一 切佛刹微塵數 切佛刹微塵數 塵中一 切智大 切智出 切世界

爲求 物布施一一 國土王位妻子眷屬眼耳鼻舌身肉手足乃至身命而爲布施一 設不可說不可說佛刹微塵數廣大施會一切世間咸使聞知凡有所求 故承事不可說不可說佛刹微塵數佛一一 悉令滿足一一劫中爲求一切智法故以不可說不可說佛刹微塵數財 不可說佛刹微塵數劫行菩薩行求一切智一一劫中爲欲淸淨菩提心 思議大神通事唯是如來之所能知普賢告言善男子我於過去不可說 菩薩摩訶薩告善財言善男子汝見我此神通力不唯然已見大聖此不 切佛所普賢菩薩悉亦如是摩善財頂所得法門亦皆同等爾時普賢 切智首故以不可說不可說佛刹微塵數頭而爲布施一一 切智故於不可說不可說佛刹微塵數諸如來所恭敬尊重承事 劫中爲求佛智故以不可說不可說佛刹微塵數城邑聚落 劫中爲集一切智福德具故 劫中 劫中

挳

卷入十

(1)四〇(1)

佛 子我所求法皆爲救護一切衆生一心思惟願諸衆生得聞是法願以智。 切 善知識爲求正法弘宣護持一 於 厭心懶惰心障礙心迷惑心唯住無上不可沮壞集一切智助道之法大 佛法護持一 供養衣服臥具飮食湯藥一 所有 普照 句非是: 劫海說其因緣劫海可盡此無有盡善男子我法海中無有一文無有 一念間 心善男子我莊嚴佛土以大悲心救護衆生敎化成就供養諸佛事 功德我如是等往昔因緣於不可說不可說佛刹微塵數劫海 世 間。 捨施轉輪 生瞋害心我我所心自他差別心遠離菩提心於生死中起疲 正教善男子我於爾所劫海中自憶未曾於一念間不順佛教 願爲開示 王位而求得者非是捨施一 出世間智願令衆生悉得安樂願普稱讚一切諸 切所須悉皆奉施於其法中出家學道修行 切內外悉皆能捨乃至身命亦無所吝 切所有而求得者善男

微塵數劫憶念於我而成熟者或一生或百生乃至不可說不可說佛刹 聲聞菩薩猶尙不得聞我名字況見我身善男子若有衆生得聞我名於 七夜半月一月半年一年百年千年一劫百劫乃至不可說不可說佛刹 者靡不欣樂善男子汝且觀我如是色身我此色身無邊劫海之所成就 中見聞我者皆亦如是或有衆生一日一夜憶念於我卽得成熟或七日 阿耨多羅三藐三菩提不復退轉若見若觸若迎若送若暫隨逐乃至夢 無量千億那由他劫難見難聞善男子若有衆生未種善根及種少善根 生心之所樂而爲現形入一切刹徧一切處於諸世界廣現神通令其見 故得此究竟三世平等清淨法身復得清淨無上色身超諸世間隨諸衆 如實思惟一切法力智慧眼力佛威神力大慈悲力淨神通力善知識力 不可盡是故善男子我以如是助道法力諸善根力大志樂力修功徳力 卷入十 二四〇五

M

子叉見自身在普賢身內十方一 **雲周徧十方一切世界敎化衆生令向阿耨多羅三藐三菩提時善財童** 等事各各不同又見普賢於一一世界海中出一切佛刹微塵數佛化身 于世大菩薩衆所共圍繞又復見彼一切刹海種種建立種種形狀種種 淨身中善男子汝應觀我此淸淨身爾時善財童子觀普賢菩薩身相好 莊嚴種種大山周市圍繞種種色雲彌覆虛空種種佛與演種種法如是 肢節一一 淨刹者必得生此淸淨刹中若有衆生見聞於我淸淨身者必得生我淸 微塵數生憶念於我而成熟者或見我放大光明或見我震動佛刹或生 怖畏或生歡喜皆得成熟善男子我以如是等佛刹微塵數方便門令諸 生於阿耨多羅三藐三菩提得不退轉善男子若有衆生見聞於我清 毛孔中皆有不可說不可說佛剎海一一剎海皆有諸佛出與 切諸世界中教化衆生又善財童子親

差別菩薩衆海普入菩薩衆海集菩薩衆海散所有邊際亦不能知入衆 生界知衆生根教化調伏諸衆生智菩薩所住甚深自在菩薩所入諸地 海生佛海滅所有邊際亦不能知菩薩衆海次第菩薩衆海藏菩薩衆海 刹 不能知一毛孔中刹海次第刹海藏刹海差別刹海普入刹海成刹海壕 刹中行一 **刹微塵數倍如一毛孔一切毛孔悉亦如是善財童子於普賢菩薩毛** 佛刹海今於普賢一毛孔中一念所入諸佛刹海過前不可說不可說佛 能及是善財童子從初發心乃至得見普賢菩薩於其中間所入一切諸 百分不及一千分不及一百千分不及一百千億分乃至算數譬喻亦不 近佛刹微塵數諸善知識所得善根智慧光明比見普賢菩薩所得善根 海莊嚴所有邊際亦不能知佛海次第佛海藏佛海差別佛海普入佛 步過不可說不可說佛刹微塵數世界如是而行盡未來劫猶 麗 挳 卷入十 五 (二)四〇七)

等與諸佛等一身充滿一切世界刹等行等正覺等神通等法輪等辯才 於一劫如是而行乃至或有經不可說不可說佛刹微塵數劫如是而行 亦不於此刹沒於彼刹現念念周徧無邊刹海教化衆生令向阿耨多羅 諸道如是等海所有邊際善財童子於普賢菩薩毛孔刹中或於一刹經 三藐三菩提當是之時善財童子則次第得普賢菩薩諸行願海與普賢

皆同等爾時普賢菩薩摩訶薩卽說頌言

等言辭等音聲等力無畏等佛所住等大慈悲等不可思議解脫自在悉

恆放智日大光明 汝等應除諸惑垢 切解脫眞實道 普使羣生滅癡闍 出世調柔勝丈夫 心不亂而諦聽 其心清淨如虛空 如來難可得見聞 我說如來具諸度

如優曇華時一現と故應聽佛功德

無量億劫令乃値

譬如善巧大幻師

念念示現無邊事

隨衆生心種種行

令其所見各不同

往昔諸業誓願力

而佛本來無動念

充滿十方諸世界 或有見佛無量壽 賢首如來住在中 毗盧遮那最勝尊 阿閦如來住在中 如來於中儼然坐 或見淸淨大菩薩 其音美妙令心悅 或有諂誑不淨心 無量劫中不見佛 或有處處見佛坐 或有見此三千界 於中覺悟成菩提 及如香象諸菩薩 觀自在等所圍繞 或見此界妙無比 無量菩薩衆圍繞 或有百千萬億劫 充满三千大千界 億劫尋求莫值遇 或有信解離憍慢 充满十方諸世界 或見月覺大名稱 種種莊嚴如妙喜 悉已住於灌頂地 皆悉勤修普賢行 或見蓮華勝妙刹 佛無量劫所嚴淨 皆已具足普賢行 發意卽得見如來 或一切處聞佛音 或有其心不清淨 心不淨故不聞者

一九

(二四二)

乃至涅槃諸所現 或見世界不清淨 諸佛具相三十二 清淨佛子皆充滿 或有觀見一毛孔 無量塵沙諸刹海 無量菩薩悉充滿 或見日藏世所奪 周行一切廣大刹 充徧十方而說法 與金剛幢菩薩等 普偏十方諸世界 或見清淨寶所成 種種業起各差別 或有見一微塵內 菩薩眷屬共圍繞 不可說劫修諸行 說法除滅衆生翳 或見金剛大燄佛 住善光明清淨土 具足莊嚴廣大刹 住如圓鏡妙莊嚴 種種示現不思議 如來住壽無量時 毗盧遮那轉法輪 或有見一毛端處 具有恆沙佛國土 種種說法度衆生 無量如來悉在中 而與智幢菩薩俱 及與灌頂諸菩薩 普福十方清淨刹 毛端不可說

 $\frac{-}{0}$

或現兜率始降神 或現刹利婆羅門 或現住於不退地 如是悉現無不盡 或見究竟波羅蜜 或忍或進或諸禪 或見人中最勝奪 或見釋迦成佛道 十方利益諸衆生 充滿十方諸國土 隨諸衆生心智業 或見宮中受嬪御 種種色相所莊嚴 或現修行無量劫 或現法水灌其頂 或見安住於諸地 般若方便願力智 現種種力神通事 或有見此釋師子 已經不可思議劫 靡不化度令清淨 示現種種神通力 或見棄捨諸榮樂 **猶如幻師現衆像** 或現梵釋護世身 住於菩薩堪忍位 隨衆生心皆示現 總持三昧神通智 或見布施或持戒 供養諸佛修行道 或見今始爲菩薩 我說少分汝當聽 如是無上大導師

散華布髮爲供養 如是一切諸宮殿 悉共發心供養佛 或見在於兜率宮 在於梵世及魔宮 或見今始成菩提 或見如來無量壽 次補住於安樂刹 或見起塔徧世間 或見坐於菩提樹 出家離俗行學道 莫不於中現其像 或見住在夜摩天 或見正修諸妙行 或見無量億千劫 從是了知深妙法 無量諸天共圍繞 自在天宮化樂宮 與諸菩薩授拿記 或見塔中立佛像 降伏魔軍成正覺 或見始生或見滅 於彼然燈世尊所 爲彼說法令歡喜 或見如來淸淨月 恆以此道化羣生 忉利護世龍神處 作佛事已入涅槃 或有見佛始涅槃 或見出家學異行 示現種種諸神變 以知時故如是現 而成無上大導師

具足智慧無所礙 隨衆生心皆示現 於一刹中成正覺 或住不可思議劫 或見充滿 或見圓光一 衆會所化威儀聲 或見須臾即滅度 譬如須彌大寶山 或有見佛久涅樂 念普知三世法 尋量 切刹 轉於十二行法輪 如來住於無上道 皆從心識因緣起 如是展轉倍過此 或見佛壽八十年 或見跏趺不動搖 或見千萬億由旬 如是一 身相光明與壽命 或見初始成菩提 切刹處悉亦成 一皆無數 了知苦集及滅道 成就十力四無畏 佛智通達淨無礙 或壽百千萬億歲 生滅無常無自性 或見照於無量土 充滿無邊諸世界 或現其身極廣大 智慧菩提及涅槃 或見住於無量劫 切入一一亦爾

1 1 1

二四一五

岩有貪欲瞋恚癡 梵釋護世諸天衆 諸念神通止觀等 皆令聞說彼治法 種種言辭各差別 或聞施戒忍精進 隨其根欲皆令解 宮殿山河悉搖動 佛以方便而分別 諸法無我無有相 分別十二因緣法 輝定般若方便智 忿覆慳嫉及憍諂 佛以一音爲說法 或聞四念四正勤 若未具修白淨法 法義樂說辭無礙 悉使發心除惑垢 業性不起亦無失 無量方便諸法門 不使衆生有驚怖 如來如是轉法輪 隨其品類皆令解 龍神八部人非人 或聞慈悲及喜捨 **令其聞說十戒行** 八萬四千煩惱異 神足根力及覺道 普震十方諸國土 以是四辯廣開演 而佛未始生心念 如來普演廣大音 切遠離如虚空

能隨所樂演妙音 隨諸衆生心智殊 鳥飛遠近各不同 涅槃寂靜未曾異 或二或三或四五 親近如來具慈愍 依獨覺乘而出離 岩有自性少諸欲 厭惡生死自求離 如來面門放大光 已能布施調伏人 所聞所見各差別 無心計念此與彼 佛體音聲亦如是 智行勝劣有差別 如是乃至無有量 **令其聞說大乘**晉 若有淸淨廣大心 **令其聞說||二脫門** 具足八萬四千數 厭背三有求寂靜 **令聞寂滅涅槃音** 普偏一 佛以過去修諸行 所說法門亦如是 我爲誰說誰不說 或有國土聞一 使得出苦涅槃樂 譬如虛空體性 悉是如來方便力 **令其聞說諸緣起** 岩人志劣無慈愍 具足施戒諸功德 切虚空界 乘

三五

二四十七

善達醫方等諸論 若坐若立不動搖 **具足智慧巧談說** 者時親近婆羅門 隨其形相各不同 剃除鬚髮服袈裟 隨所應化示佛道 普照世界除煩惱 亦示住壽處於世 譬如虚空無染著 切國土無有邊 **書數天文地衆相** 現斯苦行摧異道 即為示現羸瘦身 吐故納新自充飽 執持衣鉢護諸根 佛現其身亦如是 衆生根欲亦無量 究竟虚空十方界 雖順世間如是現 爲衆生故而出現 具足淸淨功德智 及身休咎無不了 或持彼戒為世師 吸風飮露無異食 執杖持瓶恆潔淨 **令其歡喜息煩惱** 若在沙門大眾會 所有人天大衆中 如來智眼皆明見 體性淸淨同虛空 示有生老病死苦 而常隨順三世間

或爲忉利大天王 居處摩尼寶宮殿 諸天覲仰莫能測 統領諸龍夜叉等 **令諸王子采女衆** 或作大臣專弼輔 善解世間諸法務 四兵前後共圍繞 方便皆令住佛道 深入諸禪及解脫 切衆生莫了知 或住夜摩兜率天 說眞實行令調伏 住善法堂歡喜園 爲其衆會而說法 悉皆受化無能測 或為粟散諸小王 善用諸王治政法 所有與奪皆明審 警衆宣威伏小王 或現上服以嚴身 二昧神通智慧行 或至梵天衆會中 首戴華冠說妙法 化樂自在魔王所 或作護世四天王 或作飛行轉輪帝 **令其一切悉欣伏** 或為聽訟斷獄官 十方利益皆周徧 首戴華冠蔭高蓋 言談諷詠共嬉戲 切皆令大欣慶

-モ

二四九

靡不於中現其影 佛身功德海亦爾 清淨無濁無有量 菩薩心水現其影 所有星宿奪光色 譬如淨月在虛空 現作種種諸幻事 或至阿迦尼吒天 悉以無邊方便門 然後捨去無知者 說四無量諸禪道 譬如淨日放千光 無垢無濁無邊際 聲聞星宿無光色 四洲所有諸衆生 如來智月出世間 令世衆生見增減 佛化衆生亦如是 爲說覺分諸實華 如來無礙智所見 普令歡喜便捨去 種種教化令成就 乃至法界諸衆生 不動本處照十方 譬如大海寶充滿 亦以方便示增減 爲其示現種種身 譬如幻師善幻術 其中一切諸衆生 及餘無量聖功德 而莫知其往來相 切於中現其像 切河池現影像

刹塵心念可數知	如來非色非非色無有依空而住者	三界有無一切法	世滅除三毒	如來法雨亦復然	佛日光明亦如是
大海中水可飲盡唯有如是眞實法	茂應而現無所住	不能與佛爲譬喻	性非有非無來清淨妙法	不從於佛身心出	無去無來除世闇
虚空可量風可繁可以顯示於如來	雌空真如及實際	譬如山林鳥獸等當於佛體如是觀	雖無所依無不住一切三界無倫匹	而能開悟一切衆	譬如龍王降大雨

無能盡說佛功德 岩有聞斯功德海 而生歡喜信解心

如所稱揚悉當獲

慎勿於此懷疑念

大方廣佛華嚴經卷第八十

福城東際童子南詢百城烟水渺無垠知識異常倫五十三人一曲和陽

春

華嚴字母衆藝親宣善財童子得眞傳秘密義幽玄功德無邊唱誦利人

吒〇張徵中豬朝梩知珍儃砧詀輈吒唱吒字時普願法界衆生入般若

波羅蜜門

拏①孃籦醴袽嬈樨尼紉然銋諵羺拏唱拏字時普願法界衆生入般若

波羅蜜門

頗娑 **吞** ©© 滂思 瀕思 绛蘇 秿甦 胞思 嶏思 披西 砏西 潘思 〇西 〇思 捊思 頗娑 唱 類娑 字時普願法界衆生入般

迦娑 若波羅蜜門

若波羅蜜門

答00 岡思 拖思 公蘇 蘓 高思 該思 雞西 斤西 干思 今西 甘思 勾思 迦娑 唱 迦娑 字時普願法界衆生る

四十二字妙陀羅字字包含義理多阿极梵韻滿娑婆功德大法界沐恩

波

四生九有同登華藏玄門八難一 |塗共入毗盧性海

南無華嚴海會佛菩薩 Ξ 稱

音釋

嚴 鸦鼻 矜年 也左 莊上 輔 貌聲 阿 関 無対 動語 岗也 音此 初云 憍 慢音 也交 摧 退音 也崔 摧 戴 荷音 也带 頂 炎 光音 上言 也火

弼

=0

第六頁第 作三 三世 世間 佛流 南九 通 藏行 作北 第二十七頁影流通 天藏 主天 第十六頁第 本行 通九 作巌 本行 其本 作藏 像其 調本 御調 柔 第二十五頁第

藏一

品會大旨

瑞相旣著法主將宣如來長子卽普賢菩薩毫光旣示懸解聖心欲顯 薩來儀毫光普燭示說法主震動刹網以警羣機佛前現花表說依果 難思先明入定內觀事理外鑒根宜上感佛加下爲物軌故受之以普 白毫出衆彰教從佛流總爲說法之端倪故受之以如來現相品○ 旣彰將陳正說海衆與念舉其問端如來將酬先現瑞相口光遠召菩 都序起大法之源由故受之以世主妙嚴品同諸經之序分○二由致 夫聖人設教必有其漸將欲命乎微言先說

三種世間嚴事爲九會之

名周法界一 立號故受之以如來名號品○八言隨物欲廣說法輪展四諦之法門 故先明如來三業正報謂身語意身是其總故先明之應物成身隨宜 遮那品上之六品總明所信因果爲第一會亦名舉果勸樂生信分也 昔爲太子歷事難思備修勝因嚴淨刹海卽舉人顯法故受之以毗盧 華藏世界品○六依報殊勝必有所由其猶源遠流長根深果茂故說 語旣彰意業將顯意玄叵測仍帶身明故足輪放光照事警物文殊普 ○次第一會有六品者○七由上所信方舉依果欲起深信復須識正 彰本師昔所嚴淨安布成立無盡莊嚴量等虛空塵含法界故受之以 報總說刹海源由故受之以世界成就品○五成就乃總明刹海次別。 **賢**三昧品○四旣入至定諸佛讚揚定起發言言必眞當先陳如來依 一世界各有百億十千之名故受之以四聖諦品〇九身

華 巌 經 卷入十

二四三五

不移是謂此月不離中流而往南北如來應現類此可知卽體之用無 住二舟南北南者見月千里隨南北者見月千里隨北停舟之者見月 覺樹而昇釋天體用無方赴於物欲其猶澄江一月三舟共觀一舟停 品明十信法○第三會六品者第十三由上十信已周將說住故不動 德而自莊嚴以圓力用建立衆 生賢首說此故受之以賢首品上之三 以菩薩問明品〇十一旣有正解復須正行歷境造修悲智雙運無障 法門有解行德先明解窮玄致謂十甚深十首菩薩互相激揚故受之 不寂故受之以淨行品〇十二解行旣圓便成勝德住於圓位以圓功 不普周去住在綠佛無動靜不動而偏以赴彼機故受之以昇須彌 受之以光明覺品○十上之三品復爲所信正報之果次當正說十信 **偏說智光明雙照事理警令悟入身智二照合爲一** 一光令二覺齊圓故 助化讚揚顯十行體皆依佛智故受之以夜摩宮中偈讚品〇二十 以爲勝進故受之以明法品○第四會四品者第十九上之六品十住 發心故受之以初發心功德品○十八自分已圓將趣十行說於明門 已圓將欲說行亦須赴感故受之以昇夜摩天宮品〇二十佛旣赴感 住以況於後初發心住德已難量由無分齊等虛空界舉斯勝德勸物 之以梵行品〇十七行位既具次彰勝德十住之德後後過前但明初 也眞智方起修佛十力起四等心悲智雙流初發心時便成正覺故受 深般岩住於眞理故受之以十住品○第十六十住是位別行不同若 欲通修皆須淨行故觀十種境入甚深觀觀法盡也正法當與惑智亡 **彌頂上偈讚品〇十五感應已交正陳所說明信滿入位得正定心以** 頂品〇十四既至彼天菩薩雲集讚揚佛德顯住體深玄故受之以須 華 寮 經 卷八十

出大海十德德德該通爲諸如來微妙智業故受之以十地品○第七 成萬物若四河入海同趣佛智寶珠十德漸漸增修大地十山嶷狀高 謂上之三會三賢旣具解行願周親證眞如有十重勝德如地普載生 周上賢離進趣相故無勝進○第六會一品者卽第二十六十地一品 寂故迴向實際三無前後大願普周故受之以十迴向品上之三品已 以兜率宮中偈讚品〇二十五由致旣彰正說上賢十向之行謂迴向 率天宮品○二十四十方雲集助化讚揚顯迴向願皆依佛智故受之 者二十三前中第四會行德旣具將說迴向說主赴感故受之以昇兜 欲階後位蘊積衆行擬將迴向故受之以十無盡藏品○第五會三品 三處而無障礙大悲普覆故迴向衆生大智上求故迴向菩提入理雙 一致既彰正說中賢十行之位故受之以十行品〇二十二自分已終

ニス

就實說塵塵皆是諸佛菩薩所居今指事就定今歸心自在故受之以 後後倍前劫刹難窮佛壽亦爾故云壽量〇三十二復明徧一切處上 十一僧祇所說微細難知念劫圓融刹那莫窮其際塵刹該攝一塵有 非數能數故須歷數至不可說積不可說以至十重較量等覺功德難 故受之以十忍品忍卽智心〇二十上定通智用一一難量若欲較量 無盡普賢今略陳指事明窮一切時故受之以如來壽量品以劫爲日 受之以十通品〇二十九定通難量特由智極故終明智慧玄奧宏廣 知以況妙覺位德微細阿僧祇爲大數之首故受之以阿僧祇品〇 爲通用智慧之本故受之以十地品〇二十八依定之用量周法界故 覺名等覺法門量同法界略申數義以顯深玄先明十定窮盡法源能 會十一品者第二十七十定品謂十地旣滿將成正覺十地勝進立等 華 嚴 經 卷入十

二四元

等不二不二而二因果歷然因卽普賢行門故受之以普賢行品〇三 十七明果卽十門出現性起圓融故受之以如來出現品上之六會總 次有二品明平等因果謂因無異果之因果無異因之果因果交徹平 速滿彰其此用故受之以隨好光明功德品〇三十六上皆差别因果 中有多光明一一光明用周法界破地獄苦生兜率天三重頓圓十地 測故受之以如來十身相海品〇三十五大相旣爾隨好更多一一好 相普周總有十蓮花藏世界海微塵數相一一相用偏周法界深廣難 義周終明妙覺妙覺之果略有二義一不可說二可寄言寄言之中復 故初總明佛德迴超言念故受之以佛不思議法品○三十四次辨身 有二義一差別說二平等說差別說者卽次下二品酬前諸因因果别 菩薩住處品〇三十三佛不思議法品上之六品只辨等覺法門等覺 道斷矣故三十九品條貫眞詮令無盡法門宛如在目類品 數 次辨之如來自入師子頻申三昧即果法界令諸大衆頓證法界善財 歷位漸證法界頓漸該羅本末融會皆證法界故受之以入法界品〇 處世無染故受之以離世間品○第九會唯一品者即入法界品近望 平等因果生解旣終今躡解成行六位頓修辨二千行門一時齊起 辨修因契果生解分竟〇第八一會唯一品者卽離世間品由上差別 一文大行既具則證法界遠取諸會信解行願本在於證依人證入故 知大海中水可飮盡虛空可量風可繫無能盡說佛功德此則言思 知無盡敎海唯證相應無盡法門自此略畢故末偈云刹塵心念可 會談 中部

唐罽賓國二藏般若奉詔譯

入不思議解脫境界普賢行願品

六者請轉法輪七者請佛住世八者常隨佛學九者恆順衆生十者普皆 尊我以普賢行願力故深心信解如對目前悉以淸淨身語意業常修禮 禮敬諸佛者所有盡法界虛空界十方三世一切佛刹極微塵數諸佛世 迴向善財白言大聖云何禮敬乃至迴向普賢菩薩告善財言善男子言 禮敬諸佛二者稱讚如來三者廣修供養四者懺悔業障五者隨喜功德 演說不可窮盡若欲成就此功德門應修十種廣大行願何等爲十一 如來功德假使十方一切諸佛經不可說不可說佛剎極微塵數劫相續 爾時普賢菩薩摩訶薩稱歎如來勝功德已告諸菩薩及善財言善男子 者

歎 女微 語意業 所皆有菩薩海會圍繞我當悉以甚深勝解現前知見各以出過辯才天 三世 衆 禮 不可說佛剎極微塵數佛虛空界盡我禮乃盡以虛空界不可盡故我 敬無有窮盡如是乃至 生界乃至煩惱無有盡故我此禮敬無有窮盡念念相續無有間 盡故我此讚歎無有窮盡念念相續無有間斷身語意業無有疲厭 切 妙 舌根一一 佛所皆現不可說 衆 如來諸功德海窮未來際相續不斷盡於法界無不周徧 切刹土所有極微一一 無有疲厭復次善男子言稱讚如來者所有盡法界虛空界十方 生界盡衆生業盡衆生煩惱盡 舌根· 出無盡音聲海一一音聲出一 衆生界盡衆生業盡衆生煩惱盡我禮 不 可說佛刹極微塵數身一一 塵中皆有 一我讚乃盡而虛卒界乃 切世間極微塵數佛 切言辭海稱揚讚 身偏, 禮 、至煩惱 如是 乃 盡。 不可 斷身 佛

以諸 衆生苦供養勤修善根供養不捨菩薩業供養不離菩提心供養善男子 微塵中一一各有一切世界極微塵數佛一一佛所種種菩薩海會圍繞 倶 供養中法供養最所謂如說修行供養利益衆生供養攝受衆生供養代 如前供養無量功德比法供養一念功德百分不及一千分不及一百千 所謂華雲鬘雲天音樂雲天傘蓋雲天衣服雲天種種香塗香燒香末香 我以普賢行願力故起深信解現前知見悉以上妙諸供養具而爲供養 復次善男子言廣修供養者所有盡法界虛空界十方三世一 如須彌山一 如是等雲一 胝 如來尊重法故以如說行出生諸佛故若諸菩薩行法供養則得成 那由他分迦羅分算分數分喻分優波尼沙陀分亦不及一何以故 賢 燈油如大海水以如是等諸供養具常爲供養善男子諸 行 量如須彌山王然種種燈酥燈油燈諸香油燈一一 願 Ξ 切佛刹 燈炷

M

間 界十方三世一切佛刹極微塵數諸佛如來從初發心爲一 戒 懺 聚不惜身命經不可說不可說佛刹極微塵數劫一 而 供養亦無有盡念念相續無有間斷身語意業無有疲厭復次善男子言 .斷身語意業無有疲厭復次善男子言隨喜功德者所有盡法界虛空 編於 一衆生業盡衆生煩惱盡我供乃盡而虛空界乃至煩惱不可盡故我此 供養 虚 無量無邊若此惡業有體相者盡虛空界不能容受我今悉以淸淨, 除業障者菩薩自念我於過去無始劫中由貪瞋癡發身口意作諸惡 切功德如是虛空界盡衆生界盡衆生業盡衆生煩惱盡我懺乃盡 空 界乃至衆生煩惱不可盡故我此懺悔無有窮盡念念相續無有 法界極微塵剤一切諸佛菩薩衆前誠心懺悔後不復造恆住淨 如來如是修行是眞供養故此廣大最勝供養虛空界盡衆 劫中捨不可說不 切智勤修福 生

便殷勤 佛 盡法界虛空界十方三世一 如是虛空界盡衆生界盡衆生業盡衆生煩惱盡我此隨喜無有窮盡念 念相續無有間斷身語意業無有疲厭復次善男子言請轉法輪者所有 我皆隨喜十方三世一切聲聞及辟支佛有學無學所有功德我皆隨喜 我皆隨喜及彼十方一切世界六趣四生一切種類所有功德乃至一 證入種種菩薩智地成就諸佛無上菩提及般湼槃分布舍利所有善根 一切菩薩所修無量難行苦行志求無上正等菩提廣大功德我皆隨喜 | 刹極微塵數廣大佛刹一一 切諸佛成等正覺一切菩薩海會圍繞而我悉以身口意業種種方 勸請轉妙法輪 賢 行 願 如是虛空界盡衆生界盡衆生業盡衆生煩惱盡 切佛剎極微塵中一一各有不可說不可說 刹中念念有不可說不可說佛刹極微

可說佛刹極微塵數頭目手足如是一切難行苦行圓滿種種波羅蜜門

切佛 男子言常隨佛學者如此娑婆世界毗盧遮那如來從初發心精進不退 數劫爲欲利樂一 學無學乃至一 以不可說 我常勸請 無有疲厭復次善男子言請佛住世者所有盡法界虛空界十方三世 及餘種種難行苦行乃至樹下成大菩提示種種神通起種種變化現 我此勸詩無有窮盡念念相續無有間斷身語意業無有疲厭復次善 一佛身處種種衆會或處一 如須彌爲重法故不惜身命何況王位城邑聚落宮殿園林一 |利極微塵數諸佛如來將欲示現般涅槃者及諸菩薩聲聞緣覺有 不可說身命而爲布施剝皮爲紙析骨爲筆 切諸佛轉正法輪無有窮盡念念相續無有間斷身語意業 切諸善知識我悉勸請莫入涅槃經於一 切衆生如是虛空界盡衆生界盡衆生業盡衆生煩惱 切諸大菩薩衆會道場或處聲聞及辟 刺血為墨書寫 切佛刹極微塵 切所

欲樂種種意行種種威儀種種衣服種種飲食處於種種村營聚落城邑 形狀種種相貌種種壽量種種族類種種名號種種心性種種知見種種 火風而生住者或有依空及諸卉木而生住者種種生類種種色身種種 十方刹海所有衆生種種差別所謂卵生胎生濕生化生或有依於地水 間斷身語意業無有疲厭復次善男子言恆順衆生者謂盡法界虛空界 盡衆生界盡衆生業盡衆生煩惱盡我此隨學無有窮盡念念相續無有 切佛刹所有塵中一切如來皆亦如是於念念中我皆隨學如是虛空界 是一切我皆隨學如今世尊毗盧遮那如是盡法界虛空界十方三世一 種衆會以圓滿音如大雷震隨其樂欲成熟衆生乃至示現入於涅槃如 者居士衆會道場乃至或處天龍八部人非人等衆會道場處於如是種 佛衆會道場或處轉輪聖王小王眷屬衆會道場或處剎利及婆羅門長

二四三七

華果何以故若諸菩薩以大悲水饒益衆生則能成就阿耨多羅三藐三 大悲 樹 得水枝葉華果悉皆繁茂生死曠野菩提樹王亦復如是一切衆生而爲 來歡喜何以故諸佛如來以大悲心而爲體故因於衆生而起大悲因於 於衆生尊重承事則爲尊重承事如來若令衆生生歡喜者則令一 平等饒益一切衆生何以故菩薩若能隨順衆生則爲隨順供養諸佛若 於失道者示其正路於闇夜中爲作光明於貧窮者令得伏藏菩薩如是 無想非有想非無想如是等類我皆於彼隨順而轉種種承事種種供養 如敬父母如奉師長及阿羅漢乃至如來等無有異於諸病苦爲作良醫 宮殿乃至一切天龍八部人非人等無足一足四足多足有色無色有想 根諸佛菩薩而爲華果以大悲水饒益衆生則能成就諸佛菩薩智慧 生菩提心因菩提心成等正覺譬如曠野沙磧之中有大樹王若 切如

衆生界盡衆生業盡衆生煩惱盡我此迴向無有窮盡念念相續無有間 涅槃正 斷身語意業無有疲厭善男子是爲菩薩摩訶薩十種大願具足圓滿 **令彼衆生悉得解脫究竟成就無上菩提菩薩如是所修迴向虛空界盡** 欲行惡法皆悉不成所修善業皆速成就關閉一 功德皆悉迴向盡法界虛空界一 語意業無有疲厭復次善男子言普皆迴向者從初禮拜乃至隨順所有 界盡衆生業盡衆生煩惱盡我此隨順無有窮盡念念相續無有間斷身 悲心隨衆生故則能成就供養如來菩薩如是隨順衆生虛空界盡衆生 男子汝於此義應如是解以於衆生心平等故則能成就圓滿大悲以大 菩提故是故菩提屬於衆生若無衆生一 一路若諸衆生因其積集諸惡業故所感一 切衆生願令衆生常得安樂無諸病苦 切菩薩終不能成無上正覺善 切極重苦果我皆代受 切諸惡趣門開示人天

(二四三九)

(1 |图图0)

0

願受持讀誦乃至書寫一四句偈速能除滅五無間業所有世間身心等 心親近守護是故若人誦此願者行於世間無有障礙如空中月出於雲 **病種種苦惱乃至佛刹極微塵數一切惡業皆得消除一切魔軍夜叉羅** 千分不及一。乃至優波尼沙陀分亦不及一或復有人以深信心於此大 得功德若復有人聞此願王一經於耳所有功德此前功德百分不及 生供養爾所一切世界諸佛菩薩經爾所佛刹極微塵數劫相續不斷所。 知若有善男子善女人以滿十方無量無邊不可說不可說佛剎極微 藐三菩提則能成滿普賢菩薩諸行願海是故善男子汝於此義應如是 諸菩薩於此大願隨順趣入則能成熟一切衆生則能隨順阿耨多羅三 若鳩槃茶若毗合闍若部多等飮血啗肉諸惡鬼神皆悉遠離或時發 一切世界上妙七寶及諸人天最勝安樂布施爾所一切世界所有衆

普 賢 行 願 品

(二四四))

億那由他劫普於十方不可說不可說世界以智慧力隨衆生心而爲利 身具三十二大丈夫相若生人天所在之處常居勝族悉能破壞一 足所共圍繞其人自見生蓮華中蒙佛授記得授記已經於無數百千萬 外象馬車乘珍寶伏藏如是一切無復相隨唯此願王不相捨離於一 根 趣悉能遠離 子善得人身圓滿普賢所有功德不久當如普賢菩薩速得成就微妙色 **翳諸佛菩薩之所稱讚** 悉皆散壞一切親屬悉皆捨離一切威勢悉皆退失輔相大臣宮城內 |摧伏羣獸堪受一切衆生供養又復是人臨命終時最後刹那一 菩薩普賢菩薩觀自在菩薩 、導其前一 一切惡友悉能制伏一切外道悉能解脫一 刹那中卽得往生極樂世界到已卽見阿彌陀佛文殊師 一切人天皆應禮敬一 彌勒菩薩等此諸菩薩色相端嚴功德具 切衆生悉應供養此善男 切煩惱如師 切惡 切諸 切

盆不久當坐菩提道場降伏魔軍成等正覺轉妙法輪能令佛刹極微塵

數世界衆生發菩提心隨其根性敎化成熟乃至盡於未來劫海廣能利 益 一切衆生善男子彼諸衆生若聞若信此大願王受持讀誦廣爲人說

所有功德除佛世尊餘無知者是故汝等聞此願王莫生疑念應當諦受

受已能讀讀已能誦誦已能持乃至書寫廣爲人說是諸人等於一念中 令其出離皆得往生阿彌陀佛極樂世界**爾時普賢菩薩摩訶薩欲重宣** 所有行願皆得成就所獲福聚無量無邊能於煩惱大苦海中拔濟衆生

此義普觀十方而說偈言

所有十方世界中 三世一切人師子

普賢行願威神力

身復現刹塵身

切偏禮盡無餘

普現一切如來前我以清淨身語意

於一塵中塵數佛

福禮刹塵佛

1 ==

(三國國三)

普偏供養諸如來 末香燒香與燈燭 十方所有世間燈 從身語意之所生 我以廣大勝解心 讚佛甚深功德海 各以一切音聲海 轉於無上妙法輪 如是最勝莊嚴具 各處菩薩衆會中 |乘有學及無學 普出無盡妙言辭 最初成就菩提者 我昔所造諸惡業 深信一切三世佛 諸佛若欲示涅槃 我以供養諸如來 以諸最勝妙華鬘 無盡法界塵亦然 一皆如妙高聚 切如來與菩薩 切我今皆懺悔 我 我悉至誠而勸 所有功德皆隨喜 十方一切諸衆生 皆由無始貪瞋癡 悉以普賢行願力 我悉供養諸如來 最勝衣服最勝香 伎樂塗香及傘蓋 盡於未來一切劫 深信諸佛皆充滿 切皆勸請

我隨 常得出家修淨戒 勤修淸淨波羅蜜 乃至人與非人等 滅除煩惱盡 廣大淸淨妙莊嚴 我願普隨三世學 十方所有諸衆 及與現在十方佛 請佛住世轉法輪 唯顧久住刹塵劫 切如來學 無餘 生 所有 我爲菩提修行時 願離憂患常安樂 速得成就大菩提 利樂一 恆不忘失菩提心 無垢無破無穿漏 衆會圍繞諸如來 未來一切天人師 修習普賢圓滿行 隨喜懺悔諸善根 切衆 切諸衆 生語 生 滅除障垢無有餘 悉以諸音而說 天龍夜叉鳩槃茶 獲得甚深正法利 所有十方一切刹 悉在菩提樹王下 供養過去諸如來 所有禮讚供養福 迴向衆生及佛道 **切趣中成宿命** 切意樂皆圓滿 法

五五

(二)四四氏

盡未來均無疲厭 願常面見諸如來 爲我顯示普賢行 所修福智恆無盡 究竟淸淨普賢道 身口意業皆同等 等與一切羣生樂 圓滿無上大菩提 我常隨順諸衆生 **猶如蓮華不著水** 切妙行皆成就 定慧方便及解脫 盡未來劫常修習 顧持諸佛微妙法 及諸佛子衆圍繞 常願與我同集會 如是經於刹塵劫 所有與我同行者 盡於未來一切劫 於諸惑業及魔境 亦如日月不住空 切行願同修學 我於一 光顯 獲諸無盡功德藏 於彼皆與廣大供 悉除一 於我常生歡喜心 所有益我善知識 於一切處同集會 恆修普賢廣大行 世間道中得解脫 十方利益恆無盡 切諸有中 切菩提行 切惡道苦

究竟佛事示涅槃	•	所有一切人師子三世所有一切劫	我深智力普能入三世一切諸如來	一言具衆音聲海	佛海及與國土海	我見恆演菩提行	一塵中有塵數刹
我皆往詣而親近所有未來將世燈	出現三世莊嚴刹	亦常入佛境界中為常人	我能深入於未來	隨諸衆生意樂音	我偏修行經劫海	普盡十方諸刹海	一一刹有難思佛
速疾周徧神通力		如幻解脫及威力 我於一念見三世	盡一切劫爲一念	一一流佛辯才海	一切如來語淸淨	一一毛端三世海	一一佛處衆會中

-七

(二)四四七)

願我與彼皆同等 願身口意恆淸淨 彼名號曰普賢尊 修行無倦經劫海 解脫一 降伏一 我皆供養圓滿修 普能清淨諸行海 普能積集菩提力 普門徧入大乘力 **偏淨莊嚴勝福力** 切衆生海 切諸魔力 我爲偏淨普賢行 諸行刹土亦復然 我今迴向諸善根 圓滿 以普賢行悟菩提 善能分別諸法海 圓滿普賢諸行力 **清淨一切善業力** 無著無依智慧力 智行普修功德力 二世一切諸如來 切諸願海 文殊師利諸大願 如是智慧號普賢 顧諸智行悉同彼 普能嚴淨諸刹海 最勝菩提諸行願 能甚深入智慧海 定慧方便威神力 親近供養諸佛海 推滅一切煩惱力 威神普覆大慈力 切如來有長子

隨彼一 利樂 盡除 化身無數百俱胝 乃至虚空世界盡 親覩如來無量光 我既往生彼國已 我个迴向諸善根 文殊師利勇猛智 獲得無量諸功德 滿彼事業盡無餘 切衆生界 切諸障礙 切常修學 衆生及業煩惱盡 智力廣大徧十方 現前授我菩提記 彼佛衆會咸淸淨 現前成就此大願 爲得普賢殊勝行 面見彼佛阿彌陀 普賢慧行亦復然 安住無量諸行中 未來際劫恆無倦 一世諸佛所稱歎 普利 如是 蒙彼如來授記已 我時於勝蓮華生 即得往生安樂刹 **順**我臨欲命終時 如是最勝諸大願 我今迴向諸善根 了達一切神通力 我所修行無有量 切圓滿盡無餘 切無盡時 切衆生界

一九

(二)四四九)

讀誦受持及演說 成等正覺轉法輪 堪爲三界所應供 族姓種類及容色 所造極惡五無間 此人不久當成就 具此普賢最勝願 即常遠離惡知識 最勝安樂施天人 我願究竟恆無盡 經於耳能生信 普利一 永離一 果報唯佛能證知 誦此普賢大願王 速詣菩提大樹王 相好智慧咸圓滿 如彼普賢菩薩行 此人善得勝壽命 求勝菩提心渴 經 十方所有無邊刹 切刹微塵劫 切諸含識 切諸惡道 仰 若人於此普賢願 決定獲勝菩提道 坐已降伏諸魔衆 諸魔外道不能推 往昔由無智慧力 此人善來人中生 若人於此勝願王 速見如來無量光 獲勝功德過於彼 莊嚴衆寶供如來 念速疾皆消滅

-0

成就衆生清淨願 若人誦此普賢願 我此普賢殊勝行 我說少分之善根 無邊勝福皆迴向 念 切悉皆圓

普願沈溺諸衆生 速往無量光佛刹

者菩薩摩訶薩演說如是不可思議解脫境界勝法門時文殊師利菩薩 爾 子踊躍無量一切菩薩皆大歡喜如來讚言善哉善哉爾時世尊與諸聖 時普賢菩薩摩訶薩於如來前說此普賢廣大願王清淨偈已善財童

諸大菩薩無垢普賢菩薩而爲上首一生補處住灌頂位諸大菩薩及餘 十方種種世界普來集會一切刹海極微塵數諸菩薩摩訶薩衆大智舍 而爲上首諸大菩薩及所成熟六千比丘彌勒菩薩而爲上首賢劫一切 ,弗摩訶目犍連等而爲上首諸大聲聞幷諸人天一

乾闥 [婆阿修羅迦樓羅緊那羅摩睺羅伽人非人等一 切大衆聞佛所說。 切世主天龍夜叉

利

大方廣佛華嚴經普賢行願品

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無二滿哆沒馱喃阿鉢囉帝喝多折折捺彌唵雞彌雞彌怛塔葛塔喃

舉讚

普賢行願功德周圓普資恩有利人天福壽廣增延滅罪無邊同願禮金

仙

舉字母讚

華嚴字母衆藝親宣善財童子得眞傳秘密義幽玄功德無邊唱誦利人

普賢行願

=

二回五一)

吞 ◎● 桑亦 僧亦 蝼亦 甦亦 躁亦 腮亦 西亦 辛亦 珊亦 心亦 三亦 **蓉**亦 娑也 唱 娑也 字時普願法界衆生入般

波羅蜜門

若波羅蜜門

吞○◎ 滅室 增室 宗束 租束 遭室 災室 資室 津室 簽瑟 浸室 簪瑟 阪室 左室 唱 左室 字時普願法界衆生入般

侘◎募僜蹱攄超搋絺獬脠琛覘抽侘唱侘字時普願法界衆生入般岩

波羅蜜門

陀)唐滕彤圖韜駘醍田驒〇曇骰陀唱陀字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海

南無華嚴海會佛菩薩 三希

願以此功徳 普及于一切 我等與衆生 皆共成佛道

鳥茶國王進華嚴行願品表

大海十方國土通爲一家及書此經功德願集彼無量福聚等虛空界· 極微塵數善知識行中五十五聖者善知識入不思議解脫境界普賢 清淨師子玉上獻摩訶支那大唐國大吉祥天子大自在師子中大玉 南天竺烏茶國深信最勝善逝法者修行最勝大乘行者吉祥自在作 行願品謹奉進上伏願大國聖王福聚高大超須彌山智慧深廣過四 手自書寫大方廣佛華嚴經百千偈中所說善財童子親近承事佛刹 不可思議眞善知識咸生歡喜得佛廣大普光明照離諸貪著成就無 切世界海無盡衆生界一切皆如善財童子得佛正見具足智慧見

之時龍華會上早得奉覲大聖天王獲宿命智瞻見便識同受佛記盡 **垢普賢菩薩最勝行願伏願書此大乘經典進奉功德慈氏如來成佛**

貞元十一年十一月十八日進奉梵夾十二年六月五日奉詔於長安崇 福寺譯十四年二月二十四日譯畢進上 虚空徧法界廣度未來一切衆生速得成佛

罽賓國三藏賜紫沙門般若宣梵文

東都天宮寺沙門廣濟譯語

保壽寺沙門智柔迴綴西明寺賜紫沙門圓照筆受

保壽寺沙門智通迴綴

成都府正覺寺沙門道弘潤文

章敬寺沙門鑒虛潤文

大覺寺沙門道章校勘證義

千福寺沙門大通證禪義

太原府崇福寺沙門澄觀詳定

千福寺沙門虛邃詳定

專知官右神策軍散兵馬使衙前馬軍正將兼押衙特進行鄧州

司法參軍南珍貢右神策軍護軍中尉兼右街功德使元從與元 元從雲麾將軍右監門衞大將軍知內侍省事上柱國交城縣開

國男食邑二百戶臣霍仙鳴

左神策軍護軍中尉兼左街功德使元從與元元從驃騎大將軍 行左監門衞大將軍知內侍省事上柱國邠國公食邑三千戶臣

音釋

卉

惕 惕兢 總音 他居 名會 歷陵 也百 切切 草 饿兢 磧 惕懼 沙音 也也 也七 磺

校異同

唒 食徒

也濫 食音 切也啖 噉

噉

犍番 連乾

目 矚

也之 覩欲

也切 視

抃 拊皮 手變

也切 兢

第十二頁 通行 本藏 作本 諸威 流第 威神 通七 第十七頁行職本貪瞋 有行 癡 本藏 第 智本 慧智 本行 作藏 供本 養供 佛養 非福 第十七頁

不豐涼 功國 高師 益行

督有 義清

廣願 能品 簡別 能行

易疏唯云

遠行 唯願

深品可一 讚卷

可為

傳華 可嚴 行關

可鍵。 實修 西行

域樞

王機。 臣。 末約

持經驗範三句處當效其誠敬焉。

有修持皆無感應良由唯事形迹未盡誠懇褻慢時多恭敬心少故致 福足慧朗出五濁之惡世登上品之寶蓮今則去聖時遙人多懈怠縱 出苦慈航兄茲華嚴理冠羣經道統三藏稱法界之妙性徹唯心之眞 詮是以古德不惜身命竭誠致敬受持流通宏揚法化故得業盡情空· 諸大乘經乃諸佛之師菩薩之母三世如來之法身舍利九界衆生之

唐僧法誠姓樊氏雍州萬年縣人幼年出家以誦華嚴爲業因遇慧超 然也今敬錄三則以爲軌範願諸受持者咸效法焉

禪師隱居藍谷高山遂屏囂煩披誠請益後於寺南嶺造華嚴堂澡潔

中外莊嚴旣畢乃圖畫七處九會之像及屈弘文館工書張靜敬寫誠 脊鑪專精供養後感瑞鳥形色非常銜花入室旋繞供養再

往復經成之後專 心轉讀者多蒙感施 談三及則 玄華 記嚴

唐定州 水。 心結業於永徽四年發心抄寫故別爲淨院植楮樹兼種香花灌 凡歷三年潔淨造紙復别築淨臺於上起屋召善書人 中山僧修德者不知氏族苦節成性守道山林以華嚴起信安 潙 州 王恭 以香 别

舉筆 院 ·鎌恭乃罄竭志誠並皆不受才寫經畢俄卽遷化德以經成設齋慶 濟戒洗浴淨衣焚香布花懸諸幡蓋禮經懺悔方陞座 吐氣每日恆然德日入靜室運想每寫一卷施縑十疋 焉下筆含香· 部總六

大衆集已德於佛前燒香散化發弘誓願方開經藏放大光明周

里照 十在 **定州城** 、城中士女普皆同見中山齋衆投身宛轉悲哽懺悔

僧 徳圓 知氏族天水人常以 華嚴爲業讀誦受持妙統宗極遂修 普賢行願品

靈感雜沓相仍迄經一 舉衆同見莫不悲感久之方歇復有神人執戟現形警衞圓與書生同 將入經室必夾路焚香唄先引之圓亦形服嚴淨執爐恭導散花供養 方乃書寫圓胡跪運想注目傾心纔寫數行每字皆放光明照於一 堂中別施方柏牙座周布香花上懸寶蓋垂諸玲珮雜以旒蘇白檀紫 沈以爲經案幷充筆管書生日受齋戒香湯三浴華冠淨服狀類天人 畢歲方成別築淨基更造新室乃至柱梁椽瓦幷濯以香湯每事嚴潔 新衣匠人齋戒易服出入必與漱熏香剝楮取皮浸以沈水護淨造紙 衣漑以香水楮生三載香氣氛馥別造淨屋香泥壁地結壇淨器浴具 餘人則不覩焉又有靑衣梵童無何而至手執天花忽申供養前後 淨園樹諸穀楮幷種以香草雜以鮮花每一入園必加洗濯身著淨 一載書寫方畢盛以香函置諸寶帳安彼淨堂每

(二)四五九)

有淸淨轉讀者時亦靈應昭然其經今在西太原賢首法師處守護供 伸頂謁後因轉讀函發異光至於嚴潔敬絕今古此經遞授於今五代

如來相諸善根者佛子若無此等佛之眞子如是法門不久散滅何 珍寶亦復如是不入一切餘衆生手唯除如來法王眞子生如來家種 此太子具衆德者王命終後此諸寶等於七日中悉皆散滅佛子此經 餘衆生手唯除第一夫人所生太子具足成就聖王相者若轉輪王無 摩訶薩佛子譬如轉輪聖王所有七寶因此寶故顯示輪王此寶不入 說唯為乘不思議乘菩薩說此法門不入一切餘衆生手唯除諸菩薩 如來出現品云佛子此法門如來不爲餘衆生說唯爲趣向大乘菩薩 信生佛家 普 賢 行 願 如是是故菩薩摩訶薩聞此法門應大歡喜以尊重心恭敬頂受何以 切二乘不聞此經何況受持讀誦書寫分別解說唯諸菩薩乃能

薩於無量百千億那由他劫行六波羅蜜修習種種菩提分法若未聞 故菩薩摩訶薩信樂此經疾得阿耨多羅三藐三菩提故佛子設有菩

眞實菩薩以不能生如來家故若得聞此如來無量不可思議無障無 此如來不思議大威德法門或時聞已不信不解不順不入不得名為

境界具足一切諸菩薩法佛子菩薩摩訶薩成就如是功德少作功力 礙智慧法門聞已信解隨順悟入當知此人生如來家隨順一切如來

得無師自狀智頌言

如是微密甚深法

乃得聞此秘奥義

百千萬劫難可聞

若聞此法生欣慶

精進智慧調伏者

彼曾供養無量佛 二四大こ

此能救度諸羣品 爲佛加持所攝受

大方廣佛華嚴經終

人天讚歎常供養

汝等當持莫放逸

此為超世第一財

此能出生清淨道

品二十一卷此乃下本前分四萬五千偈尙有五萬五千偈九品在西土。 下微塵數品中本有四十九萬八千八百偈一千二百品下本有十萬偈 佛滅度後六百年有龍樹菩薩世間文字一時讀盡發心入龍宮看藏見 明殿說經六品四卷三忉利天說經六品三卷四夜摩天說經四品三卷 九品品分爲七處九會七處九會者初菩提場說經六品十一卷二普光 華嚴有三本上本中本下本上本有十三千大千世界微塵數偈一四天 經雖未足而序正流通意已備何以知之淸涼國師判五卷經爲序分 五兜率天說經三品十二卷六他化天說經一品六卷七重會普光明殿 四十八品遂記得下本囘歸西土自西土傳到此方者乃八十卷經三十 一品十三卷八三會普光明殿說經一品七卷九逝多林說經

(二四大三)

就法得名軌持爲義軌則軌生物解持則任持自性廣以從用得名包博 華嚴經者大以當體得名常偏爲義常則豎窮三際偏則橫偏十方方以 十五半卷經爲正宗分十九卷半經爲流通分行願品爲別行大方廣佛 廣佛華嚴經又復大是遮那之體方是遮那之相廣是遮那之用佛是毘 能詮得名攝持爲義攝則攝衆生之無邊持則持性相之無盡故名大方 嚴以功用得名資莊爲義資則資廣大之體用莊則莊眞應之佛身經以 桃 照則朗萬法之幽邃華以從喻得名感果嚴身爲義感果則萬行圓成如 爲義包則廣容博則普徧佛以就人得名覺照爲義覺則悟大夜之重昏 殊之大智運普賢之大行莊嚴毘盧遮那佛果上體大相大用大故名大 盧遮那佛華是普賢屬大行嚴是文殊屬大智大意明欲得成佛先以文 李華先華後果嚴身則衆德備體如金玉華但有嚴身義而無結果義

華 嚴 經 卷附

會說等覺妙覺前七會普是次第說謂之行布法門第八會普慧雲與一 信第三會說十住第四會說十行第五會說十囘向第六會說十地第七 正 日世主妙嚴品又第一會說如來依正法門報 正覺世間正覺世間莊嚴器世間有情世間三世間互相莊嚴謂之妙故 說普賢菩薩實燄妙光菩薩大福光智生菩薩大明德美晉菩薩等此 即有情世間主也如說山神林神樹神風神河神等此即器世間主也 器世間正覺世間如經中說無量阿修羅王無量諸大龍王日天子等此 配力持身故名大方廣佛華嚴經世主妙嚴品者世卽三世間有情世間 字配菩提身及威勢身華字配福德身及願身嚴字配相好莊嚴身經字 方廣佛華嚴經又復大字配法身方字配智身廣字配化身及意生身佛 ·覺世間主心有情世間莊嚴器世間正覺世間器世間莊嚴有情世間 卽報 住自 屋 宅。第二會說十 如

(二)四大五)

M

果海二 爲無量行 悉皆 覺都· 於諸境界無所 則 時 行 都在裹許所以道行布則敎相差別圓融則性 如 百 間普賢 世 涉 布 桃 尊 平等其身充滿 不 在 華 重 |果徹因源因該果海者舉十信前十住十行十囘向十地 李 在摩竭提國阿蘭若法菩提場中於一 礙 裏許果徹因源者舉等覺妙覺後十地 重 第 布 紅旗。 華先華後果圓融 圓融性是卽相之性故圓融 不礙圓融故則無量爲一 分別 九會說果法界又此經行 千酬。 此是大開 切世間其音普順十方國土譬如虛空具含衆像 凡說 如蓮華華果同時就 法 口吞 切法皆在裹許謂之圓融法 無量爲 不礙行力 盡十方世 動格式先大後小經首便云 切法成最正覺智入三 布。 相 十囘向十行十住十信 界了 則融通隱隱一 圓 無礙相是卽性之相故 圓融又有二義 融不礙行布。 也若於此承當 爲 門。行 等覺 故 無 則 因 世 布 量· 亦 妙

成相頭要向上脚要向下眉在眼上耳在兩邊不得紊亂各住本位謂之 謂之別相眼耳鼻舌手脚同共一身謂之同相眼要見耳要聞舌要味鼻 得逐漸 相· 果周七卷經屬成行因果周二十一 六相十玄四種法界二十重華藏及無量香水海四分者 一舉果勸 開 經不出信解行證四門此乃能詮之敎其次所詮之義者不出四分五周 分 發解 同相異相成相壞相若喻說者總是一 手要捉足要奔功用各異謂之異相八萬四千毛孔一時成了謂 一修因契果生解分二託法進修成行分四依人證入成德分五周 卷經屬所信因果周四十 門七卷經爲衆生開發行門二十一卷經爲衆生開發證門 漸放小接人以十一卷經爲衆生開發信門四十一卷經爲衆 卷經屬證入因果周六相者總相· 卷經前屬差別因果周後屬平等因 個人謂之總相手脚頭目各別· 樂 别 生

二四大七

大

次十玄者。 顯俱 後 壞 主件 **卷經** 輝鏡 卷經 不 相其次法說者 多 得 相互 成 之同 瀉照 八 圓 相 要開證功用各 在 不得在第二卷經 明具德 晦片 容 相十一 前各各壤歸 同 不 明月 同門。 事 時 並。六微 門。 顯 具足 卷經 八十卷經屬總相卷卷經文各別謂 衆北 光一 法 星辰 生 光室 相 本位所謂是法 異謂之異 要開信四十一 社後第二: 解 細 涉千 應 没。四諸法 門。 _拱。華嚴經 相 觸立 容 安立 《相八十卷》 目像 具海 卷經不得在第三 百一 道臂九 川満 卷經 相 住 義 盛如 即自在 法位世間 要於 要開解七 十世 一廣狹自在 經 卷卷皆成就謂之成 隔法 子紙七 門。二如 塵 相常 卷經後前不得在 E 異成 不金 因陀 之別 無 卷經要開行二十 明六相· 相與 一瞬門。 住 門。 離色。五. 謂之壞 羅 相。 網 同 境界 秘 翔夕 是一 玄 密 重之 相 相。 年**夢** 影鏡 其 部

次四種

法

界者圭峯禪師云未明

理

事。

不說有

空直指本覺靈源故日

放 那佛 表證十如中道故七重會普光明殿又有二初眉間放光表不住生死 足輪放光表信初行本故三忉利天足指放光表安住故四夜摩天足上 破 初 法 事有千差古詩云春色無高下華枝有短長只如經中說有一智人講 事法界在理事爲理事無礙法界在事事爲事事無礙法界蓋理無分限 眞 光表依行故五兜率天膝輪放光表屈伸囘向故六他化天眉間放光 面 礙法 以軌則爲義界以性分爲義此眞空軌則之法在理爲理法界在事爲 法 微塵和 門放光表教道遐舒故次眉間放光通表一 居第十三重者表利他心切又復須知有十處放光初菩提揚有二 界從一眞法界分出理法界事法界理事無礙法界事事無礙法 界。事其次二十重華藏世界者十重表自利十重表利他毘盧遮事。事其次二十重華藏世界者十重表自利十重表利他毘盧遮 我法二執。上。出大經卷界。書寫二千大千世界事理事法一身之上。出大經卷歷法書寫二千大千世界事理等 乘中道故二普光明殿

(二)四大九)

Λ

會又 心 放 好 剛 殊。二九 三第 故。 窮 就。子此 會會第一次經 文如 光 光 法 昧五 善又 流 普賢。 而 明 界 邊 品 故。 中 評 第九 其次善財童子於福城東際 是佛 會 道 次 多所 普賢 故。 幼岛 入入 如幢 薩三 口 說。 會 男長 門 者師 來菩 無昧 所有第二 信子 自薩 如 詮之義盡從 與 第 放 量第 證二 來 如 未頻 住入 方一 光。 來普賢 會 法品 與善友心又三十九品 入申 刹智 便會 表 門乃 法 會 那光 佛 佛 慧。 故味。 第 普光 口 三昧。 第入 其餘 品談 無邊香 第 生 昧第 四毘 第六 會盧 一普賢 明 四會 平等 九 般 品皆諸菩薩 水 大 功 會 長子 功邁 不 、塔廟前參見文殊文殊作象王 海 因。 各 放 德 會金 德那 如來 中 有 林。 光 故。九 普剛 林如 流 只有 第 者。 出無邊 與雲臺寶網演 第 出 表行 五 逝 現品談 會 多 阿 薩薩 入身 會普 僧 金 依 林 香水 祗 剛 解 眉 薩昧 幢。 平等果第八 **警**。華薩 發。 間 善第 海叉從 與 第二 第六會 放光。 說。 發解 如 佛 來 會 昧光 表 但 齏 光

鱆萬 常在妙高峯行繞峯頭不定蹤七日旣云尋不見一 渺無窮於是善財禮辭文殊登妙高峯求見德雲比丘繞峯七日不見後 落花紅六千乞士十心滿五衆高人一信通珍重我師向南去百城烟 文殊告云汝今見我得根本智未得差別智可以南遊輔。別 住處師緣合心 住。普見門中佛境容見 法 見若要有見有聞有說有聽除是別峯別峯即第一 於別峯相見妙峯卽向上一著盡十方世界只是一箇妙峯善財所以不 師頌云出林還又入林中便是娑羅佛廟東師子頻申芳草綠象王囘 囘 百一十城參見五十三善知識差別門庭一一 顧師子頻申是時六千比丘言下成道五衆益友頓起初心善財悟 千重善財禮辭南遊凡見一善知識皆云我已先發阿耨多羅 門。

普

回首夕陽坡下望白雲青 透過成等正覺佛國禪 一位頭也又頌日德雲 朝何故却相逢發 自虛 己明 也。 經 經

二四七二

0 (1四十1)

樹寶牆及以寶壍一一皆有十大園林以爲莊嚴其身出大光明普照 引入無生殿一曲後園桃李春又如見婆須密女所住之宅廣博嚴麗寶 衆生此亦逆境也忠禪師頌日王者威嚴獄吏嗔剜心劈腹太愁人逡巡 廣博皆以妙寶之所合成告善財言、我得如幻法門身語意業未曾煩 犯者或斷手足或截耳鼻王治事已執善財手入宮命之同坐見其宮殿 公門庭別露一家風刀山火聚方登跳頓悟圓明色是空又如見無厭足 投火得無盡輪法門證王子位此乃逆境也忠禪師頌日童子尋求勝 **後修也其間如見勝熱婆羅門四面火聚中有刀山高峻無極善財登山** 切宮殿或執或抱或吻或唼皆獲淸涼吿善財言我得離貪慾際法門佛 二菩提心未知菩薩修何等行云何發心先呈已發後問行門乃是先悟 一坐金剛座十千大臣前後圍繞十萬猛卒其形醜惡皆攘臂瞋目其所 熱

華景经卷期

閣廣博無盡猶如虛空又見一樓閣中有無量諸妙樓閣一 大聖開樓閣門令我得入彌勒領無量諸大菩薩從他方來所住。無 彌勒樓前路最親又佛國頌云德生有德兩和融同幻同生意莫窮同住 同修成解脫同悲同智顯靈功同緣同想心冥契同見同知道轉通若要 染習忠禪師頌日童女童男骨月新手中奉個玉麒麟殷勤來報善財道 花 唼舌戒珠圓人非人女皆隨現天與天形應不偏三德已明貪慾際酒樓 國禪師頌日相逢相問有何緣高行如來一寶錢執手抱身心月靜吻唇 曾表不離 生成佛果毘盧樓閣在南中善財於是禮辭詣彌勒閣前禮拜云惟願 洞 **;醉神仙其次併見德生童子有德童女兩人男表智女表悲童者** 閣門遂開善財卽入入已復閉表 彌勒前皆有善財一 善財皆悉合掌囘顧一 絕用 門歸 戶體。又 善財見一 善財之身偏 樓閣中皆 彈指 樓

二四七三

堂堂現在紅蓮座落落分明白象兒沙劫智悲方滿日微塵行願正圓時 哉汝所證法解雖已圓而行未圓可更去見普賢彼當令汝得深妙行於 切佛刹微塵數三昧法門佛國頌云百十由旬摩頂歸片心思見普賢師 是善財辭退詣佛會中於紅蓮座上參見普賢智悲圓滿行願功成得一 大塔廟前見文殊指教爭得到此境界作是念時文殊遂舒金臂過一百 雁 細微理智行爲身日月菩提心是道樞機許多境界何來去萬里天邊一 頌云樓閣門前立片時龍華師主遠方歸不惟彈指觀深妙又聽慈音語 閣爲伴互偏互容互攝互入重重重重無盡無盡此乃證入法界也佛國 入一切善財身內一 一十城不見文殊身只見文殊手 飛善財證得一切境界莊嚴藏解脫門自念我今所證不因福城東際 切善財身皆攝歸一善財身內一 了悟 能似 所俱亡。摩善財頂云善哉善 樓閣爲主一切樓

於雜華大意耳 之一字吾不喜聞張無盡居士頌日趙州八十猶行脚只爲 及至偏參無一事始知虛費草鞋錢皆與此經同意余嘗隨侍眞歇禪師 月春來樹上花善財參偏處黑豆未生芽所以趙州行脚徧參了却云佛。 道須先細識心細中之細最難明個中尋到無尋處始信凡心是佛心忠 成佛生死涅槃猶如昨夢圓覺經云成道亦無得本性圓滿故古德云學 空可量風可繫無能盡說佛功德便休更不曾說善財甚處成佛具三十 是行圓行解旣圓末後一偈只云刹塵心念可數知大海中水可飮盡虛 二相八十種好到此方知上無佛道可成下無衆生可度一切衆生本 師頌日打鼓弄琵琶遠他一會家木童能撫掌石女解烹茶雲散天邊 剽目竊得其一二不敢自秘輒此錄出以廣流通矣。 心頭未悄然 (終)

佛

功德海重宣說愁見波濤轉渺瀰善財見文殊乃是解圓又見普賢

補遺

在西土。第二頁冊 第十二頁無靈二字。今補入。第十二頁第二行無靈下。少第十二頁第九行 第 經十 文行 也 的 **今**分 四一 字行 依下 依第 唐三 本下 八六 删及 十千 去第 卷傷 第八頁第 云有 作說 五四 諸佛 三三 千千 會 昧行 傷傷 昧行 傷傷 今十 倘此 依放 有是 懸光 五晉 談後 **萬譯** 補少 五六 <u>ኢ</u>ሊ ተተ

翻譯年代

梵本三萬六千頌成晉經六十卷沙門法業筆受慧嚴慧觀潤色謝司空 **晉義熙十四年北天竺三藏佛度跋陀羅此云覺賢於揚州謝司空寺翻**

寺者卽今潤州輿嚴寺是由輿華嚴故

景禪師圓測法師神英法師法寶法師賢首法師等同譯復禮法師綴文。 補諸闕計益九千頌通舊四萬五千頌成唐本八十卷大德義淨三藏弘 證聖元年于闐三藏實叉難陀此云喜學於東都佛授記寺再譯舊文兼

晉水高麗國師

敕賜崇敎大師

淨 源

編集

傳華嚴大教善聰道亨治定 高麗國師僧統義天詳定

切恭敬

心敬禮華藏世界帝網刹中偏法界常住佛 心敬禮華藏世界帝網刹中偏法界常住法

心敬禮華藏世界帝網刹中徧法界常住僧

拜

弁

拜

是諸衆等各各胡跪嚴持香花如法供養盡蓮華藏世界海帝網刹中圓供養。首者唱云。

融無礙三寶

觀衆 行齊 想擎 念花 云應 趣

華 農 播 精制

五

二回せせ

思海 養。 願 盡 此 繒應 使前 會悉有 虚 香花 普 綵云 行香 化 發身諸 我所執香 諸 虚空偏法 成香花 「熏諸衆 云巳。 省 人花 佛 諸弟 雲偏 花子 熟偈 淨 法 念辭 毛 或某 妙。 界十方三世一 花。 仰-滿 生。 孔。 身。 通甲 雲。 蓮花藏世界海 重 草虔 想十 重 皆從草木生 等敬 無九 皆發菩提 功德無有 諸 令 遺句。 香雲花 發菩提心。 花胡 蓋跪 耳是 值然 若觀 耳是 毛 切佛 孔。 雲。 霜道 一佛 帝 香 雪場 人三 奉獻於 時中。 油 刹。 網 自昧 出 於 不 香燈。 極微 念成佛 十方世 無數 利土 住 耳當 修海 餘獻 除經 亦 中以普賢 廣 塵 香 時草 去長 佛。 大 中。 道。 花。 界。 依木 是行 供養。 微 經鮮 諸今 塵 採花 衆但 花想 願 持 湛 施 常 數 願 供 唱已 爲 然 此 力故。 作佛 想供養。 作 佛。 云散 而常 佛 切 鮮人 各大 悉成 佛。 安。 花修 胡旨 事。 事。 本 職 路 八 局 。 佛 所。 法

供

三獻 字欲

心

初

覺始

成。

離

閣

浮

而

昇

供養已

讚歎 心旣 切 佇供 對已。 三即

毘盧 遮那 佛。立養 願 力周 聖應 前正 說身 法 界。偶威 微鐵 云。

切

國

中。

恆

轉

無

上

輪。

普賢身相如虛 空。 依眞 而住非常 國 土。

隨諸

衆

生

心所

盡。欲。

示現普身等 切。

刹 塵 心念可 數 知。

德。

海中 水 可飲

無 能 盡說佛功

虚空可量風可

數。

三之 質意。 修任 行自 華智 殿力 懺所 法陳 所披

生陳

功訖。

德依

云卷

云後

赞

作

禮

順體

文已。 首道

者場

白首

云。以當

此述

赞修

歎懺

懺敬 叉旣

普若 應歎

賢諸 知竟

菩佛 身應

。薩菩心當

各薩 空一

須各 寂心 三致 無憶

禮一有念 此禮 體籍

之惟 相佛

人至 隨眞

禮。主意復讚

法大 綠身。 是方 影應 道廣 現物 場佛 一現 主華 故嚴 佛如 唱經 前對 云末 悉目

有前

此受

身我

頭禮

面拜

後

編周 法 界 盡身

(二四七九)

t

影道

毘 盧 遮 那前 那 佛頭 影面 佛。 中足 難五 下歸 思體 菩禮 我地 薩至 此精 我地 隨體 道誠 位舍 改那 如禮 之即 帝想 珠云 毘餡 盧禮 遮所 那醴 影性 現空 中寂。我成 身應

心 敬 禮。舍盧 **煙免竟天上** 寶 蓮 華 中。 圓 滿 報 身盧 一
舍
那 佛。

心 敬 禮。 不動寂 場。 遊 化鹿 売十方₁ 分 身釋迦文質 佛。

心 心 敬 敬 禮。 禮。 華嚴經 炳然 應 現極 中。 十方雲 樂世 云集發辭讚 界普收圓 因。 華 定普現其前往古劫 中授 記 別 彌 陀 海。 佛。 利塵數

心 心 敬 敬 禮。 禮。 華藏世 汪 泽冲 融廣 界。 帝網 大悉備根本法輪 刹 中微塵 諸 佛。 大方廣佛華嚴經

大不思議

員

融法寶三禮

身想 禮。現具 法空 迦 實法 所 前性 一如 命法 禮實 次難 位思 偈議 同我

佛 刹 微 塵數經。 切法門修多羅藏

华景 经参数

心敬禮菩提道場佛果會主入毘盧遮那藏身三昧說如來依正果法

華嚴上首普賢菩薩同時雲集徧周法界諸大菩薩摩訶薩

心敬禮普光明殿十信會主十首菩薩說十信法華嚴上首文殊師利

心敬禮忉利天宮十住會主入菩薩無量方便三昧說十住法法慧菩菩薩同時雲集徧周法界諸大菩薩摩訶薩昧爾信未入位故。

薩同時雲集徧周法界諸大菩薩摩訶薩

薩同時雲集徧周法界諸大菩薩摩訶薩 心敬禮夜摩天宮十行會主入菩薩善思惟三昧說十行法功德林菩

心敬禮兜率天宮十迴向會主入菩薩智光三昧說十迴向法金剛幢 同時雲集偏周法界諸大菩薩摩訶薩

心敬禮他化自在天宮十地會主入菩薩大智慧光明三昧說十地法

ō

金剛藏菩薩同時雲集徧周法界諸大菩薩摩訶薩

心敬禮重會普光明殿如來爲等妙覺位會主入刹那際三昧說僧祗

隨好法衆海演說等妙覺法普賢菩薩同時雲集徧周法界諸大菩薩

摩訶薩。

賢菩薩同時雲集偏周法界諸大菩薩摩訶薩 心敬禮三會普光明殿頓彰大行會主入佛華嚴三昧說二千行法普

海頓證普賢菩薩等五百菩薩同時雲集徧周法界諸大菩薩摩訶薩 心敬禮逝多林園如來爲果法界會主入師子頻申三昧說果法界衆

心敬禮請演十地一乘六相解脫月菩薩摩訶薩 心敬禮備彰信位玄妙該收賢首菩薩摩訶薩

心敬禮啓明十定等覺因緣普眼菩薩摩訶

心敬禮發揮深微難思數法心王菩薩摩訶薩

心敬禮顯示佛果不思議法青蓮華藏菩薩摩訶薩

心敬禮親受宣示三重頓圓寶手菩薩摩訶薩

心敬禮雲與百問頓發圓融普慧菩薩摩訶薩 心敬禮諮詢出現妙覺果滿如來性起妙德菩薩摩訶薩

心敬禮華嚴經中七處九會互彰主件圓明妙智諸佛祖師文殊師利

菩薩摩訶薩

諸善知識微塵數菩薩摩訶薩 心敬禮華嚴經中善財所參百城善友不思議化遊戲神通五十五員

心敬禮圓通無礙周遍十方居補陀山大悲普濟觀自在菩薩摩訶薩 心敬禮安住毘盧莊嚴樓閣補處慈奪彌勒菩薩摩訶薩

心敬禮華嚴會上發菩提心南求諸友一生成辦無上圓機善財菩薩

摩訶薩。

重重重重無盡無盡十方三世一切菩薩摩訶薩 心敬禮菩提樹內師子座中眉間出現佛刹塵數華嚴海會華藏界中

心敬禮逝多林園末會之中舍利佛等五百聲聞六千比丘十方佛刹

一切聲聞綠覺賢聖信

林主藥主稼主河主海主水主火主風主空主方主夜主晝等神天龍 心奉爲華嚴經中執金剛神身衆神足行神道揚神主城主地主山主 八部釋梵天王無量諸天及日月天子一切聖衆敬禮常住三寶

正三寶 影現 同前°但改

心敬禮華嚴懺主修大願王徧收玄妙普賢菩薩摩訶薩

是懒悔主故。

懺悔

我與衆生無始所作一思知。無量莊嚴。無量莊嚴。等屬問題,無量莊嚴。等屬問題, 菩心 屬肅 提更 圍一 切罪障性阻三實哀憫拔濟頓祛愚業翻作淨一提心推減恆沙煩惱。應想念云。更不復造。而以正慧觀罪性空。不復造。而以正慧觀罪性空。不復造。而以正慧觀罪性空。不過過,與此為問題,與問題,與此是對來。所造一心。正身威儀。

身心齊空罪福無主了見眞性等佛法身三業罪愆成三解脫六根重障 因。

翻作六通。 普爲四恩 三有及法界衆生悉顧斷除諸障歸命懺悔 둟면

有 泛 账 台 也 账 月 滴 凉 偈 云。

縦身語意惡漸生 自從無始起無明。

心心偏布觸處染 亦值惡友增我情

無隨喜心善永滅

復唱

胡巳

跪起

営禮 運一

逆拜

念念相續日夜營

1111

(二)四人五)

M

切衆生自從過去無始劫中由貪瞋癡發身口意眼根著色迷本淨心 至 如來法身周徧耳貪聲境障自性空不聞如來圓音說法鼻貪香氣結 心懺悔弟子某 云唱 守護正法破無喜 幸 斷 慙愧人天破無恥 撥因撥果闡提坑 不欲人知藏過失 空之。 是六 聞如來長子教 相 續心破常念 逆傷。 生初 歸命十方無盡三寶願起哀憐爲作明證我與法界 死三 十至 心苦 從海 後浩 發菩 念十方佛破惡 恐怖惡道破不畏 **今欲逆流捨貧里** 如是順流背本已 不 翻 破。有事有理。應細然。是順生死十心。以 畏惡道任縱 提心破偏 友。 起。 思為 觀罪性空破結使。 修功補過破縱 發露罪業破覆玼 生死苦海浩然盈 正信因果破闡 無慙無愧魔羅 之。熱師想人所治。後三百 念至 想觀 提。 恣。 已罪

覩

華田 版 一級 一卷 附

毒心成 行願懺主普賢菩薩文殊師利菩薩華嚴海會無盡三寶哀憫護念慧日 衆前誠心懺悔後不復造恆住淨戒一 法門修懺悔法我今悉以清淨三業偏於法界極微塵刹一切諸佛菩薩 能容受我等自惟微善報在人倫幸遇 垂光銷我身心業惑霜露慈風普振摧重障山法水長流洗我心垢翻三 造諸非乃至重輕一切罪障無量無邊若此惡業有體相者盡虛空界不 念常生貪瞋邪見一切諸惡從意根生寧知如來甚深法界六根三業備 知止足偏造諸惡行殺盜婬諸佛慈光不能照燭意根著法觸境攀緣念 謗三寶陵辱二親豈餐如來甚深法味身根著觸耽染無窮晝夜荒迷不 使是生功德妙香不能齅覺舌貪衆味飡噉衆生妄語綺言兩舌惡口毀 三秘藏普與衆生咸登眞界同彼善財一生身中成就普賢十大 切功德惟願本奪毘盧遮 如來大華嚴經圓滿因輪依此 那如來。

一大

住世常隨佛學恆順衆生普皆迴 願 一禮敬諸佛 稱 讚如 來廣修供養懺悔業 向虛空法界無盡衆 障隨喜功德請轉法輪請 、 生願 令衆 生常 得 佛

苦果我皆代受令彼衆生悉得解脫究竟成就無上菩提能於煩惱大苦 趣 安樂無諸病苦欲行惡法皆悉不 門開示人天涅槃正 路若諸衆 成所修善業皆速成 生因其積集諸惡業故所感一 就。 關閉 切極重 切諸惡

阿彌陀佛極樂世界立唱云

海

中拔濟衆生令其

出離皆得往

懺悔發願已歸命禮

毘盧遮那佛普賢菩薩及一切三寶一

旋繞

正夫 立旋 想繞 此者 道戀 場慕 如三 法寶 界微 十玅 方功 三德 實也。 是如 塞是 虚三 空市 以或 次七 迴市 身欲 旋旋 繞繞 法時 座先 一。十須

如心 南無十方法等。勿合散亂。一 南無十方僧 心方。 唱心 云想 如

南無常寂光土毘盧遮那佛南無十方佛 南無十方法

南無娑婆世界釋迦文佛南無千華臺上盧舍那佛

南無極樂世界阿彌陀佛

南無華藏世界微塵諸佛

南無一乘圓敎大方廣佛華嚴經

南無華嚴懺主普賢菩薩

南無華嚴上首文殊師利菩薩南無華嚴上首文殊師利菩薩

-+

二三国人九)

南無華嚴海會諸 南 無當來補處彌 大菩 勒菩 薩。

南無諸善知 融。 恆沙菩 薩。

南 無 華 生圓 藏 世界。 滿。 善財 帝 網 菩 刹 中。 薩。

南無

切菩薩摩

訶

還或 至三 唱繞 芸品

自歸 自歸 於 於 外佛當願衆· 像前。三自 。 解。此一稱。 法當願 衆 自稱。 仮旋 衆 生深 紹隆 經 佛 藏智慧. 種。 發無 如 海。

分繞 聲維 班壇 復那 間而 稱擊 凯出 引 歸仍 位入

坐觀

輝堂。

南無

大行普賢王菩

自歸

於

《僧當願衆

生統

理

衆。

切無

拜

間收

具鴻

云起

和

南

聖

巖

挳

卷带

華嚴普賢 行願懺儀

意。任。官 祝讚願文 智述 力建

天仙不墜悟着樂而非常國主淸寧識眞乘而是聖羣僚常居祿位皆忻 以此讚歎三寶修行華嚴懺法所生功德總用莊嚴法界刹海衆生當願 以首 此日 奉請 三時。改云。

華座息悲痛之響同念佛之音人人有返本之心各各習還源之照常發 萬行圓滿三途俱時離苦八難當日超淪鑊湯變爲淸凉池鐵牀化 作蓮

圓頓法門人民永保安康咸修覺照之道師僧父母福慧汪洋信施檀那

今願當願俱不退心智行圓成同證遮那境界俱爲三聖因緣 b _ B 凉 **(華嚴疏鈔**) 如來隨好光明功德品內逆順十心疏夫欲悔過須識

遍初 餘時

必時 不

二四九二

造諸業業則流轉生死二者內具煩惱外値惡友扇動邪法勸惑我心 計 諱過失不欲人知八虜扈抵突不畏惡道九無慚無愧不懼凡聖十撥 內具煩惱外遇惡緣我心隆盛三內外旣具滅善心事不喜他善四 意今初但略彼名若具云一自從無始闇識昏迷煩惱所醉妄計我 恣三業無惡不爲五事雖不廣惡心偏布六惡心相續晝夜不斷七 逆順十心謂先識 結云是爲十種順生死流昏倒造惡如廁蟲樂廁不覺不知積集重 無因果作一闡提 無隨喜四者縱恣下七全同但八言虜扈者亦云跋扈皆不尊敬貌下 加 我 隆盛三者內外惡緣旣具則能內滅善心外滅善事又於他善都 人故起於身見由身見故妄想顚倒由顚倒故起貪瞋癡癡故廣 十種順生死心以爲所治一妄計人我起於身見二 鈔夫欲悔過下先明所治之病此卽天台止觀之 縦

不可稱計四重五逆極至闡提生死浩然而無際畔

道四不覆瑕疵五斷相續心六發菩提心七修功補過八隨喜他善九 疏次起十種逆生死心從後翻破一 明信因果二自愧剋責三怖畏惡

應當逆此罪流用十種心翻除惡法先正信因果决定孱然業種雖久 次第此以勝劣言故 念十方佛十觀罪性空今此三段文皆具有而爲次不同向以起心之 鈔次起十種下二顯能治之藥彼云今欲懺悔

闡提心二自愧剋責鄙極罪人無羞無恥習畜生法棄捨白淨第一莊 久不敗亡終無自作他人受果精識善惡不生疑惑是爲深信翻破

嚴咄哉無鈎造斯重罪天見我屏罪是故慙天人見我顯罪是故愧人。

途縣邈無有資糧苦海悠深船筏安寄聖賢呵棄無所恃怙年事稍 以此翻破無慙無愧心三怖畏惡道人命無常一息不追千載長往

奇聖賢呵棄無所恃怙年事稍去

但以實 者譬如王法初犯得輕若更作則重初入道場罪則易滅更作難除若 湯 罪是不良人迦葉頭陀令大衆中發露方等令向一人發露其餘行法 悔。 四當發露不覆瑕疵賊毒惡草急須除之根露條枯源乾流竭若覆藏 朝 頭。 風刀不奢豈可宴然坐待酸痛譬如野干失耳尾牙詐眠望脫忽聞 朝振鈴 火六塵五 吐之云何更噉以此翻破常念惡事心六發菩提心者昔自安危人 破覆藏罪 不惜身命如野干决死絕無思念如彼怖王以此翻破不畏惡道心 心大驚怖遭生老病尙不爲急死事不奢那得不怖怖心起時如履 心向佛像前自求改革 心五斷相續心者一懺 一欲不暇貪染如阿育王弟坐於御牀希大帝王聞旃陀 日已盡六日當死雖有五欲無 如隱處有癃覆諱不治則致於死以此 已後更不復作若懺悔已更重作 一念受行者怖畏苦到懺 斷

照於十方令此空慧與心相應如日出時朝露皆失一切諸心皆是寂 知此貪瞋住於妄念妄念住於顚倒顚倒住於身見身見住於我見我 性空者了達貪欲瞋癡之心皆是寂靜門何以故貪瞋若起在何處住 方佛念無等慈作不請友念無等智作大導師翻破順惡友心十觀罪 喜他善者取意對上耳九念十方佛者昔親狎惡友信受其言今念十 勝鬘經云守護正法攝受正法最爲第一翻破無隨喜心今疏但云隨 滅善亦滅他善不自隨喜亦不喜他今守護諸善方便增廣不令斷絕 **休匪移山岳安塡江海以此翻破縱恣三業之心八寸護正法者昔自** 徧 則無住處十方諦求我不可得我心自空罪福無主深達罪福相徧 惡心也七修功補過者昔三業造罪不計晝夜今善身口意策勵不 惱一切境今廣起兼濟徧至虛空界利益於他以此翻破於一切處 濯之時先去蟲垢後除細垢言此中則以勝劣言故者謂菩薩最勝等 有是處卽斯意心是名懺悔事中除滅重罪向以起心者從微至著故 流能滅四重五逆之過若不解此十心全不識是非云何懺悔設入道 翻破則從蟲至細謂先起信心次生慙愧等如垢衣受垢先微後著洗 場徒爲苦行終無大益涅槃云若言勤修苦行是大涅槃近因緣者無 門樂寂靜故以此翻破無明昏暗是爲十種懺悔順涅槃道逆生

疑不信者永不得聞如是義不信不聞翻顯信聞則成利益海水是龍 天子三重頓圓及初地云雖住海水劫火中堪受此法必得聞其有生 華嚴疏序演義鈔卷第一內云見聞爲種八難超十地之階文有八段 正顯成益圓徧之相此第一段明見聞益亦名爲種益卽隨好品地獄

故。

斯光者皆悉命終生兜率天既生天已天鼓發聲廣爲說法乃至云爾 數等淸淨三業悔除一 時諸天子聞說普賢廣大迴向得十地故獲諸力莊嚴三昧故以衆生 世界隨諸衆生種種業行種種欲樂皆令成熟阿鼻地獄極苦衆生遇 常放四十種光明中有一光名清淨功德能照億那由他佛刹微塵數 **薩言佛子菩薩足下有千輻輪相名光明普照王此有隨好名圓滿王** 地獄尙得頓圓忝在人流豈不留聽故隨好光明功德品佛告寶手菩 佛前佛後人天道異已兼辯聰亦不揀北洲聾者目視盲者耳聞八難 具矣皆容聞經爲種之義超十地之階正在地獄天子舉重攝輕阿鼻 得聞兼上地獄天子已有三難佛會神鬼亦聞三塗足矣火災之時兼 生趣攝劫火是天火災及初禪生在二禪光音等天長壽天難於 一切諸重障故卽見百千億那由他佛刹微塵數

(二)四九七)

至十種淸淨意具足無量甚深三昧釋日此即第三重得十地 遇斯光者皆得菩薩第十地位成就無量智慧光明得十種淸淨 清淨金網轉輪王一恆河沙善根釋日此卽第二重得十地也後文云 是菩薩摩 在光明清淨善根釋日此即一 其身安樂乃至云滅八萬四千諸煩惱結云如是知已成就香幢雲自 **薩上又云其諸香雲普雨無量佛刹微塵數世界若有衆生身蒙香者** 寶蓮花一 門誦 之稱等如 二佛願禮 上名 訶薩住淸淨金網轉輪王位放摩尼髻淸淨光明若有衆生 諸法 半號 花上皆有菩薩結跏趺坐放大光明等乃至以華散 賢華 卷舉。 達懺。至若 動誦 速有 成餘 行樂 無力。 之行 上復 之。 音品。 利禮 重得十地次云若有衆生見其蓋者種 ---楞 幢誦 切。 報 機。 講 止如 **今**來 節隨 恩觀 出好 此光 德音 品功 以德 也。於行 眼。

重刻華嚴經後跋

該通名相涉入色空故知三十九品之雄文品品皆悟心之方便五十三 者昧其眞宗雖法界判乎四重則重重無盡然因果起乎六位則位位圓 員之知識員員卽顯相之眞如緣文廣義深讀者失其玄旨理微道曠覽 融始則舉法界而冥會因果萬德萬行昭然終則攝因果而渾融法界 果也所以雲輿二百問舉乎一心之先瓶瀉二千酬判乎萬行之最靡不 之妙理可爲窮神之說稱性之談發體相用三大之因現法報化三身之 法全彰事理所以無礙是謂開權顯賞會萬行之本宗羅有包空顯一心 周依諦門而演旨於是表一門則多門頓顯眞俗所以融通闡一法則萬 深大開方便之門將復一眞之性是以七處九會從法界以標宗四分五 **夫華嚴經者爲吾宗之法印法界之光明幢也乃我佛利生廣大愍物情** 繩墨爲憑經論非禪參禪者必以經論爲準故非敎理之規甯蹈忘心之 關之儔不無宗尙故圭峯日經如繩墨楷定邪正繩墨非巧善巧者必以 旨況復無上祕誥最大圓詮自非金言再剖則菴羅之果生熟難分玉軸。 旣灰則雪山之藥眞偽茣辨雖莊生所譏聖人旣往而糟粕徒存良由扣 魚忘筌理固然也所以掩室摩竭亦垂無得之宗杜口毘耶尙顯不言之 則有廢有與旣不破其無明殆不廢其至敎良以必先因指見月然後得 兵燹之劫於是燔旃檀之莢沉蓮花之音慈燈以之潛輝慧日以之匿曜 寶蓮香水遠近之刹歷然若帝網交輝延促之時宛爾故知圓頓教海德 元 用難思大矣哉無得而稱也近歲正法秋晚餘波末流矧値瘡痍之時遭 風澹泊大旨希夷原夫性空之智印之則非成非壞或名相之心對之 毫廓爾所以染淨差別之義初終交羅迷悟同異之源前後交徹猶

童子。 賢行願之海於是千重樓閣卽彈指而登一字法門不隔塵而入令善財 祕蹟唯弘教崇道殆不乏人故得教網重張儼若普光再會法輪仍轉宛 玄門也取捨之情頓絕旣爾情破理現見遮那淨法之身相得心融遊普 妙法迴光返照隨機而了達玄津由是融六相義心斷常之見已消會十 探知至道非遙則祇林可以立證方我大衆淨因不昧幸遇指南譬夫盲 教卷而重舒得幽宗隱而復顯不亞塵中剖出空裏拈來良以法水澄湛 龜値浮木孔即作難遭之想當生希有之心苟能深信本懷開卷而多聞 爾兜率洪譚以茲盛德之風終成公等之美俾求珍不遠則寶藏可以坐 通塞之端隨運道光自在隆替之跡由人雖非馬鳴抽其幽宗龍樹振其 域是以四明天童寺沙門廣昱淨公隱修川公統領善信重梓流通俾大 一生浪跡南詢羨慕之不及也鏤板工竣命余紀此余雖忝數緇流。

足以文字求大光明藏難思難議豈得以語言及願十方諸佛刹刹證明

令一切衆生時時成道而已矣

同治七年歲次戊辰正月天童比丘秋林沐手謹識

四

二五〇二

普無 速 往 願邊此 口 普 無沈勝 向 量溺福賢 光 諸 皆 殊 衆回 佛 勝 向行 刹 生

薩菩天尊馱韋法護無南



輾轉流通者回向偈曰

恭印:一二〇〇本

流水號: 11019

號

·· CH342-13

大 方 廣 佛華嚴經 (八十華嚴) 下冊

出發版行 人:林國營

者:財團法人佛陀教育基金會

網地 址:100台北市杭州南路一段五十五號十一

增

長

諸

褔

慧

圓

成

勝

善

根

消

除

宿

現

業

願

以

此

功

德

址:http://www.budaedu.org

E - m a i l ·· budaedu@budaedu.org

劃撥戶名:財團法人佛陀教育基金會 那局電 話:(〇二)二三九五——一九八傳 真: (〇二) 二三九 — 三四

五

銀行名稱:台灣銀行城中分行(請於電匯或轉帳後告知本會用途) **郵局劃撥帳號:**〇七六九四九七九

銀行帳號:○四五○○四五九七五○三

悉

皆

盡

滅

除

及

與

饑

饉

等

人

各

習

禮

讓

所

有

刀

兵

劫

本會經書免費結緣之請取方式如下:

(三) 撥打電話:(02)23951198 分機:11、12

[四]網 址:http://www.budaedu.org/books/。(五)寫信指定:本會法寶流通股 請取,並請詳寫經書名稱、冊數及收件人姓名、地址、電話、郵遞區號,以減少本會之 為提高服務效率,請您嚴謹考量,慎選所需經書;儘量少用電話,多利用文字方式

◎本會經書, 處理時間;若大量申請,請註明用途,且避免姓名、地址等文字上書寫之錯誤。 歡迎翻印(請勿增删),贈送流通,功德無量 0

◎本會交通

※捷運:善導寺站5號出口,至杭州南路右轉,過兩個 紅綠燈

※公車站牌:審計部站→212、299、232、205、276、605、257、262 台北商業技術學院→253、297、237 仁愛路二段→222、297

開南商工→208、295、297、15、22、671

政 院 新 聞 局 出 版 事 業登 12 證 局 版 臺 業 字 第 Ξ 八 六 九 號

法

界

諸

含

識

同

證

無

上

道

行

人

民

悉

康

寧

先

獲

超

昇

風

雨

常

調

順

現

眷

咸

安樂

讀

誦

受

持

人

輾

轉

流

通

者